









HISTORIA  
REGUM HUNGARIÆ,  
PARS II.

---

A

GEORGIO PRAY,  
ABBATE B. M. V. DE TORMOVA, ET CATH. M. VA-  
RADIEN. CANONICO CONSCRIPTA.  
COMPLECTENS RES GESTAS

A B

ANNO M. CCC. ad M. D. XXVI.



---

BUDÆ,  
TYPIS, ET SUMTIBUS REGIÆ UNIVERSITATIS  
PESTANÆ TYPOGRAPHIÆ.

---

ANNO 1801.







## WENCESLAUS BOHEMUS.

*Ab Anno 1301.—1305.*

I. **A**ndrea Stirpis Arpadianæ ultimo rege defuncto, regnum confestim in duas factiones scissum est, auctoritate, & clientum numero, pene pares. Utraque Archiepiscopum antesignanum habuit, qui, de rege deligendo, inter se concertabant. Strigoniensis in Carolum, Colocensis in Wenceslaum, Bohemiæ regem, inclinabant. Nec deerant utrique parti momenta, quibus niterentur. Ambo enim candidati se ad prosapiam Arpadi referebant, & quamquam Carolus propinquiore sanguinis nexu hanc a) contingeret,

1301.

a) Id patet ex hoc laterculo.

Bela IV.

Stephanus.	Anna. Radislaus Dux Haliciæ.
Ladislaus. Maria. Carolus	Cunegundis. Ottocarus Rex Boh.
Rex Sicil.	Wenceslaus. Gutha Rudolphi
Carolus Martellus. Clementia	Imp. filia
Rudolphi	Wenceslaus.
Imp. filia.	
Carolus Robertus.	

A

1301. ret, in Bohemum tamen pars potior, studio imprimis Archiepiscopi Colocensis, conspiravit, quod Carolus juvenis admodum, & Sicilia integro mari ab Hungaria diremta, itaque rebus, ut tunc domi erant, minus opportuna esset; Wenceslaus contra & ætate, & potentia, Poloniam enim Bohemiæ nuper adjunxerat, & ex ipsa vicinia, si usus posceret, ad opitulandum maxime idoneus videretur. Strigoniensis, quem consilia Colocensis non latebant, tempus occupandum ratus, Carolum Zagrabia Strigonium deduxit, eumque, non solita regni corona, incinxit. a) Colocensis, ut sibi rationes fere conturbari vidit, cum Legatis accelerato itinere Pragam ad Wenceslaum contendens, regnum ab Hungaris ei oblatum, prolixè exposuit, orans, ne ad id occupandum moras vellet nectere. Ille, non ignarus eorum, quæ Pontifices hactenus pro Carolo movissent, abnuitt primum, dein precibus Legatorum motus,

---

a) Litt. Bonifacii VIII. anno 1303. apud Raynaldum Nro. 17. & apud Pray Tom. I. pag. 374. & Katona Tom. VIII. pag. 41. ubi hæc. *Carolus nepos ejus, (Mariæ) regnum ipsum in parte non modica, ex persona jam dictæ suæ paternæ aviæ possidebat, & possidet, de quo etiam in Strigoniensi Ecclesia juxta ritum antiquum Hung. per personam idoneam regale suscepit diadema &c.*

1301.

motus, filium suum Wenceslaum, qui decimum tertium ætatis annum agebat, petentibus indulgit; eumque cum exercitu in Hungariam comitatus est. (a) Colocensis, ut rem hactenus adductam properaret, juvenem brevi post solenni ritu coronavit, qui, ut gentis favorem captaret, a coronatione nomen Ladislai, omisso paterno, deinceps usurpavit. (b) Abhinc factiones mutuo sibi adversari, magisque odio, quam armis, inter se certare. Carolus, ne sui causa regnum, quod aliquando se adepturum speraverat, novis calamitatibus objiceretur, prudente usus consilio, Viennam se recepit. Pontifex factum Colocensis Archiepiscopi graviter tulit, eumque, quod in jus sedis Apostolicæ, & Ecclesiæ Strigonienfis, Wenceslao coronato, temere involasset, Romam, ut se purgaret, evocavit, simul Wenceslaum per litteras monuit, ut a proposito desistens, filium in Bohemiam reducat, &, si quid juris in Hungariam se putaret habere, id judicio sedis Apostolicæ decernendum relinqueret, mitti a se idcirco Nicolaum Ostiensem Epi-

A 2

sco-

a) Chron. Zwetlen, apud Linck Tom. I. pag. 535.  
& Gerardus de Roo libr. 2.

b) Hoc nomine, in ejusdem litt. autogr. an. 1302.  
& 1303. usum fuisse, vidi.

scopum, attributa ei Legati auctoritate, ut de controversia inter partes cognoscat. a)

1302.

II. Interea Colocensis Archiepiscopus, quem minæ Pontificis maxime spectabant, obiit, & Nicolaus Legatus, ut Budam venit, re, cujus causa venerat, infecta, coactus est reverti, quod Wenceslaus plerosque Optimatum muneribus corrupisset; b) non tam pronos in sua vota Episcopos nactus, ex quibus Stephanus, Joanni, præcipuo Caroli adversario, in sede Colocensi suffectus, aliamque ab illo rationem amplexus, ut Caroli res sustentaret, Romam cum Michaelē Zagrabienſi, Thoma Jaurinenſi, & Benedicto Veszprimienſi, Episcopis, procuratorio nomine profectus est. Horum, ut videtur, consilio Pontifex usus, ut contentioni inter æmulos finem faceret, partes Romam, ad dicendam causam, accerſiit. Bohemus per nuncios facti ſui rationem, ad liberam electionem retulit, Carolus vero per procuratores, jus ſuum ex proximiorē ſanguinis nexu tuitus, facile Pontificem, ſibi alioquin addictum, permovit, ut publico edicto, eos ſententia excommunicationis percelleret, qui illum regem

1303.

a) Raynald. ad hunc annum Nro. 10. apud Pray Tom. I. pag. 370.

b) Vid. Pray P. II. Hierarch. pag. 67. Item, Chron. Clauſtroneoburg. apud Hier. Pez Tom. I. col. 475. & Thurocz cit. l. c. 86.

gem Hungariæ non agnoscerent, aut hunc titulum Wenceslao, ejusque filio verbis, scriptove auderent tribuere, aut re, consiliove adessent, aut regni proventus illorum nomine pergerent administrare. Denique, ut omnem litibus occasionem præscinderet, Hungaros a fidelitatis, quod Wenceslao præstiterant, juramento absolvit, *a)* data tamen mora quatuor mensium, intra quos jus suum persequi posset. *b)* Simul Albertum Cæsarem per litteras hortatus est, ut Carolo ad obtinendum regnum adjumento esse vellet. *c)* Colocensis Archiepiscopus, mentem Pontificis edoctus, Neapolim cum sociis, ad Caroli avum divertit, & consiliis cum eo habitis, in Hungariam reversus, edictum Pontificis per provincias, quantum per impacatum regni tempus fas erat, divulgavit. *d)* Abhinc res Caroli sensim meliore loco esse cœperant, & Dalmatæ primi omnium illius nomen in publicas tabulas retulere, *e)* multique ex Hungaris, præsertim Austriæ vicinis, intentata a Bonifacio excommunicatio-

A 3

nis

---

*a)* Ibid.

*b)* Raynald. ad an. 1303. Nro. 17. apud Pray Tom. I. pag. 373.

*c)* Balbinus epit. rer. Boh. l. 3 c. 16.

*d)* Raynald. ad an. 1303. apud Pray cit. l. pag. 376.

*e)* Lucius l. 4. c. 10.

1303.

nis poena moti, partes ejusdem amplexi sunt. Mors quoque Pontificis non nihil ad Caroli fortunam in melius mutatam contulisse visa est, cujus nimium in eo obtrudendo studium, apud gentem libertatis suæ tenacem, plurimum hactenus ei obfuit.

1304.

III. Wenceslaus, cum rem huc adductam videret, veritus, ne filio, cui præter nomen regis, fere nihil potestatis, relictum erat, periculum se absente conficeretur, Hungariam cum filio deferere cogitabat. Ut tamen propositum suum celaret, Procerum studia solícite captans, in id curas suas convertit, ut regni Insigniis potiretur, quæ si obtineret, non dubitabat, hoc pignore, quod genti sacerrimum esse norat, se regnum filio constabulituro, & spem potiundæ Hungariæ Carolo ademtum iri. Itaque dolo utendum ratus, incredibile desiderium, filium eo ornatu indutum, quo coronatus erat, videndi præferebat. Ordines nihil fraudis subesse suspicati, ut curiositati illius satisfacerent, regem eodem apparatu, qui in coronatione adhiberi solet, excultum eidem sistunt. Ut huc rem adductam vidit, filio ita induto, intra duo millia militum, quos secum adduxerat, in tutum recepto, (a) & Michaeli Strigoniensi Archiepiscopo, qui acerrimus Caro-

li

---

a) Horneck, c. 740. & 741. apud Pez, Script. rer. Austr. Tom. III.



li propugnator erat, fugato, portas castrorum Strigonienſis violenter effringi, vafa aurea, 1304. reliquamque argenti ſupellectilem, ſacris uſibus deſtinatam, indigna regio nomini rapina, auferri juſſit, tum capituli Tabularium de-  
prædatus, documenta litteraria, avulſis ſigillis aureis, partim corruptit, partim abſtulit,  
a) & cum filio in Bohemiam rediit, malam Hungaris pro beneficio gratiam rependens. b)

IV. Non impune tamen id ei fuit. Carolus abeuntem cum viginti millibus Hungarorum, & Cumanorum, quos ex inſula Cîtuorum collegerat, c) conſequutus, & Znoimam progreſſus, Bohemiam incurſans, circumlata etiam per Moraviam vaſtitate,

A 4

ingen-

a) Pray Hierarch. P. II. pag. 170.

b) Chron. Ms. apud Linck cit. Tom. pag. 560. nominat, coronam, gladium, & tunicam S. Stephani reg. hæc Ivanus, & Henricus Wenceslao tradidere, ut litt. teſtantur Thomæ Archiepiſcopi Strigonienſis. Albæ 1305. prid. cal. Auguſti. *Ipfique Boh. regi, filioque ejus præſato, & miniſtris eorundem, prædictum regnum Hung. potiſſime Strigon. Eccleſiam occupantibus, — ſpoliantibus, — regnicolasque capientibus, coronamque ſacram B. regis Stephani — cum ceteris pertinentibus ad eandem Inſignis, in Boemiam aſportantibus &c.*

c) Cumanorum partem olim in inſulam Cîtuorum a Bela IV. fuiſſe traductam, docent litt. Stephani

1304. ingentem hominum copiam abduxit. a) Inde illi spes potiundi regni oborta, quod æmulus abitu suo Hungaros turpiter prodidisset. Verum isti clientem Pontificum averfati, præ hoc Ottonem Bavarum, Belæ IV. ex filia nepotem, b) Wenceslao subrogarunt. Carolus spe sua iterum frustratus, ne causam suam deferere videretur, fœdus cum Rudolpho, Austriæ Duce, pepigit, c) quo sibi mutuo auxilia stipulati sunt, cui mox accedere Strigoniensis, & Colocensis Archiepiscopi, tum Transilvanus, Jaurinensis, Nitriensis, & Bosnensis Episcopi, complures quoque ex optimatibus, inter quos tres Palatini, Omodæus, Rorandus, & Oporius, d) aliique a gestis regni Magistratibus insignes, fuere, qui pa-

---

phani regis, an. 1272. *Volumus, sicut ante dictus dominus rex, charissimus pater noster voluerat — de insula Chut, in qua Cumani, per præfatum Belam regem — fuerunt constituti. &c.*

- a) Chron. Ms. apud Linck cit. Tom. pag. 560.
- b) Averfa Sigilli pars an. 1306. hanc epigraphen refert: *S. Primi. Ottonis. Regis. Vngarie. Nepotis. Quarti. Bele. Regis.*
- c) Tabulas fœderis vide apud Pray Tom. I. pag. 378.
- d) Non, quod eodem tempore hunc Magistratum gesserint, sed diverso, aut certe ab æmulis regni simul fuerint renunciati.

pactione inita, se illos, qui Carolo, & Rudolpho, amici, inimicive essent, sibi etiam futuros, data fide sponponderant. a)

Nec opposita his factio segnior, missis Legatis Ottonem, ut in Hungariam acceleret, orabat, qui, ut Hungarorum in se vota conspirasse intellexit, confestim in Bohemiam ad Wenceslaum contendit, ut de recuperandis regni Insigniis cum eo transigeret, si ne quibus dubiam regni possessionem sibi futuram videbat. Commode factum, quod pater Wenceslai jam obierit, regnum filio relinquens, qui paterna hæreditate contentus, facilem se Ottoni præbuit, &, traditis regni Insigniis, simul juri in Hungariam renunciavit. Ille his obtentis, Brunam movens, recto itinere in Hungariam evadere cogitabat, cum repente mutato consilio, per extimam inferioris Austriæ partem, perdita per incuriam bajuli, sed iterum reperta corona, Sopronium, delusis Carolo, & Rudolpho, qui eum aditu in Hungariam intercludere volebant, incolumis pervenit, ubi a suis magna lætitiæ significatione acceptus, & Albam regiam deductus, a Veszprimiensi, & Csanadiensi Episcopis solemnî ritu coronatus est. b)

## OTTO

a) Vide Pray P. II. Hierarch. pag. 349.

b) Chron. Ms. apud Linck cit. Tom. pag. 571. Salisburgen. apud Hier. Pez Tom. I. col. 402. & 475. Thurocz cit. l. c. 88.

## OTTO BAVARUS.

*Ab Anno 1305. — 1308.*

- I.** Coronatione, anno vergente jam ad finem peracta, non diu quieto Ottoni esse licuit. Rudolphus elapsam sibi prædam, & Carolum rursus regno exclusum, ægre ferens, ductis in Hungariam copiis, ditionem inter Leitham, & Arabonem fluvios sitam, abducta ingenti præda, populatus est, nullo tamen emolumento illius, cujus causa arma sumferat. Hungari enim vicissim Austriæ infusi, cladem reddidere, atque ita bellum mutua ditionum vastatione, finem habuit, &
- 1306.** Rudolphus, jussu patris, militem in Bohemiam traduxit, ut hanc, cæso a suis rege Wenceslao, secundum pacta juri Austriæ assereret. *a)* Sed, ut hunc conatum Henricus Carinthiæ Dux, cui soror cæsi Wenceslai matrimonio juncta fuit, interverterat, ita res quoque Caroli, & Ottonis fere affixit, quod ille in Rudolpho, hic in Bohemorum auxilio spem hactenus reposuissent. *b)* Itaque, cum aliunde opem vix sibi affuturam viderent, uter-

---

*a)* Chron. Ms. apud Linck, cit. Tom. pag. 571. & 78. Hist. Ducum Stiriae pag. 151.

*b)* Chron. apud Linck l. cit.

uterque factionem partibus suis addictam sustentare nitebatur.

II. Ac Otto quidem, ut animos Nationis sibi arctius conjungeret, consilio suorum persuasus, Ladislai Wayvodæ Transilvaniensis filiam sibi despondit, cumque illam visurus in Transilvaniam contendit, a designato socero, per Albertum Cæsarem subornato, captus, utraque annum detentus est, nec ante dimissus, quam regni Insignia ei tradidisset, quibus resignatis, per Rufsiam, & Silesiam, retento, dum vixit, regis Hungariæ titulo, in Bavariam sequente anno rediit. a) Clemens V. Pontifex, videns Hungariam tot annorum motibus quassari, misceri perinde res sacras, & profanas, causamque omnium eam esse, quod Proceres cum non paucis Episcopis, rejecto Carolo, in deligendis regibus discordes essent, datis ad Strigoniensem, & Colocensem Archiepiscopos gravissimis litteris, utrique mandavit, ut eos, qui Carolum nollent regem agnoscere, iisdem poenis Ecclesiasticis, quibus fautores Wenceslai Bonifacius VIII. affecerat, perstringendos esse, per regnum divulgarent, mittendum a se Fratrem Gentilem, quem recens Cardinalem cre-

1307.

---

a) Compilatio rer. Boicar. apud Oefelium, Tom. II. pag. 341. Chron. Claustroneoburg. apud Hier, Pez Tom. I. col. 478.

creasset, qui opportunam rebus medelam al-  
1307. laturus esset. a)

III. Valuit comminatio, & præcipue Ottonis captivitas, ut regni Ordines, qui se ab uno regum desertos, alium vero captivum teneri videbant, unanimi consensu Comititia in campum *Rákos* indicerent, & post exstinctam virilem Arpadi stirpem, jure suo usuri, b) communibus suffragiis regem eligerent, cujus posteritas, eadem, qua familia regia Arpadi, prærogativa deinceps frueretur. Carolus clam a suis monitus, ut Conventui adesse vellet, paucis suorum comitatus, improvise adfuit. Hæc confidentia, mentisque præsentia, qua se coram opposita etiam factione sistere ausus erat, mirum, quam subito omnium animos in se converterit. Utraque enim factio, quæ se hactenus mutuis odiis impetebat, & opinionum varietate, in eligendis duobus regibus, inter se digladiabatur, opera imprimis Thomæ Strigoniensis, & Vincentii Colocensis Archiepiscoporum in unam sententiam conspirans, Carolum regem elegit, & ne regnum frequenti mutatione domini, iisdem, quibus ante, calamitatibus agitaretur, jus successionis ad ejusdem posteritatem traduxit, c) conditis quoque legi-

---

a) Raynaldus ad an. 1307. Nro. 15.

b) Vide Notit. præv. §. 3.

c) Ibidem.

legibus, quibus damna, tempore duorum de-  
cessorum, juri regio, ordini Ecclesiastico, & 1307.  
oppressis Nobilibus illata, compensari jubentur, iique, qui Carolo obedientiam detrectarent, hostes publici haberentur; ad quæ servanda omnes unanimiter, præstito juramento, se obstrinxere. a)

## CARO-

- a) Leges, idem Decret. cujus ibid. in Notit. præ-  
mentio fit, continet in hæc verba: *Quicumque  
vero dignitatem aliquam, seu possessionem,  
tributa, vel jura aliqua ad regalem, vel regi-  
nalem magnificentiam pertinentia obtinet, abs-  
que contradictione qualibet, libere eidem domi-  
no nostro regi restituat, nisi forte suum hoc ef-  
se evidenter ostenderet. Possessiones etiam, seu  
jura alia ad Ecclesias, Nobiles homines, vel  
quoscunque alios pertinentia, qui occupata de-  
tinent, nisi super eis legitima instrumenta osten-  
derint, ea suis dominis, sine difficultate qua-  
libet restituant, nullo unquam tempore ad ea  
redituri. Nobiles quoque regni Hung. quos  
hactenus indigna servitute oppressisse dignoscun-  
tur, juxta naturalem ipsorum libertatem, cui-  
cunque, & ubicunque voluerint servire, seu  
propriis rebus curam impendere, sine omni  
contradictione permittantur. Si quis vero in  
ipso regno Hung. obstinato animo, eidem do-  
mino nostro regi obedire contempserit, velut  
infidelē, ac hostem publicum, singuli reputa-  
bimus.*

## CAROLUS ROBERTUS.

*Ab Anno 1308. — 1342.*

**I.** Electioni, cum jure successionis in familiam regiam iterum ab Ordinibus traducto, Cardinalis Gentilis, postquam res in Dalmatia feliciter confecisset, supervenit. Missus erat

*bimus. Hæc omnia suscepimus observanda perpetuo, præstito in manus Ven. Patris, Domini Thomæ Archiep. Strigoniensis, corporaliter juramento, præsentibus eodem domino nostro rege, domino Vincentio — ac aliis Episcopis, cætuque, ac magna regni frequentia in eadem solempni Congregatione adunata, obligantes nos, ut, si quis huic ordinationi contraire præsumpserit, infidelis regi, & regno, hostisque publicus deputetur, & in sententiam excommunicationis, quam idem dominus Thomas Strigoniensis ac dominus Vincentius Colocensis Archiepisc. cum pluribus aliis coepiscopis ibidem promulgasse dignoscuntur, incidat, & persona ipsius, ac res ad manus regias, absque contradictione qualibet, devolvantur. In cujus testimonium, perpetuamque firmitatem Sigilla nostra, ac Ven. Patrum prædictorum præsentibus duximus apponenda. Actum hoc apud*



erat a Pontifice, ut, sublato diuturno animorum dissidio, res Hungariæ componeret, & Caroli causam tueretur. Ut vero vidit, hanc ordinum consensu jam anno superiore confectam esse, cupiens illam nomine Pontificis magis firmare, parum absuit, ut penitus affligeret, cum jus, confirmandi regis, ad Pontificem pertinere, in primo cum Ordinibus congressu, asseruisset. Offensi obsoleto hoc præjudicio, negabant, hujusmodi jus Pontifices unquam habuisse, esseque ex Majorum instituto in Ordinum arbitrato, ut, extincta virili regum familia, regem, quemcunque vellent, censerentque conservando, & augendo bono publico idoneum, renuntiarent. a)

Lega-

---

*apud Ecclesiam B. Petri, in Rdkos, Anno Domini 1307. in crastino B. Dionysii Martyris.*  
 Hæc satis indicant, plerisque Magnatum, non tam libertatem, quam præferebant, eligendi regis cordi fuisse, quam ut in ea, quam studiose alebant, rerum perturbatione, occasionem haberent, proventus regios fundosque Ecclesiarum invadendi, Nobilesque, qui tenuioris fortunæ erant, opprimendi, quibus pene in servitutem redactis, nihil propius erat, quam ut ipsi, evacuata regum auctoritate, soli dominarentur.

- a) Apud Raynald. ad Anno 1308. Nro. 23. „  
 „ Post quæ, sub specie tuendæ libertatis ejus-  
 „ dem

1308.

Legatus, ne rem hucusque ab ipsis Ordini-  
bus feliciter adductam, importune corrumpere-  
ret, tempori celsit. Prudenti hac dissimula-  
tione cum videret animos pacari, usus oppor-  
tuni-

---

„ dem regni, inter ipsos Barones, & Nobiles  
„ murmur, quod ipsius domini Legati attigit  
„ aures, per querelam patulam in publicum  
„ productam, exoritur, videlicet “ *quod no-*  
*lebant, nec erat aliquatenus intentionis eorum,*  
*quod Ecclesia Romana, vel ipse dominus Le-*  
*gatus, ejus nomine, sæpe dicto regno de rege*  
*ullatenus provideret, sed placebat eis, quod*  
*illum, quem ipsi ex antiquo, & approbato*  
*more vocaverant, & in regem assumerant,*  
*præfatus dominus Legatus, ejusdem Ecclesiæ*  
*Rom. nomine, in verum regem Hungariæ confir-*  
*maret; & quod etiam perpetuis futuris tem-*  
*poribus, veri Summi Pontifices, & ipsa Rom.*  
*Ecclesia haberet jus confirmandi, & coronan-*  
*di reges Ungariæ, de vera regali progenie pro-*  
*pagatos, quos ipsi unanimiter, & concorditer*  
*de dicta progenie ducerent eligendos. Merito*  
*Ordines intercesserant. Nec enim uspiam ve-*  
*stigium exstat, quo doceri possit, a Pontifici-*  
*bus reges Hungaris esse datos, & constitutos.*  
*Id quidem Gregorius VII. postea inter Sanctos*  
*relatus, sub regibus Salomone, Geisa, & S.*  
*Ladislao tentaverat, irritum tamen conatu, quod*  
*in ea persuasionem esset, Hungariam a S. Ste-*  
*phano*

tunitate, sanctiones, nemine dissentiente, edidit, quibus ea, quæ Ordines jam ante ejus adventum, ad instaurandam rem publicam constituerant, suo quoque assensu firmavit. Hæ potissimum ad regis statum, ac immunitatem, ad præstandam eidem a subjectis fidelitatem, tum ad bona, quæ ad jus regum, & reginarum antiquitus pertinere, illibata servanda spectabant. In regis immunitatis violatores, quoniam auctoritas regia fere vilescbat, pœna gravissima constituta fuit. Si quis regi manus injicere, vel nocumentum inferre ausit, vel partem in hoc scelere haberet, patratores juvaret consilio, aut favore prosequeretur, eo ipso feudis suis, ceterisque Nobilium immunitatibus censeretur privatus esse, quin ut pœna latius pateret, filii etiam

---

phano rege olim Ecclesiæ Rom. fuisse donatam. Ita enim ad Salomonem scripserat: *Nam sicut a Majoribus patriæ tuæ cognoscere potes, regnum Hung. Sanctæ Rom. Ecclesiæ proprium est, a rege Stephano olim B. Petro, cum omni jure, & potestate sua oblatum, & devote traditum.* Confer Notit. præv. §. 29. Juri autem, quod Ordines Pontificibus tribuunt, reges confirmandi, derogatum est a successoribus, cum ipse etiam Ludovicus, Caroli filius, nullibi legatur, a Pontifice confirmatus fuisse, nec ceteri deinceps reges.

etiam illorum, nullius dignitatis, beneficiique  
 1308. Ecclesiastici, capaces essent, nisi summus Pontifex delicti veniam faceret. *a)* Egit præterea de rege coronando, sed cum usitam regni coronam Ladislaus Wayvoda Transilvanus abhinc, quam Ottoni illam extorserat, in potestate haberet, unanimi Antifitum, Baronum, Nobiliumque consensu decrevit, ut alia interim pararetur, cujus eadem, quæ illius vis, ac potestas esset. *b)*

II. Hac confecta, & ex ritu Ecclesiæ sa-  
 1309. crata, nihil jam ad consequendam jurisdictionem regiam Carolo deerat, quam ut coronatio perageretur. Peracta est XV. Junii *c)* Budæ in Ecclesia Beatæ Virginis per Strigoniensem Archiepiscopum, præstito prius a rege Ordinibus, & accepto vicissim ab his fidelitatis, juramento. Illius hæc fere summa fuit: rex fidem Catholicam, quam Romana Ecclesia profitetur, teneat, Ecclesias, harum.

*a)* Document. exstat apud Péterfi Concil. Hung. Par. I. pag. 148.

*b)* Ibidem.

*c)* Thomæ Strigon. Archiep. litt. apud Koller Episcop. Quinqueecclesien. Par. II. pag. 297. *Karolus Rex illustris — XVII. Kal. Jul. cum Magno Prælatorum, Baronum, Nobilium, Cleri, populiq; tripudio, per meos Strigonien. Archiepisc. manus — de voluntate, & assensu nostrum, & Baronum exstitit coronatus.*

harumque Episcopos fœatur, jura Nobilium 1309.  
 illibata servet, nec sinat eos a potentioribus  
 opprimi, limites legitimi conjugii ne excedat,  
 populo curæ suæ credito studeat prodesse  
 magis, quam obesse, nemini, nisi præmissis  
 diligenti examine criminis convictus fuerit,  
 mortis pœnam constituat, omnibus denique  
 jus indiscriminatim administret. a) His præter  
 morem additum, ne Papani, hujusque Legatos  
 impugnet, jura Ecclesiæ Romanæ defendat,  
 nec ejus statuta, terrasve impetatur, quin  
 det operam, ut alienatæ, quoad posset, integre  
 restituantur. Hæc regni Neapolitani, quod  
 fiduciario jure Pontificibus obnoxium erat,  
 causa, credo adjecta esse. Carolus enim  
 Martelli filius, titulo juris primogenituræ,  
 avo successurus putabatur, quod si factum  
 fuisset, accessione novi regni, & classe maritima,  
 quæ nobis hactenus defuit, insigne auctarium  
 ad Hungariam factum esset. Sed obstabat,  
 qui hoc anno obierat, avi testamentum, qui  
 relictis, ut alias memoravi, Carolo nostro  
 bis mille auri uncis, jus primogenituræ in  
 Robertum tertio genitum filium suum trans-  
 tulit. b)

B 2

Ita

a) Juramenti formam exhibet Excell. Episc. Transilvan. C. a Batthyán Legg. Eccles. Tom. I. p. 462. & Katona Hist. Tom. VIII. pag. 171.—77.

b) Leibnitz. Cod. jur. gent. diplom. pag. 52:—  
*instituímus hæredem & universalem successorē*

1310. Ita Carolus tunc quidem hac spe excidit, cui alioquin domi satis curarum erat, quibus a prosequendo suo jure abstinere cogeatur. Plerisque enim parum securitatis in eo videbatur repositum, quod Rex novitia, non item illa, qua decessores solebant, corona incinctus fuisset. Id ubi Strigoniensis Archiepiscopus comperit, nihil moræ interponendum ratus, habita cum Legato Pontificis, & Omodeo Palatino deliberatione, per litteras, & nuncios cum Wayvoda Transilvaniensi, de ea recuperanda egit. Nec is, constituto jam rege, se difficilem præbuerat. Szegedini, ut de restitutione ageretur, conventum. Wayvoda jure jurando se in fide Caroli mansurum, & non solum coronam, ad diem S. Joannis Baptistæ, aut citius, si Rex juberet, vel ipse in Transilvaniam venturus esset, resignaturum, sed quæcunque præterea ad proventus regios pertinerent, redditurum, pollicitus, simul tamen, si illam restituerit, mercedem pactus est. a) Recuperata secundum conventionem corona, Albam profectio indicta, & Rex sexto calendas Septembris, jam quartum coronatus est. b) Hunc tandem in modum

---

*rem nostrum in regnis nostris — Robertum primogenitum nostrum, Ducem Calabriae &c.*

a) Fridvalsky Mineralog. Transilv. pag. 107.

b) Litt. regis apud Pray Hierarch. Par. I. pag. 106. ipso novo diademate exstitimus coronati,

&

dum suspicio, si quæ adhuc animis infedisset, 1310.  
 omnibus exempta, & Carolo, ab æmulis libero, regni possessio constabilita fuit, multis  
 tamen curis in principio impedita. Regni  
 ærarium rapinis exhaustum & proventus re- 1311.  
 gios ab aliis usurpatos reperit, Bani in Cro-  
 atia, & Bosnia, dum rivalet de successione  
 inter se contendebant, fere jure regio uteban-  
 tur, Veneti in Dalmatia ditionem suam ul-  
 tra Jadram proferebant, ita dissensiones do-  
 mesticas alii sensim in suum lucrum conver-  
 terant. Cogitanti his malis mature obicem  
 ponere, opportune Jadrenses, excusso Vene-  
 torum dominio, in fidem pristinam rediere.  
 Nihil regi, ut tum res domi erant, in plures  
 rei publicæ partes intento, commodius ad le-  
 niendas curas accidere poterat. Grato igitur  
 animo civium voluntatem accipiens, easdem  
 illis, quas hactenus reges Hungariæ, cum-  
 primis Bela IV. largiti erant, immunita-

## B 3

tes

---

*Et licet hujusmodi coronationis modus sufficiens  
 existisset, ut opinioni tamen gentis Hungaricæ  
 satis fieret, & ut scandalum de medio tolleretur,  
 recuperata — per sollicitam curam ejusdem D.  
 Archiepiscopi, ipsa sancta corona — rursus  
 in loco debito, videlicet in Alba regia, ubi  
 solitum est ab antiquo reges Hung. coronari,  
 facta convocatione universorum Prælatorum,  
 Baronum, fidelium regni nostri — eadem san-  
 cta corona de novo existimus coronati.*

tes confirmavit, data simul potestate, ut ur-  
 1311. bis rectorem, sive ex suis popularibus, seu  
 aliunde vellent accersere, liberum eligendi  
 arbitrium haberent. a) Hinc inter regem, &  
 Venetos primum de jure ligitatum: hi præter  
 duas tributi partes a porta Jadrensi, nihil aliud  
 juris regii esse, b) cetera autem a vetustissi-  
 mis temporibus, & ex conventionione cum Bela  
 IV. inita, c) ad se pertinere contendebant,  
 idque Nicolao Grimano, Legato suo, ut  
 apud regem diligenter ageret, in mandatis  
 dedere; d) Rex contra, jus suum in univer-  
 sam

a) Lucius I. 4. c. 12. & Pray annal. Par. II.  
 pag. 2.

b) Litt. Ducis Venetor. ad regem, an. 1311. d.  
 12. Nov. apud Muratorium scriptor. rer. Ital.  
 Tom. XII. pag. 495. ubi inter reliqua, hæc:  
*per consequens in eadem (Jadra) & jus ve-*  
*siri regni Hung. expressum, & notorium in*  
*ipsa civitate semper voluimus, & fecimus, ob*  
*reverentiam, & amorem regum, prædecessorum*  
*vestrorum, tamquam qui intendimus non tur-*  
*bare jura regia, sed ad conservationem eorum*  
*dare potius auxilium, & favorem &c.* Inte-  
 gras vid. apud Pray annal. Par. II. pag. 2. 3. &c.

c) De conventionione hac inita, sed rursus antiqua-  
 ta, confer ea, quæ in rebus Belæ IV. ad an.  
 1244. Nro. 5. & ad an. 1254. Nro. 9. dicta sunt.

d) Litt. Duc. Venet. apud Murator. l. cit. pag.  
 493. & apud Pray Par. II. pag. 4. 5.



sam Dalmatiam extendebat. Ex litigatione  
juris, ad arma ventum. Veneti, cum viderent, regem nihil de sua constantia remittere, missa classe, Jadram obsedere, Rex vicissim Paulum Bosnia Banum obsessis auxilio misit. 1312.

IV. Quo minus ipse Jadrensis adesse posset, novi in regno motus impedivere. Matthæus Trencinienſis, fortunarum amplitudine ceteris Magnatibus affluentior, & sub Wenceslao regni Palatinus renunciatus, illo in Bohemiam reverso, nec Ottonis, nec Caroli partes amplexus, seorsim Principatum sibi parabat. Vastata ultra ditionem suam utraque Vagi ripa, Nitrienſis quoque Episcopatus partem depopulatus, exustis etiam, quæ juris Archiepiscopi Strigonienſis erant, villis, a) jam ipsi Strigonio imminebat, cum rex, seditionem in principio opprimere cupiens, in rebellem profectus, conferto ad vicum Rozgonium prælio, fugatum, magnaque ditionum parte mulctatum, b) in ordinem rediit.

Fructum victoriæ, qua seditiosi ad tempus in metu continebantur, Mladinus Banus perfidia sua temeravit, Is auro Veneto corruptus, c) Jadrensis, qui se hactenus fortiter

B 4

tue-

a) De damnis Archiep. illatis vid. document. apud Pray Hierarch. Part. II. pag. 169.

b) Thurocz Part. II. Chron. c. 90. & litt. regis an. 1312. in festo B. Eliæ.

c) Mussatus de reb. gestis Ital. l. 2. & Madius c. 6.

1313. tuebantur, auctor fuit, ut Venetis, quando  
ferum, aut nullum ex Hungaria affuturum  
esset auxilium, honestis conditionibus se de-  
derent. Persuasi, deditionem his pactis fe-  
cere: cives liberam facultatem Comitis eli-  
gendi, & Veneti auctoritatem confirmandi il-  
lius habeant; ceteris arbitrio illorum permis-  
sis, æquo jure socii deinceps essent, liberaque  
navigatione uterentur. a) Mladino pacifica-  
tori honor Patriciatus Veneti concessus. Ba-  
ni perfidiam, Rex dissimulare tum quidem co-  
gebatur, quod Tartari, quorum aliquot turmae  
ab obitu Ladislai resisterant, adjuncta sibi la-  
trocinantium colluvie, actis spoliis, ma-  
gnam Christianorum copiam in servitutem ab-  
egissent. b) Accessit aliud quoque impedi-  
mentum ex fœdere cum Friderico, Austriæ  
Duce, inito, quo Rex Duci contra Ludovi-  
cum Bavarum, uterque enim, dissentientibus  
Electoribus, Imperator electus erat, suppe-  
tias se laturum, & Dux vicissim, Posonium,  
cum ea ditione, quam Andreas III. conjugi  
sue Agneti, dotis nomine contulerat, se red-  
diturum, sponponderant. c) Copiæ igitur do-  
mi

a) Lucius I. 4. c. 12.

b). Clementis V. litt. ad Hungaros apud Raynald.  
& Pray Parte II. pag. 11. ad an. 1314.

c) Diplomatar. Stiriae Nro. 155. apud Pray Parte  
II. pag. 11. & Continuator. Martin. Poloni  
apud Eckart. Tom. I. col. 1443.

mi retinendæ erant, ut ex pacto, cum res posceret, fœderato Duci in subsidium mitterentur, Mladino autem, qui maritimas Dalmatiæ urbes insolitis oneribus premebat, a) tempus interea datum, ut, aucta in dies potentia, sensim ad tyrannidem aspiraret.

V. Inter has, quas regno, pro regis officio, impendebat, curas, ea quoque, quæ jure avitico sibi existimabat deberi, minime negligenda esse censuit. Bis mille enim auri unciis, quas ei avus testamento legaverat, si cum iis, quæ reliquis cohæredibus obtigerant, conferret, parum sibi, ad quem ceteroquin successio in regno Siciliæ, jure paterno pertinuisset, obvenisse putabat. Ad jus itaque suum vindicandum, misit ad Robertum Siciliæ regem, Joannem Delphinum, Comitem Viennensem, & Albensẽ, b) qui Principatum Salernitanum, & Honorem montis sancti Angeli, velut legitimam hæreditatis partem, regis nomine postularet. c) Est is

mons

a) Lucius I. 4. c. 13. & Farlati Tom. IV. p. 371.

b) Cur hunc Rex fratrem suum dicat, mihi obsecrum est. Litt. vid. apud Katona Tom. VIII. pag. 327.

c) Ibid. *Constituimus, & creamus nostrum certum Procuratorem, & nunciũ specialem, & generalem, illustrem, & magnificum virum, D. Joannem Delphinum, Viennensem & Albensẽ.*

1317.

mons in Apulia, Gargani nomine alias cognitus, cui oppidum infidet, cujus ditio amplissima ad litus maris Adriatici porrecta, Dalmatiæ objicitur, freto, quod interjectum est, facile navigabili diremta. Hanc sibi Carolus tribui imprimis cupiebat, cum ut res Dalmaticas hinc quoque tueri posset, tum ut Venetis, ditionem suam in Dalmatia latius identidem præferre cupientibus, ex utraque maris parte frænum injiceret.

1318.

Jus suum hæreditarium prosequenti, conjux Maria, Casimiri Poloniæ Ducis filia, e vivis erepta fuit, a) ex qua cum nullam prolem sustulerit, regi tamen, quod ei hoc anno ex concubina filius Colomannus esset natus, b) novo conjugio opus esse videretur.

1319.

Beatricem, Henrici Imperatoris filiam, Joannis Bohemiæ regis sororem, sibi in conjugem ad-

*sem comitem, dominumque de Turre, fratrem nostrum carissimum, ad petendum, exigendum, & recuperandum a serenissimo D. Roberto, Dei gratia Hierusalem, & Siciliæ rege, vel à quopiam alio, possidente, seu tenente, Principatum Salerni, — nec non & honorém montis sancti angeli, sive constant in civitatibus, seu castris, vel villis, — nec non & jura, jurisdictionemque dicti Principatus, & Honoris. — ad petendum, & exigendum omnia, & singula jura &c.*

a) Madius cit. l. c. 13.

b) Vid. Pray Hierarch. Part. II. pag. 712. 73.

adſeivit, a) hac quoque anno evoluto ſubla-  
ta, Eliſabetham, Wladislai Poloniæ Ducis, 1320.  
cujus ditiones, Siradienſi, Cracoviænſi, Gnes-  
nenſi provinciis, & rubra Ruſſia contineban-  
tur, filiam, uxorem duxit, b) ingenti ſuo,  
& regni emolumento, cum & plures ex hac  
liberos ſuſceperit, & ſenſim viam quaſi ſtra-  
verit, ut Polonia Hungariæ olim conjunge-  
retur. A pompa nuptiarum ad bellum re-  
pente vocato, novæ occaſio data eſt, ut re-  
gni limites, facta acceſſione, propagaret.  
Vroſius rex Serviæ, & Hungariæ fiduciarius,  
abhinc, quam tres æmuli de regno contende-  
bant, dominatum ſibi parare, & ditionem  
ſuam in Macedoniam, & Achajam proferre  
conabatur. Hac prolationis cupiditate, Phi-  
lippus Tarentinus, regis avi quarto genitus,  
cui pater Achajam teſtamento reliquerat, c)  
irritatus, arma in Vroſium ſumere decrevit.  
Eadem regi cauſa erat, ut ab obſequio ſece-  
dentem bello peteret. Datis igitur ad Ba-  
num Boſnensẽ mandatis, ut cum ſuis co-  
piis ſibi præſto eſſet, in Serviam profectus, ubi  
primum ad fluvium *Obonam* Vroſium nactus  
eſt, prælio fractum, ad priſtinam obedientiam  
revo-

---

a) Madius ibid.

b) Thurocz Chron. Part. II. c. 92. & Madius,  
cit. I.

c) Leibnitz, Cod. jur. gent. Part. I. pag. 52.

revocavit, a) simul occasione usus, partem Macedoniæ in potestatem redegit. b)

1321. VI. Reduci non leve per absentiam periculum fere confectum est. Petrus quidam, ut opibus potens, ita infenso in regem animo, eadem, qua olim Matthæus Trenchinienſis, inſa-

a) Hujus meminit Ludovicus in Litt. an. 1347. prid. Kal. Jul. Porro cum idem genitor noſter — ipſum Stephanum, nunc Wayvodam, tunc Magiſtrum agazonum — in terram Raciensẽm deſtinãſſet, idem Stephanus ipſam terram Raciensẽm uſque caput fluvii Obona penitus deſtruendo ſpoliavit &c.

b) Joannes XXII. Pont. in litt. ad Fridericum Imperat. datis, apud Raynald. ad an. 1320. de ſubacta Macedonia hæc habet: *Caroli regis Hung. illuſtris, jucunda, & grata relatio, noſtro Apoſtolatui patefecit, quod dudum ipſe — in potenti manu, & exercitu copioſo procedens — de dictis Schiſmaticis feliciter triumphavit, ita, quod regnum Macedoniæ, ſicut nota evidentia facti in illis partibus evidentius notum reddidit, de manibus illorum ereptum, ſuæ ſubdidit ditioni.* Fuiſſe jam olim aliquam Macedoniæ partem juribus Hung. obnoxiam, teſtatur Dipl. Belæ IV. an. 1269. quo civitatem *Caſtoriam*, cum vicino agro, familiæ *Ohmuchievichii* contulerat, quam donationem poſtea Ludovicus an. 1349. Sigismundus ann. 1395. & 1406. confirmarunt.

infantia correptus, Principem Russici sanguinis, quamquam invitum, in Hungariam inducere statuerat, ut eum Carolo opponeret, aususque propterea cum Doula Transilvaniæ Wayvoda configere, victus, & bonis omnibus exutus est, nulla vel spe posteris suis relictæ, ut iis aliquando potiri possint. a) Quo magis sibi rex externos conciliare, necessarium putabat, ut, si quid domi rursus discriminis oriretur, suppetias aliunde quoque haberet. Quare iterum fœdus, cum Friderico Imperatore alias sancitum, b) instauravit, ei-que supremum cum Ludovico Bavaro certamen inituro, quatuor millia Hungarorum, & ex Cumanis lectissimos sagittarios, c) uni-

ver-

---

a) Vide Katona Tom. VIII. pag 431.

b) Tabular. Cæsareum apud Ant. Steyrer, S. J. in comment. de reb. Alberti II. pag. 3.

c) Ab hoc tempore rex Cumanos secundum diversam armorum tractationem bifariam divisit. Pars sagittis militabat, *Jászones*, ab *Ijas*, quod nobis sagittarium notat, dicti: Pars a *balistis*, in oppugnationibus adhiberi solitis, primum *balistarii*, postea corrupto nomine, *Philistæi* nuncupati. Postquam autem vetus armorum usus obsolevit, utrique equites in bello mereri solent. *Jászones* memorat Carolus in litt. an. 1323. dum quemdam nomine *Lárzán*, filium *Zokán*, ex jurisdictione filio-

1322. ~~\_\_\_\_\_~~ verse auxiliariorum viginti sex millia, suppetias milit. a) Ipse vero suis profectionem in Dalmatiam indixit, quam Mladinus tyrannide sua adeo presserat, ut Tragurienses cum Sibenicensibus, fidi ceteroquin Hungarorum focii, se denuo Venetis dediderint, ea tamen cautela usi, ut honor, & jus regis Hungariae saluum integrumque maneret. b) Simul instaurato, quod priore anno inter se pepigerant, foedere, c) Paulum, Comitem Breberensem, in armorum societatem adscivere: d) Mladinus, comperto, quid illi adversum se cuderent, tempus occupans, utriusque urbis ditioni, vastitate illata, cum audiret, regem cum copiis Tinninum adventare, regressus misso

---

rum *Keverge* eximit, & speciali favore, in *costum Jaszonum specialiter regie majestati exercituare debentium*, ob *præclara in bello præstita servitia*, transfert. Hodie nomine *Jazygum* veniunt. *Philistæi* occurrunt in litt. Sigismundi, an. 1427, in quibus Stephanus *Boharnik de Berzençe*, *Philistæorum regali-um Comes* dicitur. In Cod. jur. patrii passim *Cumani* audiunt, primaque, si rite recorder, *Philistæorum* mentio fit in Wladislai Decreto an. 1498. art. 47.

a) Albertus Argentin. sed ad an. 1323.

b) Lucius I. 4. c. 14. de reb. Dalm.

c) Idem *Memorie istoriche di Tragurio*, p. 166.

d) Id. ibidem.



misso fratre suo Georgio, gratiam regis implorabat, quem dum ipse eadem de causa esset consequutus, comprehendi, & in Hungariam abduci iussus, rex autem, allato nuncio, quam infelicitè Friderico contra Ludovicum, pugna ad Mùldorffum ceciderit, cura Dalmatiæ Joanni Bobonicio credita in Hungariam reversus est. *a)* 1322.

Nihil tamen, capto etiam Mladino, res feliciores in Dalmatia fuere. Georgius frater illius, eundem morem sequutus, non modo urbes, imprimis Spalatensem, actis crebro spoliis, infestabat, sed ipsum quoque Bobonicium, a rege abstractum, in suas partes pellexit. Utrumque quidem Nicolaus Giletus a rege missus in ordinem redegerat, *b)* 1323.

sed, dum nullo isthic relicto Hungarorum præsidio, reversus esset, Georgius paulum post resumto animo, conciliatis sibi etiam Croatis, rursus res novas moliri cœpit, suumque propositum, latrocinando magis, quam arma conferendo, prosequutus, anno sequente a Neliptio Cetinensium Comite, ad Tinninum profligatus, & in captivitatem redactus est. *c)* Ex Bobonicio quoque, perfidiæ reo, Stephanus Bosnensis Banus, cum Comite Vegliensi, expugnatis, quæ illius juris erant, castris, 1324.

1325.

*a)* Madius c. 18. & 19.

*b)* Idem c. 22.

*c)* Idem c. 23. & Lucius Memorie istor. p. 177.

castris, jussu regio pœnam sumsit, & ad quietem stabiliendam præfidiarios Hungaros Bihacſio impoſuit. *a)* Glifcebat nihilominus, 1326. quæ ob diverſam utriusque Nationis linguam, dudum coaluerat, inter Croatas factio, qui collato sæpe per nuncios, & litteras, cum Bosnenſibus, Dalmatis, ac ipſis etiam Venetis, conſilio, nihil pacati pollicebantur, ipſe adeo Neliptius, poſt captum Mladeni fratrem, polliticis illorum depravatus, ad eliminandos, qui recens Bihacſio impoſiti erant Hungaros; operam ſuam addixit. *b)*

VII. Hoc loco res Dalmaticæ erant, 1327. cum rex ad ſœdus illud, quod biennio abhinc cum Joanne Bohemorum rege, de reddendis utrinque transfugis pepigerat, *c)* aliud quoque adjunxit, quò ſibi communes utrinque amicos, & hoſtes futuros, ſtipulati ſunt, Auſtriæ Ducibus ſolum exceptis, in quos ſi Bohemi moverent, rex a ferendo eiſdem auxilio immunis eſſet; contra ſi Auſtrii Bohemos bello peterent, iſtis ſuppetias ferret. Ad confirmandum ſœdus, actum quoque de ſponſione futuri matrimonii inter Ladislaum Carôli

*a)* Madius c. 28.

*b)* Lucius Mem. iſtor. pag. 187 — 89.

*c)* Apud Lunig Cod, Germ. diplomatic. Tom. 1. pag. 991. Nro. 34. dat. in alto caſtro, ſeu Viſſegradi, an. 1325. Dominica prox. ante feſtum nativ. B. Virginis.

roli primogenitum, & Annam Bohemiæ regis filiam ineundi, si sponsioni huic ob consanguinitatem Pontifex intercederet, ad hanc firmandam triennii mora, sin autem veniam faceret, semestre spacium, daretur. Sponsæ a patre decem, a Carolo quindecim millia marcarum, quamlibet quinquaginta sex grossis Pragenfibus æstimando, dotalitium munus constitutum. a)

1327.

Succesfionis ratio, ordoque, si quos olim Ladislaus ex hoc matrimonio liberos tolleret, is decretus fuit, ut semper filius patri, jure hæreditario, succedat, sin autem filiæ solum essent superstites, hæ similiter eodem jure regnum capesserent. b) Illud præterea ad stabili-

a) Apud Lunig, Cod. Germ. diplomat. Tom. I. pag. 994. Nro. 35.

b) Id. ibid. *Quod si prædictum Ladislaum, filium nostrum, ante, vel post obitum nostrum, habendo liberum, vel liberos masculos, decedere forte contingeret, idem filius, sive filii, in regno Hung. supradicto succedere debeant, & ipsum regnum ad eos, & non ad alios, jure hæreditario pertinebit. Si vero sæpe dictum filium nostrum habendo filiam, vel filias, mori contingeret, ex tunc ipsa, vel ipsæ, juxta consuetudinem Hungariæ observatam, succedere, & hæreditare debent.* Tabul. integras exhibet Katona, Tom. VIII. pag. 570. Matrimo-

1327.

stabiliendam utriusque regni securitatem additum, ut, si alteruter regum ex paciscentibus, mortem prior obiret, alter defuncti ditiones, & proles, velut suas complexus, tueretur. Ceterum, si matrimonium etiam non coalesceret, foedus ratum nihilominus, firmumque maneret. a)

Hæc dum Rex ea potissimum de causa fatagit, ut familiæ regiæ, ne inter hanc ambitio semen discordiæ aliquando jaciat, tum regni etiam commodo, quod sæpe variato, ex privatorum arbitrio, & utilitate, domino, misere jactari, expertus erat, consuleret, res in Dalmatia vehementer nutabant. Spalatenses tyrannidis comitum Breberensium impatientes, cum nihil præsidii ex Hungaria adesset, Venetis se interim dedidere, quos Tragurini, Sibeniceses, & Nonnenses mox sequuti sunt, eam tamen omnes conditionem pacti, ut salvo jure regis Hungariæ, ipsi suis immu-

---

nium tamen, sponso an. seq. defuncto, non coaluit. Vid. Katona, l. cit. pag. 603.

- a) Lunig, ibid. pag. 994. sed in documento, quod huic præmittit, erronee Ludovicum substituit Ladislao. Ille, ut habet Thurocz, Part. II. Chron. c. 94. natus est an. 1326. Ladislaus vero, an. 1323. ut ipse Rex testatur in litt. ejusd. an. quibus nuncio, qui ei natum filium significarat, donationem facit. *Dat. in Dá-más, loco venationis.*

immunitatibus, quas a regibus olim obtinere, frui permittantur. *a)*

VIII. Nullum dubium regi erat, factionem, quam Mladinus in Croatia, & Bosnia conflaverat, licet captivus in Hungaria teneretur, etiamnum serpere, & clam a Venetis ali, quo minus autem hanc confestim oppressum iret, bellum Aufriacum, ex fraterna ambitione ortum, impedivit. Occasio hæc erat. Albertus Cæsar cum plures filios haberet, veritus, ne a suo obitu fratrum discordia hæreditariæ ditiones in partes discerperentur, statuerat, ut major natu in his succederet, ceteris tantum daretur, quantum ad vitam cum dignitate sustinendam satis esset. Perstitit hæc ratio ad id tempus, quo ex filiis tres solum, Fridericus Cæsar, Albertus, & Otto, superstites fuere. Postremus hæreditatis suæ partem importune deposcebat, quæ cum negaretur, correptis armis, regem Bohemiæ in societatem, & ad tuendam suam causam adscivit. Huic Carolus quoque, etsi invitus, copias suas adjunxerat, mox tamen, cum videret bellum, nimis barbære a Bohemo geri, in Hungariam reduxit, *b)* utilius, nisi jam ferum fuisset, in Dalmatia adhibendas, cujus partem maritimam Veneti fere omnem interea occuparunt. *c)*

C 2

Jactu-

*a)* Lucius, l. 4. c. 14. & Madius, c. 28.

*b)* Chron. Ms. apud Linck ad an. 1328.

*c)* Lucius l. 4. c. 14.

**1329.** Jactura hæc eo gravior erat, quo magis ærarium regium in dies attenuari fere oportuit, cui reparando dum curas omnes intendit, eam rationem amplexus est, ut ne onus plebi incumberet. Supererant fundi regii, quos Wenceslai, & Ottonis tempore, potentiores rapto sibi asserebant, & qui ex Ordinum decreto, tempore electionis condito, reddendi erant, quod cum hactenus non ea, qua oportebat, fide factum esset, omnes ad regum proprietatem, & censum redigi iussit. Similiter decretum generale, quod nobis temporum injuria eripuit, per regnum vulgari fecit, a) quo

- a) Decreti hujus mentio fit in litt. adjudicatoriis Fancisci Comitis de Thurocz, Locumtenentis Palatini, Posonii an. 1549. fer. 5. prox. ante festum Nativit. B. M. V. *Licet sereniss. Princeps D. Carolus Rex Hung. pater ipsius Ludovici regis, eo vivente, & demum ipso Ludovicus Rex — litteras, & privilegia dicti Andreæ regis, super donationibus, & gratiis per ipsum factis, emanatas, & confecta, ex causis rationabilibus usque ad tunc, minime acceptassent, & iidem actores intentionem ipsorum fundabant juxta generale decretum exinde editum, sigillo antelati quondam D. Caroli regis anulari, in quo littera K. habita existisset, per appositionem ceræ rubræ in dextra parte imaginis regalis habitæ, minime roboratæ,*

quo donationes Andreæ III. penitus antiquatas, & irritas haberi volebat. Qua sanctione cum multi ad incitas redigendi essent, victus multorum precibus, hanc rationem ineundam censuit, ut documenta litteraria, quæ Andreæ regis nomen referrent, iudicum quaestionibus subjicerentur, ex quibus, quæ æquitate niti videbantur, appresso suo in cera rubra anulari Sigillo, a) rata, reliqua vero pro irritis haberi decrevit, & bona Fisco regio addixit. 1329.

IX. Tam firmum, scriumque, fundos regios ad pristinum jus revocandi studium, regi, ejusque familiæ mortem propemodum conscivit. Felicianus de genere Zaah, qui olim Matthæi Trenclinienſis partes sequutus, parique cum eo rapinarum cupiditate actus, bona regia in suum usum converterat, nunc autem reddere coactus, enorme facinus aggressus est. b) Rege Vissegradi, loco æſti. 1330.

C 3

va-

ta, &c. Ea proinde solum regis hujus documenta in judiciis locum habent, ut monet Verböcius Trip. Par. I. Tit. 14. §. 17. quæ in sigillis appressum in cera rubra Sigillum anulare regis Caroli referunt.

a) Id nonnunquam lauro circumdatum est, alias, & sæpius, sine hac, quod criticū causa monendum putavi.

b) Litt. regis ad an. 1330. in Octavis B. Jacobi Apostoli. Cum nos prædictum Magistrum Jo-  
annem

1330. vario, cum familia sua prandente, in triclinium furiis agitatus, irrupit; manum regis levi vulnere perstringit, reginæ quatuor dextræ digitos amputat, in filios quoque Ludovicum, & Andream, gladium vibrans omnes neci daturus erat, nisi is, qui reginæ ministrabat, periculum prævertens, scelestum hominem, bacillum, quod præ manibus habuit, occipiti impingens, humi prostravisset, quem mox accurrentes satellites membratim conciderunt. Fama detestabilis facinoris didita, regni Ordines certatim ad regem excivit, qui unanimi consensu scelestissimi hominis profapiam, ad tertium generationis gradum, partim morte, partim exilio, mulctandam decreverant, omnium, qui sceleris participes erant, bonis Fisco addictis. In proles, nisi criminis magnitudo excuset, acerbius, quam humanitatis ratio ceteroqui patitur, sævitum. Filius, caudis equorum alligatus, frustatim discerptus, filiarum una capite diminuta, altera

---

*annem, consideratis suis fidelitatibus, quibus nos inter cetera in eo, quod nos, & prædictam reginam dulcesque natos nostros, a morte, quam quidam sceleratus, nomine Felicianus, nefanda præsumptione inductus — in omnium nostrorum personas insultu subitaneo, & inopinabili inferre volebat, annuente Dei elementia viriliter defendit, &c. Similia quoque Thurocz Chron. Par. II. c. 96.*



tera digitis, naso, & labiis abscissis, per re-  
gni urbes, ut sceleris horror ad plures per-  
tineret, circumducta est. a) 1330.

Rex periculo hoc liber, prope erat, ut ma-  
jus adiret, dum, confanato vulnere, in rebel-  
lem Bezarabam, Valachiae Transalpinæ  
Wayvodam, arma convertit. Hic, cum per  
exploratores comperisset, regem occupato  
Zevrino, ultra progredi, nuncios illi obviam  
misit, qui, si Rex pacis consilia amplecti  
vellet, septem mille marcas argenti, censum  
annuum pendi alias solitum, & filium præ-  
terea obsidem, suo nomine promitterent. Ho-  
nesta, & æqua conditio plerisque visa est.  
Verum Rex spreto suorum consilio, Wayvo-  
dam post repulsam, in montana recedentem,  
improvide sequutus, interque montium an-  
gustias comprehensus, amisso fere toto, qui  
ex Nobilibus constabat, exercitu, ægre,  
mutato amictu, paucorum virtute servatus,  
vitæ periculum evasit. b)

Felicias sequente anno bellum contra  
Tartaros gestum, quos, cum rapinarum cau-  
sa Hungariae ingruerent, insigni clade profligatos,  
in fugam coniecit. Hoc perfunctus,  
causam suam apud Pontificem de Principatu  
Salernitano, & adnexa ei ditione, instauravit,  
quem 1331.

a) Ibidem.

b) Thurocz Par. II. c. 97. & regis litt. an. 1333.  
apud Pray Par. II. pag. 95.

1331.

quem ut impetraret, nihil jam obſtare videbatur, quod Carolus Calabriae Dux, unicus Roberti regis filius, triennio abhinc defunctus, & regnum Siciliae ad lineam femineam devolvendum, eſſet. Pontifex quidem propterea, ſed irrito eventu, litteras ad Robertum dederat, monuitque; ut Carolo, niſi quid obſtaret, ea in re gratificari vellet. a) Forte, ne id fieret, ipſius Pontificis intererat, cum, ſi Principatus Salernitanus, cum honore montis ſancti Angeli, in Carolo, ejusque filiorum jus transiret, verendum fuerit, ne a Siciliae regno, clientelae ſedis Apoſtolicae obnoxiio, ſenſim avellatur. Ut tamen aequitatis haberet rationem, ſimul etiam caveret, ne quidquam ex regno Siciliae aliquando decerpatur, mediam utrinque viam deligens, ſcripſit ad Sanctiam Siciliae reginam, daret operam, ut inter ſuam neptem Joannam, & Andream Caroli regis alterum filium, nuptiae in poſterum tempus conciliantur, ita futurum; ut & regis Hungariae poſtulatis ſatis fiat, & regno Siciliae integritas ſua conſtet.

Nihil adverſum hae obmoventum Carolus cenſuit, dum hac ratione & filio ſuo, per quem regnum Siciliae rurfus ſtirpi ſuae aſſerendum erat, & Dalmatiae praeterea ex hac ſanguinis conjunctione, per Dalmatiam autem  
Hun-

a) Litt. Pontif. apud Raynald. ad an. 1331. & Pray l. c. pag. 29.

Hungariæ etiam, cujus ad pristinum statum reducendæ studio cum primis tenebatur, satis consultum videret. Eandem ob causam fœdus, quod cum Friderico Imperatore olim pepigerat, a) cum ejus fratribus, Alberto, & Ottone, Austriæ Ducibus, innovavit. b) Quia vero prioribus pactis neutra pars alteri opem ferre obstricta erat, si bellum Bohemiæ inferendum esset, novas tabulas fœderis condideret, quibus sibi mutuo auxilia spondent, etiam si arma in regem Bohemiæ corripienda essent. c)

X. Fœderi huic occasionem præbuit Rex Bohemiæ, qui Carinthiæ, & Tyroli, ad quas Ducibus Austriæ jus erat, jam dudum inhiabat, veritus tamen rem armis experiri, arbitri interea partes inter Wladislaum Poloniæ regem, & Cruciferos milites, cum rege Carolo suscepit. Induciæ, utriusque studio, annuæ confectæ sunt, quibus nondum evolutis Wladislaus anno sequente obiit, ei-que Casimirus filius, Carolo per Legatum id cumprimis agente, subrogatus est, d) quo ab Ordinibus confirmato, Rex iter in Siciliam cum

a) Hujus mentionem facit Rex in litt. an. 1331. apud Pray l. c. pag. 30.

b) Anton. Steyrer in rebus Alberti II. addit, ad c. 1. col. 34. apud Pray l. c. pag. 30.

c) Idem apud eund. pag. 31.

d) Dlugossus l. 9. col. 1027.

1333. cum Andrea filio suscepit, ut se de nuptiis, inter hunc, & neptem Sanctiæ reginæ olim designatis, certiolem redderet. Modrusiam ex itinere divertens, Spalatenſium, quorum præcipua in Dalmatia erat auctoritas, Legatos liberaliter accepit, eisque concessa ab Hungariæ regibus privilegia confirmavit. a) Inde Venetis, qui, cur Rex in Italiam proficisceretur, non ignorabant, metus injectus, ne ex conjunctione utriusque regni ea, quæ turbulentis temporibus in Dalmatia occuparunt, aliquando amitterent. Modrusia in Apuliam delatus, re, cujus causa venerat, cum Roberto rege confecta, Andream filium, septennem puerum, Joannæ, Roberti, & Sanctiæ nepti, die 27. Septembris despondit. b) Sponso abhinc titulus Ducis Calabriæ inditus est.

Non minor ei cura de filio Ludovico fuit. Esi enim sciret, successionem suæ stirpi, in ipsa sui electione ab Regni Ordinibus, edito Decreto, confirmatam esse, ne tamen a suo obitu inter filios, Stephanus enim hoc anno ei recens natus erat, dissidia orirentur, aut Ordinum studia in contrarias partes abirent, optabat, ut Ludovicus, se adhuc vivo, Rex Hungariæ coronaretur. Cum Pontifex per id tempus Avenione moraretur.

a) Apud Lucium l. 4 c. 15.

b) Willanus apud eundem. ibid.

raretur, dedit ad eum litteras, quibus, quid 1333.  
 cuperet, eidem significavit, qui regis deside-  
 rio libenter annuens, scripsit ad Archiepisco-  
 pum Colocensem, ejusdemque suffraganeos,  
 Varadinensem, & Zagrabiensem Episcopos,  
 ut, si Archiepiscopus Strigonienſis, ad quem  
 ceteroqui jus coronationis pertineret, regi ea-  
 tenus nollet obsequi, quemcunque ex his tri-  
 bus sive Rex, sive filius deligeret, is fun-  
 ctionem coronationis ritu solito peragendi  
 potestatem habeat. a)

Reduci ex Italia, prope erat, ut bellum 1334.  
 cum Stephano Dusciano, Servie Despota,  
 qui ditionem suam ultra limites proferebat,  
 confectum fuerit. Frustra commonito, ut a  
 proposito desisteret, facto militum delectu,  
 arma opponere decreverat, sed ubi compe-  
 rit, juniorem Palæologum ingenti cum appa-  
 ratu, Stephano suppetias venire, ne sibi cum  
 Græcis eodem tempore res esset, copias in  
 stativa reduxit, b) quas sequente anno utilius  
 in Tartaros, Hungariam incurſantes, con-  
 vertit, quibus profligatis, & regno ejectis, 1335.  
 c) amicitiam cum Bohemiarum rege, quem ali-  
 as ex ſœdere, cum Austriæ Ducibus inito, ex-  
 cluserat, iisdem conditionibus, in quas de-  
 cen-

a) Lit. Pontif. apud Raynaldum ad an. 1333.  
 & Pray Par. II. pag. 35.

b) Cantacufenus l. 2. c. 25.

c) Raynald. apud Pray Par. II. pag. 35.

1335.

cennio ante conventum fuerat, instauravit, a) eumque Casimiro, Poloniæ regi, utroque in Hungariam invitato, conciliavit. Leges conciliationis hæ erant: Rex Bohemiæ, titulo regis Poloniæ, & juri in Gnesnensem, Calissensem, aliasque inferioris Poloniæ urbes, renunciaret, & litteras renunciationis edat, Carolo regi consignandas, Casimirus autem sex millia marcarum regi Bohemiæ dependet, harum vero vadimonium rex Hungariæ in se recipiet. b)

Aliud quoque fœdus inter Hungariæ, & Bohemiæ, reges, hujus item filios Carolum Marchionem Moraviæ, & Joannem Carinthiæ Ducem, eodem tempore initum; quo sibi vicissim auxilium contra hostes, alterutrius regna invasuros, similiter profugos, si qui fuerint, utrinque reddituros, polliciti sunt, & ut fœderi stabilitatem conciliarent, id ad utriusque paciscentium hæredes eadem ratione pertinere volebant. Illud præterea adjectum, ut, si regi Hungariæ, ejusque hæredibus discordia, bellumve, cum Alberto, & Ottone Ducibus Austriæ, vel horum posteris oriretur, nefas sit, cum eis pacem conficere, nisi regis Bohemiæ, vel illius hæredum, consen-

a) Dobner Monument, inedit, Tom. IV. pag. 297.  
& Katona, Tom. IX. pag. 67.

b) Tabulas exhibet Lunig Cod. Diplom. Germ. Tom. I. col. 1014. & 1015.

sensus accedat. Ceterum, ex numero hosti-  
um Rex Hungariæ, præter Casimirum Polo-  
niæ, & Robertum Siciliæ, reges, eos quoque  
Principes, qui Roberto, sibi que in Italia con-  
sanguinitate juncti essent, exemptos voluit. a)

Præterea, quoniam arbitrium componen-  
dæ litis, quæ inter Casimirum Poloniæ re-  
gem, & Magistrum militiæ Ordinis Teutoni-  
ci intercesserat, Hungariæ, & Bohemiæ re-  
gibus delatum esset, placuit utrique, ut hæc  
quoque prius, quam reges Vissegrado disce-  
derent, ex æquo dirimatur. Dissidii cau-  
sa a controverso jure in Culmensem, Do-  
brizinensem, Cujaviæ, Pomeraniæ, & Tho-  
runensem provincias, petebatur. Habita igi-  
tur inter se deliberatione, & partibus consen-  
tientibus, Pomerania Magistro Ordinis attri-  
buita est, ceteræ verò provinciæ Casimiro ob-  
venere. b) Nihil mirum videri debet, Caro-  
lum tam contento studio ad liberandam a ju-  
re Bohemico Poloniam, egisse, cum jam tum  
illius, cum Hungaria aliquando conjungendæ,  
spem concepisse videatur. Huc spectabant,  
præter quingentas marcas auri purissimi,  
quas regi Bohemiæ dederat, sumtuosa prorsus  
ex

a) Apud Dobner Monument. ined. Tom. IV. p.  
297. Item apud Lunig, T. cit. col. 1011.

b) Conditiones fœderis existant apud Dlugoffum  
hist. Polon. l. 9. & apud Pray annal. Par. II.  
pag. 36. item apud Katona, Tom. VIII. p. 78.

**1335.** ex argento vasa, aliaque unionibus, & margaritis exornata munera, quibus utrumque regem, & Carolum Marchionem Moraviæ, regia munificentia excultos, Vissegrado ab se dimisit. *a)*

**1336.** XI. Conciliata in hunc modum inter tres reges amicitia, præter opinionem lis, quæ omnibus communis esset, cum Austriæ Ducibus oborta est. Hi Carinthiam, quam Rudolphus Cæsar Maynhardo, Tyrolensium Comiti, ea conditione tribuerat, ut, si sine hærede mare obiret, provincia ad Duces Austriæ devolvatur, defuncto nuper Duce Carinthiæ, partem suæ hæreditatis esse, Joannes vero, Bohemiæ Rex, ultima defuncti patris voluntate, ad filiam Margaretham, quæ Joanni filio suo desponsa erat, pertinere contendebant. A litis contentione, ad arma itum. Hungariæ, & Bohemiæ reges ditioni Ducum, quam Polonus, viciniores, copias suas ex pacto Austriæ immiserant. *b)* Carolum id præcipue irritaverat, quod Ludovicus Imperator, jus feuda in Hungaria conferendi, sibi arrogarit, idque in Duces Austriæ transfulisset. *c)* Vastata hostiliter, ut fit, provincia, cum Imperator Ducibus auxilio veniret, uterque militem retraxit, paulumque post induciæ inter regem, & Duces

*a)* Thurocz Chron. Par. II. c. 97.

*b)* Chronicon Salisburg. apud Hier. Pez, Tom. I. col. 411.

*c)* Vid. documentum apud Pray P. II. pag. 38.



ces a 15. Decembris, ad diem Pentecostes futuri anni, Laureaci coaluerunt; ne quid autem interea dissidii interveniret, tres limitum Præfecti a rege, & totidem a Ducibus constituti sunt, duo cis, ultraque Danubium versus Austriam, tertius, qui ad Stiriae, & Carinthiae confinia excubarent: captivi utrinque dimissi, libera mercatorum in utriusque ditionibus commeatio indulta, & Hungaris, qui ad Ducum partes secesserant, venia transfugii data. a)

1336.

Ex induciis facile anno insequente pax conflata, & litteris editis confirmata fuit. Rex non modo foedera prius cum Austriacis inita, rata habuit, sed, quod præcipuum discordiae caput erat, castrum, etiam *Svarozenbach*, Ducibus se redditurum pollicitus est, & hi vicissim juri in arcem *Anchenstein* renunciarunt. b) Sopito feliciter dissidio, incescit regem ea cogitatio, ut rationem secum iniret, qua regnum Poloniæ, Casimiro enim hactenus hæres nullus erat, sine armis, nullaque vicinorum Principum invidia, Hungariae conjungi posset. Unicus Bohemiarum Rex, qui nuper juri suo in id regnum renunciaverat

1337.

a) Diplomatar. Stiriae inter Seecoviensia N. 171.

& apud Pray l. cit. pag. 39. & 40.

b) Ant. Steyrer, commentar. pro hist. Alberti II. in addit. ad c. 1. & ex hoc Pray Par. II. pag. 41.

rat, destinationi huic obflare posse videbatur.  
 1337. Hunc igitur, ne sibi impedimento esset, arctiore, quam per fœdus proxime initum, vinculo sibi obstringendum putavit. Erat Carolo Marchioni Moraviæ filia Margaretha, hæc si filio suo Ludovico, rege Bohemiæ non invito, desponderetur, rem non difficulter confieri posse, sperabat. Egit propterea per  
 1338. Legatos, nec repulsam passus est. Conscripta sunt pacta nuptialia, & juramento utrinque firmata: Marchio filiæ decem, & Carolus pro Ludovico quindecim millia marcarum argenti, dotis, & dotalitii munus, sponderent, Sponsa intra anni spacium, ducto a die beati Michaelis archangeli initio, Brunam, & hinc in Hungariam, modo ne corporis defectum habeat, traducatur, ut moribus, & linguæ gentis sensim consuescat: ad hæc, ut fidejussores, & pignora statuerent, Marchio in Moravia, & Rex in Hungaria: additum præterea defensionis mutuæ fœdus, & amicitia inter utriusque regis familiam, Carolum Marchionem, & Joannem Ducem Carinthiæ, Joannis Bohemiæ; tum Ludovicum, Andream Calabriæ Ducem, & Stephanum, Caroli Hungariæ regis, filios constabilita. a) Hinc pro-

a) Apud Ludewig, Reliqu. Mss. Tom. V. pag. 487. *Actum, & datum in Wissegrad, Dom. Invocavit. 1338.* Videtur Ludovicus vel hoc, vel

pronus ad transactionem de Polonia gradus est factus. Marchio fide juramenti interposita pollicitus est, se, suosque hæredes omnem conatum adhibituros, ut, si Casimirus Rex Poloniæ nullum hæredem relinqueret, Rex Hungariæ, hujusque hæredes, Poloniam consequantur; etiam si matrimonium, inter utriusque proles stipulatum, non coalesceret: Rex Hungariæ vicissim suo, suorumque hæredum nomine promiserat, se Casimiro, si hic jura, quæ regi Bohemiæ, hujusque hæredibus cesserat, sibi vendicare tentaret, nullum auxilium daturus, idemque se, si Poloniam adepti fuerint, eadem fide præstituros esse. a)

XII. Tot cum exteris Principibus confederationes, quas familiæ suæ, regni que causa inierat, regem a curanda domi re publica tantisper abstraxerant, & erogationes, quas illarum causa fieri necesse fuit, ærarium fere  
eva.

---

vel priore anno, jam coronatus fuisse, cum in eodem documento Rex his verbis loquens inducatur: *Virginem præcellentem, dominam Margaretham, filiam domini Caroli Marchionis Moraviæ, nomine dicti Ludovici, primogeniti nostri, ac pro ipso nunc recepimus — legitime in uxorem nostri Ludovici, primogeniti nostri, regis Hungariæ, &c.*

a) Goldastus in append. document. Datum idem est.

1338.

evacuabant. Ad id reparandum usus est remedio, quo multorum, eorumque inprimis, qui Ecclesiastici Ordinis erant, animos a se avertit. Archiepiscopis mandatum, ut ducentas, Episcopis vero, ut quinquaginta argenti marcas, ineunte quovis anno, xenii infiar, ærario regio inferrent. Accedebat & illud, quod Episcoporum bona post obitum homines regii, specie administrationis importune se ingerentes, invaserint, & non tam Fisco regio, cujus nomen referebant, quam sibi ex illis lucri compendia facerent, ut sæpe vix tantum relinquerent, quantum Episcopi humando corpori satis esset. Comititia quoque, in quibus Ordines huic rapacitati modum ponere poterant, in dies differri, aut vix unquam conciri solebant. Cum igitur domi huic malo nullam medelam viderent, communi nomine litteras, querelarum plenas, ad Pontificem dedere, rogabantque, ut regem de his molliter admoneret, ne irritatus graviora forte in se statueret. Fecit, quod rogatus erat, regemque hortatus est, ut a cæpto desisteret, eaque, quæ Nationi in aditu regni promississet, opere ipso præstaret, si modo, quæ ad se afferebantur, vera essent. a) Quo animo litteras Pontificis acceperit, compertum non est, illud constat, regem, seve-

---

a) Raynaldus ad an. 1338. Nro. 24. & ad an. 1339. apud Pray Par. II. pag. 46. & 47.

severam epistolam ad Archiepiscopum Strigoniensem, ceterosque antistites dedisse, qua 1338.  
decimam Pontificiam accurate persolvi jubet,  
ni faxint, graviter se offensum iri significans,  
incertum, an Pontifici ea re gratificari, an  
vindictam, a qua nec reges solent immunes  
esse, ex Episcopis voluerit sumere. a)

In Dalmatia quoque Neliptii factio majora  
interim, rege foederibus pangendis occupato,  
incrementa sumserat, qui cupiditate ditionis  
proferendæ ductus, Sibenicensis, Tragurinos  
& Spalatenfes, in armorum societatem, qua-  
si eorum fortunas contra Breberienfes Comi-  
tes tuiturus, pellexit. Hac simulatione ambi-  
tiosi hominis seducti, icto foedere, se ei con-  
tra hostes, certo militum numero, adjuutores  
futuros, rege solum Hungariæ, & Venetis ex-  
ceptis, promissere. Carolus cognito, nec  
enim aliud erat, hominis dolo scriptis ad  
Tragurinos litteris, eos datæ fidei admonuit,  
simul Corbaviæ Comiti in mandatis dedit, ut  
civibus contra Neliptii molitiones auxilio ve-  
D 2 niret,

---

a) Raynald. ad an. 1338. & 1339. verisimilior  
causa fuit, quod tertia collectionis pars ad  
regem pertinuerit, ut est apud Koller hist. Ep.  
Quinqueecl. Tom. II. pag. 476. & Katona  
Tom. IX. pag. 237. idcirco, ut hanc diligen-  
tius exhiberent, urgebat. Vid. etiam Pray præ-  
fat. ad Diatriben de S. Ladislao rege.

niret, se ipsum propediem in Dalmatia, ad componendos civium animos, affuturum. a)

**XIII.** Cum autem interim nuncium a Casimiro rege Poloniae ad se perlatum esset, illum in Hungariam parare, domi resistere coactus, apparatus ad eum pro dignitate accipiendum fieri iussit. Causa adventus hæc erat. Cum hactenus hærede masculo careret, nec spes illius ulla esset, Conventum Ordinibus Cracoviam indixit, ut de successore sibi subrogando in commune cum iis conferret. Supererant quidem plures, qui eandem cum familia regia originem habebant, Janussius & Semovitus Mazoviæ, tum Wladislaus Oppoliæ, Duces, in quos non exigua Polonorum pars cum vulgo, qui ab extero Principe abhorrebant, propendere videbatur. Aliter tamen regi, & qui ab intimis ei consiliis erant, visum. Oppolienensis, quod se sponte Bohemorum regis clientelæ dediderit, indignus habebatur, qui Polonis imperet, per Mazovienses autem, utervis optaretur, cum ceteroquin regis feudatarii sint, nihil commodi regno, nihil dignitatis etiam nationi accessurum; talem igitur eligendum, qui istis in utroque præcellat, qualis Ludovicus regis Hungariæ filius esset, sorore Casimiri natus, cui vel ipsa nascendi conditio, jus proximum suc-

---

a) Lucius de regno Dalm. l. 4. c. 14. & Mem. istoriche di Tragurio, c. 4. pag. 216.

successionis tribueret. Itum ab omnibus in hanc sententiam est, præsertim cum perpenderent, quicumque ex Ducibus illis deligeretur, facile inter æquales dissidia oriri, & ex his regnum calamitatibus involvi posse, quibus vicini Principes fere in suum lucrum uti soleant, quos Ludovicus, cum patri successerit, in conjunctione utriusque regni, a cupiditate invadendi aliena coercere possit. Casimirus explorato suorum consensu, & præmissio in Hungariam nuncio, ductis secum regni Primoribus, qui nomine Nationis testes transactionis essent, Wissegradum Nonis Julii attingit, habitaque cum Carolo, & utriusque gentis Ordinibus deliberatione, Ludovicum, conditionibus in tabulas relatis, hæredem Poloniæ, & quæ ad illam pertinent, provinciarum, constituit, a) jure successionis solum ad ejusdem filios, legitimo thoro natos, exclusis feminis, restricto, quod tamen postea, ut in loco dicetur, b) unanimi Polonorum consensu, etiam ad illius filias traductum fuit.

Postquam reges, transactione mutuo consensu peracta, ab se divulsi sunt, intellexere, sibi ab *Uzbego*, Tartarorum, qui Crimæam incolunt, Chamo litem Romæ moveri. Mi-

D 3

ferat

a) Dlugoffus l. 9. col. 1055. & Thurocz Chron. Part. II. c. 98.

b) Nempte ad an. 1374.

**1340.** serat is ad Pontificem, Petranum de Lorto, olim Caphæ dominum, & Albertum, quibus se Elias quoque Ordinis Minorum sacerdos, *Tynibegi*, *Uzbegi* filii, nomine adjunxerat, ut de injuriis, quas Hungariæ & Poloniæ regum Præfecti limitanei, suæ ditioni inferebant, quererentur, rogarentque, ut illos sua auctoritate ab his deinceps inferendis cohiberet. Cum nuncii, utra ex parte occasio injuriis primum data sit, rationes non satis expeditas haberent, nec credibile videretur, Principes Christianos sine causa a religione sua diversos laceßere, respondit Chamo, si suos ab invasionibus alienæ ditionis continuerit, se itidem facturum, ut uterque Rex ab inferendis porro damnis se abstineant. a) Cum hoc responso dimissi sunt, nec quidquam dehinc ab Uzbego propterea obmotum est.

**1341.** Ceterum regi non tam cura de *Uzbegi* querelis fuit, quam ut cum Alberto Duce Austriæ amicitiam, quæ ob illata utrinque damna, aliquamdiu interrupta fuit, redintegraret. Usus est opera Caroli Marchionis Mo-

---

a) Wadingus ad hunc an. apud Pray Dissertat. 7. in annales vet. Hunnor. &c. pag. 142. Cum Tartari Crimæani ditionem suam ad id tempus ultra Borysthenem non protulerint, oportuit Bezarabiam illis finitimam juris Hungarici fuisse,



Moraviæ, a) cujus consilio arbitros utrinque  
constituere placuit. Rex Hungariæ tres ex 1341.  
Austriæ, totidem Albertus ex Hungariæ Opti-  
matibus, deligerent, isti Heimbürgum, illi  
Posonium se conferrent, & medio utrobique  
loco coeuntes, quod æquum iis videretur,  
decernant, quodve decrevissent communiter,  
ratum, firmumque utraque pars habeat. b)  
Marchio, redintegrata inter utrumque veterem  
amicitia, Pragam profectus, quod alias cum  
Casimiro Poloniæ rege sanxerat, fœdus insta-  
ravit, quo alter alteri contra quosvis hostes  
auxilium polliciti sunt, de rege tamen Hun-  
gariæ Casimirus speciatim cautum voluit, ut,  
si Marchio terras illius impeteret, sibi inte-  
grum sit, Hungaro suppetias ferre, & vicif-  
sim, si hic Moraviam aggrediretur, Marchio-  
nem omnibus viribus adjuvare. c)

XIV. Atque id non imprudente rege Ca- 1342.  
rolo factum, de quo periculum non erat, ut  
alterutrum bello peteret, cum utrique pluri-  
bus fœderibus per solennia pacta conjunctus  
esset, per quæ cum hactenus non solum fa-

D 4

mi.

---

a) Carolus in commentar. vitæ suæ, pag. 102.  
*Abinde veni Bozoniam, quæ est in partibus Hung.  
& Austriæ, & concordavi regem Hung. cum  
Duce Austriæ.*

b) Steyrer lib. cit. apud Pray annal. Par. II.  
pag. 49.

c) Apud Ludewig, Reliq. Mss. Tom. V. pag. 501.

1342. milizæ suæ, sed regno quoque adversus externos  
 1342. hostes satis consultum videret, intermissas aliquamdiu curas domi resumfit. Jam antea judiciorum formam, Gallicanæ pene similem, regno invexit, a) & barbarum illum morem, explorandæ per ferrum candens, & ferventem saquam, veritatis, abrogavit, b) monomachiam tamen, in dubia alias lite adhiberi solitam, tollere non potuit, quod militari Nationis genio quasi congenita esset. Supererat aliud, graviusque in rem publicam manans vitium, depravata moneta, quæ impeditam domi rerum vendendarum, difficilem commercii cum exteris rationem, reddidit. Malum hoc jam post Belam I. dissimulatione, aut incuria regum irrepsit, quod Andreas II. condita lege c) quidem correxerat, verum sub Bela IV. qui post Tartarorum irruptionem primus omnium cupream feriundam curavit, re monetaria Judæis commissa, d) rursus invaluit. Accedebat illud quoque, quod reges monetam, ejusque usum ad certum tempus defi-

---

a) Werböcz Trip. Par. II. Tit. 6. §. 12.

b) Kittonich Direct. method. c. 1. Quæst. 9. §. 5.

c) Bulla aurea Andreæ II. an. 1222. art. 23.  
*Denarii tales sint, quales fuerunt tempore regis Belæ.*

d) Patet id ex privilegio illius, quod Judæis an. 1251. concessit, & Sigismundus, Albertus, ac Corvinus ex parte confirmarunt.

defigerent, a) quo elapso nova, eaque fere  
deterior b) successit.

1342.

His incommodis Carolus volens consule-  
re, decretum edidit, c) quo mandat, novos  
Cremnicii *denarios* probæ ussionis cudi, quo-  
rum sex unum *grossum*, qui ad morem Bohe-  
micum *latus* dicebatur, nonaginta autem,  
florenum auri d) æquarent, quorum cum in-  
gens

---

a) Bulla aurea cit. *Nova nostra moneta per an-  
num observetur a Pascha usque ad Pascha.*

b) Litt. Belæ IV. an. 1255. *Tempore novæ me-  
netæ, dum celebris est ipsa moneta, de mensu-  
ra 4. garlarum, unum denarium recipiant (tri-  
buti collectores) cum autem denarii incipient  
descendere pro 3. garlis, unum denarium &c.*

c) Exstat in Corpore juris patr. Tom. I. pag. 159.  
edit. 1779.

d) Monetam auream, regis nomine insignitam,  
primus regum nostrorum Carolus cudi fecit, prius  
enim in usu erant aurei Byzantini, qui nomen  
ab Impp. acceperunt, ut *Constantiniani, Romani-  
tici &c.* Cartha Martini Comititis an. 1150.  
*Insuper dedi — 70. Bizancios Romanitless,*  
*unam marcam argenti, & dimidiam, & ar-  
gentum cufum.* Denarii non semper eodem  
numero æquabant fl. auri. Sub Maria regina an.  
1384. denarii 100. *Koronds* dicti. Sub Sigis-  
mundo an. 1407. fl. brevis 116. den. valuit,  
&

**1342.** ~~ingens copia excusa esset, designata sunt plu-~~  
 ra per regnum loca, in quibus tam priores  
 demesticæ, quam exterarum Nationum mo-  
 netæ, cum nova permutarentur, ex quibus,  
 deducto impendio, octingentarum marcarum  
 lucrum Cameræ regiæ accesserat. Statutæ  
 etiam pœnæ in eos, qui alibi, quam in con-  
 stitutis locis, monetas abrogatas permutarent,  
 ne autem novæ monetæ accideret, quod an-  
 tiquatis, mandatum, ut denarii certis notis  
 insignirentur, ut, si forte reperirentur non  
 esse iusti valoris, facilius, a quo percussi es-  
 sent, ad pensandum damnum cognosci possit.

Hoc ei, quod in commodum rei publicæ  
 præstitit, supremum erat, sexto post mense,  
 XVI Julii, cum crebro podagræ doloribus  
 vexaretur, exstinctus, & Albæ regiæ condi-  
 tus. Defuncto Pontifex Avenione, & Alber-  
 tus Dux Austriæ, in Carinthia tum commoratus,  
 parentarunt, Casimirus autem Rex Poloniæ,  
 & Carolus Marchio Moraviæ, in Hungariam  
 profecti, magnificas exequias Vissegradi ha-  
 buere. a) Rex de Hungaria optime meritus,  
 quam

---

& an. 1410. 1413. grossus 7. denarios, & 400.  
 den. *quadrang* dicti, valebant 100. majores, &  
 hi fl. auri. Sub Mathia Corvino an. 1458. den.  
 200. & 1462. valebant 300. unum fl. auri.

a) Dlugoffus l. 9. col. 1064. Thurocz, Chron.  
 Par. II. c. 99. & Chron. Ms. Trautmonst. l. 6.

c. 10.

quam partim æmulorum, quos habuit, ambitione, partim intestinis factionibus jam ab obitu Stephani V. labefactatam repererat, a ruina servavit, plus sine dubio de illa meritus,

1342.

c. 10. pag. 438. Conjuges habuit tres, ex postrema quinque filios habuit, horum, & conjugum nomina, & matrimonii tempus, Chron. Ms. Bibl. Ven. Capituli Posonien. Num. 80. sub Carolo conscriptum, in hæc verba meminit. *An. domini M. CCC. XVI. Domina Maria prima confors domini regis, natione Polona, tertia die post festum S. Lucie in Tumusvar vitam præsentem feliciter terminavit, in Alba regali est sepulta. — An. domini M. CCC. XVIII. accepit Rex dominam Beatricem, filiam regis Romanorum, sororem regis Bohemorum, quæ in revolutione ejusdem anni, obdormivit in domino, & Varadini in ecclesia Cathedrali tumulatur. — An. domini M. CCC. XX. accepit Rex filiam Ladislai (Wladislai) Polonorum (regis filiam) Elizabeth nomine, de qua an. domini M. CCC. XXI. filium (Carolum) habuit, qui eodem an. mortuus est & Alba sepultus. — An. domini M. CCC. XXIII. in Wissegrad in festo S. Remigii de eadem regina habuit filium nomine Ladislaum. — An. domini M. CCC. XXVI. natus est eidem regi filius, quem nomine consanguinei sui Loys appellavit. Hactenus Chron. quod desinit in infelici expeditione,*

1342.

turus, si maiorem Dalmatiæ, & in hac comparandæ classi, curam adhibuisset, qua semel constituta, non modo Andreæ filio Sici-  
liam, & successoribus suis Dalmatiæ posses-  
sionem firmasset, sed exemplo quoque Vene-  
torum, & Genuensium, qui soli per id tem-  
pus ex Asiæ, & Africæ mercibus immensas  
divitias collegerant, propagato, ut illi, per  
Syriam, & ad Tanaim, ex ipsa maris op-  
portunitate, & regnorum, quæ ei parebant,  
ubertate, commercio, Hungariam posteris  
suis multo felicissimam relinquere poterat.

---

 L U.

ditione Caroli contra Valachos. De Andrea,  
& Stephano testatur Thurocz l. cit. Coloma-  
ni ex illegitimo thoro nati alias memini. Fi-  
lias, quod sciam, nullas reliquit. Auctori-  
tate Chron. cit. inductus, Catharinam, quam ali-  
qui primam ei conjugem tribuunt, omisi, quam  
autor illius ignorare non poterat.



- gitiones fere exhauferat, mentem advertens,  
 1342. jura sua regalia, nondum enim terræ, a castris  
 regiis olim avulsæ, omnes restitutæ erant, con-  
 fitutis iudicibus, in integrum restitui iussit,  
 a) & prodigas Andreæ III. donationes nullius  
 roboris esse declaravit. b) Id cum Saxones  
 Transilvani ægre ferrent, negato censu an-  
 nuo res novas moliri cœperunt, qua detre-  
 ctatione offensus, ut malum, facile ad alios  
 1343. manaturum, in ipso ortu opprimeret, magnis  
 itineribus in provinciam contendens, refra-  
 ctarios ad obsequium reduxit. c) Vicinum  
 regem cum copiis, Bezaraba Transalpinus  
 Wayvoda, memor injuriæ, quam Carolo regi  
 intulerat, veritus, sponte sua adiit, oblatisque  
 muneribus, in fide illius se mansurum pro-  
 misit. d) Adhuc isthic morantem, ut res pro-  
 vincię coordinaret, mors Roberti, Siciliæ re-  
 gis, in Hungariam revocavit.

Con-

a) Litt. Pauli, vice Comitis Comitatus Honten-  
 sis an. 1347. *Quod cum nos ex mandato —*  
*domini Ludovici — regis pro juribus, & pos-*  
*sessionibus regalibus; in ipso Comitatu exqui-*  
*rendis — in villa Hidvégh congregationem ce-*  
*lebrassemus &c.*

b) Ibid. *Licet dominus Carolus Rex — & de-*  
*num Ludovicus Rex, regni gubernaculo ad*  
*ipsum devoluto, litteras, & privilegia — An-*  
*dreæ regis — minime acceptassent, &c.*

c) Thuroczii Continuator, Chron. Part. III. c. 2.

d) Idem. c. 3.



Condiderat is testamentum, quo Joannam, neptem suam, Siciliae hæredem ex asse scripserat, cui, si sine legitimis liberis decederet, Mariam ejus sororem voluit succedere, quæ, si nuptiæ cum Margaretha, nepte Bohemorum regis, juramento firmatæ non coa-  
luerint, Ludovico Hungariæ regi, sin contra, Philippi Francorum, primo, vel secundo genito nuberet: Andreae vero Joannæ marito Principatus Salernitanus obveniat, cujus proventus si bis mille auri uncias non æquarent, aliunde compensentur, ab administratione vero regni eousque cum Joanna conjugæ abstineret, donec uterque vigesimum quintum ætatis annum compleverint, interea autem in tutela Sanctiæ reginæ, eorumque, quos voluntatis suæ executores constituerat, manerent, quorum curæ erit, ne comitatus *Provinciae*, & *Folcalquirii*, unquam a Siciliae regno avellantur. a) Hanc dispositionem

---

a) Lunig, Cod. Diplom. Italiae Tom. II. col. 1102. Comitatum *Provinciae*, & *Folcalquirii*, quos olim Raynaldus Berengarius ab Imp. dono acceperat, Rudolphus Cæsar an. 1280. V. Kal. Apr. Carolo Comiti Andegavensi, ac hæredibus illius in feudum Imperii Germ. contulit, ut est apud Lunig, T. cit. col. 986. quos deinde Robertus Siciliae Rex an. 1306. d. 14. Febr. Pedemontio conjunxit, apud eund. Lunig

1343.

nem Ludovicus, spectata sanctione pragmatica de jure successionis a Clemente IV. constituta, suam, fratrisque sui injuriam interpretatus est. Cum enim Pontifex hoc solum pacto Siciliam Carolo I. Andegavensi Comiti contulerit, ut, si plures mares lineæ rectæ exstarent, semper primogenitus, nullo autem superflite, ex filiabus ejusdem lineæ itidem primogenita, in regno succederent, a) jus successionis ad se pertinere, existimabat, nec in Caroli Claudii, abavi sui, ut defuncto Carolo Martello, avo suo, prærogativam primogenituræ in Robertum secundo geni-

---

nig Tom. cit. col. 1058. Comitatus *Avenionensis* vero est pars Comitatus *Provinciae*, atque ex hoc capite Ludovicus jus suum in Avenionem repetebat, tamquam feudum Imperii German. quod feminas a successionem excludit.

- a) Bulla Clementis Papæ IV. an. 1265. IV. Kal. Martii, apud Lunig, Tom. cit. col. 946. Verba Pontif. sunt: *Si enim Comes (Carolus Andegavensis) ipse regnum a nobis receperit, descendentes per rectam lineam ex eodem, & ipsius hæredibus, Siciliae regibus, mares, & feminae in eodem regno succedent, sic tamen, quod de liberis duobus maribus in eodem gradu per eandem lineam concurrentibus, primogenitus, & de duabus feminis primogenita, & de mare & femina in eodem gradu similiter concurrentibus, masculus omnibus aliis præferatur.*

genitum, nec in hujus potestate fuisse, ut id  
 excluso fratre suo Andrea, qui Joannæ ma-  
 trimonio junctus erat, contra Clementis IV.  
 institutionem, ad lineam femineam transfer-  
 ret. 1343.

Certus igitur jus suum persequi, orabat  
 Elisabetham matrem suam, ut in Italiam ma-  
 turaret, ac rebus filii interim consuleret. Sa-  
 gax mulier, ut primum navibus Jadrensiū  
 a) in Apuliam, indeque Neapolim venit, fa-  
 cile intelligebat, mali originem inde mana-  
 re, quod Andreas nondum inauguratus esset.  
 Misit igitur Avenionem Nicolaum Hungariæ  
 Palatinum, additis collegis, Vito Nitriensi  
 Episcopo, & Paulo Comite Curiae regiae, ut  
 filio, impetrata a Pontifice ætatis venia, in-  
 augurationis solennia suscipiendi potestas fie-  
 ret. Ipsa interea religionis causa Romam  
 profecta, factisque, pro more ætatis illius,  
 immensi precii donativis, Neapolim redux,  
 sedatis utcumque inter filium, & nurum dissi-  
 diis, tametsi ex ambitione impotentis mulie-  
 ris facile provideret, concordiam non diutur-  
 nam fore, in Hungariam reversa est. b)

## II.

a) Lucius I. 4. c. 15.

b) Contin. Chron. Thurocz, sive Joan. Archidia-  
 conus, qui regi a secretis erat, Part. III. chron.  
 c. 4. & Dominic. Gravina in Chron.

**II. Legati interea, cum apud Pontificem**  
 1344 **jus successionis in Siciliam Ludovico asserere,**  
 frustra conati fuissent, ne nihil egisse viderentur, illud dabant operam, ut Andream, laxato ætatis, quod Robertus statuerat, tempore, coronari pateretur, in quem finem quadraginta quatuor millia marcarum argenti, quin pro tanta summa mandatum haberent, nomine regis, jure jurando sponponderant. Pontifex, quoniam Joanna quoque, licet longe diversis rationibus ducta, & Primores Siciliæ, idem flagitabant, datis ad Andream litteris, titulum regis, & facultatem, ut inauguraretur, eidem concessit. a) Ludovicus, ubi comperit, quid injussu suo Legati egissent, ne fratris causam deseruisse videretur, corrogato per urbes, quæ regis, & reginæ peculium erat, argento, eoque ad Pontificem transmissio, fidem Legatorum liberavit, tametsi ægre ferret, quod jus suum ære sibi vindicare cogeretur. b) Inanes tamen impensæ erant. Joanna enim muliebri simulatione id agebat, ut amoto a regni administratione Aimerico Cardinale, rerum potiretur, quod ubi deluso Pontifice consequuta est, dedita opera coronationem differre, & distributis inter eos, quos sibi addictos norat, primis regni

---

a) Raynald. ad an. 1344. apud Pray, Part. II. pag. 55.

a) Joan. archid. cit. c.

regni officiis, maritum ab administratione excludere, sensimque inita conjuratione, ab se etiam amoliri cogitabat.

Nondum Legati Avenione redierant, cum Rex se Bohemis confocians, in Lithuanos, mullo tamen fructu, profectus est, ac mox Casimiro Poloniæ regi contra Bohemos ex fœdere suppetias misit, a) ipse excito cum suis copiis Stephano Bosniæ Bano, cum viginti millibus delectæ militiæ, in Croatiam contendens, cum aliquamdiu ad Bihacium moratur, plerosque optimates, deditis cum Tinino reliquis castris, in fidem recepit. Soli Comites Breberienfes, Venetorum amicitia freti, obsequium detrectabant. b) Jadrenses contra missis ad regem Legatis, se ejus clientelæ dedere rursus voluere, sed cum moras in itinere trahunt, Ludovicus rei ignarus, copias prius deduxit, quam illi adessent. Id illis, re comperta, crimini a Venetis datum. Dandulus Venetorum Dux, ut imparatos opprimeret, data ad cives epistola, eos in fide confirmavit, clam vero paratam classem, ductu Petri Canalis, urbi admoveri iussit, qui amicitiam simulans, cum aliquot ex Patriciis ad colloquium ex urbe eliciisset, captivos tam diu detinuit, donec Veneti, qui mercimonii causa apud Jadrenses age-

E 2                      bant,

a) Id. ibid. c. 5.

b) Id. c. 7. & anonym. de obsidione Jadræ c. 4.

1345. bant, cum suis fortunis indemnes dimitterentur, tum, nisi muros urbis demolirentur, bellum civibus denunciat. Hoc illi malebant, quam tam atroces dominos pati, factoque ad defensionem apparatu, Legatos Neapolim ad Andreā, ignari, quam exiguo loco illius auctoritas isthic esset, pro classe, & ad Ludovicum auxilia, imploratum miserunt. a) Is, ut primum, quo in periculo cives essent, cognovit, data ad eos epistola opem pollicitus est, simul Stephanum Bosniæ, & Nicolaum Sclavoniæ, Banos, obsessis ut adessent, in Dalmatiam properare iussit. b) Atque hi quidem Venetorum conatus in continenti fortiter represserant, sed cum destituti classe essent, & præterea rumor in castris de cæde Andreæ percrebresceret, languentibus sensim operis, nihil ad summam rei effectum est, & cives Venetis se submittere coacti sunt.

Dolor non tam ab infelici expeditione, quam ex cæde fratris conceptus, regem vehementer consternavit, præsertim quod certis indiciis comperisset, paucis ante diebus, quam jussu Pontificis coronandus esset, a Joanna, specie venationis, *Aversam* eductum, ficariis proditum, & ab his laqueo suffocatum esse. c) Suppresso tamen mœrore, vindictam

a) Anonym. de obsidione Jadrensi. c. 10. — 14.

b) Idem c. 15. — 17.

c) Gravina in Chron. de rebus in Apulia gestis, apud Muratot, script. Ital. Tom. XII. p. 553.

dictam alteri tempori servavit, datisque ad eos, quos fratri addictos noverat, litteris, postulabat, ut in sicarios quæstiones instituerent, ipse interea Viennam, quo Ludovicus quoque Imperator venerat, profectus, fœdera cum Alberto Austriæ Duce instauravit, quibus de compensandis utrinque damnis, & malefactoribus ab utriusque ditione arcendis cautum: a) amicitia quoque cum Imperatore inita, & de Margaretha ejus filia, fratri suo Stephano despondenda, consultatum; b) tum, quo profectio imprimis spectabat, consilium de communi in Italiam expeditione susceptum, ad quam Lombardi etiam, qui vicinam Pedemontii partem sibi ereptam ægre ferebant, invitati. c)

III. Pontifex, habito confœderationis hujus indicio, ut periculum ab Italia averteret, jam ante annum quidem per litteras regem commonefecerat, ut se ab Imperatoris, quem sacris interdixisset, societate abstraheret, d) frustra tamen in eo mitigando operam locavit. Magis fraterna cæde saucius erat regis

E 3

ani-

Villanus l. 12. c. 9. & seg. vid. Pray Par. II. pag. 62. — 68.

a) Ant. Steyrer in addit. ad vitam Alberti II. col. 187. apud Pray Par. II. pag. 68.

b) Steyrer ibid. ex Protoc. Ms. Alberti Ducis.

c) Balusii Miscell. Tom. I. pag. 245. & sequ.

d) Raynaldus ad an. 1345.

1346.

animus, quam ut Pontificis admonitioni locum daret, &, ut primus doloris sensus modum fere nescit, per Legatos suos in plectendis cædis autoribus desidiâ non obscure ei oggerere videbatur. Etsi enim hos sacrorum communione privasset, in Joannam tamen, quam præcipuam cædis causam fuisse, communis vox populi faceret, a) indulgentior esset,

a) Id ferius postea Carolus Dyrrachinus, dùm Ludovicum Andegavensem an 1382. ad singulare certamen provocavit, in hæc verba firmat: *Et posé les cas que son eut esté bon & valable, encor n'en pouvoit elle (Reine) frustrer les plus proches du sang de Charles, qui legitemment succedoien à la couronne, & au sceptre de Naples, tutre qu'elle avoit esté déclarée meutriere infame de son mari, pour avoir meschamment & cauteleusement fait estrangler d'un lacs & pendre aux fenestres de son chasteau, André d'Hongrie son premier, & legitime espoux &c.* Lunig, Tom. II, cod. dipl. Ital. col. 1181. Clarius id Rex in suis litt. *Quidam enim sceleratissimi iniquitatis filii, & perditionis alumni, summum cogitantes, & cogitatum audentes nefas perficere, prædictum Andream, adolescentem ætate, moribus compositum, gestuque modestum, ac nullam in se machinationem fieri, cum quasi in propriis laribus, & inter suos securus existeret crederet, circa primum noctis flon-*



esset, quam ceteroquin criminis enormitas pateretur, rogatum itaque velle, ut, Joanna exauctorata, regnum fratri suo Stephano, ad quem alioqui secundum se jus illius pertineret, & quem non pauci ad id capessendum vocarent, conferre vellet. Pontifex ægrum adhuc a dolore regis animum molliter tractandum ratus, primum, Cardinalem Talayrandum, quem Ludovicus in suspicionem quoque sceleris vocaverat, immunem ab hoc crimine pronunciavit, tum, quod Joanna nondum patratae cædis convicta esset, nequaquam se ei morem posse gerere, respondit, facturum tamen, ut, si modum ostenderit, quo illa cædis conscia, & adiutrix fuisse, doceri possit, ex juris norma ei satis fiat, a)

Facile Rex intellexerat, quid huic tergiversationi subesset, dissimulandum tamen putabat, donec melior occasio jus suum persequendi se offerret, spem in nuperno Viennen-

E 4

fi

---

*lentium, ut cameram, in qua sibi erat nocturna quies, exiret, proditorialiter seduxerunt, ipsumque, tamquam agnum ad victimam, foras oduzum, morti turpissimæ, cogitatu terribili, dictuque lamentabili, immaniter traderunt. Adjuncta cædis vid. apud Pray Par. II. pag. 62. &c. ex Gravinæ Chron.*

a) Raynald, ad an. 1346. apud Pray Par. II. pag. 69.

1346.

si conventu præcipue defigens. *a)* Cum enim constaret, Robertum Siciliae regem ab Henrico VII. Imperatore, indignum regno Neapolitano, velut feudo Imperii Germaniae, olim fuisse declaratum, *b)* satis expeditum videbatur negotium fore, ut Ludovici Imperatoris opera, cui perpetuum fere cum Pontificibus dissidium fuit, regnum Neapolitanum ad se, legitimum alioqui hæredem, devolvatur. Sed ad id necessarium erat, ut prius Venetos tota Dalmatia exigat. Commode a Jadrensibus, quos Veneti terra, marique premebant, nuncium accepit, quos, ut in fide persisterent, paucis per litteras cohortatus, *c)* cum ducentis equitum millibus in Dalmatiam venit, & ad Jadram constitit. Hic de modo liberandæ urbis consultans, cum Veneti nullam pugnae copiam faciunt, & equestris militia obsidioni minus idonea, & machinis, ad quasanda Venetorum munimenta, esset destituta, civium præterea inhumanitate offensus, copias biduo post reduxit, eventu spei, quam conceperat, prorsus contrario. *d)* Ferunt, Du-

---

*a)* Chron. Ms. apud Linck Tom. I. pag. 731.

*b)* Lunig, cod. dipl. Ital. Tom. II. col. 1075. Datum 7. Kal. Maji an. 1311.

*c)* Anonym. de obsid. Jadren. l. 2. c. 2. Ceterum de cædis auctoribus excommunicatis, vide bullam Clementis V. apud Lunig Cod. dipl. Ital. Tom II. col. 1112.

*d)* Anonym. de obsid. Jadren. l. 2. c. 10. & Joan. Archid. Chron. Par. 3. c. 8.

Ducum suorum, quos Veneti auro corrupe-  
rant, socordiam infelicis exitus causam fuisse. 1346.  
Accessit, quod nova injuria se a Joanna af-  
fectum existimaret, quæ filium a cæde mari-  
ti enixa, aliis, nec pro dignitate regia, edu-  
candum credidisset. Hujus curam quidem  
Pontifex se habiturum, Elisabethæ reginæ,  
de indigno facto conquerenti, respondit, ad-  
diditque, Carnotensem Episcopum a se mitti  
Neapolim, qui de Joanna in suspicionem cri-  
minis vocata quæstionem habeat, sed regnum  
Stephano regis fratri prius conferri non pos-  
se, quam hæc ex legum scito rea comperire-  
tur, a) volens, ut ex eventu patuit, hac ra-  
tione regem ab Italica expeditione avertere.

IV. Ut autem rem serio agere videretur,  
sequente anno juramentum fidelitatis Carolo 1347.  
Martello, Andreæ posthumo, præstare Nea-  
politanos jussit, b) qua re mitigatus quidem  
Ludovicus videbatur, nihil tamen propterea  
a studio parandæ in Italiam expeditionis re-  
misit. Prius tamen res Croaticæ penitus  
componendæ erant. Restabat arx *Ostrovicza*,  
liti adhuc obnoxia, quam, ut temporis lu-  
crum faceret, cum castro Zriniensi, non in-  
vito domino, permutavit, c) tum quoniam  
fru-

a) Raynald. ad hunc an. apud Pray, Par. II. p. 73.

b) Lucius de regn. Dalm. I. 4. c. 16.

c) Lucius Mem. istoriche di Tragurio pag. 241.  
ex document. d. 2. Aug. an. 1347.

frustra operam in conducenda Genuensium  
 1347. classe hactenus posuerat, nec Veneti inducias  
 parum æquis conditionibus propositas inire  
 vellent, Nicolaum *Konth*, cum magna pecu-  
 niarum summa, in Italiam, quo loco isthic  
 res essent, exploratum præmisit, a) qui cum  
 non paucos a Joanna alienatos reperisset,  
 eumque mox Nicolaus Quinqueecclesiensis  
 Episcopus, frequenti Nobilium comitatu sti-  
 patus, fuisset consequutus, complures urbes re-  
 gis fidei se permiserant, & copię, quas Ca-  
 rolus Dyrrachinus opposuerat, aut dilapsę.  
 aut nostrorum signis adscriptę sunt.

Hoc initio facto, Rex majora designans,  
 1348. ingentem secum ex Hungaris, Cumanis, &  
 Germanis ducens exercitum, terrestri itinere  
 in Italiam profectus, & quacunque ibat, a  
 plerisque honorifice acceptus, *Aversam* venit.  
 Hic fraternę cædis memoria admonitus, Ca-  
 rolum Dyrrachinum, officii causa ad se vo-  
 catum, eodem, quo frater perierat, mortis  
 genere affici iussit, sententia magis, quam  
 ceteroquin ejus indoles ferret, præcipitata.  
 Hęc severitas in principio adhibita ut pleris-  
 que metum incusserat, ita multos quoque ad  
 obsequium reduxit. Inde Neapolim, quam  
 Joanna cum Ludovico Tarentino, Avenio-  
 nem profuga, deseruerat, ingressus, habito con-  
 ventu, ultionem ex cædis autoribus sumsit,  
 omnes-

a) Joan. Archid. Chron. Par. III. c. 9.

omnesque fidelitatem Corolo nepoti jurare coegit, ipse, constitutis magistratibus, & Stephano Transilvano Vayvoda, ac Volfardo, qui, se absente, copiis præessent, in Italia relictis, ob grassantem pestem, *Barleta* solvens, *Uranam* a) primum, tum in Hungariam rediit, b) nepotem suum, & fratres Caroli Dyrrachini, ne turbas darent, secum duceus, illum, ut matri suæ educandum traderet, hos autem honesta custodia teneret, donec, quem finem res Italæ habituræ essent, ex eventu videret. c)

Redux, rationem suæ expeditionis Pontifici volens reddere, Nicolaum Nitriensem Episcopum, & Georgium Comitem castri ferrei,

- 
- a) *Uranam* Ludovicus, sublato Templariorum Ordine, Hospitalariis contulit, instituto Prioratu Ordinis. Vid. Pray Dissert. de Prioratu Auranæ.
- b) *Memoriæ Spalaten.* apud Lucium, *Mem. istoriche di Tragur.* pag. 244. *Primo Junii Comes Tragurien. scribit, regem Ung. de partibus Apuliæ venisse Uranam, & versus Ostroviczam direxisse gressus suos.*
- c) *Rationem regii itineris in Italiam, & reditus,* vide apud Pray Par. II, pag. 74. — 77. ex *Chron. Gravinæ.* Addit Joan. Archid. Par. III. *Chron. c. 11, regem, ad jus suum tuendum, abhinc suis titulis etiam regis Hierusalem, & Siciliæ addidisse.*

rei, Oratores ad illum destinavit, quæ id ante  
 1349. omnia agerent, ut Pontifex regnum Neapolitanum, quod prius nascendi conditione præ feminis, & nunc armorum etiam jure, suum esset, sibi confirmare ne gravetur, sin autem difficilem viderent, rem omnem ejus arbitrio relinquerent, modo ne Joannæ crimen impune maneret. Pontifex, ne res in Italia, alioquin perturbatæ, magis miscerentur Guidonem Cardinalem in Hungariam proficisci jussit, qui captata opportunitate temporis, regi denunciaret, Neapolitanum regnum, spectata Caroli ejus proavi testamentaria dispositione, neutiquam eidem conferri posse, reliquaque, quæ per Oratores suos Rex obmoverat, pro sua prudentia dilueret, ceterum polliceretur, ei, ut justitia posceret, de Joanna satisfactum iri. a)

Hæc Ludovicus dissimulanter magis audivit, quam ut sibi improbari, vel placere ostenderet, rei tamen eventum præstolari constituerat, cum præter opinionem perlatis ad se nunciis ex Italia, Joannam cum Ludovico Tarentino rediisse Neapolim, ac plerasque urbes in potestatem redegissee comperit, Vayvodam Transilvanum, etsi aliquot pugnis victorem, in angustias redigi, ac incolas in fide mutare. Itaque, cum verba sibi data fuisset  
 ex

a) Litt. Pont. apud Raynad. ad an. 1349. & Pray, Par. II. pag. 78.

existimaret, ingentes apparatus impositis extra ordinem tributis, in bellum Italicum fecit. 1350.

a) Postquam, superato Adriatico, cum copiis ad Apuliam applicuit, fere omnes urbes per iter partim armis, partim spontanea deditio-  
ne recepit. Neapolitani, quod duriores, quam  
tempus pateretur, conditiones Rex præscri-  
beret, defensionem parabant, ad vim tamen  
non ventum, quod Cardinalis Guilielmus  
opportune interveniens, pacato Ludovico,  
inducias ad sequentis anni Calendas Aprilis,  
inter partes conciliarit. Facile igitur in hæc  
capita utrinque conventum; Pontifex Joan-  
nam de mariti cæde in jus vocaret, quæ si  
rea criminis comperiretur, regnum Neapolita-  
num Ludovici esset, sin contra, quæ bello  
parta hactenus erant, Joannæ restituat, hæc  
autem sumtus in bellum factos trecentis au-  
reorum millibus penset, b) Constitutis in  
hunc tenorem induciis, Rex Romam profe-  
ctus, insigne specimen temperantiæ edidit,  
recusato enim, quem ei urbis Tribunus cum  
Patriciis deferabat, *Domini Romanorum*, ti-  
tulo, ne in invidiam apud Pontificem incide-  
ret, Neapolim, & hinc, imposito urbibus præ-  
sidio, in Hungariam reversus est. c)

At-

---

a) Litt. regis apud Pray, ibid. pag. 83.

b) De secunda hac in Italiam expeditione vid.  
Pray Par. II. pag. 83 — 86. ex Gravinae Chron.

c) Joan. Archid. Par. III. Chron. c. 11.

1350. Atque hic ocium a bello nactus, quem fructum hactenus ex duplici Italica expeditione retulisset, quemve deinceps, Pontifice, ut patebat, causæ suæ, si non adverso, certe minus favente sperare posset, cœpit perpendere, propeque erat, ut cogitationem de regno Neapolitano penitus poneret. Nec enim, etsi id clam actum fuerit, ignorabat, Pontificem biennio abhinc, comitatum Avenionensem, contra Roberti regis constitutionem, a) octoginta millibus florenorum auri, a Joanna emisse, b) proin non videri verisimile, ut, hac exauctorata, se regem Neapolitanum declararet. Cogitabat quidem fratrem suum Stephanum, Mariæ, sorori Joannæ, nuptiis illigare, ut vel hoc nexu jus regni illius in suam familiam transferret, verum & Pontificis, in ferenda sententia, lentitudine, & muliebri, fraudumque feracissimo Joannæ ingenio, absterritus, ut vicissim Pontifici ægre faceret, rursus cum Ludovico Imperatore de Margaretha ejus filia, fratri suo despondenda, egit, & cum utrique facile conveniret, sponsa Stephano, quem Rex, ut nuptiis etiam dignitas accederet, Ducem Trans-

a) Confer. ea, quæ ad annum 1343. de Comitatu Provinciæ, in qua Avenio est, dicta sunt.

b) Spondanus ad an. 1348. Nro. 4.



Transsilvaniæ renunciaverat, a) constituta sexaginta millium florenorum dote, collocata est, b) ex quo connubio Joannem, c) & Elisabetham, d) postea sustulit. 1350.

V. Fratris nuptias bellum Lithuanicum consequutum est. Erant Lithuani non solum Casimiro regi Poloniæ infesti, sed in Russiam quoque, quæ Lodomeriam, & Haliciam, provincias juri Hungariæ obnoxias, complectebatur, hostiliter incurfabant, quibus propulsandis copias suas Polonicis conjungens, Li-

a) Litt. autogr. Stephani Ducis an. 1351. *Dat. an. domini VII. cal. Aprilis Ducatus autem nostri, an. primo. Sigil. pendens cum perigraphe: S. domini Stephani Dei gratia Ducis Transsilvani.*

b) Hujus mentio fit in litt. Rudolphi Ducis Austr. an. 1359. apud Steyrer ex Tabular. Cæsar. col. 285. *omnes & singulas Ligas — pridem contractas — per D. Albertum, olim Ducem Austriæ, nostrum genitorem — cum sereniss. Principe, D. Ludovico, rege Hung. — ac cum domino Johanne, illustri Duce Sclavoniæ, Croatiæ, & Dalmatiæ, suo nepote, consanguineo nostro, — nos servaturos &c.*

c) Quamdiu hic vitam produxerit, reliqueritne, an contra, liberos, incertum est.

d) Hæc postea Alberto III. Austr. Duci nupta fuit, ut est apud Steyrer, in addit. ad vitam Alberti II. col. 286.

1351. ~~\_\_\_\_\_~~ Lithuanos prælio victos, regno exegit, capto quoque eorum Duce, sed, postquam fidelitatem promississet, rursus dimisso. c) Lithuanis domitis, res Italicas resumit. Pontifex quidem, secundum datam fidem, Joannam in jus interea vocaverat, sed cum in progressu litis pateret, notam toti familiæ regiæ, ceteroquin innoxia, conflari, liberam a suspitione cædis mariti pronunciandam censuit. b) Nec id regi, ex prorogato tam diu judicio, improvisum erat, litem autem, re jam transacta, instaurare, ob bellum, si id faceret, in longinquas terras transferendum, nec regno utile, nec sibi consultum putabat. Tempori igitur, & Joannis Brundisii Archiepiscopi, Pontificis Legati, precibus; cedens, non solum Principes, quos nuper captivos Neapoli abduxerat, se liberos dimissurum pollicitus est, sed Oratores etiam Joannem episcopum Nitriensem, & Volfardum Comitem castri ferrei, Avenionem misit, iis mandatis instructos, ut, si quid litis, regni Neapolitani causa, superesset, suo, & fratris sui Stephani nomine, cum Pontifice transigerent. Mandatorum autem hæc capita fuisse: quidquid in Italia regiis armis, aut deditione occupatum esset, id Pontifici redditum iri

a) Joan. Archid. Chron. Par. III. c. 29. & Dlugoffus 1. 9.

b) Villæus hist. Neapol. l. 2. c. 14.

iri sponderent, servatis solum Principatus Salernitani, & honoris montis sancti Angeli, quibus hactenus jure paterno usus fuisset, titulis: Pontifex contra universis, qui regis, vel Andreæ, fratris illius, tam ante Italicum bellum, quam eo durante, partes fuissent sectati, omnium erratorum veniam faceret, eosque, qui regno excedere vellent, liberos cum fortunis suis dimitteret, commeatuque juvaret, demum illos, qui partem in cæde fratris sui habuissent, arbitrio, & fidei Pontificis relinquerent, quem non dubitet facturum, quod æquitati consentaneum esset. *a)* Adderent illud etiam, si ex usu viderent, regem trecenta aureorum millia, quæ, si regnum Joannæ cederet, ab illa ex pacto solvenda erant, ultro eidem condonaturum. *b)*

Hæc regis ad Pontificem mandata Oratoribus data erant. Domi interea regni Ordines, ne ob tam crebra bella in exteris regionibus gesta, & sumtus in ea factos, immunitatibus suis præjudicium fieret, idque sensim in usum, & exemplum ad posteros transiret, rebus suis consulere volentes, regem communi nomine rogabant, ut, quas

Andre-

---

*a)* Raynald. ad hunc an. apud Pray Par. II. pag. 89.

*b)* Litt. Pontif. ad Joannam reginam, apud Raynald. ad an. 1352. & Pray I. cit. p. 91.

**1351.** Andreas II. a) prærogativas Nobilibus confirmasset, ipse etiam ratas habere vellet. Ludovicus non inmemor, quam operam Nobiles, sponte sua ad signa convolantes, præbuit etiam suis facultatibus, in bello Italico navassent, libens volensque precibus Ordinum detulit & prærogativas, una solum, quæ de donatione mortis causa in usu erat, antiquata, novo diplomate confirmavit. b) Cum enim prius Andreas II. indulserit, c) ut, si quis Nobilium sine mare hærede obiret, relicta filiæ solum quarta possessionum parte, reliquum pro arbitrio legare possit, multique sumpta hinc occasione, bona avitica Ecclesiis, aut aliis, rege etiam, ad quem ceteroqui bona ejusmodi pertinebant, inconsulto, conferre solerent, Rex æquitati naturali consulens, hanc libertatem abrogavit, statuitque; ut in simili deinceps eventu, fratrum prima semper ratio in testamentaria dispositione habeatur. d) Cetera bullæ aureæ capita partim uberius explanavit, partim etiam auxit. Postremi generis duo imprimis sunt, quorum alterum ad subjectos, ad dominos alterum spectat. Illi ne ab his pro libidine premerentur, de-

---

a) Conf. dicta ad an. 1222.

b) Exstat in Cod. jur. patrii, T. I. p. 165. edit. an. 1779.

c) Bull. aureæ art. 4.

d) Decreti conclus. §. 11.

decrevit, ut seculares domini partem nonam frugum, & vinorum, Ecclesiastici vero præter hanc, insuper decimam, perciperent, si qui secus fecerint, nona pars, sine relaxatione, ad regem pertineret. a) Rursus, quemadmodum nefas esset, colonos alterius, invitis dominis, suo fundo adscribere, ita colonis integrum esset, ad alios dominos migrare, si quid tamen mali prius perpetrassent, nequaquam arbitrio dominorum, sed secundum juris normam, poena eis statueretur. b) Verisimile est, hac lege servitutem, qua coloni olim glebæ adscripti erant, vendique poterant, c) sublatam fuisse.

Ad fundorum dominos quod spectat, illud constitutum, ut, si in Nobilium possessionibus fodinæ auri, argenteve reperirentur, has Rex possessoribus ne auferret, sed aliis fundis regii juris ex æquo pensaret. d) Olim enim in cujuscunque terra hæe repertæ erant, proventuum ex illis pars ad fundi dominum, & pars ad terræ Principem, e) ex vetusta re-

F 2

gni

a) Decr. art. 6.

b) Ibid. art. 16. &amp; 18.

c) Conf. Notit. præv. §. 24.

d) Decr. art. 13.

e) Hoc discrimen inter Principem terræ, & fundi dominum jam Andreas II. in dipl. an. 1231. quo immunitates Nobilibus iterum confirmat, his verbis declaravit: *item, pro singulis marturinīs quatuor pondera persolvantur, quantum-*  
cun-

1351. gni consuetudine pertinebat. a) Latius illud beneficium spectabat, quo Rex, sublati, qui hactenus erant, diversis Nobilium gradibus, b) omnes, qui hoc nomine censebantur, eodem jure gaudere, omnique onere, præter militiæ professionem, solutos esse voluit, c) ut & fortitudinem illorum, qui in bellis inclauerant, remuneraretur, & alios ad similem deinceps virtutem præstandam incitaret. d)

1352. VI. Nec diu illius exercendæ occasio defuit. Tartari a Lithuanis concitati, in Podoliam, & ex hac in fines Transsilvaniæ, irruerant. H. s. Andreas Vayvoda Transsilvanus, jul-

*cunque inde provenerit, tertia pars domino fundi, & duæ partes domino terræ persolvantur.*

a) Dipl. Ladislai Chuni, an. 1283. *Si in aliqua terrarum Ecclesiæ Strigoniensis Archiepiscopi vel Capituli, argenti fodinam, auri fodinam invenire contigerit, totum commodum, seu lucrum, plene & sine defalcatione aliqua, tam illud, quod de hujusmodi fodinis ad Fiscum regium, seu illud, quod ad terræ dominos juxta approbatam regni consuetudinem devolvi suevit, Ecclesiæ Strigoniensis. — possideat.*

b) Vid. Notit. præv. §. 23.

c) Decr. art. 11.

d) Olim non facile aliquis alia ex causa in cæterum Nobilium a regibus cooptatus fuit, quam si in bello rem fortiter gessisset, quod innumera diplomata testantur.



1352. labetham, Stephani Bosniæ Ducis filiam, quæ hactenus in aula a regis matre, velut obfes, educabatur. a) Conjugii hujus causa, non sola spes tollendæ prolis erat, sed ut fo- ceri præterea, & Bosnenfium opera, ad elimi- nandos tota Dalmatia Venetos, quod, compo- sito bello Italico, secum constituerat, uteretur.

1353. Eandem ob causam Carolum Imperato- rem Viennæ convenerat, b) eoque Posonium deducto, conscriptis Tabulis, pro Ducatu *Plocensi*, & *Mazoviæ*, oppida *Beuten*, & *Creu- czenberg*, uxorio titulo olim acquisita, suo, & Casimiri nomine eidem celsit, pollicitus præte- rea, idem a Casimiro, intra quadrimestre spaci- um, peculiari scripto confirmandum esse, c) ut- que illum sibi magis conciliaret, jus quoque su- um

a) Hoc anno, non item sequente, ut aliqui pu- tant, nuptias coaluisse, docent autogr. litt. re- gis an. 1352. fer. 4. prox. post fest. B. Georgii M. demum, cum vice tertia dominam Mariam, so- rorem Domini Stephani Ducis Bosnenfis, pro- ximam nostram carissimam, domino *Helfeneero Pazzoviæ* (fors *Passaviæ*) nuptui sociandam transmississemus &c. non vocaturus carissimam, nisi filiam Ducis Bosniæ jam conjugem habuisset. Hujus Mariæ nulla apud Orbino, Luccari, & du Cange exstat memoria.

b) Chron. Zwetlen, ad an. 1353.

c) Goldastus in append. documentor. f 61. & Du Mont, corps diplom. Tom. I. Par. II. pag. 284.



um in *Svidnicensem*, & *Jaurensē*, Silesiæ Ducatus, in eundem transtulit, a) simul aliud, quo 1353. utriusque familia arctius jungeretur, foedus cum eo sanxit, fide juramenti interposita, spondens se eidem, ejusque hæredibus contra omnes hostes, Casimiro solum rege, & Alberto, Aufiriæ Duce, exceptis, suo, hæredumque suorum, & coronæ Hungariæ nomine, auxilio futurum, facturum præterea, ut, si filios, filiasve, obtinuerit, mutuo connubio cum Caroli liberis jungantur, nec aliis, eo, vel ejus hæredibus inconsultis, despondendos esse. b) Ex hac foederis lege postea factum, ut Sigismundus, Imperatoris filius, Mariæ, Ludovici filiæ, matrimonio junctus, in solium Hungariæ eveheretur.

Hæc eo spectabant, ut conciliatis regno vicinis Principibus, nihil impedimenti ab iis sibi poneretur, si, Dalinatiæ causa, Venetos

F 4

bello

a) Goldastus I. cit. f. 60. Vid. etiam Pray, Par. II. pag. 93.

b) Ludewig, Reliqu. Mss. Tom. 5. pag. 495. *Quod si aliquando filios, vel filias obtinuerimus in futurum, quod illos, vel illas maritaggio, sive nuptu invicem copulare volumus, nec debemus quibuscunque spondere personis, absque prædictorum regum Boh. consilio, favore, & consensu &c. Dat. Budæ 1353. Indict 6. mense Sept. die 15. Idem exhibet Lunig, Cod. dipl. Germ. Tom. I. col. 1107. apud Katona Tom. X. pag. 87.*

1353.

bello peteret. Huc enim abhinc, quam obtinendi regni Neapolitani spem amiserat, omnis destinatio illius tendebat. Classe tamen, qua Veneti valebant, & sine qua conatum suum inutilem futurum vidit, cum destitutus esset, societatem armorum cum Genuensibus, qui per id tempus bellum cum Venetis habebant, iniit, ut, dum illi contra hos mari, ipse in continenti, rem gererent. Ita utrinque conventum, sed incertum, qua via, indicium ad Venetos perlatum fuerit, qui, ut periculum a se amolirentur, missis ad Imperatorem Legatis, eum orabant, ut regem a proposito Genuenses juvandi averteret. *a)* Dedit id Rex, quamquam invitus, amicitiae Imperatoris nuper contractae, nec tamen propterea a faciendo necessario ad bellum apparatu destitit, &, quoniam Legati Venetorum spem Imperatori fecere, litem de Dalmatia sine armis componi posse, Rex arma; tamquam aliud agere, quam designabat, videretur, in Rasciam traduxit, & Stephanum Duscianum, qui se Rasciae, & Serviae Imperatorem ferebat, solo armorum metu a foedere Venetorum abstraxit, *b)* utque hos magis sui securos redderet, copiis trans Bogum ductis, in Tartaros, qui Crimaeam colunt, movit, horumque Chamum obviam sibi

1354.

---

*a)* Willanus apud Lucium l. 4. c. 17.

*b)* Du Cange Illyr. vet. & nov. pag. 61.

sibi factum, & tributum quotannis promittentem, in clientelam recepit. a)

VII. Inde in Hungariam reversus, Casimiro regi summam æris, quod titulo concessi nuper regni Russiæ debebat, donec pacatior illius possessio esset, relaxavit, b) simulque auxilium contra Lithuanos addixit, & ne fratrum suorum, Andreæ, & Stephani c) obitus, pactis de successione in Poloniam aliquando officeret, Nicolaum Strigoniensem Archiepiscopum, additis ex primo ordine collegis, in Poloniam misit, qui fœdus de successione, inter Carolum patrem, & Casimirum olim sancitum, suo, & matris Elisabethæ, nomini-

1355.

a) Villanus l. 4. c. 5. Conf. Pray, Par. II. p. 95.

b) Dogiel Dipl. Pol. Tom. I. pag. 37. 38. & 39. documenta hæc exhibet Katona Tom. X. pag. 107. sequ. nomine *Ruthenici regni*, cujus in Tabulis fit mentio, non aliud venire potest, quam Lodomeria, & Halicia, ut supra memoratum fuit.

c) Hoc, vel priore anno obierit. Priore die epiph. privilegia Kapronczensibus concessit, hoc autem, vidua Margaretha, eadem confirmavit: *præsentaverunt nobis universitas civium — de Kaproncza, quod vos contra libertatem eorum, quam dominus Stephanus Dux, eandem conthoralis noster ipsis contulisset — molestaretis, &c. Dat. Budæ, fer. 2. prox. post festum S. Georgii M. 1355.*

1355. minibus innovarent, eique Joannem Stephani filium, nepotem suum, hujusque, si quos habiturus esset, filios nova pactione includerent. a) Casimirus, quod nullam obtinendæ prolis spem haberet, vicissim nomine regni sui Legatos ad Ludovicum misit, qui, ut immunitatibus suis consulerent, novas prioribus pactis condiciones adjecere, quarum hæ præcipuæ erant: ne Rex quidquam contra regni vetusta jura statuatur, neve id novis exactionibus, tributis, & vectigalibus oneret, si necesse esset, ut cum exercitu in regnum veniat, Ecclesiasticis, & Nobilibus annonam ne imperet, aut pabulum gratuito exigat, sed depenso justo pretio solvere velit, postremo, si regem, ejusque nepotem Joannem, sine macula prole contingat obire, pacta de successionem sint irrita, & Poloni juramento fidelitatis soluti declarentur. b)

Ludovicus, quod æqua postulari videret, petitis libenter annuit, addiditque præterea, quinque millia *sexagengrum grossorum Bohemicorum* seniori filię Casimiri, si nuptui locabitur, quemadmodum a Carolo, patre suo, constitutum erat, a se, vel successoribus suis, bona fide solutum iri, atque hæc, edito juramento, ac conscriptis tabulis, Budæ VIII. Ca-

---

a) Dogiel, & Katona, l. supr. cit.

b) Dlugossus l. 9. ad hunc an. apud Pray, Pat. II. pag. 96.

Calendas Julii confirmavit. *a)* Dimissis Ca-  
simiri Legatis, & lite, quæ ob viciniam fun-  
dorum, quæ inter Præpositum Capituli veteris Budæ, & regis Castellani orta erat, dir-  
emta, *b)* nuncii a Venetis adfuere, qui, quod  
induciæ ante octennium initæ, ad finem ver-  
gerent, has, propositis conditionibus *c)* con-  
firmari petebant. Rex simulatione hac offen-  
sus, non enim ignorabat, Venetos interea  
adversum se fœdus cum Rasciis, & urbibus  
Spalato, Tragurio, & Sibenico, pepigisse,  
Nuncios re infecta remisit. *d)*

1355.

Abhinc Rex animum in bellum Venetum  
obfirmavit, ne quid autem interea domi non  
satis tutum relinqueret, pristinam cum Alber-  
to Austriæ Duce amicitiam novo fœdere con-  
firmavit, quo alter alterius ditiones contra  
hostes se tuituros, receperant, idemque hæ-  
re-

1356.

---

*a)* Id ibid. pag. 97.

*b)* Id. ibid.

*c)* Laurentius de Monacis Chron. Venet. l. 6.  
narrat, inter conditiones, de quibus utrinque  
agebatur, etiam hanc fuisse, regem nempe  
voluisse quidem Dalmatiam Venetis permittere,  
si isti quotannis album equum ei dono mitte-  
rent, sed Venetos servilem hanc conditionem  
inire noluisse. Quam absurdum commentum,  
Dalmatiam pro albo equo! quasi Hungaris equi  
hujus coloris defuissent.

*d)* Lucius l. 4. c. 17.

1356.

redes utriusque facere obstricti essent: Albertus vero seorsim fidem dederat, se nemini; qui Casimirum bello peteret, auxilium, opemve præstiturum, Ludovico præterea, si quos ex Alberti ditionibus ad signa vellet conducere, fas, integrumve esset. a) Supererat adhuc lis dirimenda de dote, inter Margaretam, Alberti II. Austriæ Ducis filiam, & Joannem Lucenburgensem, Caroli Imperatoris fratrem, constituta, cujus vadimonium Carolus, regis pater, in se olim receperat. Hanc illa nunc repetebat, quod paterni vadimonii onus cum regno ad filium transiisse, contenderet. Rex, ne temporis jacturam faceret, arbitrium Alberto commisit, a quo lis in hunc modum diremta est: Ludovicus triginta florenorum millia Duci custodienda, Margaretæ autem ex proventu Tirnaviensis urbis tria millia quotannis, daret, quæ, si a die prolatae sententiæ, documenta, quibus sibi dotem deberi doceat, ad futurum Pascha non proferret, Ludovicus viginti millia reciperet, & decem Margaretæ manerent, proventu tamen urbis Tirnaviensis eo usque frueretur, donec controversia, productis a Ludovico quoque documentis, uberius illustrari possit. b)

Hac

a) Steyrer l. cit. col. 186. ex Tabul. Cæsar. apud Pray. Par. II, pag. 100.

b) Idem ibid. col. 187. Dat. Vien. *Dominio, post epiphan.* apud Pray, ibid.

Hac cura expeditus, omnes cogitationes ad recuperandam Dalmatiam convertit; sed quia classe ad id necessaria destitutus, nec hujus a 1356.  
 Genuensibus, qui, contra regis expectationem, anno priore pacem cum Venetis confecerant, impetrandæ a) spes ulla esset, bellum in ipsam continentem, & Venetæ dittonis viscera transferre statuit. Id quidem, cum per alienas terras copiæ ducendæ fuerint, arduum in principio videbatur, postea autem, quam cum Alberto, & Maynhardo, Goritiæ Comitibus, armorum societatem iniisset, & Patriarcham Aquilejensem, cum Cenetensi Episcopo, in suas partes pellexisset, spem minime dubiam de felici exitu concepit. His ex sententia confectis, Zagrabiam cum copiis movit, & vulgatis litteris jus suum in Rasciam se vindicaturum, præferebat, idque Pontifici per Procuratorem significari curavit. Laudavit propositum Pontifex, regemque propterea honorifico *Signiferi Ecclesiæ* titulo cohonestavit, at Veneti, rem serio a rege agi putantes, ne fœderatis suis deessent, in fraudem inducti, præcipuam militiæ partem iis auxilio misere. b)

Hoc

---

a) Die 1. Jun. an. 1355. apud Lucium Memor. istor. di Tragurio pag 247.

b) Hist. Cortusior. l. 11. c. 8. Tom. VIII. script. rer. Ital. apud Muratorum. Raynald. ad an. 1356. apud Pray, Part. II. pag. 101.

**1356.** Hoc tempus Rex occupandum ratus, Joannem *Chuz*, Croatiae Banum, in Dalmatiam proficisci, Jadramque tentare iussit, ipse cum robore exercitus, accelerato per Carniam itinere, in Forum Julii irrumpens, *Tarvisio*, *Conigliano*, *Asolo*, *Serravallo*, & finitimis locis subactis, Paduanos cum Francisco Cararia, eorum domino, in fidem recepit. Perculit ea res Pontificem non minus, quam Venetos; ille regem frustra a victoriae cursu revocare conatus est, isti animum illius, missa Tarvisium Legatione, periclitati, pacem, reddita civibus Jadrensis libertate, & quibusdam urbibus restitutis, aliis vero, cum pensione annui census, sibi reservatis, offerebant, sumtus quoque belli se pensaturos polliciti. Abnuvit Rex, nisi tota Dalmatia decederent, & milite in hostico hibernare iusso, in Hungariam rediit, nova supplementa lecturus. *a)*

**1357.** VIII. Transacta hyeme, Hungari in Italia relictis, insignem ad *Nervesam* ex Venetis victoriam, metu latissime circumplato, adepti erant. Nec minus feliciter Banus Croatiae, quem Rex in Dalmatia iusserat resistere, rem interea gessit. Tragurium enim, Spalatum, & Sibenicum, post confirmata civium jura, se ei ultro dedidere, quorum exemplo Jadra quo-

*a)* Vilanus l. 6. c. 63. Lucius de regno Dalm. l. 4. c. 17.



quoque, & Nona, cum Rex in Dalmatiam venit, in potestatem redactæ. Veneti tam  
 felici armorum progressionem territi, ne Marchiam quoque Tarvisinam, ab Hungaris infestam, amittere cogerentur, missis Jadram Legatis, pacem a rege flagitarunt, quam, precibus Francisci Cararia adductus, non aliter se concessurum, respondit, nisi omnia, quæ in Croatia, & Dalmatia occupassent, bona fide redderent, & Duces Venetorum in publicis litteris, titulo Dalmatiæ & Croatiae, a) deinceps abstinere, ita, quæ in Marchia Tarvisina armis sua fecisset, se redditurum esse. Id quasi præludium pacis erat. Actum est de hac missis ultro, citroque internunciis, crebroque res adhærere videbatur, donec, sublatis obstaculis, in has condiciones utrinque conventum esset. Veneti tota Dalmatia, intra viginti duos dies, a subscripta pace cedant, initio a medietate *Quarnici* seu *Carnici* sinus, b) ducto, ad Epiri limites, ubi  
 Dyr-

- 
- a) Solebant enim in publicis edictis, hoc titulo uti: *N. Dei gratia Dux Venetiarum, Dalmatiæ, atque Croatiae Dux, Dominus quartæ partis, & dimidiæ totius Imperii Romanæ*. Hoc primus omnium, quod sciam, usus est Andreas Dandulus an. 1343. Vid. volumen statutorum, Legum, ac jurium D. Venetor. Venetiis an. 1564. & Librum Promissionis ibid.
- b) A vicina Carnia, seu Carniolia sic dictus. In hac medietate sinus, est *Flumen S. Viti*, cum  
 suo

**1357.** Dyrrarchium est: quidquid hoc spatio, urbium, insularum, portuum, aliarumve utilitatum, continetur, regi, astu, dolove procul, tradent, juriq̃ue, quod se in hæc habere putabant, aut habere poterant, in perpetuum renunciabunt, idque cum dominio, proprietate in Ludovicum, hujusque successores Hungariæ reges transferent, nec unquam actione ulla, aut beneficio juris, & legis adversus hanc celsionem se usuros, juramento promittent, ac titulis Dalmatiæ, & Croatiæ omnino abstinebunt. a) Rex  
con-

---

suo Territorio, itaque juris Hungarici, non item, ut aliqui putant, in ditione Carniolæ, aut Iliricæ. Atque hi erant Dalmatiæ limites sub Andrea II. teste Archidiac. Spalaten. hist. Salonit. c. 1. *Nunc ergo Dalmatia, est regio maritima, incipiens ab Epyro, ubi est Dyrrachium, & protenditur usque ad finem Quar-narium.*

- a) Forma celsionis hæc erat: *vigore instrumti prædicti, contenti fuimus renunciare, & effectualiter renunciamus defacto, in manibus prædicti regis, suo, & successorum regum nomine, toti Dalmatiæ, a medietate Gvarnarii, usque ad fines Duracii (Dyrrachii) omnibus civitatibus, terris, castris, insulis, portibus & juribus, quæ habuissimus, & tenuissimus, & tenebamus in eisdem quoquo modo, & specialiter, civitatibus. Nonæ, Iadræ, Scardonæ, Sibæ*

contra, quæ in Marchia Tarvisina, Istria, & in ditione Cenetensium occupavit, Venetis in solidum restituet, utrique parti secura, & libera navigandi, a) mercandique potestas erit, malefactores neutri recipient, nec piratis

---

*Sibenici, Tragurii, Spalati, & Ragusi, in terra firma existentibus. Item in terris adjacentibus, videlicet, Cherso, Veglia, Arbo, Pago, Brachia, Lefina, Corfulæ, cum insulis earundem, cum omnibus pertinentiis, & utilitatibus earundem, ac titulis Dalmatiæ, & Crotiæ, quibus uti consueveramus, & totum jus, & proprietatem, si quas habuissemus, in ipsum dominum regem, & successores suos, sponte, deliberate, & cum maturitate transferentes, renunciantes insuper omni actioni, & omni juris, & legis beneficio, quibus ullo unquam tempore possemus contra prædicta, vel prædictorum aliquod, nos juvare, & promittentes solemniter, sub vinculo sacramenti, pro nobis, & Communi Venetiarum, corporaliter præstiti, de ipsa Dalmatia, civitatibus, terris, castris, locis, insulis, juribus, & titulis, ac ipsorum possessione, seu dominio, nullo unquam tempore per nos, vel alios, nos intromittere, vel aliququaliter impedire, usque ad fines ante dictos.*

a) Hactenus enim sibi dominium maris Adriatici arrogabant.

tis portum præbebunt, aut mare ab his infestari sinent, præteritorum denique oblivio, & amicitia utrinque perpetua sit. a) Tabulæ  
 1358. pacis sequente anno, Jadræ quidem XVIII. Venetiis autem XXIII. Februarii promulgatæ sunt, tum Stephanus Zagrabiensis Episcopus, & Nicolaus Drugeth, Judex curiæ regiæ Venetias missi, ut juramento Ducis, pacta confirmantis, interessent, & pacis tabulas permutarent, quas ille XXV. ejusdem mensis illorum manibus, regi tradendas, consignavit, & regio nomine scriptas vicissim ab eisdem recepit. Ne autem, quos armorum socios habuit, Patriarcham Aquilejensem, Episcopum Cenetensem, Franciscum de Cararia, Albertum item, & Maynhardum, Goritiæ Comites, deseruisse videretur, his quoque editis litteris tertio post mense cautum voluit. b) Hunc in modum Dalmatiam, quæ partim decessorum socordia, partim intestinis dissidiis, in Venetorum potestatem sensim venerat, pristino Hungariæ juri vendicavit, non facile deinceps amittendam, si successores sibi similes post se reliquisset.

IX. A confecta pace illud ante omnia  
 1359. Ludovicus satagebat, ut & regni juribus, citra

a) Lucius I. 4. c. 17, Laurentius de Monacis Chron. Venet. I. 6. Pray Par. II. pag. 108.

b) Tabulæ exstant in Hist. Cortusior. I. 11. c. 18. apud Pray Par. II. pag. 110.

tra regiae dignitatis diminutionem consuleret, & regionum proventuum administratio ita in ordinem redigeretur, ut & Fiscus regius haberet, unde publicis necessitatibus posset succurrere, nec civitatibus, quae commodo portu erant instructae, nervus mercimoniorum succideretur. Jam anno priore Jadrensis privilegia confirmans, liberaliter indulgit, ut prisca quidem judiciorum ratio eis libera esset, si qui tamen sibi minime satis factum existimarent, his regem impune liceret appellare: a) Croatis vero, & extraneis per eos, quos ex Hungaria missurus esset, jus administratum iri. b) Traguriensium quoque jurata habuit, proventus tamen per Legatos suos c) ita existimabat ordinandos, ut media pars ærario regio inferretur, & altera civitatis esset, d) Sed cum hanc ordinationem ci-

G 2

ves

- 
- a) Lucius de regn. Dalm. l. 6. c. 2.  
 b) Missi erant, Nicolaus Colocen. Archiepisc. electus Strigonien. Stephanus Nitrien. Episc. Nicolaus de Zeech Jud. Curiae reg. Joan. Chuz, Banus Dalm. & Croat. & Gregorius Custos Eccl. Varadinen. Capellanus regius, ut est apud Lucium Mem. istoriche di Tragur. pag. 271.  
 c) Idem ibid. pag. 272.  
 d) Id. ibid. pag. 273. Initium documenti hoc est: *Stephanus Dei gratia Episcopus Nitriensis, sacrae Theologiae Magister, Joan. de Brendeshek,*

**1359.** **ves** graviter ferrent, non solum hanc retractavit, verum universe etiam Dalmatas jure suo municipali deinceps uti permisit, solam maritimi salis Cameram ad eum morem, qui in Hungaria obtinebat, coordinatam esse voluit.

a) His in Dalmatia constitutis, Posonium concessit, ut cum Rudolpho Austriæ Duce, qui Alberto patri, ante annum defuncto, successerat, pristinam amicitiam confirmaret. b)

**1360.** **Mox** sequente anno, *Bernabonem*, qui Bononiæ tyrannidem adversus Pontificem arripuerat, ut Curiam Romanam, ob simulatam nuper in Rascios expeditionem pacaret, per Joannem Colocensem Præpositum admonuit, ut ab injuria porro inferenda desisteret, alioquin sciret, se arma in illum Ecclesiæ causa sumtuum, cumque is morem regi gesturum pollicitus esset, neque promissis stare, copias auxiliares, quæ homini reprimendo satis essent, in Italiam misit, c) præcipuum tamen robur militiæ domi retinendum erat, quod Carolum Imperatorem cum Duce Austriæ aliquid

---

*stech civilis Professor, sereniss. Principis Domini, Domini Lodovici regis Hung. ad partes Dalm. Legati, &c.*

a) Id. ibid. pag. 274.

b) Steyrer I. cit. pag. 285. apud Pray Par. II. pag 112.

c) Raynald. ad an. 1360. & Villanus l. 9. c. 91.

quid adversum se moliri suspicaretur. a) Oc-  
 casio ex convicio sumta fuit, quo Imperator Eli-  
 sabetham, regis matrem, velut parum pudicis  
 moribus præditam, criminatus fuerat. Ma-  
 tris injuriam Ludovicus suam interpretatus,  
 b) bello ulcisci constituerat, & facto ad id ge-  
 rendum apparatu, ut Rudolphum quoque,  
 quamquam Imperatori fœderatum, in socie-  
 tatem armorum pertraheret, Viennam pro-  
 fectus, novum cum eodem, & illius fratribus  
 Friderico, Leopoldo, & Alberto, fœdus pe-  
 pigit, quo se Duces unanimi consensu regi  
 obstrinxerant, se eidem contra Imperatorem,  
 hujusque fratrem Joannem Moraviæ Marchio-  
 nem, omni sua potentia affuturos, salva ta-  
 men lege, qua Rudolphus, ceu Dux Austriæ,  
 jubebatur Imperiali exercitui duodecim mili-  
 tes cum mensis unius stipendio contra Hun-  
 garos adjungere. c)

## G 3

## Eidem

- 
- a) Lucius Mem. istor. pag. 277. ex regesto confi-  
 llii Tragurien. 1361. die 15. Dec. — nova fa-  
 cit D. Rex civibus notificare, videlicet, quod  
 D. Imp. Rom. & Dux Austr. videntur velle  
 movere guerram dicto D. regi indebite &c.
- b) Michovius pag. 157. apud Pistorium Tom. II.  
 script. Pol.
- c) Steyrer l. cit. col. 333. apud Pray Par. II.  
 115. error tamen apud hunc, & Katona in  
 annum irrepsit, & rescribendus est, 1362.

**1362.** Eidem fœderi paulum post, quam Rudolphus Posonium venit, Casimirus quoque Rex Poloniæ, & Maynhardus Bavarix Dux & Comes Tyrolis accesserant, cautumque, ne quis, insciis fœderatis, bellum cuiquam obmoveat. a) Id in causa erat, cur deinde res ad arma cum Imperatore non venerit. Ludovicus, ut vicissim Rudolpho gratiam referret, castrum *Schvarczenbach*, quod sæpe diffusionum fomes inter Hungaros, & Austrios erat, eidem restituit, & argentum, ob defensum olim ab Hungaris *Neostadium*, ex pacto debitum, condonavit. b) Transactum deinde est de controversia, quæ in confinibus Hungariæ, & Austriæ, titulo decimarum, censuum, juris item montani, & emphyteutici, inter utramque Nationem crebro oriri solebat. Ad hanc dirimendam, quatuor constituti utrinque arbitri, qui de jure sine partium studio cognoscerent, quodque statuissent, Rex, & Duces ratum haberent. c) Aliis autem Tabulis, si bellum re ipsa gerendum fuerit, ita paciscentibus convenerat, ut, quæ armis parta essent, ex æquo utrinque dividantur, nec fas sit cuiquam, inconsulto alio, ab

---

a) Steyrer *ibid.* Dat. Posonii ultima Febr. 1362.

b) *Id.* *ibid.* Dat. Budæ d. 10. Mart. apud Pray Part. II. pag. 117.

c) *Id.* Steyrer col. 337 Dat. Bud. eod. d. & an. *Idem* col. 336. Dat. Bud. eod. an. & d.



ab armis cessare, a) *sin* aliquid, durante bello, accideret, quod fœderatos in discordiam posset adducere, id ad finem expeditionis ut rejiceretur, constitutum. b)

Nec Imperator, qui per id tempus Norimbergæ agebat, postquam confœderationis inter regem, & Rudolphum sancitæ indicium ad se perlatum est, segnius se ad vim repellendam comparabat, eoque gravius Rudolphi factum tulit, quo minus id, post initum Pragæ anno priore secum arctissimum fœdus, de genero suo suspicari poterat. Bellum itaque, facto utrinque apparatu, prope certum videbatur, cum Innocentius VI. Pontifex, misso ad Rudolphum Ægidio Vincentino Episcopo in mandatis dedit, ut Ducem præprimis Imperatori reconciliaret, datisque insuper ad Rudolphum litteris, eundem, ut cum socero in gratiam rediret, impense cohortatus est. Valuit Pontificis auctoritas, & ardor belli sensim in Rudolpho refrixit. c)

X. Suberat aliud etiam, quod Rudolphum a belli proposito avertit. Obierat sub ipsum anni sequentis initium Maynhardus, Comes Tyrolis, quem Rex Ludovicus in societatem fœderis contra Imperatorem priore

G 4                      anno

a) Idem col. 337. Dat. Bud. cod an. & d.

b) Idem col. 338. Dat. Trenchini d. 15. Aug. cod. an. apud Pray Par. II. pag. 119.

c) Raynald. ad an. 1362.

1363. anno adscivit. Is, si sine prole obiret, consentiente matre sua Margarita, Principes Austriæ quadriennio abhinc, hæredes suos scripserat. a) Cum igitur, ad novam possessionem pacate adeundam, favore Imperatoris egeret, inconsulte se facturum existimabat, si in illum, tam alieno tempore, bellum moveret, nec dubitabat regem id communi amicitiae daturum, ut mitiora consilia admittat. Ludovicus, cui matris injuria cordi erat, videns, unum ex confœderatis suis morte sublatum, alterum vero prope esse, ut fœdus, familiæ suæ causa, deserat, ipse etiam nutare cœpit, cum illum, in quam partem se daret, hærentem, Petrus Vulterranensis Episcopus, ab Urbano V. ad componenda Principum dissidia in Germaniam missus, convenit, facileque persuasit, ne rem, quæ amica compositione finire commode possit, armis velit decernere, & Turcis interea, post occupatam Adrianopolim, latius, in vicinas quoque ditiones juri Hungariæ obnoxias, grassandi occasionem daret. b) Cessatio igitur, licet Imperator, & Rex in limitibus jam cum copiis suis constiterint, ab armis interim facta, donec internunciorum opera dissidium componeretur. Protracta est negotiatio in men-

---

a) Nempe an. 1359. Tabulis Monachii Non. Sept. conscriptis.

b) Raynald. ad an. 1363.

menſem Decembrem, a) cum Bulcus, Svid-  
nicenſis & Jaurenſis Dux, qui utrique diſſi- 1363.  
dentium cognatione conjunctus erat, Ludovi-  
cum Trenchinii conveniens, eo rem denique  
adduxit, ut litem Caſimiri regis Poloniæ ar-  
bitrio dirimendam permetteret. Inde in Po-  
loniam digreſſus, Caſimiro, qui minus ſoro-  
ris convicio, quam Ludovicus matris ſuæ,  
exacerbatus erat, facile perſuaſit, ut paciſi-  
cato-

- 
- a) Ad hoc temporis intervallum cenſeo expedi-  
tionem in Boſniam, cujus Archidiac. Chron.  
Par. III. c. 33. meminit, & aliqui an. 1359.  
affigunt, locandam eſſe. Cum enim in hæc  
Nicolao Strigonien. Archiep. Sigillum regis fur-  
to ſublatus ſit, nimis multi anni inter hunc,  
& 1364. quo Rex novum Sigillum amiſſo ſub-  
ſtituit, interceſſiſſent, quibus malevoli facile  
commentitio Sigillo in aliorum damna abuti  
potuiſſent, cum tamen conſtet, regem inter an.  
1359. & 1364. quo novum Sigillum confectum  
eſt, multas donationes feciſſe, quin novi Sigil-  
li mentionem faciat. Forte huc etiam perti-  
neat expeditio in Bulgariam, quam Archidiac.  
priori conſeſſim ſubjungit, in qua Straſcimirus  
Bulg. Imperat. captivus in Hung. ductus eſt,  
cum & facilis ex Boſnia in Bulgariam aditus  
ſit, & Rex an. 1364. Banum Bulgariæ præfe-  
cerit, quod Straſcimiro rerum potente factum  
non eſſet. Sed hæc, cum nulla certa chrono-  
taxis ſigi poſſit, in modum conjecturæ.

**1363.** catoris partes in se reciperet, qui delatum sibi arbitrium eo libentius est amplexus, quo minus illi laboris exantlandum erat, quod Catharina Rudolphi Ducis Austriæ conjunx, Imperatoris filia, patris animum jam ante primum ad amplectendam pacem reddidisset. *a)*

**1364.** Quo celerius autem hæc conficeretur, Imperator, Cracoviam ineunte anno profectus; ut Casimirum sibi addictum redderet, Elisabetham, ejusdem neptem, Bogislai, Pomeraniæ, & Stettinensis Ducis filiam, sibi matrimonio conjunxit. Cracovia Pragam rediit, Brunam contendit, quo Ludovicus Rex & Rudolphus cum fratribus, Austriæ Ducibus, jam convenerant, ut pacis negotium, hactenus affectum, mutuo consensu perficeretur. Consistentibus itaque partibus, Tabulæ IV. Idus Februarii in hæc pacta conscriptæ sunt: dissensiones, quæ verbis, factis, & gestibus utrinque, quibuscunque ex causis, intervenissent, penitus obliteratæ sint: ad hæc juramento cautum, ne alter alterius terras, quas nunc possidet, aut deinceps possesurus esset, damnis afficere, jura, quocunque nomine vocarentur, violare vel alios ad id faciendum consilio, auxilio, clam, palamve juvare unquam ausit. *b)*

Actum

*a)* Steyrer l. cit. col. 375. Dat. Cracov. in vigil.

B. Lucie, apud Pray Par. II. pag. 120.

*b)* Steyrer ibid. col. 382. apud Pray, P. II. p. 121.

Actum etiam eodem tempore de jure successione mutua. Carolus Imperator, Wenceslaus ejus filius, & Joannes Marchio Moraviae, si eos hærede contingeret carere, jus succedendi in omnibus terris suis, in gentem Austriacam transcripserunt, a) hæc vicissim eadem lege, si præter Austriacum, etiam regis Ludovici genus, exstingueretur, jus in Austriam, ceterasque ditiones suas, ad Carolum, hujusque posteros transiturum spoponderat. b) Imperator ut Rudolphum, hujusque hæredes, novo beneficio sibi, ac familiæ suæ obstringeret, Tyrolim, cujus possessionem nuper adierat, eidem clientelari jure concessit. c)

Lu-

- a) Steyrer l. cit. in addit. ad c. 3. col. 379.  
 b) Steyrer l. cit. col. 383. apud Pray pag. 122.  
 c) Apud Steyrer ad hunc an. c. 3. col. 23. & c. 7. col. 30. Hoc circiter tempore Valachi, Romanorum olim colonia, in Moldavia rursus propagari cœpere. A Cumanorum enim in eas partes adventu, & Tartarorum irruptione, se in montes Marmarosienses receperant, ibique ad Ludovici regis ætatem pacati colebant, donec an. 1359. ut Cantimirus hist. Moldaviæ, c. 34. scribit, quidam *Dragoshus*, vel, ut vult Archid. Chron. Par. III. c. 49. *Bogdanus*, coloniam ad fl. Moldavum, a quo deinceps Cumanae, nomen Moldaviæ adhæsit, deduxisset. Hujus successores deinde Ludovicus ad profitendam cli-

ca-

1364.

Ludovicus, confirmata cum Imperatore amicitia, in Hungariam reversus, inter primas curas, id sibi præcipue perficiendum putabat, ut amisso nuper in Bosnenſi expeditione Sigillo regio, ne malevoli illo ad damnum ærarii regii, & jurium Nobilitatis, abuterentur, novum substitueret, quo non solum suas, quas hactenus edidisset, sed Caroli quoque, patris sui, doationis litteras, confirmari voluit, alioquin irritas, & omni robore destitutas esse, publico edicto declaravit. a)

Con-

---

entelam, & censum quotannis pendendum adigit. Qui abhinc Moldaviæ, & Valachiæ imperarint, vid. Pray Dissert. VII. in annal. veter. Hunnor. &c. pag. 140.

- a) Exſtat illius Formula in cod. jur. patr. Decreto regis præfixa. Solebat ea, cum appensione novi Sigilli, plerumque integra adſcribi, si ſpaciū erat, in adverſa litterarum parte, quæ ad confirmandum afferebantur, aliquando etiam in averſa; id tamen, ut sæpe obſervavi, rarius. Ceterum, ob concurrentium frequentiam, Cancellarius, vel hujus vicarius, annum 1364. & diem ſolum in margine inferiori ſolebant adnotare, ut, *anno M. CCC. ſexageſimo quarto, III. Non. Martii* (vel alio die, quo Sigillum novum appendebatur) *regni anno viceſimo tertio*. Critiria autem, quibus novum a deperdito Sigillo diſcerni poſſit, vide Pray Comment.

Concurfatio igitur omnium ingens ad regem  
facta, qui jurium fuorum indemnitati consul- 1364.  
tum volebant, quo beneficio & fuorum ani-  
mos fibi devinxit, & tam publicæ, quam pri-  
vatæ rerum fecuritati profpexit.

XI. Hæc regis beneficentia ad externos  
quoque pertinuit, præfertim, qui mercimoni- 1365.  
orum caufa in Hungariam commeabant, &  
propterea ftationem temporariam aliquando  
in regno solebant figere. Ex his præter Ita-  
los, qui omnium primi jus civitatis Strigonii  
sub Carolo rege obtinuerant, a) fuere Norim-  
bergenses, & Pragenfes, quibus Rex jam an-  
tea mercatus caufa, immunitates largitus erat.  
His fimiles etiam, cum Brunæ erat, rogatu  
Caroli Imperatoris, civibus Wratislaviensib-  
us, edito fcripto indulfit, promiffa persona-  
rum, & mercium fecuritate, modo confue-  
tum vectigal penderent, b) volens hoc exem-  
plo fuos etiam ad id genus induftriæ, cum ob  
propriam cujusvis, tum publicam quoque re-  
gui

---

ment hift. de vet. reginæ Hung. coronandi  
more. Pefini 1792. pag. 48.

a) Exftant litt. eorum an. 1330. Sigillum ex una  
parte refert hanc epigraphen: *Sigillum Lati-  
norum civitatis Strigoniensis*: ex alia vero:  
*fecretum Latinorum civitatis Strigoniensis*. Ipfæ  
civium nomina Italos produnt, ut Baldini, Ge-  
dini, Geleti, Rubini, Nigroni &c.

b) Katona Tom. X. pag. 360.

**1366.** ~~\_\_\_\_\_~~gni utilitatem, sensim consuefacere. Adven-  
nerant etiam Jadrensum nuncii, qui civium  
nomine regem orabant, ut vetusta urbis jura  
a regibus olim indulta, adversus Præfecto-  
rum injurias tueri, eaque instar novi be-  
neficii, confirmare vellet. Annuit benevole,  
spe etiam facta, ut tres insulæ, quas Siben-  
censes, tempore Venetorum, sibi per vim as-  
seruerant, ubi certiora edoctus fuerit, eisdem  
restituatur. a)

Interea Turcæ ditionem suam latius in  
dies proferebant, & Orientis Imperio sensim  
imminere videbantur. Joannes Palæologus pe-  
riculi vicinia admonitus, Principum Christia-  
norum, ac Ludovici imprimis, & Pontificis,  
opem implorat, spem eminus ostendens, se,  
si sibi auxilio essent, cum suis ad unionem  
Ecclesiæ Romanæ rediturum. Intererat etiam  
ipsum regis, ne tam vicinum suis ditionibus  
hostem, porro grassari pateretur. Idem erat  
Petri regis Cypri, idem Christianorum, qui  
Macedoniam, Thraciam, & Ægei insulas co-  
lebant, desiderium, qui facile ad quinquagin-  
ta millia numero coaluerant, ut barbaros ex  
Europa ad pristina Asiæ latibula retruderent.  
Ludovicus, ut rem mari quoque posset agere,  
a Venetis petiit, ut sibi in hunc usum aliquot  
tiremes suis sumtibus apud eos construi pa-  
teren-

---

a) Lucius Mem. istor. di Tragar. pag 281. ex  
Protoc. Jadrensi, d. 2. April. an. 1366.



terentur, verum illi, quorum intererat, ne 1366.  
 Rex post occupatam Dalmatiam, etiam mari

potentior illis fieret, id quidem negarunt, sed ne nihil pro re Christiana in communi periculo viderentur agere, quinque ex suis triremes in expeditionem se missuros promissere.

a) Interjectam moram Rex fortassis ægrelaturus erat, nisi ab ipso Pontifice fuisset monitus, ut a proposito tantisper desistat, donec Græci certiora ineundæ unionis indicia præberent, hanc enim sæpe quidem ab iis tentatam, sed variis subterfugiis interturbatam fuisse, ceterum, modo ei videatur, facturum rem sibi, & vicinis perutilem, si, ad refræandos Turcas, cum parte copiarum Græcis succurreret. b) Hæc Pontifex ad regem X. calendas Julii, postea autem, quam ex eo intellexerat Palæologum serio, interposita etiam juramenti fide, animum ad unionem adjecisse, aliis ad eundem, utrumque Archiepiscopum, & regni Palatinum, datis litteris, ad bellum suscipiendum cohortatus est. c)

Susceptane re ipsa, an sicut ante tentata per Pontificem cruciatorum expeditio, hæc etiam adhæserit, ambiguum esse videtur. d)

Certe

---

a) Lucius I. 5. c. 1, ex Caroldo script. Veneto.

b) Raynald. ad an. 1366.

c) Idem ibid.

d) Sunt tamen, qui putent regem contra Turcas profectum, & victorem fuisse, cujusdam Me-

nes,

**1366.** Certe post mortuum anno superiore Rudolphum Austriæ Ducem, plures curæ regem dissentium habebant, quam ut bellum Turcis obmoveret, sive Palæologo, ut postea patebit, non satis fideret, sive, quod ceteri Christianorum Principes, in se unum id oneris velent rejicere, satis esse ratus, si Transalpinus Vayvoda, ex una, ex altera parte vero Tvartkus Bosniae Banus, clientelari jure sibi obnoxius, in hostem excubarent, quem propterea etiam regis titulo condecorari passus erat, attributa eidem, pro Chelmenfi Comitatu, ditione Narentana, ne Turcis in Dalmatiam aditus pateret. *a)*

Ipse componendo interea dissidio inter Albertum, & Leopoldum, Rudolphi defuncti fratres, qui ditiones Austriacas, posthabita Alberti patris dispositione, parabant dividere, operam impendit. Erat & illud in causa, quod Imperator transactionem de successionem inter suam, & Austriacam Domum, ante biennium initam, familiæ suæ tam diu inutilem existimaret, quamdiu pacta inter Ludovi-

---

nesdorffer auctoritate inducti. Vid. Katona Tom. X. pag. 395. Si hic idem sit cum homonymo, qui in fine Chron. Buden. quod sub Mathia Corvino conscriptum est, aliqua de hoc rege adjecit, oportuit centenario bene majorem fuisse.

*a)* Du Cange, Illyr. vet. pag. 120.

dovicum regem, & duces Austriæ, eorum-  
que hæredes, de successione mutuo inter se  
fancita, stabilitatem haberent. Cum enim  
Imperatori, ejusque posteris, successio in di-  
tionibus Austriacis, non aliter asserta fuerit,  
quam si regis, & Ducum stirps exstingueretur,  
recens autem Elisabetha, Stephani, fra-  
tris Ludovici, filia Alberto Duci sponsa esset  
designata, cui in omnem eventum jus suc-  
cessionis, præ gente Lucenburgica olim compe-  
teret, a) nihil prætermittendum Imperator  
statuit, ut hæc pacta, salvis tamen amicitiae,  
quam cum Ludovico inierat, legibus, rescin-  
derentur.

XII. Ad id autem consequendum, usus  
est opera Ladislai Ducis Opulæ, quem Lu-  
dovicus regni Palatinum haud ita pridem re-  
nunciavit, & jure cognationis magno apud  
eum loco erat. Hujus suasu flecti se passus est,  
& editis XXVIII. Februarii litteris, Duces  
Austriæ ab ea sponsione, qua eidem jus suc-  
cessionis in illorum terris stipulati erant, pe-  
nitus liberos pronunciavit, & Imperator vi-  
cissim, habito regis consensu, priora pacta,  
inter hunc, & Duces, de ferendis mutuo auxiliis,  
& designato inter Albertum, & Elisabetham  
ma-

a) Steyrer l. cit. in addit. ad c. 3. pag. 384. &  
387. Lunig, Cod. Dipl. Germ. Tom II. pag.  
522. & seq.

1367. matrimonio, inita, litteris suis XX. Martii vulgar-  
tis, dissoluta esse, testatus est. Supererat, ut Lu-  
dovicus quoque Tabulas fœderis, quo se Duces  
eidem obstrinxerant, restitueret, cum autem  
hæ nuspian reperirentur, alias litteras XX.  
Octobris conscribi, eisque reddi iussit, quibus  
deperditas nullius vigoris, & irritas, nec, si re-  
perirentur, se illis ullo modo usurum esse, suo,  
& hæredum suorum nomine declaravit. a)

Cum regi hactenus, præter filias, nulla  
proles mascula fuerit edita, non invitus huic  
juri renunciavit, cum, quod Imperatori, cu-  
jus in augenda sua domo studium magis pa-  
tebat, quam ut celari potuerit, ea in re gra-  
tificari vellet, tum quod Poloniam, quam a  
Casimiri obitu ex pactis aditurus erat, magna  
sui parte limitibus Hungariæ conjunctam, præ-  
ditionibus Austriacis longinque dispersis, re-  
gno suo utiliore exislimaret, nec, quod Joana  
Neapolitana hactenus prole careret, spem  
regni illius aliquando familiæ suæ asserendi  
penitus posuisset. Hanc ob causam, cognatum  
suum, Carolum Dyrrachinum, Ludovici  
illius, qui regis partes contra illam, &  
Ludovicum Tarentinum, olim tuebatur, fili-  
um, jam bienno ante ex Italia in Dalmatiam,  
& priore anno, cum aliquamdiu Spalati, &  
Jadræ morari iussus esset, in Hungariam accer-  
siit,

---

a) Du Mont, Tom. II. Par. I. pag. 53. — 56.  
Nro. 37. — 40. & pag. 66. Nro. 54.

fiit, ut, tradita ei una ex filiabus, sibi succederet. a)

1367.

Hujc Jadrenses, & Spalatini debent, quod Ludovicus pristinam judiciorum formam, qua civium lites, de quibus difficile judicium esset, ad curiam regiam deferri jusserat, mutari pateretur, daretque illis veniam, ut, si partibus post rem semel, iterumque judicatum, non conveniret, Paduam, vel Bononiam, aut Perusium, quæ urbes peritissimos illius temporis Jurisconsultos habebant, pro causæ cognitione proficisci possint. b)

Indignum tamen regi videbatur, ut sui, judiciorum causa, exteros precario, magnisque impendiis, consultum ire cogantur, quasi vel nulla domi justitiæ ratio haberetur, vel deessent, qui lites cognoscere, & hijs cognitis, sententiam ex æquo ferre nossent. Id ei cogitationem ingesserat, ut scientiarum Academiam, ad eum morem, quo non ita pridem Imperator Pragæ, Casimirus Cracoviæ, & Rudolphus Dux Austriæ, Viennæ condiderant, ipse in Hungaria quoque institueret, ne hac etiam parte vicinis Principibus quidquam cedere videretur. Re cum Urbano Pontifice communicata, & ab hoc dilaudata, Quinqueecclesias delegit, urbem situ opportunam, ad quam discere vo-

H 2

len-

a) Lucius de regn. Dalm. l. 3. c. 1. pag 395. & Mem. istor. di Tragurio, pag. 283.

b) Lucius Mem. istor. di Tragur. pag. 84. 85.

1367. lentibus, facilis undique ex hæreditariis terris  
aditus esset, & in qua omne disciplinarum  
genus, præsertim juris civilis doceretur, Theo-  
logia solum excepta, quam cur Pontifex  
excmtam esse voluerit, incertum est, etsi ce-  
teroquin iisdem hanc Academiam, quibus  
ceteræ per Europam gaudebant, prærogati-  
vis ornarit. a)

1368. Jam Avenione in Italiam Urbanus tum  
redierat, cum hanc regis institutionem ratam  
habuit. Causa reditus erat nimia Bernabonis  
potentia, ad quam, per diuturnam Pontificum  
Roma absentiam, oppressis ceteris Italiæ  
Principibus, sensim evaserat. Ad hanc re-  
primendam jam priore anno Ludovicus cum  
Carolo Imperatore, Francisco Cararia Padua-  
no, & Marchionibus Estensibus, percusso fœ-  
dere, auxilium Pontifici pollicitus erat, b) ac  
idcirco Legatos etiam suos iis, quos Impe-  
rator in Italiam miserat, adjunxit, qui illum  
Viterbio Romam deducerent. Vix in urbem  
reductus est, cum Ludovicus Andium Co-  
mes, Caroli Galliarum regis frater, absentia  
illius Avenione usus, Comitatum Provinciæ  
invasit, cui cum Joanna regina impar resi-  
stendo esset, Rex autem vereretur, ne hac  
usurpatione tam insignis portio sensim a jure  
re-

a) Jos. Koller hist. Episc. Quinqueecclæ. Tom. III.  
pag. 95.

b) Raynald, ad an. 1368.

regni Neapolitani avellatur, misso ad Urbanum Joanne, quondam Dalmatiæ, & Croatiæ Bano, intercessit, diserte professus, se quidem Joannæ reginæ nihil velle obturbare, quia tamen, si illa obiret, regnum Neapolitanum ad se pertineret, committi a se non posse, ut Comitatus Provinciæ in jus alienum transiret. Respondit Pontifex, ut fere decessores illius ad similes regis querelas olim solebant, facturum se, quod æquitas suaderet, neve Rex de injuria queri possit. a)

1368.

XIII. Interea, licet Rex partes Pontificis cum Imperatore contra Bernabonem communiter tuendas suscepit, hærebat tamen illud animo, quod artificio illius circumventus, se persuaderi siverit, ut pactis, cum Domo Austriaca initis, renunciaret. Id in causa erat, ut non modo in anni prioris exitu fœdus cum Ducibus Baviariæ, contra Austriæ Duces, litteris Budæ, & Monachii, mutua stipulatione consignatis, iniret, b) sed hoc quoque ineunte, cum Casimiro, dum regis visendi causa Budam venerat, præter priora de successionem pacta, nunc rursus utriusque consensu innovata, etiam alia inter se sancirent, quibus sibi mutua auxilia contra omnes hostes, etiam si cum Imperatore bellum ge-

1369.

H 3

ren-

a) Idem ad an. 1369.

b) Ofelius specimem Diplom. Bojoar. Tom. II. pag. 187. & 191. sequ.

- rendum esset, promissere. a) Quam opportuna regi hæc pactorum instauratio fuerit, sequente anno, quo Casimirus rebus humanis exemptus est, patuit. Poloni enim cum viderent, regem mascula prole destitutum, in varias partes disirahebantur, pars Duci Stettinensium addicta erat, alii filiarum quoque Casimiri rationem haberi volebant, b) prudentiores contra, pactis olim initis, & sæpius confirmatis, standum existimabant, præsertim quod ad refrænandos Lithuanos, aliosque hostes, Ludovicus maxime omnium idoneus esset. Hæc pars, ut melior, & æquitate nixa, prævaluit, missaque in Hungariam Legatione, Ludovicum ad capeffendum regnum invitavit, qui haud diu moratus, Cracoviam cum matre Elisabetha venit, & compositis, quæ de coronationis loco ortæ erant, difficultatibus, die XVII. Novembris coronatus, regni possessionem adiit. Parum tamen aberat, quin ab inauguratione, Polonorum animos a se averterit. Graviter ferebant, quod ditionem Vielunensem, & præcipuam Siradiensis provinciae partem, Ladislao Opulæ Duci, & Hungariæ Palatino contulisset, veriti, ne illæ sensim a Polonia abstrahantur, quos tamen facile pacavit, utraque provincia in feudum eidem collata, quæ, si is sine masculino hærede obiret,

---

a) Dogiel Diplomat. Pol. Tom. I. pag. 39.

b) Cromerus hist. Pol. l. 13.



obiret, rursus Poloniæ unirentur. His constitutis matrem, quæ, se absente, rem publicam administraret, in Polonia reliquit, ipse, acceptis secum regni clenodiis, in Hungariam reversus est. *a)* 1370.

Hic exacta hyeme, in Palæologum, qui ante annum Romam, & inde, post unionem cum Romana Ecclesia transactam, Venetias profectus, in procinctu redeundi erat, intentus, mandata ad Tragurinos dedit, ut iter illius, & si fieri posset, etiam consilia explorent, ac, si quid compererint, se diligenter edoceant, *b)* paulum tamen post ipse cum conjuge in Dalmatiam venit, ut, si quid forte contra hanc Venetos cum Palæologo moliri velle intelligeret, celerius periculo consulere posset, verum Imperator, magis de re sua, quam aliena, sollicitus, Venetis navibus Dalmatiam prætervectus est, & regem progressionibus Turcarum, ac Valachia factionibus turbata, in Hungariam revoca-

H 4

runt.

*a)* Idem ibid.

*b)* Fragmentum litt. reg. an. 1371. d. 9. Apr. apud Lucium Mem. istor. pag. 293. *Quare visitis presentibus, modum, & viam inveniatis, quibus de voluntate, & processibus dicti Imperatoris Græcorum possitis indubitanter experiri, ut nos jugiter continuatis vicibus, de iisdem valeatis litteraliter per nuncios informare &c.*

**1371.** **runt.** Nec diu hic moratus, Nicolaum Transilvaniae Vajvodam in Valachiam proficisci iussit, ipse cum robore exercitus in Bulgariam movit, cum ut Turcas in metu contineret, tum ut Vajvodæ, si opus esset, subsidio veniret. Ac ille quidem cum Valachis congressus, cæso eorum duce Dragomiro, victoria primum potitus, postea præcipitatus in insidias, magna militiæ jactura interiit. Quo cognito Rex transmissio Danubio, Valachos obsistere ausos, in fugam coniecit, captoque *Zevrino*, provinciam rursus ad obedientiam reduxit, Wladislao Transalpino Vajvoda in fidem recepto. a)

**1372.** **XIV.** Bellum Valachicum, fere erat, ut Bohemicum exciperet. Intercesserat Imperatori dissidium cum genero suo Ottone Marchione Brandenburgico, cui cum Ludovicus scæ-

---

a) Chron. Par. III. c. 38. Tab. Acutheanæ, Script. rer. Hung. Tom. III. pag. 659. & litt. Wladislai Vajvo. Transalpini, an. 1372. rogantis, ut donationem, quam suo cognato fecit, ratam habere velit. *Quare, inquit, supplicamus serenissimo domino nostro Ludovico, illustri regi Hung. domino nostro naturali, ejusque successoribus, quatenus litteras nostras in vigore suo confirment, & corroborent, &c. Dat. in Argies in nostra residentia sub an. domini 1372. in die diviseionis Apostolor. proxime præterito. Integras vide apud Katona Tom. X. pag. 540.*

fœdere esset junctus, partem socialis belli ad  
 se itidem pertinere existimabat. Facto igitur <sup>1372.</sup> belli apparatu, Marchioni auxilio venturus erat, nisi Gregorius XI. cui ab adito Pontificatu, concordia Principum Christianorum vehementer cordi erat, Joannem, Patriarcham Alexandrinum, ad Imperatorem misisset. Is occasionem hanc, velut sponte oblatam, libenter amplexus est, ut Silesiam sibi tutam redderet. Quamvis enim Casimirus jam olim juri suo in eam renunciaverit, verebatur tamen, ne Ludovicus, qui recens Poloniae possessionem adierat, matris suæ titulo, jus sibi in eam aliquando arrogaret. Patriarcha explorato Imperatoris animo, Ducem Teschinentem convenit, & collatis cum eo consiliis, dissidentes optime conciliari posse judicabat, si inter Sigismundum, Imperatoris filium, & aliquam ex Ludovici filiabus, sponsio matrimonii conciliari posset. Egit propterea cum rege, qui non invitum se futurum, Imperatori per litteras significari curavit, eamque ob causam misit Ladislaum Ducem Opulæ, regni Palatinum, & Thomam Strigonientem Archiepiscopum, qui cum illo rem transigerent. Imperator, ut negotium facilius conficeretur, litteris jramento firmatis, promiserat regi, suo, & filiorum, fratris, & nepotis hæredumque suorum nominibus, se Hungariam, Poloniam, Dalmatiam, Vajvodatum item Moldaviæ, ceteras-

1372. rasque provincias, juribus Hungariæ obnoxias, non invasurum, nec, si hæc se sponte ei vellent subdere, unquam consensurum. a)

Patriarcha cum his litteris, &, quæ privatim ab Imperatore acceperat, mandatis, Budam profectus, ante omnia de sponsione matrimonii agendum sibi esse putabat, ut ad reliqua regem deinde proniorem haberet. Assensus est, & cum conjugè juramento se obstrinxit, se filiam ultimo genitam Sigismundo collocaturum, si vero filius sibi nasceretur, ut filia primogenita, si hæc quoque moreretur, secundo genita, eidem in manus conveniret. Hæc Patriarcha hactenus ex sententia. Sed dum eo ventum esset, ut Rex fœderi cum Ducibus Bavarix inito renunciaret, negavit se facturum. Tractatio igitur eatenus adhæsit, dedit tamen similes iis, quas ab Imperatore acceperat, litteras, jure jurando pollicitus, se, conjugem suam, hæredesque, numquam invasurum esse Bohemiam, vel ad Ducatus Silesiæ, Moraviam, aliasque, ubicumque has Imperator possideret, terras occupandas aspiraturum. b)

Re

---

a) Apud Dobner Monument. hist. Tom. II. pag. 385. Dat. Budæ, 20. Febr. 1372. & pag. 386. Dat. Wratislav. 14. Mart. eod. an.

b) Acta Legation. apud Dobner l. cit. pag. 388. Item Du Mont, Tom. II, Part. I. pag. 38. & Lunig Cod. Dipl. Germ. Tom. I. col. 1342.

Re huc, quo volebat, adducta id enim præcipue mutua hac stipulatione agebat, ut, si quid in hostes moveret, regna sua ab exteris tuta essent, bellum in Venetos decrevit, ut Francisco de Cararia, secundum pacta auxilio esset, cui jam antea Stephanum Vajvodam Transilvanum suppetias miserat, qui pugna quidem, intercepto copiarum duce, primum victor, sed postea insidiis circumventus, ipse quoque cum mille Hungaris interceptus est. a) Veneti iram regis subveriti, Pantaleonem Barbarum Budam Legatum misere, qui, causa rupti fœderis in Carariam rejecta, regem placare niteretur, sed is dubia responsa dabat, dimissoque Legato, rursus societatem armorum cum Cararia iniit, & Duces quoque Austriæ, qui Tergestum sibi ante quinquennium per Venetos ereptum recuperare cupiebant, in suas partes pertraxit. b) Ne quid

---

a) Dandulus in Chron. ad an. 1372.

b) Litt. regis ad Spalatinos apud Lucium Mem. isbor. di Tragurio, pag. 297. *Noveritis, quod Dux, & commune Venetiarum, Pantaleonem Barbarum Ambassatorem eorum, ad nos duxerant transmittendum, quem ad nostri præsentiam noluimus asscurare pro eo, quia, dum cum ipsis de pace tractabamus, nobis non curaverunt dare responsum. Nunc vero prioris nostræ intentionis non existimus, nec esse volumus,*  
*quia*

1373.

quid autem in Polonia interim turbaretur, non enim optime in matrem regis hactenus animati erant, Ladislaum Opulientem, qui Palatini magistratu fungebatur, Ducem Rusiæ præfecit, a) ut, si res posceret, in omnem eventum, Elisabethæ e vicinia re, & consilio adesset. Veneti autem, ex repulsa sui Legati, regem aliquid adversum se moliri velle, non vane suspicati, prius, quam Ludovicus copias suas cum Ducibus Austriæ, & Paduano jungeret, Delphinum, classis Præfectum litus Dalmaticum, ne quid suppetiarum inde submitti ei possit, oberrare jusserunt, tum summo studio, si bellum illis ingrueret, ad id propulsandum apparatus fecere, re ipsa autem omnis molitio Paduanum spectabat. Id ille veritus, vidensque, auxilium a rege, & fœderatis tempori vix adfuturum, pacem cum

---

*quia cum Ducibus Austriæ, fratribus nostris, & domino Paduano (Cararia) taliter sumus colligati, & uniti, quia dictos Venetos damnificare nos oportet, &c. Dat. Budæ 5. die mensis April. 1373.*

a) Litt. autogr. *Nos Emericus regni Hung. Palatinus — memoriæ commendamus — Quod ipso D. Ladislao, Duce, & Palatino per D. nostrum regem in dominum regni Ruziæ sublimato, ipsoque honore Palatinatus, per regiam majestatem nobis collato &c. Dat. in Wissegrad. 1373.*

cum Venetis inire coactus est. Conditiones  
 satis duræ erant: primum, impensas in belli 1373.  
 apparatus factas, centum millibus aureo-  
 rum compenſet, tum Venetias filium mittat,  
 qui loco patris erratorum veniam petat, de-  
 nique caſtrum *Ordiaſum*, Brentæ fluvio adſi-  
 tum, funditus jubeat convelli. a)

XV. Ludovicus, cujus in hac pacificatio-  
 ne nulla mentio facta erat, videns, conſilia 1374.  
 ſua ante tempus eſſe prodita, a bello quidem  
 nunc abſtinendum ſibi eſſe putabat, ſed eo ma-  
 gis operam in conciliandis ſibi ſœderatis col-  
 locavit, cum ut plures Venetis hoſtes conci-  
 ret, tum, ne regnum Neapolitanum, a Joan-  
 næ obitu, a ſua in alienam familiam trans-  
 ferretur. Hunc in finem miſit ad Carolum  
 Galliæ regem Oratores, Stephanum Zagrabi-  
 enſem Episcopum, & Joannem Zudar, Scla-  
 voniæ Banum, qui de aliqua ex filiabus ſuis,  
 Ludovico Caroli filio conjungenda tractarent,  
 data poteſtate, quæ inituri eſſent, pacta, ju-  
 ramento quoque confirmandi, id ſibi tamen  
 ſervatum velle, ut, ſi quam Carolus filio ſuo  
 delegerit, de hac, aliisque decernendi arbi-  
 trium penes ſe eſſet; in ſponſam vero, &  
 ſponſum, omne jus ſuum in dominia Siciliæ,  
 Neapolitanum, Apuliæ, Calabriæ, Principa-  
 tum Salernitanum, Comitatus Provinciæ, Fol-  
 calquerii, ac honorem montis ſancti Angeli,  
 ple-

a) Dandulus in Chron. ad an. 1373.

1374. plene, integreque, cum jure hæreditario, translatum iri, suo nomine pollicerentur. a)

Non minor illi cura erat de Polonia. Cum enim ex pactis jus successionis ad solos mares restrictum fuerit, filio autem hactenus careret, vehementer optabat, ut id ad filias quoque traduceretur. Hac de causa comitia Poloniæ Ordinibus Cassoviam indixit, ut iis consentientibus negotium transigeret. Sed in ipso confestim principio offendit, cum Casimiri exemplo, tributum a Prælatibus, Proceribus, ac Nobilibus, feudorum causa exigeret. Grave id omnibus visum, quod Casimirus ipse id tributum se sublaturum crebro promississet, regemque orabant, ut se ab hac exactione insolita, suisque immunitatibus adversa, deinceps liberos pronunciare vellet. Assensus est, fidemque dedit, se præcipuam tributi feudalis partem remissurum, exigua solum in signum dominii, retenta, si, cum hactenus prole mascula destitutus sit, vetera pacta de successione antiquarent, & idem jus in filias suas transferrent, b) eamque regno, quam ipse, aut mater deligerent, cum jure hæ-

---

a) *Dat. Budæ, 16. d. mensis April. an. 1374.* apud Pray, Par. II. pag. 136. Laurent. de Monacis in Chron. pag. 116. memorat, Catharinam ex regis filiabus sponsam fuisse designatam, quæ tamen paulo post obierit.

b) Dlugossus hist. Polon. l. 10.



hæreditario, præficerent. Quod cum illi communi omnium consensu ratum habuissent, Rex ut ejus rei testimonium ad posterum exstaret, in publicas tabulas referri jussit. a)

His

- a) Andr. Zalufzki, Specim. hist. crit. Polon. pag. 147. Operæ pretium est, integrum hic depromere. *Ludovici &c. Licet alias nostris promissionibus instrumentorum, seu privilegiorum, Nobilibus ipsius regni Poloniae fuisset obligati, quod decedentibus nobis de hæc luce, masculinam prolem nostram tantum, & non feminæ deberent habere, & sibi recipere nostrum in hæredem, & successorem regni Poloniae, demum Baronum, militum, Nobilium, & aliorum omnium consensu, & voluntate accedente, filias nostras, non exstante prole masculina, sibi in dominos, & hæredes regni prædicti, acceptarunt, quas fieri nostros successores, & coronam regni Poloniae ipsas volunt, & voluerunt obtinere. Tamen in eo casu, quo filiam, vel filias, divina nobis providente clementia habuerimus, unum ex eisdem masculum; illis deficientibus, unam ex nostris filiabus, nunc natis, & exstantibus, ac in futurum nascituris, quem, vel quam nos, vel excellentissima domina regina, mater, & consors nostra carissima, ipsis assignabimus, & assignabunt, illum, vel illam habeant pro hærede, & successore nostro, & ipsi regnicolæ assumere teneantur,*

---

His regnorum suorum causa intentum ,  
 1374. Pontifex, ad quem interea Palæologus Joannem Lascarim pro sollicitandis contra Turcas auxiliis miserat, datis ad eum litteris interpellavit, ut ad reprimendas progressiones Turcarum, qui ejus ditionibus in dies magis appropinquarent, studia sua reliquis Christianorum Principibus, cum non tam istorum, quam ipsius res, agatur, conjungeret, idemque Stephano Zagrabienfi Episcopo, & Petro de Zudar, qui legatione apud Carolum Gallie regem perfuncti, Pontificem Avenione, regni Neapolitani causa, convenerant, in mandatis dedit, ut, cum in Hungariam redierint, regem de instantis periculi magnitudine commonefacerent. a)

---

Legati a suo reditu, quo negotium de  
 1375. sponsione matrimonii in Gallia adduxerint,  
 &

---

*tur, & habere, prout eisdem per Barones, Nobiles, Proceres, civitates, & singulos inhabitatores regni Pol. fit, & facta est de nostra voluntate obligatio homagialis, & promissio fit, & facta est ex nunc prout ex tunc, & ex tunc prout ex nunc in Principem, hæredem, & legitimum successorem, & deinde, vel abinde successores eorundem, vel earundem, locum regiminis habeant obtinere, in regno Pol. prænotato. &c. Dat. Cassoviæ, 17. Septem.*  
 1374.

a) Raynald. ad an. 1374.

& quæ a Pontifice sibi fuissent commendata, ad regem retulere. Ut primum, quoniam 1375.  
 mandata sua accurate exequuti fuissent, ratum habuit, ita alterum, quod nihil certi de decimis sacerdotiorum in usum belli Turcici impendendis, a Pontifice afferrent, non eodem animo accepit, nec eo potuit adduci, ut inter fœderatos Principes nomen quoque suum profiteretur, siue nondum eos ab illis apparatus fieri vidit, ex quibus belli, cujus maxima vis terra, non item mari, quo Turcæ nondum valebant, exantlanda erat, felicem exitum sperare posset, siue necdum tam vicinum esse periculum, sibi persuaderet. Eo autem solertius, etsi semel, iterumque a Pontifice esset monitus, ut Græcorum Imperatori subveniret, suum propositum, de filiabus honesto matrimonio jungendis, prosequutus, Hedvigem natu minimam Vilhelmo, Leopoldi Ducis Austriæ primogenito, despondit. a)  
 Provideo, quantum in se erat, in hoc delectu, usus consilio, ne filias ejusmodi Principibus locaret, quibus vel longinque jus esset in Poloniam, quam Hungariæ, magno utriusque

---

a) Dlugossus l. 10. & videtur jam anno priore aliquid de hac sponsione agitatum fuisse, ut patet ex litt. Leopoldi Ducis, dat. Erenbergæ d. 18. Aug. apud Andrian epoch. Habsburgo-Austr. pag. 60.

usque regni commodo, semper conjunctam,  
 1376. Mariæ, natu mediæ, & cui hæc nuptura  
 esset, viro, destinavit.

XVI. His ad eum, quem optabat, finem  
 deductis, Carolum Dyrrachinum cum conjuge  
 Margaretha, in Italiam misit, a) specie qui-  
 dem revisendæ patriæ, & ut Joannam reginam  
 salutaret, re ipsa autem, ut, si quos per iter, non  
 optimo in Venetos animo comparatos, reperi-  
 ret, hos ad commune secum sædus ineundum  
 adducere conetur. Successit conatus. Ad-  
 erant non longe post a Patriarcha Aquilejen-  
 si, Cararia Paduæ domino, & Forojulienfibus  
 Legati, cum quibus Vifsegradi armorum so-  
 cietas his conditionibus in quinquaginta an-  
 nos sancita: Rex suo, & hæredum suorum  
 nomine, ditiones sociorum contra omnes ho-  
 stes, Papa, Imperatore, ac Ducibus Austriæ  
 exceptis, tuebitur, & tuiturum se promittet:  
 nulli ex confœderatis, si bellum moveri con-  
 tingeret, pacem, vel inducias cum hoste,  
 aliis infcisiis, pacisci integrum erit, si quid,  
 quod

---

a) Litt. regis ad Jadrenses, apud Lucium Mem.  
 istor. pag. 303: *Cum nos serenif. Principem*  
*D. Carolum de Duracio, & inclitam D. Mar-*  
*garitam, ejus uxorem, versus ipsorum patriam*  
*remittere intendimus, — mandamus, quate-*  
*nus — unam Galeam, ad transfretationem*  
*dispositam — promptetis, &c. Dat. Budæ,*  
*in Dominica Ramis palmarum. 1376.*

quod ad ditionem Patriarchæ olim pertinuit, per quemcunque recuperatum fuerit, eidem bona fide reddetur; cetera cujusvis occupantis erunt: Marquardus Goritiæ Comes, alique, qui claustra, per quæ in Forojulium aditus est, obsepirent, vel iter copiis illuc ducentis impeditum redderent, ii loco hostium habebuntur. Pactis, præter Strigoniensem, & Colocensem Archiepiscopos, reliqui quoque Episcopi, & Nicolaus Gara Palatinus, cum regni Baronibus, subscripsere. *a)*

1376.

1377.

Jam Legatos, confirmatis pactis, ab se dimiserat, cum allato e Polonia nuncio comperit, Lithuanos in Poloniam irrupisse, & præsertim in Sandomiriensi provincia late grassari. Sine mora igitur cum parte copiarum ipse per Sanocenses alpes præit, reliquis accelerato itinere consequi jussis. Appropinquanti cum Polonorum turmis, quas interea optimates, nam Episcopi suas negabant, regi conjunxerant, Kyestutus Lithuanorum Dux obviam factus, pacemque implorans, hanc, restitutis, quas occupaverat, arcibus, redditisque captivis, facile impetravit. *b)* Pacata Polonia, in Hungariam reversus, & Tyrnaviam divertens, quo Imperatrix, & utraque regina advenerant, filiam Mariam Sigismundo

I 2

do

*a)* Tabulas exhibet Muratorius Tom. III. Antiquit. Italiæ apud Pray Par. II. pag. 141.

*b)* Dlugoffus l. 10.

**1378.** do Imperatoris filio despondit, eumque, ut sensim moribus, & linguæ Hungariæ consuesceret, apud se retinuit. *a)* Insequente dein anno Heimburgi, quod altero lapide Pofonio distat, cum Leopoldo Austriæ duce congressus, dotem ducentorum millium florenorum, quam filiæ Hedvigi, Vilhelmo Leopoldi filio desponsæ, jam prius constituerat, nova pactione firmavit, centum millibus, Leopoldus enim trecenta se daturum sponderat, amicitiae causa condonatis. Solutio autem dotis a festo Sancti Georgii in quinquennium prorogata est, & cautio de redditibus viginti millium ab utroque in suis ditionibus præstita; adjecta tamen hac conditione: ut, si inito matrimonio nullam prolem susciperent, vel alteruter conjugum obiret, superstes fructu quadraginta millium ad dies vitæ frueretur, hoc autem mortuo, viginti Leopoldo, ejusque posteris, & alia viginti millia Ludovico, & hujus hæredibus obvenirent. *b)*

Sub hæc Legati a Genuensibus regem convenere, eumque in armorum societatem contra Venetos invitarunt. Jam diu is alieno in illos animo erat, quod mercimonium salis Pagensis, magno ærarii detrimento, per  
Adria-

---

*a)* Dubravius hist. Boh. I. 22.

*b)* Dat. apud Hamburgum d. 15. Jan. 1378. Integras pactionum litt. vid. apud Katona. Tom. X. pag. 643.

Adriaticum vetuissent. Itaque, cum jam antea cum Paduano, & Forojulienſibus in hunc finem ſœdus pepigerit, juſtam ſibi cauſam oblatam eſſe exiſtimans, non difficile ſe illis præbuit, præſertim, quod Anconitani quoque clam polliciti fuiſſent, ſe in partem belli venturos eſſe. Sed Veneti id, quod clam agebatur, ſuſpicati, ſœderatorum conatus occuparunt, & Piſanum, claſſe ſubito inſtructa, Tyrrhenum oberrare juſſerunt, qui, ſuſis Genueſium triremibus, in litus Dalmatiæ inſectus, eodem impetu, quod Banus Dalmatiæ, quamquam rogatus, ſuppeticas laborantibus ſubmittere negligeret, a) Catarum, Sibenicum, & Arbam intercept; Tragurium & Jadera civium virtute ſervatæ ſunt. b)

XVII. Ludovicus, cum videret belli initium parum feliciter cadere, nec conceptæ ſpei reſpondere; Carolum Dyrrachinum, qui anno priore ex Italia redierat, c) cum decem

---

a) Acta Capituli Jadren. apud Lucium Mem. iſtor. pag. 310. 1378. d. 11. Decembr. Thomas Dominici Syndicus Sibenici, Jadræ coram Bano Nicolao proteſtatur, Venetos Sibenicum exuſſiſſe, quia non habuerunt milites, ab eo reſquiſitos toties, ad reſiſtendum, & quod pejora timentur &c.

b) Dandulus in Chron. apud Murator. Tom. XII. Script. Ital.

c) Lucius Mem. iſtor. pag. 305.

cem millibus Hungarorum delectæ militiæ in  
 1379. Italiam misit, ut Patriarchæ Aquilejensi, Paduano, ceterisque fœderatis conjunctus, Venetorum vim a mari in continentem averteret, ea tamen conditione prius obstrictum, ut interposita juramenti fide polliceatur, se nunquam ad Hungariæ, & Poloniæ regna aspiraturum, nec quidquam contra filiarum suarum jura moliturum esse. Qua fide promissis steterit, postea patebit. Ut in Forojulium venit, expugnatis brevi aliquot arcibus, Tarvisium obsidione cinxit, & Genuenses, reparata interim classe, Venetos insigni clade profligatos, pene ipsi urbi incluserant, qui cum se in has angustias redactos viderent, primi Ordinis viros ad Carolum miserunt, qui de pace cum illo agerent, a) sed ab hoc, quod ad hanc conficiendam nulla mandata, nec potestatem haberet, ad regem remissi sunt. Hos ille quidem liberaliter acceperat, sed condiciones hujusmodi præscripsit, ex quibus Legati intelligerent, sibi rem cum eo esse, qui fortuna armorum pro habitu temporis uti nosset.

Earum hæc summa fuit: Solemnioribus diebus erigeretur in foro sancti Marci vexillum regis, Ducem suum pro legitimo non habeant, nisi Rex electionem illius confirmasset.

---

a) Dandulus in Chron. apud Murator. Tom. cit. Script. Ital.



masset, sumtus bello impenfos, quingentis aureorum millibus designato tempore rediment, interea vero thesaurus ad sanctum Marcum repositus, & pileus Ducalis in pignoris loco esset, præterea tributum quinquaginta millium aureorum, quotannis regi dependant. a) Veneti, intellecto tam duras conditiones sibi a rege dictari, mandata Legatis dedere, ut capto, ex temporis protelatione, consilio, regis animum ad mitiora sensim flectere conarentur. Favit illis interjecta mora, cumque frequenti nunciorum ultro, citroque misitatione, Rex mitigari videretur, tractatio pacis prorogata fuit. b)

Ad cujus accelerationem Joanna Neapolitana, sive sponte sua, sive a Venetis subornata, non parum contulisse visa est, dum Ludovicum Andegavensem, Ducis Calabriæ titulo insignitum, pro filio adoptavit, hæredem-

I 4

que

- a) Sanutus, apud Murator. Tom. XXII. pag. 693. *Capitol che volevano i inimici, mediante il Re d'Ungheria dovendo conchiudere la pace co' Veneziani.* Easdem refert Paul. Maurocenus hist. Venet. l. 14. pag. 329. Addit Kerchelics hist. Eccles. Zagrabien. pag. 137. sed non indicato, ex quo habeat, autore, etiam hanc fuisse, ut Sigilli Venetorum inscriptio, qua *se maris dominos*, dicebant, tolleretur.
- b) Dandulus in Chron. Tom. cit. pag. 449.

que regnorum suorum scripsit, jure successione  
 1380. ad legitimas ejusdem proles extenso. a) Hac injuria Ludovicus graviter offensus est, præsertim, quod clausulam illam primæ institutionis, qua cautum erat, ut iis solum, qui a Carolo I. sanguinem ducerent, jus ad ea regna esset, Clemens VII. a factionis Urbano VI. oppositus Joannæ gratia, publicis litteris irritam declarasset, b) cum ceteroquin secundum illam, sibi primæ, & Carolo Dyrrachino secundæ in Siciliam deberentur. Erigebat tamen illud, quod Urbanum VI. Carolo favere intelligeret, cui ut ad consequendum regnum adjumento esset, pacem sibi necessariam esse vidit, quæ ut facilius coalesceret, arbitrium illius, Venetis quoque consentientibus, Amadæo VI. Sabaudia Ducis oblatum est. Quamquam mors quoque matris, quæ in finem hujus anni incidit, c) ne quid rerum in Polonia

a) Litt. adoptionis exstant apud Lunig, Cod. Dipl. Ital. Tom. II. col. 1142. *Dat. in castro nostro Ovi prope Neapolim 1380 Indict. II. d. 29. Jun.*

b) Apud eund. ibid. col. 1145. *quod præfatus sanctis. D. noster, D. Clemens Papa VII. clausulam de successione regni Siciliae loquentem de infeudatione facta cl. mem. D. Carolo I. — qua cavetur, quod nullus in dicto regno succedere possit, nisi sit de descendantibus a dicto D. Carolo — per suas litteras Apostolicas — revocavit, Et viribus vacuavit.*

c) Dlugossus l. 10. sed ad an. 1381.

nia, ab ejus obitu, novaretur, regem, ut pro-  
niores, quam antea, ad amplectendam pa- 1381.  
cem animo esset, permoverit.

XVIII. Cum enim Clemens VII. se rebus  
Polonicis ingereret, & Wladislao, Duci Cu-  
javix, qui Casimirum tertio consanguinitatis  
gradu attingebat, jus in Poloniam, præ Lu-  
dovici filiabus, competere declarasset, a) ve-  
ritus, ne Poloni hac declaratione in trans-  
versum agantur, Conventum illis Budam in-  
dixit, in quo habita cum iis deliberatione, &  
confirmatis animis, *Zavifum*, Episcopum, *Do-  
beslaum* Castellatum Cracoviensem, & *Sandi-  
vogium*, Calissiensis Palatinum, vicarios con-  
stituit, qui regis nomine interea rem publicam  
administrarant, dum pax, cujus spes proxi-  
ma esset, cum Venetis stabiliatur. b) Ac in  
hac quidem conficienda, Dux Sabaudix  
omnem hactenus operam impendit, ut Lega-  
torum opiniones conciliaret. Sed, ut fere  
fit, dum quisque illius, cujus personam ge-  
rit, privato commodo studet, diu, multum.  
que tædii exhaustum ei erat, donec omnes  
in eandem sententiam conspirassent. Pax ita-  
que his conditionibus confecta est. c)

Capti-

a) Katona Tom. X. pag. 697.

b) Dlugoff. l. cit.

c) Has conditiones prolixè referunt, Sanutus,  
apud Murator. Tom. XXII. pag. 693. & Mau-  
rocepheus hist. Venet. l. 16. pag. 354.

1381. Captivos utraque pars liberos dimittet; spolia bello facta, tam Veneti, quam Genuenses, retinebunt; Paduanus Venetis restituet *Cavarzeram*, *Moranzam*, & turrim *Curani*, lis vero de limitibus inter utrosque orta, Ducis Sabaudiaë, & Legati Florentinorum, arbitrio dein dirimenda servetur; Patriarcha Aquilejensis in eundem statum, in quo ante bellum erat, reponatur. Veneti per quinquennium, regi septem mille aureos quotannis solvent, hic vicissim salem in Dalmatia, & Sclavonia deinceps fieri prohibebit, juriq[ue], quod in insulam *Pagum* habet, vel habere posset, renunciabit: a) arx *Tenedus*, de qua mercimoniî causa, inter Venetos, & Genuenses, diuturna controversia erat, donec, ad utros pertineat, decernatur, in fide Ducis Sabaudiaë manebit, præfidiarios tamen utrique suo ære alent: ad tollendam autem inter utrosque dissidiorum causam, neutris mercatum ad *Tamnaim* exercere, fas erit; denique ad pacem in solidum firmandam, Veneti, & Genuenses vicissim sibi obsides dabunt, Florentini vero cau-

---

a) Maurocenus l. cit. *Che Venetiani daffero per cinque anni sette mille ducati all' anno al Re d' Ongaria, & elli all' incontro fuffe obligato non permetten che fuffero fatti fali nella Dalmatia, nè in Schiavonia, e rinonciaffe ogni ragione (che) haveffe, ò poteffe haveve nell' ifola di Pago,*

cautionem pacis in se recipient. Conditiones  
 Taurini XXIV. Augusti, & Venetiis III. Se- 1381.  
 ptembris promulgatæ, ac in Hungariam ab  
 Andrea Gradonico, Dominico Trono, &  
 Marco Zeno perlatae sunt, qui eas a rege con-  
 firmari flagitarent.

Ludovicus iis expensis, illas, quæ de re-  
 nunciatioue juris in Pagum insulam, & de  
 sale Dalmatico, ac Sclavoniæ, erant proposi-  
 tæ, tamquam juri suo majestatico probrofas,  
 rejecit, a) censui autem quinquenni, septem  
 millium aureorum, substituit, centum millia  
 quotannis pendenda. b) Sed, cum id Lega-  
 tis nimium, regi autem septem mille per  
 quinque solum annos solvenda, parum vide-  
 retur, nec belli impensas æquare, data Lega-  
 tis mora est, ut nova mandata Venetiis præ-  
 stolari possint, quibus acceptis, ita utrinque  
 conventum: Rex illa, quæ Dux Sabaudia, de  
 Patriarcha Aquilejensi, Paduano, & Genuensi-  
 bus constituerat, rata habuit, de centum au-  
 tem aureorum millibus statuit, ut Veneti qui-  
 dem

---

a) Cameras enim salium etiam postea existisse  
 in Dalmatia, docent litt. Elisabethæ reginæ ad  
 Tragurien. dat. Jadræ 1383. apud Lucium  
 Mem. istor. pag. 327.

b) Sanutus apud Murator. Tom. cit. pag. 693.  
*e come altrove ho veduto, i nostri erano con-  
 tenti di darli al Re d' Ungheria, e darli ogni  
 anno ducati centomila.*

dem hæc regi se debere agnoscant, sed de  
 1381. his censum dumtaxat septem mille aureos ei-  
 dem, & successoribus Hungariæ regibus, in  
 festo Divi Stephani regis, quotannis persol-  
 vant. a) Mitigatis in hunc modum conditio-  
 nibus, juramentum ab utraque parte de iis  
 bona fide servandis præstitum est, additumque,  
 ut idem deinceps tam reges Hungariæ, quam  
 Venetorum Duces, quotannis innovent. b)

In-

a) Hæc septem millium pensitatio durabat etiam  
 sub rege Sigismundo, ut patet ex Hist. génér.  
 & particul. de Bourgogne &c. à Dyon, 1748.  
 pag. 185. Chambre des comptes de Dyon, N.  
 182. Exstant in hac litt. Joannis primogeniti  
 Burgundiæ Ducis, & in his sequentia: *potesta-*  
*tem ipsis (quos Venetias miserat) & cuilibet*  
*eorum concedens, emendi, aquirendi, — a*  
*sereniss. Principe & D. D. Sigismundo, Dei*  
*gratia Hung. Dalm. & Croat. rege inclyto,*  
*& consanguineo nostro, & a corona regni*  
*Hung. habentibus mandatum legitimum a di-*  
*cto D. rege — censum, se Datiam 7000. flor.*  
*omni an. & præcipue in festo S. Stephani, cu-*  
*juslibet anni debitum eidem regi — & coronæ*  
*regiæ, per Ducale dominium Venetorum, —*  
*census & annui redditus pro summa 100000.*  
*flor. auri, &c. Dat. Trevisæ d. 15. Jan.*  
 1397. Pactionem hanc consensu utriusque  
 partis revocatam fuisse, nusquam hactenus re-  
 peri.

b) Danduli continuat, apud Murator. Tom. XII.  
 pag. 467. Juxta formam pacis, illustr. D.

Duz

Interea vero, dum de concilianda cum Venetis pace agebatur, Carolus Dyrrachinus Romam profectus, feudum regni Siciliæ ab Urbano VI. impetravit, præstititque juramentum fidelitatis, id inter cetera etiam pollicitus, se nunquam procuraturum, ut in Imperatorem, regemque Germaniæ, vel dominum Lombardiæ, aut Tusciæ eligeretur, quod si ipse, vel posterius ejus promissis non starent, tum ipse ejusque hæredes, nisi admoniti, intra quatuor menses electioni renunciant, omni jure in Siciliam, & provincias ei adnexas, tam ipse, quam ejus hæredes, privati censeantur, cetera, regnum iisdem, quibus Carolo I. olim collatum erat, conditionibus, & jure successionis ad legitimos utriusque sexus liberos traducto possideret. a) Carolus data fide se omnia servaturum, Roma cum Hungaris, quibus se Itali quoque per iter conjunxerant, digressus, recta Neapolim contendit & Ottonem Bavarum, Joannæ maritum, copias ausum opponere, vicit, cepitque, mox a civibus in urbem inductus, Joan-

---

*Dux cum suis Consiliariis, in manibus venerab. Ambasciatæ regiæ, subsequenter sereniss. D. Rex, in manibus eorum Ambasciatorum — eam perpetuo observare solemniter juraverunt. Hoc equidem juramentum per singulos ipsarum partium successores, debet perpetuo innovari.*

a) Lunig Cod. dipl. Ital. Tom. II. col. 1147 & 1150.

1381.

Joannam, quæ se in arcem subduxerat, ad deditionem compulit, a) remque feliciter a se gestam Ludovico significavit, obtestatus, ut, cum præcipuus sibi ad adipiscendum regnum auctor exstitisset, se in eo etiam conservando adjutum iret.

1382.

XIX. Re enim vera non temnendum hostem in Andegavensi nactus erat, cui Clemens VII. ut Urbano VI. & Carolo ægre faceret, novum ab se excogitatum regnum Adriæ, quod bonam partem terrarum status Pontificii complectebatur, in morem feudi contulit. b) Andegavensis favore Clementis subnixus, cum exercitu Picenum, & Marforum regionem emensus, cum Neapolim destinare ferebatur, Carolus suppetias, ad eum reprimendum, ex Hungaria flagitavit, quæ ut tempori adessent, regina, Ludovicus enim aberat, datis ad Dalmatiæ, & Croatiæ Banum litteris, naves, & militem in promptu haberi iussit, c) quæ mandata Ludovicus brevi post, ad eundem Banum, & urbes Dalmaticas repetiit, diserte imperans, ut Carolo contra Andegavensem, terra, marique, omnibus viribus assisterent. Interea Carolus, Andegavensi moras nectente, prius quam armis fortunam experiretur, & suppetiæ ex Hungaria

a) Collenutius hist. Neapol. l. 5.

b) Lunig, Tom. cit. col. 1167.

c) Lucius de regno Dalm. l. 5. c. 1.



garia adessent, illum legatione tentandum censuit, utrum pactis conventis eum ab Italia avertere posset. Vix Legatus, cujus rei causa venisset, exposuerat, cum illum contra datam fidem necari iussit, qua perfidia Carolus irritatus, vecordem ad singulare certamen, quo lis de jure utriusque in Siciliam decerneretur, per litteras, ut condicto loco adesset, provocavit, a) verum is comperto, Joannam eodem mortis genere, quo illa maritum olim sustulit, eodemque loco affectam esse, b) responsum in mensem Novembrem distulit, c) & in Anconitanum agrum copias traducens, post mulctatos magna æris summa cives, iter Neapolim instituit, quod Anconitani ad Jadrenses, & hi ad regem perscribere, magnopere veriti, ne Caroli res, licet Banus Dalmatiæ cum copiis Barolum jam applicuisset, in summum discrimen adducantur. d).

Ludovicus toto fere eo tempore, quo æmuli de Sicilia inter se contendebant, Zolii cum Polonis, quamquam jam corpore æger, de successore agebat. Vi pactorum quidem in ejus arbitratu erat, utram ex filiabus eis vellet præficere, parumque aberat, quin primum Hedvigem destinaret, sed cum Wilhelmus

---

a) Lunig, Tom. cit. col. 1182.

b) Scipio Mazzella in vit. regum Neap. pag. 157.

c) Lunig, Tom. cit. col. 1183.

d) Lucius cit. l. & c.

1382.

helmus ejus sponsus vix earum opum esset; ut regnum contra Lithuanos, & intestinas factiones, quarum non obscura indicia erant, satis tueri posse videretur, Sigismundum Mariæ sponsum eis proposuit, ita futurum, ut Pólonia Hungariæ conjuncta, ob viciniam mutuum sibi semper auxilium ferre possint. Hac ratione usus, tandem persuasit, ut Sigismundo fidelitatis sacramentum, licet non sine difficultate, dicerent, quo præstito, copiis Hungaricis instructum, & curæ Gnesnensis Archiepiscopi, & Sandivogii commissum, pro capeffendo regno, & ad redigendos in ordinem refractarios, in Poloniam misit, a) ipse Tyrnaviam, ex morbo jam graviter languens, profectus, XI. Septembris ibidem obiit ætatis sexto, ac quinquagesimo, postquam quadraginta annos regnasset Corpus XVI. ejusdem mensis Albam delatum, & in sacello, quod Basilicæ adstruxerat, suoque funeri vivus destinavit, magno omnium luctu conditum est. b)

XX. Rex consensione omnium, & sine invidia cognomen *Magni* adeptus, fines regni a mari Adriatico ad Balthicum protulit: scientiæ

---

a) Dlagoffus l. 10.

b) In die emortuali scriptores variant. Memoriale Pauli de Paulo apud Lucium diem 12. & Calendar. Missalis Strigonien. an. 1501. diem 10 alii 11. statuunt.

entiæ politices, ac militaris perinde gnarus, quarum usu suos tam obeundis ad externos Legationibus, quam tractationi armorum, & disciplinæ ad artem excultæ, idoneos reddidit: juris regii, regnique ex æquo tenax. Nobilium animos ea dexteritate, quo vellet, flectendi præditus, ut, tametsi non raro extraordinaria onera imponeret, tamen, cum necessitas boni communis, regni honor, & gentis fama poscebat, semper, obsequentes haberet. Nec minor illi colonorum, qui quoddam quasi rei publicæ cornucopiæ sunt, cura erat, quos a mancipatu, non invitis regni Ordinibus, liberos, non tamen dominos, esse voluit. Sed iræ non nunquam, insuper etiam habita conditionis, & status ratione, præcipitis, idem tamen, cognita veritate, vindex injuriæ, & innocentiae defensor. a) Ceterum,

- 
- a) Id patuit, primum in Carolo Dyrrachino seniore, quem, etsi is in auctores cædis Andræ, fratris Ludovici, quæstiones exercuerit, & quosdam ex his, invita etiam Joanna regina, pœnis affecerit, tamen morti, non auditum, nec convictum addixit, postea tamen, ubi veritas patuit, Carolo ejus filio ad consequendum regnum Neapolitanum, auctor & adiutor fuit. Dein in Stephano Zagrabien, Episcopo, quem ad falsas criminationes Nicolai Konth Palatini, primum carceri includi,
- K
- dein

1382. terum, id ei ante omnia semper cordi fuit, ut nullam occasionem, qua regno, suisque commodum aliquod posset accedere, sibi præterlabi sineret. Si vitam porro produxisset, dubium non est, quin, quod constitutum habebat, & ad id tempus Hungariæ defuit, post recuperatam Dalmatiam, opportunitate maris, ad instituenda mercimonia ufurus fuerit. Huc ipsa, quam postremum cum Venetis iniit, pax spectabat. Nec enim frustra per Legatos suos, apud Sabaudia Ducem, cui concordia arbitrium erat commissum, id agere visus est, ut Genuensibus, sed præcipue Venetis, qui ea ætate ex Europæis fere soli, ex mercimoniis ad eam potentiam evaserant, ut sibi dominium maris Adriatici arrogarent, a) deinceps facultas ad Tanaim mercandi veta-

---

dein exulare iussit, postremum declarata ejus innocentia, rursus illum sedi suæ restituit. Vid. Pray Hierarch. Part. II. pag. 546.

- a) Id tamen an. 1509. d. 18. Apr. pace cum Julio II. Pont. inita ejurarunt, ut refert Onuphr. Panvinus in vita Julii II. *ictoque subinde fœdere, quo illi maris imperium ejurabant, — in amicitiam, fidemque recepit.* Cum sibi tamen custodiam maris arrogare pergerent, huic quoque, ut Raynald ad an. 1510. refert, *specialiter, & expresse renunciarunt.* In desponsatione maris, quam quotannis, injecto anulo,

vetaretur, quo facilius Dalmatiæ possessio-  
nem posteris suis firmaret, ex qua, post clas-  
sem jam comparatam, & renunciatum Præ-  
fectum maritimum, a) quod ipsa rerum ex  
ditionibus hæreditariis convehendarum vici-  
nia, & ubertas, velut præ manibus esset,  
mercimonium in orientem propagandum fa-  
cile institui poterat, si aut ipse, in Polonia,  
& regno Neapolitano, asserendis minus in  
partes distractus, aut successores illius, inte-  
stinis factionibus impediti, magis in occultos  
Venetorum, qui Dalmatiæ semper inhæbant,  
conatus intenti esse potuissent.

K 2

MA.

nulo, celebrant, Ludov. Helianus in oratione  
ad Maximilianum I. Cæs. ita ludit. *Mare,  
quod omnibus gentibus commune esse debet,  
suum dicunt. Et siue mariti Thetidis sint,  
siue uxores Neptuni sint, singulis annis illud  
desponsavere annulo injecto. Arrogantiam in-  
auditam, elementa desponsare!*

- a) Lucius Mem. istor. pag. 327. ad an. 1383.  
exhibet litt. reginæ inscriptas: *D. Simoni de  
Auria de Janua Admirato nostro.*

## M A R I A I.

*Ab Anno 1382. — 1386.*

**I.** Altera die, a condito funere, patri jure genituræ successit. a) Tribuit hoc Natio, quæ hactenus nulli feminæ paruit, Ludovici meritis, Polonorum exemplo adducta, ac idcirco a coronatione peracta, regem malebat, quam reginam, appellare, b) ut non tam feminæ, quam viro, parere viderentur, tametsi postea non paucos hujus imperii tæderet. Cum teneræ adhuc ætatis, nec ferendo tot regnorum oneri par esset, mater, quæ jam sub Ludovico regni negotia, illo absente, curabat, filiæ, & suo nomine, ex Ordinum consensu, rem publicam curandam accepit, Nicolao Gara Palatino in consiliorum com-  
mu-

a) Id Decret. Cod. jur. patrii, an. 1384. aperte testatur.

b) In litt. & Sigillis quidem *regina* vocatur, Natio autem appellabat illam regem, teste Laur. de Monacis, qui apud eam legationeungebatur, in miserab. carmine,

Hanc regem appellant animis concordibus  
omnes

Regnicolæ, illustrant hoc regis nomine sexum.  
Et ipsa regina in litt. an. 1383. fatetur, se,  
uti *filium masculinum* patri successisse.

munionem adscito. Ita se initia domi pacate dabant. Foris alia facies. Jadrenses quidem, ut regis mortem rescivere, confestim per Legatos suos fidelitatem utrique reginæ imponderant, quæ Joannem Bissenum, ut reliquas quoque urbes in fide confirmaret, in Dalmatiam accelerare jusserunt. At in Bosnia Tvartkus, qui Ludovici beneficio regis titulum adeptus erat, contempto feminarum regimine, Chelmensem Comitatum, sibi antea a rege ademptum, vi occupavit, nec satis secundæ res e Polonia afferebantur. Sigismundus juvenili impetu abreptus, plerosque Optimatum adeo offenderat, ut coitione inter se facta, de eo exauctorando, & Hedvige Semovito Mazoviæ Duci locanda, deliberarent. a) Præfecti quoque Rursiæ, b) arces, quibus præerant, & inter has Camienecum, Duci Lithuanie Liubarto, accepta auri, argenteque copia, vendiderant, quos Elisabetha in Hungariam accersitos ob perfidiam, partim

K 3

in

---

a) Lucius de regn. Dalm. l. 5. c. 2. Dlugos. l. 10. Paulus de Paulo script. rer. Hung. Tom. III. pag. 724.

b) Hoc nomine Lodomeria, & Halicia veniunt, quibus hoc an. præerat Joan. Desfeu, ut habent litt. Elisabethæ an. 1382. d. 5. Nov. sed ad hunc, qui reliquis etiam annis magistratus in Hung. gessit, crimen perfidiæ non pertinuit, verum ad illos, qui sub eo arcibus præerant.

in carcerem conjecit, partim morte mulctavit, totique eorum stirpi perpetuam infamiae notam inussit. *a)*

1383.

Hæc importuno tempore adhibita severitas, quoniam consilio Palatini, quasi is cæſorum bonis inhiaret, patratam fuisse existimabant, huic odium conscivit, & multorum animos a regina avertit. Mali contagio brevi in Croatiam, & Dalmatiam propagata est, & paulatim futuræ seditioni occasionem præbuit. Caput hujus erat Joannes de Palisna, a rege paulo ante obitum Prior Auranæ renunciatus. Huic se sensim socios junxerant, Paulus Zagrabienſis Episcopus, hujusque fratres, Joannes, & Ladislaus Horváthii, *b)* quos Ludovicus olim ex humili loco ad dignitates evexerat. Hæc quidem clanculum in Croatia cudebantur, magis vero aperte in Polonia. Ex conventu *Siradiam* indicto, Legati ad reginam venere, qui Hedvigem ad capeſſendum regnum flagitabant. Postulata autem erant tam nervose proposita, ut ea negare, non satis consultum videretur. Celsit igitur Elifabetha, & Nicolao Vesprimienſi Episcopo, additis eidem duobus collegis, *Siradiam* misſo, in mandatis dedit, ut, si commode fieri posset, aliam Polonis mentem ingerere.

*a)* Dlugofs. I. cit.

*b)* Id patet ex litt. Alberti regis, an. 1438. apud Pray, Dissert. de Prioratu Auranæ pag. 27.



gereret, sin contra, eodem a præsito Mariæ & Sigismundo, fidelitatis juramento absolveret, spemque faceret, Hedvigem proxime adfuturam, modo peracta coronatione eam, donec adolesceret, redire ad matrem parentur. a)

1383.

Dimisso Cassovia, ibi enim tunc agebat, cum his mandatis Episcopo, ipsa in Dalmatiam, quo jam ante Nicolaum Præpositum Poseganum cum Detrico Bubek, ad res Jadrensiū componendas præmiserat, cum utraque filia, profecta est. Adventu suo castrum Auranzæ in fidem recepit, Joanne de Palisna exauctorato, atque hoc præcipiti facto, novos homini ad seditionem maturandam stimulos subjecit. Morantem adhuc in Dalmatia, Sandivogius e Polonia convenit, orabatque communi Ordinum nomine, ut, promissi memor, Hedvigem in Poloniam mitteret, cumque illa dictis ejus ægre fidem se habere simularet, nobilissimos juvenes, quos in comitatu habuerat, obsides in Hungaria mansuros promisit, modo ne Polonorum vota porro differret. Verum illa rursus simulatione usa, clam ad Castellatum Sandomiriensem mandata misit, ut arcem Cracoviensem, hæc curæ Sandivogii credita erat, fidei Hungarorum traderet, quo ille comperto, celerrimis itineribus nuncios prævertit doli indignitate vehe-

K 4

men.

---

a) Dlugos, l. cit.

1383. 

---

menter commotus. Elifabetha cognito hominis repentino habitu, obsides, parum futuri provida, in carcerem conjici jussit, & ne profugus aliquid propterea apud Polonos moliretur, Janusio Mazoviæ Duci stipendium annuum, bis mille, & quadringentis auri florenis auxit, a) minime dubitans, hunc, si quid Sandivogius moveret, præ ceteris idoneum esse, quò conatum illius reprimeret.

1384. 

---

II. Verum, ut in Hungariam reversa est, spe sua magnopere se delusam vidit. Poloni Sandivogii querelis, & Elifabethæ dicteriis, quæ sibi incauta excidere passa erat, offensi, extrema periclitari constituerant, missoque ad illam nuncio declararunt, nisi Hedvigem ad octavam diem Maji in Poloniam mitteret, se de deligendo rege deliberaturos esse. Illiberali hoc nuncio commota, Sigismundum milite, & ære instructum, in Poloniam proficisci jussit, qui cum Sandecium pervenisset, nuncios obviam habuit, qui, ne ultra progrediretur, regni nomine vetuerant, si faceret, pro hoste habitum iri. Hac denunciatione territus, substitit, aliquot primi ordinis viros, cum quibus aliqua conferre cupiat, ad se mitti petiit. Missus est inter reliquos etiam Sandivogius, cui spem fecerat, si adventus Hedvigis ad diem Pentecostes differri posset, obsides liberos dimittendos

---

a) Dlugos. l. cit, Katona Tom. XI. pag. 57.

dos esse, quod cum ille ad ceteros referret, 1384.  
 neminem, qui consentiret, reperit, quin tam  
 diu se a femina circumduci graviter ferentes,  
 a misitatione nunciorum deinceps abstinendum censuere. Sandivogius videns, rem huc  
 rediisse in Hungariam profectus, in quo discrimine Poloniae status esset, Elisabetham  
 admonuit, orabatque, ne porro se duram  
 præberet. Visa est flecti, &, dimissis obli-  
 dibus, quamprimum per regni negotia licue-  
 rit, se votis Polonorum satisfacturam promi-  
 sit. a) Ita periculo, quod inde imminebat,  
 utcunque consultum videbatur.

Non item in Croatia, & Dalmatia. Mali  
 causa domi latebat. Nicolaus Gara Palati-  
 nus, reginarum benevolentia abusus, regiam  
 pene potestatem exercebat, dignitates, qui-  
 bus volebat, sæpe non optime meritis, con-  
 ferre solitus. Inde ei cum Ladislao Opolien-  
 si Duce simultas intercessit, quæ etsi quidem  
 interventione aliorum sublata fuerit, valuit  
 tamen exemplum ad illos, qui a Palatino  
 offensi, conjurationem in Croatia clam in-  
 firuebant. Joannes Palisna, illo autore, se  
 nuper exauctoratum, ratus, ad Tvartkum  
 Bosniae regem confugit, Horváthii uterque  
 jam ante cum eo consilia conferebant, nuta-  
 bat quoque in Dalmatia Laczkovicus, quod  
 Templino de S. Georgio locum cedere de-  
 buerit,

---

a) Dlugos. ibid.

**1384.** buerit, cumque hic post aditum magistratum, aliquot conjuratorum socios, quos Jadræ repererat, supplicio affecisset, ad factiosos aperte secessit. Elisabetha, ne malum ad alios quoque serperet, consortium illius, sociorumque gravissime vetuit, a) ignara, contagionem ad Hungariam quoque jam pertigisse, cujus indicia cum non obscure se proderent, adhibito in consilium Palatino, suavit filiae, ut Nobilium immunitates secundum regni consuetudinem, quod hactenus intermissum, & plerisque offendiculo erat, confirmaret. Fecit, quod mater suaserat, & Decretum Andree II. de prærogativis Nobilium, ad morem patris sui Ludovici, ratum habuit. b)

**1385.** Hoc modo seditionis, quæ ad paucos in Hungaria pertinuit, occasio, videbatur sublata esse. Ne autem Polonos quoque ob negatam toties Hedvigem, res novas moliendi cupido incefferet, filiam tandem dimittere constituit, & Leopoldum Austriæ Ducem de suo proposito edocuit. Ille pactorum memor, vidensque filio suo per Hedvigem regnum parari, Budam properans, sponsonem matrimonii, auctore Ludovico rege, inter Hedvigem,

a) Paulus de Paulo Tom III. script. rer. Hung. pag. 725. Litt. composition. Vid. apud Katona Tom. cit. pag. 77.

b) Exstat Decret. in Cod. jur. patr. Tom. I, pag. 171.

gem, & Wilhelmum filium suum initam, rursus consentiente regina, & sponsa, editis literis confirmavit, pollicitus, ut primum Hedvigis filio suo conjuncta fuerit, se stipulata olim ducenta florenorum millia numeraturum, facturumque, ut a suo obitu filius æquam

1385.

ditionum partem cum fratribus obtineat. a) Sed hanc utriusque sponsi spem Poloni interverterant, qui quidem, nulla mora interposita, Hedvigem, ut a Demetrio Archiepiscopo Strigoniensi, magno Procerum comitatu stipata, in Poloniam adducta est, a Gnesnensi Archiepiscopo coronari, sed curam, & administrationem regni, tamdiu solum ei creditam voluere, donec de marito ei jungendo decernerent. b) Nec enim priore matrimonii sponsione, qua Wilhelmo obstricta erat, quod se inconsultis esset inita, se teneri existimabant, & ipsa Poloniæ, quam Lithuani crebro infestabant, ratio videbatur postulare, ut, præ Austriaco, Ducem Lithuaniæ, qui honestissimas condiciones proposuerat, reginæ conjugem darent, ita futurum, ut illi ex hostibus amici fierent, & Lithuania Poloniæ semper conjuncta maneret. Hac ratione Elisabetha, dum Polonos a fidelitatis jura-

---

a) Confirmationis pacta exstant in Cuspiniani Austria, pag 644. & apud Pray Part. II. pag. 174.

b) Dlugosz. II, cit.

**1385.** juramento, quod Mariæ, & Sigismundo præstiterant, præpropere usa consilio, absolvit, simul Caroli regis conatus, Poloniæ causa adhibitos, & destinationem Ludovici, qui illam ab Hungaria nunquam separari cupiebat, feminea imbecillitate intervertit.

Dimissa in Poloniam Hedvige, nihil inde jam metuendum erat, sed ex Croatia utrique reginæ eo gravius periculum incubuit, quo magis occulte struebatur. Paulus Zagrabienfis Episcopus, qui cum Palisna crebro alias consilia sua conferebat, religionis prætextu, Romanum iter simulans, in Siciliam ad Carolum regem, quo jam aliquot ex conjuratis præcesserant, profectus est, ut eum ad occupandam Hungariam sollicitaret. Sed is datæ olim Ludovico fidei, &, quæ ab Elisabetha acceperat, beneficiorum memor, ad hæc precibus conjugis suæ permotus, nec satis eorum, a quibus invitabatur, constantiæ fidens, abnuit primum, mox tamen, cum a Joanne Sclavoniæ Bano, ope Tragurinorum, litteras, quibus idem sibi suadebatur, a) accepisset, Zagrabienfis Episcopi, parum de

---

a) *Joannes Banus totius Slav. communitati de Tragurio salutem. Requirimus vos diligenter, quatenus litt. nostras D. regi Carulo destinandas per unum ex vobis virum eidem — transmittatis &c. Dat. Zagrab. in quindena S. Michaelis. 1383. apud Lucium Mem. istor. pag 328.*

de ordinis sui dignitate, quod Carolus a Pontifice sacris interdictus esset, solliciti, importunitate victus, consensit, & constitutis domi adversus suum æmulum, Ludovicum Andegavensem, rebus, Segniam appulit. Hinc Zagrabiam progressus, conjuratos, qui ad elevandam apud vulgum invidiam, illum regni Gubernatorem appellabant, copiis instructos reperit, quibus sensim, ut propius Budam movit, aliæ, atque aliæ se adjuuxerant, ut numero justum prope exercitum conficerent. Elisabetha adventu illius perculsa, matrimonium filiæ, quod hactenus, ut sola regnaret, distulit, accelerari, & hoc ex ritu Ecclesiæ celebrato, generum confestim in Bohemiam, auxilia adversus conjuratos allaturum, properare jussit, simul appropinquanti Carolo nuncios obviam misit, percontatum, hostisne cum tantis copiis, an amicus veniret? cumque amicum se venire, & post composita dissidia, Neapolim rediturum, nunciasset, venientem utraque regina, qua subito fieri poterat, pompa accepit, utque in palatium regium diverteret, orabant, quod ille decoris, & in reginas observantiæ, causa, ut præferebat, renuit, re ipsa autem, ut consilia cum conjuratis, eo magis inobservatus, conferre possit. Non diu tamen simulatio tenuit. Paulo enim post, habita cum suis deliberatione, reginis nunciari jussit, se communi Nationis consensu regem esse electum, proin  
con-

**1385.** consultum illis velle, ut se regno sponte abdicent, ne quid se indignum, si tergiversentur, plebs in illas committat, ita regiae dignitatis rationem habitum iri. Maria, quæ se a summo fastigio ad communem conditionem repente dejici vidit, in lacrimas effusa, id unum orabat, ut sibi conjugem, in Bohemiam sequi liceat, verum mater ad simulationem magis comparata, Carolum exemplo adiit, eique, summa rerum tradita, id faustum, felixque illi precata est. Hoc conjurati, ut perfidiam boni publici larva tegerent, exspectabant, Carolo, per urbis vicus, rege tumultuarie declarato. *a)*

**1386.** III. Cum rei hucusque perductæ felix exitus in celeritate consisteret, Albam sine mora properatum est. Sed illud improvide a Carolo factum, quod utramque reginam in comitatu adesse voluerit, quarum jam in ipso itinere, cum illas, velut captivas, in triumphum duci viderent, commiseratio tetigit, &, cum Albensem Ecclesiam ingressæ, ad tumulum Ludovici constitissent, in ploratus, & lamenta effusæ, a pompa coronationis, omnium animos, & oculos averterent, ac multos facti poenitudo subiret, nec coronatio, ea, qua alias solebat, populi lætitia, & acclamatione prægeretur. Id non opti-

---

*a)* Chron. Par. III c. 2. — 6. Et Laurent. de Monacis carmen, de casu illustrium reginar.



optimum usurpatori auspiciū erat. Elisabetha, postquam cum filia Budam rediit, vindictam ex Carolo sumere constituerat. Re cum Palatino communicata, visum est, ut is simulato ad filiæ nuptias itinere, equites pro more paratos habeat, facinoris autem, quod meditabatur, exequendi cura Forgacsiō data est. His inter se statutis, Carolum ad se venire rogat, ut de litteris, quas se a Sigismundo accepisse præferebat, cum eo rei publicæ causa, deliberaret. Ille prope vesperam, paucis Italis comitatus, adfuit, cumque in consultando tempus producit, illi tædio capti discedunt, & Forgacsius, accepto signo, nihil moratus, hospitem nil tale opinantem, gravi vulnere, quod a fronte ad oculum hiabat, ense perculit, mox Palatini milites portas occupant, Italos concubia nocte interimunt, &, ubi illuxit, quoscunque ex conjuratis nancisci poterant, neci dedunt, Croatæ Horvathii ductu, per portam Sabbathi, nunc Viennensem, vi facta, ægre periculum evasere. Carolus, post tricesimum, quam coronatus erat, diem, Wissegradum ductus, seu ex veneno, seu potius ex neglecta studiose vulneris cura, diem obiit. a)

Hæc

---

a) Chron. Part. III. c. 8. Laurent. de Monacis l. cit. Confer Mariæ reginæ litt. an. 1386. apud Pray, Dissert. de Prioratu Auranzæ pag. 23.

1386. Hæc erat rerum in Hungaria facies, cum Sigismundus collectis in Bohemia auxiliariis copiis Jaurino appropinquans, ibidem, & stipendiorum defectu, & ob litem, quæ ei cum Jodoco, & Procopio Marchionibus Moraviæ, ob fundos inter Vagum, & Danubium obæratos, intercessit, adhærere coactus est. a) Elisabetha interim a Polonis auxilia sperabat. Non erat illa clam, quantopere illi ab ineundo inter Hedvigem, & Wilhelmum matrimonio abhorreant, & in Jagellonem Lithuaniae Ducem, quod is se sacra Christiana amplexurum, & Lithuaniam Poloniæ adjuncturum polliceretur, propensi essent. Cum igitur ex temporis ratione videret, hunc, præ Wilhelmo, sibi contra molitiones conjuratorum, auxilio esse posse, irritata priori sponfione matrimonii, etsi perinvitam, Jagelloni, cui post susceptum baptismum nomen Wladislai inditum, conjugem dedit, eique in filium dein adoptato, vicissim, si res posceret, subsidio se affuturam promisit, licet ipsa domi satis negotii, ad reducendam quietem publicam haberet. b)

Un-

a) Balbinus hist. Miscell. Dec. 1. l. 8.

b) Dogiel cod. Dipl. Tom. I. Part. I. apud Kationa hist. Tom. XI. pag. 161. Cod. jur. patr. Carolum, *Interregem* vocat, Dalmatarum monum. eum nuspian regem dicunt. Hæc mihi ratio

Undique enim nuncii advenerant, conjuratos, qui e nuperna Budensi cæde evaserant, omnia miscere, & adscito in societatem Tvartko, Bosnensium rege, vires resumere. Palatinus, qui ad eos comprimendos, maximam partem ex suis familiaribus, militiam collegerat, improvido plane consilio ductus, autor reginis fuit, ut secum profiscerentur, ratus, earum præsentia refractarios facile ad obsequium reduci posse. Cum assentiri viderentur, iter in Sclavoniam, in qua, quod amplissimos ibi fundos possideret, nihil periculi esse putabatur, institutum. Conjurati de itineris ratione edocti, conflata tumultuaria manu, delectoque ad Garam, quo via ducebat, apto insidiis loco, in appropinquantes improvise erumpunt. Palatinus viso periculo confestim equo desiliens, currum reginarum fortiter tuebatur, facileque cum suis nefariam hominum colluviem superaturus erat, nisi Croata currui subrepens, pedibus a tergo succussis, pugnantem humi prostravisset; ita jacentem Horvathus necari jussit, ceteri aut cæsi, aut capti Posegam, & in vicina castra distributi sunt. Reginæ non habita sexus, & regii sanguinis ratione,

---

ratio fuit, cur illum, etsi coronatum, inter reges nostros non censem, & pro usurpatore habeam.

1386. tione, thesauro privatae, & raptatae Gomne-  
chum, erat id Episcopi Zagrabiensis castrum,  
mox Novigradi, in carcerem conjectae, &  
Joannis de Palisna curae sunt traditae, &, ne  
quid ad barbariem deesset, Elisabetha, spe-  
ctante regina filia, immaniter in carcere ju-  
gulata est; a) Nicolai Gara Palatini, & fra-  
tris

a) Maria regina casum suum, & matris in litt.  
an. 1387. in festo exaltationis S. Crucis in hæc  
verba describit: *inibique (Garæ) nos, & ean-  
dem Elisabeth reginam, & nonnullos fideles  
Barones, milites, & proceres nostros — pro  
dolor! captivaverunt, & nostram, ipsiusque  
dominæ Elisabeth reginæ, majestates precio-  
sis nostris amictibus, & thesauris immensis  
spoliantes, reclusus in Gomnech, dicti Episco-  
pi Zagrabiensis, & Vjvár regali, ipsosque  
Barones, & milites — in Possegavar, — Orya-  
var, Ckaktorna, & Pachytel, appellatis ca-  
stris, rigide compeditos, & concatenatos, ac  
vinculis, manibus & collo ipsorum adstrictis,  
innodatos, conservassent, & ipsorum, domini  
Nicolai Palatini, & Joannis, fratris sui, —  
capita, trans fretum ad civitatem Apuliæ,  
ipsis nostris æmulis — imperantibus, —  
allata fore perhibentur, & tandem antefatam  
divæ mem. illustrem dominam Elisabeth regi-  
nam, matrem nostram, in dicto castro Vjvar  
vocato, inopinabili austeræ necis interitit, sæ-  
vien-*

tris ejus Joannis capita, in Apuliam viduæ Caroli, tamquam egregie patrati facinoris signum, transmissa. Regni Ordines, quorum præcipua pars nullam cum factionis communionem habebat, comperto, reginas in Croatiam captivas esse abductas, & Palatinum cum plerisque, qui in comitatu illius erant, cæsum fuisse, rem publicam interea, quoad Sigismundus, qui, cæso Carolo, nihil periculi jam subesse ratus, copias auxiliâres Jaurino in Bohemiam reduxerat, in Hungariam rediret, administrandam accepere. a)

## L 2

## SI-

*vientes, nobis cœnentibus, immaniter jugularunt.* Ex autogr. Confer Sigismundi regis, & Steph. de Lofoncz, Bani Severinen. litt. apud Pray Part. II. pag. 177. Hinc illorum errorem arguas, qui Elisabetham fluvio mergam fuisse scribunt.

- ) Id Sigillum hujus an. indicat, cum hac epigraphæ: *Sigillum, Regnicolarum, Hungarie.* Scutum bifariam sectum: ex una parte 4. fasciæ; ex altera duplex crux, tricollis insilens. Monumenta quoque Dalmatica tempus captivitatis, hac verborum forma signant: *Maria regina impedita,*

SIGISMUNDUS.

*Ab anno 1387. — 1437.*

1387.

I. Infelix reginarum casus magis jam didi-  
tus erat, quam ut Sigismundum, etiam ab-  
sentem, latere potuerit. Itaque, cum sibi,  
constituto regni Hungariæ tutori, & *Capita-*  
*neo*, a) incumberet, ut turbatores rei publi-  
cæ hostes, sin aliter non posset, armis ad  
obsequium compelleret, ineunte anno cum  
parte copiarum versus Croatiam, ad conju-  
gem liberandam contendit. b) Magis hic  
omnia misceri reperit, quam ut copias in tot  
partes prudenter dividere posset. Urbes  
enim Dalmaticæ in fide nutabant, Tyartkus  
Clissam interea occupaverat, Joannes Palis-  
na, præterquam quod reginam arcte custo-  
ditam servaret, proventus regios usurpabat,  
& reliqua factionis capita, cum Zagrabienfi  
Episcopo in Apuliam, novas inde turbas datur-  
i, evasere. c) Non tamen propterea spem  
liberandæ reginæ posuerat, quod Veneti, ac-  
cepto

a) De *Tutoris*, & *Capitanei* titulis, vid. Pray, Part. II, pag. 164. item Dissert. in annal. veter. pag. 142.

b) Extant Sigismundi litt. an. 1387. dat. in Ka-  
próncza, apud Pray Dissert. VII. in annal.  
pag. 131.

c) Lucius, Mem. istor. pag. 330. & 31.

cepto de capta regina nuncio, ne in Apuliam quoque a factiosis traduceretur, immissa Adriatico classe, omnes portus Dalmatiæ interclusissent, & Novigradum, in quo regina tenebatur, Palisna quoque in eodem incluso, obsidione premerent. Itaque conjugis causa utcunque securus, ne conjurationis malum domi quoque propagaretur, in Hungariam properavit. Acceptus est communi lætitia, & omnium votis 31. Mart. ritu solito, coronatus. a)

Auctoritatem regiam cum potestate adeptus, eo majore cura rem publicam capessivit, quo plura eidem undique pericula imminebant. Factiosi in Banatu Temesiensi, & in Sirmio grassabantur, Tvarthus Spalatenles ad defectionem sollicitabat, & Petrus Moldaviæ Vajvoda aperte ad Polonos defecerat. Hæc cum ad regem crebris nunciis afferrentur, quod in subitaneo eventu fieri poterat, factiosis Nicolaum Gara, cæsi Palatini filium, opposuit, qui ejectis ex Banatu conjuratis, eadem felicitate arma in Sirmium traduxit, Spalatenles, & reliquas Dalmatiæ urbes, datis litteris, ad fidelitatem cohortatus est, sed præcipuum studium ad conjugem liberandam convertens, Alberto de Ungh, qui Joanni de Palisna in Auranzæ Prioratu suffectus erat,

L 3 man-

---

a) Dlugoff. l. 10. Lucius de regno Dalm. l. 5. c. 2. & Sigismundi litt. an. 1388. apud Pray Hierarch. Hung. Par. I. pag. 109.

mandata dedit, ut copias suas Venetis conjungeret. a) Ac hi quidem interea, Barbado duce, Novigradum acriter premebant, eoque brevi post dedito, reginam in libertatem vindicarunt. b) Beneficium a Venetis præstitum omni ex parte integrum erat futurum, si Palisnam regi tradendum servassent, nisi forte vel ille hanc conditionem pactus est, vel illorum intererat, ut eum dimitterent, quo semper aliqui essent, qui Dalmatiam turbarent, & hac ratione sibi viam, ut ex eventu patuit, ad illam sensum recuperandam sternerent. Utcunque id fuerit, certe regina libertatem suam se Venetis debere, grato animo contestata est. c) Novigrado dimissa, Nonam,

a) Lucius de regn. Dalm. l. 5. c. 2. & Mem. illor. pag. 332. litt. Sigismundi an. 1408. apud Pray Par. II. annal. pag. 182. & Steph. de Losonez apud eund. pag. 177. ibid. item Dogiel, Dipl. Pol. Tom. I. pag. 597. Dat. in die Translat. S. Stanislai an. 1387. memoratque, Petrum Vajvodam homagium lingua Valachica conscriptum, Wladislao, & Hedvigi, præstitisse; sed id, quod interpret deesset, a se prætermisum fuisse. Id mihi magnopere suspectum est, cum homagii hujus in consæderatione an. 1389. nulla mentio fiat.

b) Paulus de Paulo, Tom. III. Script. rer. Hung. pag. 726.

c) Laurent. de Monacis in præf. ad carmen, pag. 323. ita sibi loquentem inducit: *non omittas*

*in se.*



Nonam, inde Segniam venit. Hic cum ali-  
quamdiu moratur, ab oratoribus Venetis sa-  
lutata, mox Zagrabiam profecta est, ubi Si-  
gismundus, magno Procerum comitatu stipa-  
tus, conjugem salutavit, Budamque deduxit,  
ac novo quasi connubio eidem junctus, a)  
regnum communi potestate cum illa exorsus  
est, b) quod jure conjugis obtinuit. c)

1387.

L 4

Dal-

---

*inferere historiæ, mo Venetorum auxilio, ca-  
ptivitatis jugo subductam, libertatem inter  
meos perditam, & jam deploratam, ex inspera-  
to inter Venetorū invenisse, superque ipsorum  
armata classe, primum omnium funditus cra-  
dicata formidine, spem firmam concepisse tanta-  
rum fortunarum mearum, reliquiis omnibus  
præteritæ calamitatis abjectis.*

a) Lucius Mem. istor. pag. 333. ex regest.  
Confil. Tragur. Largiantur ducati 10. auri,  
Joanni familiari D. Marchionis, mariti domi-  
næ nostræ D. Mariæ reginæ Vng. pro novis  
de consummatione matrimonii ipsorum.

b) Conf. Notit. præv. §. 3.

c) Sigismundus in litt. 1412. disertè his verbis id  
testatur: *ipso domino Ludovico rege — in per-  
ennis regni patriam — translato, & — sereni-  
ssima Principe D. Maria regina, ipsius Nata  
in solium paternum, vero hæreditatis jure suc-  
cedente, nobisque regni gubernacula adeptis  
&c.* Simili ratione Rex Albertus regnum ade-  
ptus

**1387.** Dalmatiâ interim varie agitabatur. Albertus de Ungh, castrum Auranæ, quod conjurati adhuc tenebant, aggressus, obsidione quidem cinxerat, sed cum Rex Bosniæ, ad quem Horvathus, a Nicolao Gara Pofegæ captus, custodis perfidia dimissus, fuga evaserat, a) copiis agro Jadrensi infusis, prædas latissime ageret, & Ofztrovicza intercepta, Auranæ appropinquaret, copiis inferior, Notam se recipere coactus erat. Tragurienses quoque partim intestinis dissidiis, partim Bosnensium incursionibus, pressi, opem a Venetis petere, eisque se dedere cogitabant, urbe adeo jam populi tumultu concitata, ut plurimum, primi etiam ordinis, civium cædes patrarentur. Rex, quem Albertus Prior Auranæ de periculo defectionis admonuerat, propediem auxilia, quibus & cives ad officium revocari, & conjuratorum reliquiæ penitus opprimi possint, adfutura promisit, modo ipse, ne malum ad alias etiam civitates serpat, pro ratione sui officii, diligenter excubaret. b)

**1388.** II. Sed prius domi res pacandæ erant. Non paucos ex Hungaris etiam malum Croaticum

---

ptus est. Vid. Pray Commentat. de vet. reginas Hung. coronandi more, pag. 21.

a) Litt. Sigismundi an. 1408. apud Pray Part. II, pag. 182.

b) Lucius Mem. illor. pag. 334.

ticum afflaverat, in hos, quoniam magis 1388.  
 alieno exemplo, quam pravitate animi, peccassent, clementia potius, quam severitate, utendum censuit. Promulgata igitur amnestia, qui facti pœnitundine ducti, redibant, in gratiam recepit, qui fidem reginis servarunt, honoribus, & fundis, auxit, nutantes metu ad obsequium reduxit. Spalatenses, missis Budam Oratoribus, obedientiam professi sunt, multa de hostilitate regis Bosniæ, qua in tertium jam annum premerentur, quæsti, a) Tragurienses, quod hosti viciniore essent, ancipites hærebant, hos Sigismundus a Dionysio Dalmatiæ Bano, & Auranti Priori jussit interea observari, b) illis immunitates a Ludovico rege quondam concessas, denuo confirmavit, spe facta, cum per regni curas licuerit, se contra regem Bosniæ, qui Catarum, Almisium, & Narentæ fluminis ostia jam occupaverat, eis subsidio venturum, modo ipsi cum Scardonensibus uniti, hostis conatus tantisper morari conarentur. c) Bellum igitur, ut progressionibus Bosnensium modus poneretur, fere necessarium erat, sed, cum interregni tempore

æra.

---

a) Farlati Illyr. sac. Tom. III. pag. 331. Sed exactius mandata Legationis exhibet Lucius Mem. istor. pag. 336.

b) Lucius Mem. istor. di Tragur. pag. 337.

c) Idem ibid, pag. 140.

1388.

ærarium publicum non optime constitutum fuisse videret, sumtum, ad id feliciter gerendum, defectus, regem sollicitum habebat, cui levando quoniam alia ratio non succurrebat, Marchiam Brandenburgicam Jodoco, & Procopio, patruis suis, pignori locare statuerat. Hoc regem duntaxat morabatur, ne id, Joanne, fratre suo natu minore, cui propius in eam, quam sibi, ex sanctione paterna, jus erat, non consulto, aut invito fieret. Quare, utroque patruo, & fratre, *Schintaviam*, prope *Vagum* fluvium, ad conventum invitatis, & consentientibus, pignoris condiciones in hunc modum transegit: patruui Marchiam quidem, numerata prius regi pecunia, a) haberent, ipse autem, si Wenceslaus sine hærede moreretur, invitus ne esset, si ille fratrem minorem, præ se, regni Bohemiæ hæredem constituerit. b) Comparato in bellum necessario nervo rei gerendæ, supererat id etiam, ut cum Wladislao rege Poloniæ litem, ob Petri Moldaviensis Vajvodæ, ab Hungaris ad illum secessionem, componeret, ne sibi interea alibi occu-

- 
- a) Godofr. Hofman in append. Dipl. hist. Lusat. Tom. IV. script. Lusat. apud Pray Par. II. pag. 183. item Balbin. litt. publ. Boh. vol. I. epist. 64.  
 b) Script. Germ. pecuniam pignoris viginti millia grossor. Bohem. statuunt, quod pro ratione illius etiam temporis, parum est,

occupato, negotium ab illo conficeretur. Egit propterea per Legatos; & induciæ, a XXIX. 1388. Septembris annuæ utriusque consensu confectæ sunt. a) Convocatis dein ad signa copiis, in Bosniam, quo conjuratorum pars se receperat, movit; expugnatisque aliquot castris, ex quibus illi prædas solebant agere, plerosque eorum interceptit. Lazarum quoque despotam Rasciæ, qui defectionem parabat, partim armorum metu, partim; agente potissimum Palatino, Nicolao Gara, illius genero, in prius obediencia confirmavit. b) Reversus, gravissimum ex conjuratis, quos hac expeditione interceperat, supplicium sumit. c)

Parum tamen hoc severitatis exemplum, 1389. quamdiu Joannes de Palisna superstes erat, ad reliquos factionis valuit, qui tutum illis latibulum apud Bosniæ regem præstitit, & hunc, ut in Dalmatiam vim converteret, sollicitare non desinebat. Id pleræque urbes Dalmaticæ, Spalatum imprimis, Scardona, & Sibenicum, veritæ, fœdus inter se ad mutuam defensionem inivere. Accessit illis sponte sua socius, in Apulia Præfectus Barenfis; Tragurienses vero, qui ipsi inter se adhuc dissidebant, & Venetorum litteris, promisso auxilio, ad defectionem sollicitabantur, nec hos

a) Sommersberg. rer. Siles. Par. II. pag. 81.

b) Vid. Pray Par. II. pag. 182.

c) Kerseleich hist. Eccl. Zagrab. pag. 337.

1389. 

---

hos offendere volebant, a) nec tutum arbitrabantur, ut, durante civili discordia, communem cum reliquis Dalmatiæ urbibus causam facerent, quæ ipsæ etiam viribus suis diffisæ, per oratores auxilium a rege flagitabant, si Rex Bosniæ, ut ferebatur, Dalmatiam more suo infestare pergeret. b) Sed hunc metum Amurathes, Turcarum Sultanus, Rasciæ imminens, dissipavit. Tvartkus vicino periculo Bosniæ metuens, commune cum Lazaro Despota fœdus iniit, junctisque viribus Amurathi obviam profecti, prælium ad Moravam annem conferuere. Victoria, Lazaro, & Amurathe in pugna occumbentibus, penes Christianos fuit. c)

1390. 

---

Turcæ, quamquam victi, reparatis tamen brevi viribus, in Bulgariam anno infesquente infusi, Danubio appropinquare conabantur. Tam vicino hoste, si id flumen in potestate haberet, *Myriche* Transalpinus Vajvoda, sibi, suisque consulens, incio Sigismundo, fœdus cum Wladislao Polono, quin ulla regis Hungariæ mentio fieret, pepigit, d) quam perfidiam, defectioni proximam, Sigis-

---

a) Lucius Mem. istor. pag. 343.

b) Idem ibid. pag. 345. & 346.

c) Idem de regn. Dalm. l. 5. c. 3. Litt. Sigismundi regis an. 1408. apud Pray Par. II. pag. 186.

d) Dogiel Diplom. Pol. Tom. cit. pag. 598. Dat. in Szoczov. in fest. S. Gertrudis 1390.

gismundus ulcisci cupidus, Vajvodæ Transilvano in mandatis dedit, ut hominem ad officium reduceret, cuius celeritate ille oppressus, fœderi hanc conditionem addere coactus est, se nihil contra Hungariæ regem, cuius fiduciarius esset, & ditiones ejusdem moliturum esse. Sub hæc Tvarthus victoria superioris anni elatus, pluribus Dalmatiæ, & Croatiæ urbibus, in fidem receptis, a) se maritimæ oræ dominum gessit, rege multiplici cura magis distracto, quam ut Dalmatis opem ferre posset. Nam & Hedvigis jus in Rusiam sibi arrogabat, b) & Stephanus Moldaviæ Vajvoda, excusso jugo, Polonis se parabat adjungere. In hunc, ne Valachia eodem malo corriperetur, ipse profectus, licet in principio insidiis fere circumventus fuerit, prælio tamen postea fractum, ad pendendum quotannis tributum adegit. c) Simili deinde fortuna in Turcas, qui Sirmiensem provinciam incurfabant, usus, semel, iterumque clade affectos, d) ab agendis prædis aliquam.

---

a) Lucius Mem. istor. pag. 350 & seq.

b) Dlugoff, hist. Pol. l. 10.

c) Lucius de regn. Dalm. l. 5. c. 3. Paulus de Paulo ad an. 1390. Thurocz Chr. Par. IV. c. 9. Litt. Sigismundi an. 1393. apud Pray Dissert. 7. in annal. pag. 143. Katona hist. Tom. XI. pag. pag. 293.

d) Katona hist. Tom. cit. pag. 317. & seq.

1392. quamdiu cohibuit. Spes quoque affulgebat; Bosniae sensim ad pristinam obedientiam reducendae, quod Joannes de Palisna, conjuratorum caput anni sequentis, XVI. Februarii, & altero post mense Rex Bosniae XXIII. Martii obierint. a) His defunctis res conjuratorum conclamatae erant. Nam Stephanus Dabiscia, qui Tvardko successerat, in Sigismundi clientelam sponte se dedit, nec quidquam sibi cum perfidis, qui Bosnenses eodem malo fere jam afflaverant, negotii esse voluit. b) Sustinebant tamen se Joannis, defuncti de Palisna, nepotis auctoritate, qui a patris obitu titulum Prioris Auranae sibi arrogans, Tragurienibus immunitates confirmare ausus erat, qua temeritate non modo Dabisciam, sed Sigismundum etiam in conjuratos concitavit, qui, ut pestem hanc publicae tranquillitatis penitus extirparet, in Bosniam properans, nefarios homines, dum securitatis causa in arcem *Dobor* confugerant, hac funditus exusta, in potestatem redegit, c) ac in Hungariam adductos, triginta & duos supplicio affici imperavit. d) Qua severitate conju-

a) Lucius Mem. istor. pag. 352. & Paulus de Paulo, Script. rer. Hung. Tom. III. pag. 729.

b) Pray Par. II. pag. 187. Du Cange famil. Dalm. c. 9.

c) Litt. Sigismundi an. 1408.

d) Thurocz Chron. Par. IV. c. 7.



conjuratio quidem, quæ cædis Elisabethæ, & captivitatis Mariæ, reginarum causa erat, 1393.  
& regnum variis factionibus hucusque miscebat, extincta fuit; sed, cum plerique ex cæsis, plures, easque potentes familias cognitione contingerent, novæ conspirationi occasionem dedit, qua sensim in plures propagata, parum aberat, quin Rex amittendi regni periculum postea adierit.

III. Nondum tamen, quod regi pleraque hactenus ex sententia cederent, in apertum prorumpere ausi sunt, nec, si res ante tempus pateret, ullus in Bosniam receptus jam esset. Dabiscia enim cum Sigismundo novam conventionem inierat, qua Bosniam a suo obitu in illius arbitrio, & potestate, quemadmodum alias quoque sub decessoribus erat, futuram promisit. a) Transactione peracta, Hedvigem in Polonia convenit, & litem de Russia, quam illa, se absente, invaserat, amica compositione feliciter, & sine armis, diremit, b) quæ utilius contra Bajazethem, qui interea traductis in Valachiam copiis, Myrchen Vajvodam, occupata minore Nicopoli, ditione fere omni exuit, convertenda putabat. Metuendum enim erat, ne,

---

a) Pactionum tab. exhibet Lucius de regn. Dalm. l. 5. c. 3. Pray Par. II. pag. 192. & Katona hist. Tom. XI. pag. 353.

b) Dlugosz. histor. Pol. l. 10.

1395.

ne, si Turcæ ex utraque Danubii ripa firmant stationem figerent, Hungariæ aliquando exitii causa essent. Collecto itaque, quantum necesse erat, milite, sub finem hiemis in Transilvaniam movit. Brassoviæ aliquamdiu morantem, Myrche convenerat, & denuo clientelam professus, edito juramento se, & optimates suos obstrinxit, quoties Rex bellum Turcis, eorumque fœderatis, per se, aut suum Legatum moveret, toties se ipsum quoque, vel Legatum suum, cum omnibus viribus, eidem subsidio venturum, facturumque bona fide, ut Rex liberum, & securum per Valachiam commeatum habeat, ibique, quamdiu res poscet, cum suis tuto morari, & castra, ac munimenta in hostico pro se occupare possit, sin autem cum exercitu reverti velit, ipse etiam Vajvoda copias suas dimittere teneatur, iis solum retentis, quæ hosti a limitibus arcendo, satis sint. Idem, si regi ex oppositu Valachiæ, in altera Danubii parte, res cum Turcis esset, constitutum, additumque, ut pro ratione belli, hac, vel illa Danubii ripa gerendi, alimenta parabili pretio redimenda, regiis copiis administret.

a) His mutuo consensu firmatis, Rex in Valachiam movens, Bajazethem adventus sui fama territum, in adversam Danubii ripam se

---

a) Pacta exhibet Pray Dissert. 7. in annal. pag. 144.

se recipere compulit, &, Nicopoli expugnata, Turcas omni ea ditione exegit. a) 1395.

Recuperata Valachia, eaque Vajvodæ restituta, nuncium ex Hungaria accepit, conjugem interea obiisse. b) Inopina mors non leve regno periculum conficere poterat, nisi id Joannes Strigonienſis Archiepiſcopus, capto ex temporis ratione conſilio, avertiſſet. Vix enim fama de reginæ obitu in Polonia percrebuit, cum Hedvigis, ejus ſoror, ſe hæredem regni ferebat, & maritum, ad juſ ſuum armis perfequendum concitans, cum exercitu Hungariam verſus contendit. Archiepiſcopus viſo periculo, ipſe quoque collectis celerime copiis ad regni limites conſtitit, &, ſive vi opus eſſet, ſive conſilio locus daretur, juſ regis tueri parabat. Wladislaus, ut ſibi arma opponi vidit, maluit rem pactis conventis, quam vi, experiri. Habita igitur cum Archiepiſcopo deliberatione, captus vi-ri prudentia, & in tractandis animis dexterritate, ceſſit, & juri uxoris, hac etiam conſentiente, renunciâns, exercitum reduxit. c)

Amo-

a) Litt. Sigismundi an. 1408. fer. 6. poſt. feſt. Paſchæ, Poſoni.

b) De mortis an. vid. Pray Diſſert. de S. Ladislao rege, pag. 31.

c) Litt. Sigismundi apud Koller hiſt. Epiſcop. Quinqueeccleſ. Tom. III. pag. 290. item Wa-

Amoto hoste, funus reginæ Varadinum deduxit, eique in Cathedrali Ecclesia, regio apparatu iussa perfolvit. a)

1396. IV. Sigismundus e Valachia reversus, factum Archiepiscopi, ob partam Hungariæ securitatem, eo collaudato, ratum habuit, et si, quod idem de aliis provinciis, juri Hungariæ obnoxiiis, eadem opera non caverit, non sine causa, ut mox ex eventu patuit, solici-

gner Coll. Docum. I. pag. 80. apud Katona Tom. XI. pag. 385. *Ladislaus Rex Poloniae cum consorte sua, nobis affinitate annexa, regnum nostrum occupare nixus fuit, & toto nisu voluerunt potenter subintrare, nonnullis nostris fidelibus subditis sibi associante, cum suis armigeris gentibus, obviam ipsius Ladislaus regis hostiliter progrediente ( Archiepiscopo ) & viam tutam, & suo armatorum cœtu prorsus præcludente, vetante, omnesque tumultus, & erroneos insultus, & cuncta jurgia, qui & quæ prætextu obitus ipsius reginalis, & ob absentiam nostræ majestatum, intra ambitum, & in confiniis regni nostri, emergere potuissent, & oriri valuissent, penitus sua peritia, & sano dogmate, exstinguente, annotatus D. Joannes Archiepiscopus — regna nostra condigno moderamine præfulciendo, sub pacis condigna tranquillitate, indemniter — pro nostra reservavit majestate.*

a) Ibid. & litt. regis an. 1401 XIII. calend. Mart.

licitus esset. Nam Hedvigis, licet juri suo in Hungariam cesserit, non ideo tamen nullam hæreditatis partem ex provinciis Hungariæ obnoxiiis, ad se pertinere putabat. Et re ipsa, specioso hoc titulo persuasa, Vladum Vajvodam Bezarabiæ, quod illius ditio, ob maris opportunitatem Poloniæ proficua esset, jure suo in maritum transcripto, in clientelam recepit. a)

M 2

qui

- a) Dogiel Tom. I. pag. 623. *Quia pridem regnum Hungariæ ad memoratam D. Hedvigem & hæredem dicti regni Hung. unicam, & superstitem, & consequenter ad præfatum D. Wladislaum regem Pol. conthoralem ipsius jure hæreditario esse comperimus devolutum, pro ut hoc ipsum in litteris dicti Ludovici regis, & regnicolarum Hung. & Pol. regnorum prædictorum, intelleximus fuisse, & esse conditionatum &c. Dat. in oppido Argisch, ipso die sanctæ, & individuae Trinitatis, A. D. 1396.* Hæc Vladus. Vereor, ut Dogiel rite legerit, Bezarabiam, & forte rescribendum sit *Bazaraba*, quod Vajvodis Valachiæ agnomen fere erat commune. Si ita, oportuit Myrchen, de quo priore anno actum, vel sede motum, vel obiisse. Quod de jure Hedvigis in eas ditiones assertur, valde suspectum est, cum Vajvoda solum fateatur, se intellexisse, id in Ludovici litteris contineri, quæ ei non sunt exhibi-

gundiæ Ducis filius; Sigismundus cum paucis familiaribus in cymbam iniliens, secundo Danubio in Pontum, ex hoc Constantino-

1396.

polim ægre elapsus, sequente demum anno Ragusam, inde Spalatum appulit. a) Rebus deinde Tininni constitutis, in Hungariam reversus, omnia fere perturbata reperit. Infelix pugnae exitus, multorum animos ab eo avertit, eorum præsertim, qui jam ante ei infensi erant. Ex his Stephanus Laczkovics, & Stephanus de Simontornya, principili fuere, qui Ladislaum Caroli Dyrrachini filium, scriptis Neapolim litteris ad regnum capeffendum, ea conditione, invitarunt, ut militiæ utrumque præficeret, & quid quid ejus nomine, tamquam vicarii illius, acturi essent, ratum haberet, simul per nuncios Bayazethem convenerant, ut filiam suam Ladislao conjugem daret, b) solide persuasi, utriusque affinitate, & potentia, regem facilius so-

1397.

M 3

lio

a) Litt. Sigismundi an. 1408. & 1409. apud Pray Par. II. pag. 196. sequ. Saidinus orig. Ottom. pag. 183. Lucius Mem. istor. pag. 362.

b) Litt. regis an. 1397. apud Katona Tom. XI. pag. 425. *Et ut celerius — regnicolas nostros ad ejusdem Ladislai regis beneplacita — explenda potuissent subdere, — nunciis suis ad Payzath Turcorum Imp. super eo, ut ipsius Payzath filiam dicto Ladislao regi matrimoniali fœdere molirentur copulare &c.*

lio deturbatum iri. Hæc initia conjurationis, 1397. sed nondum ita matura, erant, ut scelus conceptum tuto exequi se posse sperarent. Hæc inter Sigismundus, varias rationes, quibus Turcarum conatus reprimi, &, qui in prælio Nicopolitano capti erant, redimi possint, secum inibat. Ad hos liberandos, Duci Burgundiæ veniam fecit, ut septem aureorum millia, quæ Veneti de centum aureorum millibus, in modum census annui, regibus Hungariæ ex pacto præstare solebant, converteret, a) de subsidiis vero, ad coercendas Turcarum progressiones, in regni conventu cum Ordinibus agere constituit, quem propterea Temesvarinum indixerat, cui Segnientes quoque adesse voluit: sin autem id ob justas causas fieri non posset, se ad finem anni eo venturum, quæ urbi-

---

a) *Chambre des Comtes de Dyon, pag. 191. Nro. 189. Pauco fluxo tempore illustris — Princeps, D. Sigismundus — quemdam redditum, seu censum annum, vel præstationem annuam 7000. ducatorum, — eidem magnifico Principi, ejusque regiæ coronæ, singulis annis per Venetos debitum — hypothecaverat, — pro eo, — & causa redemptionis, liberationis illustrum Principum dominorum, comitis Nivernensis, & Comitis Marchiæ, egregiorumque militum — a manibus infidelium Turcorum &c. Dat. Trevisæ 16. Jan. 1397. Conf. quæ ad an. 1381. de hoc censu dicta sunt.*

urbium Dalmatiæ oratores alioquin convenire jussisset. a)

Præter opinionem tamen factum, ut ob mortem Dabisciaë, regis Bosniæ, conventum differri oportuerit. Bosnia, quæ, a Ludovici obitu, supina dissimulatione, a regno fere avulsa erat, mortuo Dabiscia, pleno jure ad Hungariam devolvi debuerat, b) nisi *Tvartkus*, cognomento *Scurus*, & *Ostioia*, inter se de ea sibi usurpanda, certassent. In hac Turcarum vicinia, & armorum fortuna, metuendum erat, ne alteruter æmulorum vel opem ab illis impleret, vel penitus ad eos deficiat, quemadmodum *Hervoja*, c) qui se Vajvodam Bosniæ ferebat, facta ad Turcas secessione, eisdem conjunctus, agrum Pos-

M 4

ganum

a) Litt. reg. apud Lucium Mem. istor. pag. 365. *Gratum quippe majestati nostræ non parum exstitisset, ad hanc nostram congregationem Temisensem oratores vestros, quos non ab re evocari feceramus, advenisse. Sed quod actum non est, reformari iterum satis commode potest. Nos quidem Divinitate favente, in festivitate B. Catharinæ — Segniæ esse decrevimus, quo denuo evocavimus ambasciatores omnium Dalmatiæ civitatum &c. Dat. in Temisvar d. 26. Oct. 1397.*

b) Vid. an. 1394.

c) Alias etiam *Horvatich*, & *Wuchich* dictus, ut notat Lucius Mem. istor. pag. 379.



1398.

ganum latrocinando infestare solebat. Ad reprimendum hominem fœdifragum, Joannes Maroth Banus Machoviensis jussu regis profectus, opera balistariorum, qui Tragurio advenerant, prælio victum, trans Savum compulit. a) Sigismundus interea conventu, quem prius Segniæ haberi optabat, Crisium ad componendas res Croaticas indicto, Stephanum Laczkovich, perduellionis reum, supplicio affici jussit. b) Quo sublato, socii

1399.

conspirationis, quæ ad plures, etiam Ordinis Ecclesiastici, & qui regi a ministerio fuere, jam diffusa erat, de sumenda vindicta, consilia inter se conferebant. Causa, scelus patrare volentibus, in promptu erat. Hæc a clade Nicopolitana, a sanguinario, ut comminisciebantur, regis animo, licentiore ejusdem vita, & ab exteris, quibus familiariter uti solebat, petebatur. Obfirmati in proposito, regem nihil mali de suis suspicantem, capiunt, exterisque regno ejectis, primum *Wissegradi*, postea *Siklofini*, captivum tenere. c)

V.

a) Hujus Rex ante suam captivitatem meminit in litt. an. 1408. in quibus merita Joan. de Maroth, cui etiam libertatem suam adscribit, recenset.

b) Thurocz Par. IV. Chron. c. 12.

c) Quo mense captus fuerit, non est primum decernere. Windeck apud Menken Tom. I. Script. Germ.

V. Factioni, ut in proposito exauctorandi regis unanimes erant, ita quem illi subrogarent, inter se dissidebant, cum alii Wladislaum, licet Hedvigis jam anno priore, cum triduana sua filiola *Bonifacia*, obierit, a) e Polonia evocandum censerent, alii contra in Ladislaum Neapolitanum inclinarent, rursum alii Austriæ Ducem designarent. Nec deerant, qui regem vel morti addicendum, vel, qui mitius sentiebant, in exilium relegandum, putarint. b) Fuere tamen, qui regis sortem

1400.

---

Germ. c. 4. ad an. 1399. perhibet 18. hebdomadis detentum fuisse. Apud Farlati vero *Illyr. sac.* Tom. III. pag. 353. exstant regis litt. ad Tragurienfes, an. 1400. de 22. Febr. datæ. Cum autem credibile non sit, ut captivus regiam auctoritatem exercuerit, oportebat illum tunc jam liberum fuisse. Abhinc vero si antrosum 18. hebdomadæ numerentur, verisimile est, vel exeunte Septembri, vel initio Oct. an. 1400. esse captum.

a) Ludov. Decius apud Pistor. *Script. Pol.* Tom. II. pag. 286.

b) *Litt. reg. an. 1408.* apud Pray Part. II. pag. 202. Cum — *inopinabilis casus eventu per quosdam Prælatos & Barones regni nostri, ut in exilium relegaremur, capti fuisset, jamque defacto rex Pol. & Dux Austriæ — in regnum nostrum — subintrare moliebantur &c.*

1400.

fortem miserati, de eo liberando cogitarent, inter quos Nicolai, & Joannis de Gara studium præcipue eluxit, qui re cum Comite Cileiensi, cujus natu majorem filiam Annam, Nicolaus in conjugio habebat, collata, & potiore factioforum parte regi conciliata, eum in libertatem vindicarunt. a) E custodia dimisso, ea præcipua cura fuit, ut eos, quibus libertatem debebat, & alias quoque bene de se meriti erant, imprimis Garaeos, honoribus, ac latifundiis augeret, b) quo plures ad enervandam factioforum partem sibi addictos haberet. In reos tamen confestim animadvertere inconsultum putabat, ne animos nondum pacatos magis irritaret, idque res in Dalmatia perturbatæ suadere viderentur. Spalatenses enim cum Tragurinis, jam ante inter se odiis, nunc armis etiam certabant, & cum Jadrenses illis præ his faverent, metus erat, ne aliæ urbes Dalmatiæ, alterutram dissidentium partem sensim amplectantur. c) Malo huic Rex satis tempestive

---

*ac paulo post: tunc præfati Nicolaus, & Joannes frater suus, revera percipientes, mortis periculum, exulationemque — nobis imminere &c.*

a) Ibid. Hermannum, Comitem Cileiensem, habuisse in liberando rege partem aliquam, notat Chron. Cileiens.

b) Vid. Katona Tom. XI. pag. 501.

c) Lucius Mem. istor. pag. 370.

rive consulere poterat, nisi fratris Wenceslai, cui exauctorato Ordines Imperii Rupertum Comitem Palatinum subrogarunt, infortunium, moram iniecisset. Ut hujus igitur causam, velut Imperii Germaniæ Vicarius, jam ante quinquennium ab eodem constitutus, tueretur, & dignitatem Imperialem suæ familiæ servaret, in Bohemiam cum copiis profectus, habito cum Optimatibus consilio, auxilium fratri pollicitus est, si is præter stipendia militi præbenda, Lusatiam sibi cederet, & se de successionis jure in Bohemia certum redderet. *a)* Sed cum ille utrumque negaret, offensus in Hungariam rediit.

1400.

1401.

Hæc utcunque, eo absente, pacata erat, Dalmatia non item, in qua Spalatenses a Tragurinis, prædas utrinque agendo, etiamnum dissidebant. Hos, scriptis litteris, Rex admonuit, ut dissidiis, quoad fieri posset, finem facerent, *b)* ad Spalatenses eadem de causa, quem jam antea illis Comitem præfecerat, Joannem de Gara misit, qui, adhibito in consilium loci Archiepiscopo, dissidentes pactis initis conciliavit, addita, consensu partium, conditione, ut, quæ prior concordiam violaret, quinque aureorum millia Fisco regio persolvat. *c)*

Non

*a)* Scheidii biblioth. hist. Part. I. sect. 4. pag. 162.

Martene Collect. anecdot. Tom. I. pag. 1653.

*b)* Lucius Mem. istor. pag. 370.

*c)* Idem ibid. pag. 371. — 74.

Non perinde conatibus Hervojæ obviam  
 1401. iri potuit, qui cum Jadrenſibus, quorum amicitia, ad evocandum Neapoli Sigismundo æmulum, neceſſaria erat, clam agebat, ut partes regis Neapolitani amplectantur, auxilium, ſi id facerent, contra omnes hoſtes pollicitus. a) Sero hujus machinationis indicium ad regem pertigit, qui, ne malum Hungariam quoque, priore conſpiratione ſopita magis, quam oppreſſa, corripere, promulgata amneſtia, erratorum veniam omnibus, cujuſcunque ii ordinis, & conditionis eſſent, promiſit, b) modo proventus regio, ſine Præ-  
 lato.

a) Idem de regno Dalm. l. 5. c. 4.

b) Litt. reg. dat. in oppido Papa, in craſtino SS. Simonis, & Judæ, an 1401. *Contra, & adverſus prælibatos Barones, Prælatos, Proceres, Nobiles, civitates, & generaliter omnes, & ſingulas perſonas, cujuſcunque præeminentiæ, dignitatis, ſtatus, ordinis, & conditionis exiſtant, eorumque ſucceſſores — nullo unquam tempore per nos, aut per alium, ſeu alios, tacite, vel expreſſe, directe vel indirecte verbo, vel facto, quacunque ratione, ingenio, vel cautela, colore, vel ſubornatione, quidquam mali occipiamus, nec unquam in anticum revocando machinabimur, nec nocumentum, nec impedimentum, vel damnum ſeu læſionem in perſonis, aut rebus, hæreditatibus, poſſeſ-*

latorum, & Baronum consensu usurpatos, compensarent. Hæc in suos indulgentia regi necessaria erat, cum ut quieti publicæ confu-  
leret, tum ut res familiæ suæ in Bohemia componendi, tempus nancisceretur. Intelle-  
xerat, Wenceslaum, Procopio patruo inter-  
prete, cum Ruperto, rivali suo, id clam  
agere, ut hic quidem Rex Romanorum esset,  
sibi autem titulo Imperatoris Romanorum  
uti liceret. Indignatus fratris hebetudini,  
qui abdicato, quod obtinuerat, jure, notam  
familiæ Lucenburgicæ inureret, collecta mi-  
litia, in Bohemiam properans, Cutenbergæ  
ad finem Januarii sequentis anni adfuit, a) &  
fra-

1401.

1402.

*possessionibus, juribus & bonis eorum quibus-  
libet inferemus, nec aliquatenus inferri, seu ir-  
rogari procurabimus; nec permittemus, neque  
vindictam, seu ultionem aliquam appetemus;  
neque verbotenus cuiquam superinde imputando,  
objiciemus; volumus tamen, ut illa damna, &  
ablationes, quæ sine consensu, & dispositione  
Prælatorum, & Baronum nostrorum, prædicto  
strepitu durante, in proventibus nostris regali-  
bus, per quoscunque commissa, irrogata &  
facta forent, illa integre resusciantur, &  
eorum plenaria restitutio, seu satisfactio de  
iisdem — nobis impendi debeat effective.*

a) Wartschens Histor. der alten Burg, und Städt-  
gens Doana c. 8. pag. 161. seq.

**1402.** fratrem, ut secum in Italiam, retinendæ dignitatis causa, proficisceretur, a) hortatus est. Consensit primum; eandem sibi opinionem esse, patruī Jodocus, & Procopius affirmabant; & Sigismundus cum Austriæ Duce jam agebat, ut sibi per ejus ditiones liber com-  
meatus daretur, b) eandem ob causam ad Ducem Mediolanensem scripserat, c) nihilque jam erat, quod iter moraretur, cum Wenceslaus, mutato repente proposito, se iturum negavit. Offensus hac seu pusillanimitate, seu pervicacia, fratrem cepit, & captivum Viennæ Alberto Duci custodiendum tradidit, ipse, sumto Gubernatoris Bohemiæ titulo, in Hungariam reditum parans, Procopium, ob infidias sibi in itinere structas, d) captivum Posonium deduxit.

Her-

a) Litt. reg. an. 1402. *Quem (Jodocum) cum pluribus exhortaremur vicibus confidenter, ut cum ipso fratre nostro iret versus Italiam, & nos pro regnorum custodia domi relinqueret, vel euntibus nobis ad Italiam, ipse circa custodiam regnorum remaneret, horum neutrum assumere voluit, quin imo rogatus pro consilio, quid interea faciendum esset, omnino præbere consilium denegavit.*

b) Martene Collect. anecdot. Tom. IV. pag. 77.

c) Annal. Mediolanen. c. 164. apud Murator. Tom. XVI. pag. 837.

d) Litt. reg. cit. an. 1402. *Ipsū Procopiū propter evidentes mortis infidias, quas nobis in*

in

Hervoja per absentiam regis, urbes Dalmaticas non cessabat interea ad defectionem sollicitare, auxilium nomine regis Bosniæ, donec Ladislaus Neapoli adesset, contra omnes hostes pollicitus. a) Tragurini promissis illius seducti, jam mense Majo partes illius amplexi sunt, b) Spalatenses primum dubii hærebant, postea tamen Tragurinorum exemplo, in fidem Ladislai itidem concessere, c) Jadrenses autem, postquam classis Siculæ Præfectus Jadram cum quinque navibus appulerat, erectis Neapolitani, & Hungariæ regnorum vexillis, Ladislaum, mense Augusto, regem declararunt. d)

Hæc Sigismundum, e Bohemia reversum, magnopere sollicitum habebant, præsertim quod videret, amnestiam prioris anni nondum in quorundam animos tantum valuisse, ut resipiscerent. Accessit illud etiam, quod Jodocus post suum reditum, regnum Bohemiæ,

---

*in via paraverat, tamquam violatorem salvis conductus, & hostem nostrum publicum — arrestavimus, ipsumque — in curam nostram, & custodiam recepimus usque modo.*

a) Lucius Mem. istor. pag. 376.

b) Idem ibid.

c) Farlati Tom. III. Illyr. sacr. pag. 367. & Kationa Tom. XI. pag. 530.

d) Paulus de Paulo Tom. III. Script. Hung. pag. 746.



1402.

hemia, suppetiis a Ruperto, Wenceslai æmulo, adjunctus, sibi usurpare pergeret, ac se præterea dictis, scriptisque vulgatis, etiam apud externos crimineretur a) His de causis hominem ingratum, quem prius suum in Hungaria successorem constituerat, b) averfatus, regni Ordines Posonium excivit, ut de alio, qui sibi post obitum succederet, communiter cum iis consultaret. Deliberantibus Albertum Austriæ Ducem suggessit, eumque unanimi consensu, si ipse absque mascula prole moreretur, successorem declaravit, c) hanc

a) Litt. reg. an. 1402. cit.

b) Quo tempore id factum sit, nusquam reperi.

c) Litt. autogr. exstant in Tabular. Vienn. Aulicæ, ex quibus præcipua excerpo. *Eidem domino Duci Alberto, de certa scientia, deliberatione, consilio, & voluntate, universorum Prælatorum, Baronum, Nobilium, & regnicolarum, regni nostri Hungariæ, omni forma, ordinatione, & dispositione, quibus id melius, & efficacius fieri potuit, appropriavimus, ac dedimus, ymmo appropriamus, & donamus vigore præsentium, prælibatum regnum nostrum Hungariæ, cum omnibus Principatibus, Comitatibus, dominiis, provinciis, castris, civitatibus, homagiis, bonis, nec non juribus, utilitatibus, dignitatibus, honoribus, libertatibus, & consuetudinibus, ad idem spectantibus,*

hanc præterea conditionem adjiciens, ut, si 1402.  
 filiam, vel filias deinceps habuerit, a) Dux  
 illis honestum, & regiis natalibus dignum  
 matrimonium procurare, ac dotis nomine,  
 cuivis centum aureorum millia dare obstric-  
 tus esset. b) Idem Prælati, & regni Barones  
 cum

---

*bus, aliisque pertinentiis suis universis, quibus-  
 cunque nominibus vocitatis, etiam si qua sint,  
 de quibus mentio fieri deberet specialis, prout  
 ipsum regnum per divos prædecessores nostros  
 reges Hung. — ac per nos habitum, tantum  
 existit, — tali duntaxat modo, forma, &  
 conditione, quod in casu, quo nos absque hæ-  
 redibus legitimis masculinis, quod absit, dece-  
 dere contigerit, ex tunc prædictum regnum  
 nostrum Hung. cum præmissis Principatibus  
 &c. ad præfatum D. Albertum Ducem, foro-  
 rium nostrum, — veluti legitimum hæredem,  
 & successorem, devolvi debeat, & redundare,  
 &c.*

- a) Nondum igitur Barbaram Cileiensem duxerat,  
 alioquin, ducta uxore, spes hæredis erat,  
 nec opus fuisset, successorem constituere.
- b) Ibid. In casu vero, quo nos filiam, vel filias  
 generare, procreare, vel habere, & eandem,  
 seu easdem, post mortem nostram relinquere  
 contingeret, tunc præfatus D. Dux — debebit  
 eandem, aut easdem matrimonio dare, & ho-  
 norifice desponsare, prout nos de sua fidei fa-

N

eri-

1402. cum Nobilibus, seorsim editis XXI. Septembris nomine suo litteris, a) concordi sententia se ratum habere, testati sunt, regnumque, si Rex sine hærede masculino obiret, ad Albertum Ducem jure hæreditario devolvendum, eundemque, nec alium, si Rex præmoreretur, se regem agnituros, recepturos, & coro.

---

*ceritate fiduciam gerimus figuralem, & debet, ac tenebitur eidem, vel cuilibet earundem filiarum, pro dotalitio, seu desponsationis dote, dare, vel tribuere centum millia bonorum Hungaricalium florenorum, &c. Datum Pisonii sub Sigillo nostri Vicariatus Romani Imperii, cum secreto Sigillo nostro, a tergo appresso, propter carentiam nostræ Sigilli majestatis, in festo exaltationis sanctæ crucis, anno Domini millesimo CCCCII.*

*De mandato D. regis Johannes Præpositus Quiqueecclesien. regius Secretarius Cancellarius.*

- a) Autogr. exstat in Tabul. secret. Vienn. Aulico. Integrum exhibet Katona Tom. XI. pag. 534. Sed in exemplo ei communicato, nomina Procerum nec rite, nec debito ordine exscripta sunt, quod celeritate exscribentis factum reor. Sigilla annularia sunt 112. quibus appendendis cum locus in inferiori margine membranæ non sufficeret, reliqua ex utroque latere appensa sunt, & nomina membranulis, ex quibus dependent, inscripta.

coronatuſos eſſe, præſtito juramento, promiſſere, &, qui ex præſentibus, ſe olim Jodoco regis patruo, ſimiliter, ut nunc Alberto Duci, obſtrinxiffent, promiſſionem ſuam, qua illos Rex ſolutos pronunciavit, omnino irritam declararunt. a) Sigismundus, peracta in hunc modum tranſcriptione juris, ne quid litigii propterea inter Albertum Ducem, & Jodocum patrum ſuum, aliquando intercederet, hunc octavo, poſt die, omni jure, quod ei olim in Hungariam, dicto, ſcriptove conceſſerat, privatum, & litteras, quibus eidem a ſuo obitu ſucceſſionem in omnibus ditionibus hæreditariis, ſpeciatim autem in Hungaria, promiſerat, nullas, vigoreque promiſſionis penitus deſtitutas eſſe voluit. b)

N 2

VI.

- a) Dat. Poſonii in feſto B. Matthæi Ap. & Evang. anno Domini milleſimo quadringenteſimo ſecundo.
- b) Autogr. itidem exſtat in Tab. Vien. aul. *Univerſa, & ſingula conceſſa ſibi — tenore præſentium — prorsus auſſerimus, retractamus, & reclamamus, ac omnimode revocamus, decernentes, — totum, quod in adoptione, ſeu circa adoptionem, conceſſionem, translationemque ſucceſſionis jurium, præſertim ad regnum Hung. in præſatum patrum noſtrum, & pro ipſo, verbo, facto, vel ſcripto — procuravimus, fecimus, ordinavimus — in toto, & in parte, eſſe, debereque perpetuo fore caſſum* in-

- VI.** Dum hæc Pofonii agebantur, non  
 1403. optimo loco res in Dalmatia, Croatia, &  
 aliqua etiam parte Hungariæ erant. In hac,  
 qui, promulgata erratorum venia, nondum  
 ad obedientiam redierant, & cum Croatis  
 confilia identidem conferebant, ut primum  
 quid Pofonii actum fuisset, intellexere, con-  
 trarias rationes sequuti, pertractis in suas  
 partes aliquot etiam ex iis, qui fidem Alberto  
 obstrinxerant, fœdus cum Polonis pepigere,  
 quo ad veteres pactiones inter Ludovicum  
 & Casimirum initas, hanc quoque addiderant,  
 ut Rex, quem electuri essent, amicitiam cum  
 eorum rege coleret, quorum alteruter, si  
 Nationi ex paciscentibus bellum moveret, ne-  
 utri opem regi suo fere obstricti essent, a)  
 plausibili ad speciem causa persuasi, se, quod  
 Albertus hoc anno obierit, b) nec jus succes-  
 sionis ad ejus posteros a rege fuisset exten-  
 sum, juramenti, quod præstiterant, religione  
 solutos esse. Fœdere confecto, multi etiam  
 ex iis, qui priore anno in Albertum, non vi,  
 nec

---

*invalidum, ac prorsus irritum, & inane &c.*  
*Dat. Pofonii in die S. Michaelis archang. A.*  
*D. M. CCCC. secundo.*

- a) Pacta exhibet Dogiel, Tom. I. pag. 41. apud  
 Katona, Tom. XI. pag. 557. cum 50. & uno  
 Sigillis. Ex his Dogiel nomina adscribere ob-  
 litus est, quod tamen operæ precium fuisset.  
 b) Scriptor cœv. apud Linck, Tom. II. pag. 16;

nec metu adducti, consenserant, aperte jam Ladislaum respiciebant, & collecta militia, arces, ac munita loca, illius nomine servabant. Sigismundus hac mobilitate animorum, quæ ad se exauctorandum spectabat, offensus, Posonio confestim cum exercitu movit, eoque trifariam inter Legatos diviso, arces, in quas se factiosi receperant, partim vi, partim deditioe, per iter in potestatem redegit. Eadem fortuna eos, qui in Transilvaniam confugerant, repressit. a) Tanto magis reliqui in Dalmatia, et Croatia, auctore Emerico Bubek, quem rex non ita pridem Auranzæ Priorem constituerat, quod reliquum erat perfidiæ, accelerabant, b) & Ladislaum

N 3

Ja.

a) Pray Par. II. pag. 204.

b) Litt. regis an. 1408. *Dum nonnulli Prælati, Magnates, & Proceres regni nostri, ingrati, & immemores beneficiorum a Celsitudine nostra copiose perceptorum, rebellionis calcaneo ducti, a sinu nostræ clementiæ se avertere attemptando, & in orimen læsæ majestatis incidendo, fraudulento consilio simul conspirando, alium eis ignotum regem, ut puta, Ladislaum filium quondam Caroli de Duracio, in hoc regnum nostrum, in opprobrium nostræ Celsitudinis introducere voluissent, Emericusque Bubek, Prior Auranzæ, qui fere totius ipsius rebellionis, & dissensionis origo fuerat, & sam efficiens &c.*

**Jadræ fictitio ferto coronatum, regem Dal-**  
 1403. **matiae, & Croatiae renunciarunt. a).**

Sed ipsa hæc acceleratio, præter opinio-  
 nem, in regis commodum vertit. Cum enim  
 Dalmatæ, & Croatiae, Ladislaum, Dalmatiæ  
 solum, & Croatiae regem declarando, seces-  
 sionem ab iis, quos in Hungaria conjurationis  
 socios habebant, viderentur fecisse, Sigis-  
 mundus non vanam spem concepit, hos fa-  
 cilius ad obsequium reducendi. Hac fretus,  
 præteritorum veniam, etiam si per hæc maje-  
 statis jura fuissent læsa, omnibus indulgit,  
 modo intra præstitutum tempus, aut ipsi se  
 sisterent, aut obsoles mitterent, ut factæ, ve-  
 piæ litteras testes obtineant, ceteroquin ita  
 sibi constitutum nossent, ut, qui designatum  
 tempus præterlabi paterentur, citra spem  
 gratiæ

---

a) Ibid. *Demum vero, & immediate præfati Præ-*  
*lati, Magnates, & Proceres regni nostri, ut*  
*præmissimus, malo freti consilio, simul conspi-*  
*rantes, nos diademate nostro regio, & corona,*  
*quibus regna nostra prædicta annis fere sedec-*  
*im tenueramus, privare, & de eisdem exclu-*  
*dere satagentes, præfato Ladislao, — ut eo-*  
*rum vota valerent, adimplere, ad civitatem no-*  
*stram Jadrensem conductum præbuerunt, eum*  
*quodam ferto fictitio coronantes, ac prædicta*  
*duo regna nostra, videlicet Dalmatiam, &*  
*Croatiam, manibus ejusdem Ladislai — cum*  
*castris, districtibus, & tenuis assignando &c.*

gratiæ ex legum præscripto constitutis pœnis afficiantur. a) Hac benevolentia multi factioforum, illatis mutuo per cædes, rapinas, & incendia damnis, ut fere, cum licentiæ speciosus libertatis titulus prætenditur, fieri solet, fracti, ad pristinum obsequium redire. Erant tamen, qui auctoritati Bonifacii IX. Pontificis, cujus seu jussu, seu dissimulatione, Ladislaus a Dalmatis coronatus erat, innixi, gratiam regis penitus respuerent. b) Graves propterea litteras ad Pontificem, & Cardinales dederat, c) simulque vim refractariæ adhibendam, ratus, Joannem de Maroth, præ ceteris sibi fidum, in Croatiam ad extirpandas conjurationis reliquias, misit, qui ad opprimendam penitus factionem, ipsum factionis caput, Bubekium, Priorem Auranzæ, aggressus, victum, in Bosniam fugere compulit. d) Sed cum hic quoque Bosnenses ab eodem concitati, regem Ostoyam regno exegissent, isque ad Sigismundum confugiens, opem implorasset, rursus idem de Maroth in Bosniam proficisci jussus, Bubekio iterum fugato, Bosniæ quietem, & Ostoyam, nomi-

N 4 . . . . . ne

---

a) Exstat in Cod. jur. patr. Tom. I. ante Decret. I. Sigismundi.

b) Horum nomina in cit. litt. an. 1408. ordine recensentur, quæ hic referre, parum interest.

c) Raynaldus ad hunc an.

d) Litt. regis cit. an. 1408. & aliæ an. 1409.



ne Sigismundi, folio restituit. a) Ladislaus  
 1403. cum videret duo fulcra, quibus præcipue nitebatur, sibi erepta esse, nec satis eorum, a quibus ad capeffendum regnum evocatus fuerat, constantiæ, & viribus fideret, Neapolim rediit. b)

VII. Sigismundus æmulo liber, & factionis  
 1404. sis ab hujus ex Dalmatia excessu consternatis, tempore usus, comitia indixit, ut, compressa factione, regno tranquillitatem publicam redderet. In his illud præcipue actum, ut  
 pos.

a) Litt. regis an. 1405. *Tandem nonnulli Magnates perfidi — ipsum regem Oxthoyam, alias nostræ Celsitudinis rebellem, de dicto regno suo excludere volentes, ipsoque Oxthoya rege — Budam, ad nostram Celsitudinem accedente, nobisque gemebunde supplicante, humiliter a nostra majestate auxilium sibi dari postulatavit, cujus supplicationibus regio favore inclinati, eundem Joannem Banum — in subsidium dicti regis Oxthoyæ transmisiimus, qui — castrum principale ipsius regis Oxthoyæ, Babuich vacatum, ubi corona ipsius regni Boznæ conservatur, & illustris domina consors ipsius regis — cum suis liberis, residentiam fecerat personalem, obtinuit, — quæ jam a duorum annorum revolutione citra, præ manibus suis retinetur, & pro nostra conservatur majestate &c.*  
 Item Lucius Mem. illor. pag. 390.

b) Lucius de regno Dalm. l. 5. c. 4.

possessio bonorum, quæ disfidii tempore, vel a potentioribus direpta, vel a rege, bene de se meritis, & in fide perseverantibus, collata erant, post cognitionem diligenter intuitam, cuivis certa reddatur. Multi enim, qui, ob infidelitatis notam, bona sua prius amisere, post impetratam erratorum veniam, pene ad incitas redacti, jus suum in illa persequi, eisque, quibus donata erant, litem movere parabant. Quæ res cum ansam tricis, & novis iterum disidiis præbere posset, Rex tempus designavit, intra quod, qui fide dignis testimoniis se a nota infidelitatis purgaverint, vel, post obtentam gratiam, in fide constantes fuisse docuerint, iis bona sua restituerentur, qui neutrum possent, ii ne spem quidem ea recuperandi haberent. a) Hæc in Comitibus: extra hæc autem, aliam disfidiorum causam a Prælatiis, qui præter regni consuetudinem in dirimendis litibus Romam solebant consulere, ortam, penitus tollere cupiens, gravi edicto, addita etiam comminatione, vetuit, ne quis deinceps, cujusunque conditionis esset, si quæ a Romana Curia de rebus ad forum judicarium pertinentibus, responsa mitterentur, iis prius morem gerat, quam Rex suo consensu ea rata haberet. b)

Hoc

a) Decret. hujus an. I. in cod. jur. patr. Tom. 1. pag. 176.

b) Edictum vid. apud Pray Hierarch. Par. I. pag. 92.

**1404.** Hoc primum, quod dicunt, *Placeti regii*, in Hungaria vestigium est.

Quoniam autem prioribus Comitibus non omnia, rege Posonium profecto, decerni poterant, convocatis iterum regni Ordinibus, conventus mense Augusto habitus est, in eoque leges perlatae, quae ad coercenda mala, passim per dissidiorum tempus in rem publicam diffusa, opportunae videbantur. a) Pars illa.

a) Decretum hoc Comitiale deest in Cod. jur. patrii. Dat. est: 1404. secundo Calendia, seu pridie cal. Septemb. existat tamen in *Transumpto Capituli Albenfis* an. 1406. fer. 6. prox. ante fest. B. Stephani M. ad preces Fratris Ladislai Praeceptoris conventus Crucifer. Domus hospital. Eccl. B. Stephani regis de Alba; & maxima sui parte consentit cum duobus Decretis an. sequentis. In exordio haec inter cetera leguntur: *Proinde — pensantes, multa incommoda, multaque damna ex diversis consuetudinibus, & saepe contrariis, in regno nostro vigentibus, nostris regnicolis evenire, celebrato Praetorum, Baronum, Procerumque nostrorum conventu, de ipsorum consilio, auctoritate, & consensu, maturaque discussione praehabita, pro totius regni bono, utilitate, profectu, & augmento, has leges, sive constitutiones, ex auctoritate regia duximus salubriter constituendas, quas ab omnibus, & singulis regni-*

illarum ad ea delicta pertinet, quæ nostri Jureconfulti *actus potentiae* vocant. De judiciorum autem ratione id peculiariter constitutum, ne Ecclesiastici de litibus, quæ ad seculares, nec hi de iis, quæ ad illos pertinent, judicare deinceps audent: dubium ortum, ad utros litis genus spectet, Rex cum suis Consiliariis declarabit: ponderum, & mensurarum æqualis per regnum usus sit, idemque, qui urbis Budensis: floreni *breves*, a) pro antiquatis deinceps habeantur, nec aliis in emendo, & vendendo, uti fas sit, quam florenis auri, qui centum *novos denarios* b) æquabant, qui contra facerent, rebus, quas venum exponunt, priventur: colonis libera ad alios dominos migrandi indulta facultas, si, quæ æquitas postulat, prioribus dominis præstitissent. Infideles nemini liceat hospitio accipere, aut favore prosequi, alioquin ejusdem

---

*regnicolis nostris, tam Ecclesiasticis, quam secularibus, nomina excluso, volumus, & præcipimus, pleno, integre, & inviolabiliter observari.*

- a) Duplicis generis etiamnum in quibusdam regni partibus in usu sunt: unus *Kurta forint*, alter *Vonds forint*, vulgo dicitur, ille 50. hic 51. Crucif. æquat.
- b) Tempore Sigismundi *maiores, & minores* denudebantur: ex illis 100. ex his, quos *quadrings* vocabant, 400. æquabant fl. auri.

1404.

dem criminis participes futuri: sales externos vetitum regno invehere. Qui mineras auri, argenti, aliusve metalli in fundis reppererint, regem non commissurum quidem, ut huiusmodi fundos, invitis dominis auferendo, cum aliis permutet, statuere tamen, ut media pars fisco regio ex mineris pendatur, reliquum autem ex auro, & argento, nefas sit, extra regnum efferre, aut aliis, quam fisco regis vendere, posse tamen quemvis, quantum ad domesticam supellectilem exornandam satis sit, apud se retinere.

1405.

Hæc præcipua constitutionum hujus anni capita fuere, quas sequente in comitiis Budensibus, a) quod quædam locum dubio dare viderentur, partim uberius explanavit, partim novas eisdem addidit, & has rursus eodem anno, mense Octobri, b) secundis curis, cum regni Ordinibus cognovit, additis haud paucis, quibus colonorum indemnitati præcipue consultum volebat. Ceterum, quia impacato dissidiorum tempore, fraudes adeo invaluerant, ut nec litteræ regiæ, præsertim quæ ad bonorum possessiones pertinebant, indeque gravia damna emergebant, immunes essent, edictum vulgari per provincias iussit, quo

a) Decret. exstat in Cod. jur. patr. Tom. I. pag. 178. Dat. 17. Cal. Maj.

b) Ibid. pag. 184. Dat. Budæ in festo S. Domini.

quo litteræ Ludovici regis secreto, Mariæ 1405.  
item, & Elifabethæ reginarum, & quas ipse  
ediderat, majori, & minori sigillis munitæ,  
robur, & vim penitus amitterent, nisi novo,  
quod priori substituerat, Sigillo a se confir-  
marentur. a)

Rebus domi pacatis, restabant provinciæ 1406.  
regno adnexæ, itidem ad obsequium redu-  
cendæ. Ladislaus a suo Neapolim reditu,  
postquam biennio abhinc Romam occupasset,  
rebus Italicis distentus, Dalmatiam curæ in-  
terea Hervoyæ credidit, Venetosque orabat,  
ut eidem, si opus fuerit, auxilio essent, b)  
qui occasionem hanc eo libentius amplexi  
sunt, quo faciliorem sibi viam sensim ad  
Dalmatiam occupandam aperiri videbant.  
Bosnia quoque inter Ofioyam, & Tvardkum  
distracta erat, quorum ille Sigismundi, hic  
Ladislai patrocínio nitebantur, c) nec Tur-  
cæ videbantur quieturi, licet a Timurlane  
bien-

---

a) Verböcz Trip. Part. II. Tit. 14. §. 29. §. au-  
tem 50. memorabile exemplum affert imposto-  
ris, Gabrielis de Zömlén, qui Sigilla & litte-  
ras Sigismundi corrumpere solebat. Critiria  
autem, ex quibus novum regis Sigillum a prio-  
re discerni possit, vid. Pray commentat. hist.  
de vetere reginas Hung. coronandi more, pag.  
48.

b) Lucius Mem. istor. pag. 385.

c) Idem de regno Dalm. l. 5. c. 4.

rant, a) cui confociationi ut major cum auctoritas, tum robur accederet, Rex Hermannum Cilejensem, Dalmatiæ, Croatiae, & totius Sclavoniæ Banum renunciavit. b) Ad hæc, cum religioni non minus, quam civili rei publicæ, a Turcis, quibus Manichæi, & Ariani, se socios junxere, periculum immineret, ut vicinarum quoque regionum populi in partem belli venirent, Valentinum Cardinalem, Episcopatus Quinqueecclesiensis Gubernatorem, Romam misit, qui Pontificem ad promulgandam cruciatam expeditionem sollicitaret. c)

VIII. Hoc apparatu facto, Rex in Ser-  
viam movit, ex hac junctis cum Stephano  
Despota Rasciæ copiis, Osloyæ contra Tvar-  
tum, Turcarum viribus adjutum, subsidio  
veniens, hostes aliquot præliis fractos, in fu-  
gam egit. Szrebernicum, & arx Dobor, in  
potestatem redactæ, multi ex Bosnensibus ca-  
pti, inter quos & Tvartum fuisse, scriptor  
coævus, memoriæ prodidit. d) Hic captivus in  
Hungariam ductus, ex illis centum & viginti  
sex, truncato capite, in profluentem ex castro  
Dobor projecti. e) Insignis victoriæ, sed cædibus  
teme-

a) Frölich Mss. Cilej. ex archiv. aul. Græcen.

b) Raynald, ad an. 1407.

c) Litt. regis an. 1406. apud Pray Par. II. p. 224.

d) Windeck in vita Sigismundi, c. 14.

e) Idem ibid.


temeratae, fructus is fuit, ut Turcae ex Bosnia protrusi, aliquamdiu quiescere cogerentur, Ofkoyae securior esset regni possessio, & Hervoya, Ladislao rerum Dalmaticarum fe-

re jam incurioso, nutare inciperet. Sigismundus e Bosnia reversus, anno sequente contra Moravos, qui Hungariam crebris incursionibus infestabant, profectus, ejecta laticinantium, nec enim aliud erat, colluvie, Viennam contendit, & hinc, redintegrata inter Leopoldum, & Ernestum, Austriae Duces concordia, Cilejam divertens, Barbaram, Friderici Cilejensis Comitum filiam, sibi despondit, a) eaque Budam deducta, ut nuptiis celebritatem conciliaret, Ordinem Equestrem *Draconis*, suo, & novae conjugis nomine, instituit, b) cujus praecipuum munus esset, militiam, ut Rex statuit, contra paganos, schismaticos, & religionis Christianae hostes profiteri.

a) Idem c. 19. *Do schreib man vierzehnen hundert und acht jare — und auf derselben reise nam er Barbara, die des Graffen Frideriches von Cilien Tochter war, und er sie zu Königin machte.* Chron. Cilejen. apud Hahnium Collect. vet. monument. Tom. II. f. 680. erronee filiam C. Ulrici vocat.

b) Dat. an. 1408. pridie Idus Decembr. Multi ex Italis, Gallis, & Germanis de hoc Ordine scripserunt, aliter sine dubio scripturi, si Dipl. institutionis nacti fuissent.



fiteri. Signum Ordinis *Draco aureus*, a) ex  *cruce* itidem *aurea* pendens: b) focii viginti 1408.  
 quatuor, nec plures adlecti, c) iique solum,  
 qui

a) Verba regis sunt: *Signum, seu effigiem Draconis incurvati, per modum circuli cauda sua circumgyrantis, divisi per medium dorfi ad longitudinem a summitate capitis, & nasi, usque ad extremum caudæ, effluente sanguine in interiori rima, scissura alba, & sanguine intacta, per longitudinem rubeam crucem, — sic, uti sub ipsius gloriosi M. Georgii vexillo militantes crucem rubeam in albo campo ferre solent, gestantes, & habentes, per nos, ac fideles regni nostri Barones, & Proceres, apparentem, & publice portandam, & ferendum elegimus, acceptamus, & per modum societatis, ac conformis decoramenti ducimus induendam. Ex hoc patet, Ordinem S. Georgii fuisse olim in Hung. sed incertum, a quo institutus sit, nec videtur ab Ordine calcaris aurei diversus fuisse.*

b) Windeck, aulæ Sigismundi familiaris, in hujus vita, c. 81. memorat, duplicis generis Equites fuisse: primi Draconem e cruce pendentem gestabant; crucis epigraphe in longum, erat: *o quam misericors est Deus*: in transversum autem, *pius est justus*: malim, ut sententia sibi constet: *& justus*.

c) Hujus generis Equites, 24. fuere; secundi autem, solum Draconem gerebant, non definito numero, & exteris quoque conferri solebat, ut idem Windeck affirmat.

1408. qui Barones regni essent, vel olim fuissent:  
 a) ei autem, qui nondum hoc honore insigni-  
 tus esset, spes facta, ut hunc, exacto Ordinis anno, præ ceteris consequatur: prærogativæ Ordinis duæ: socii primæ apud regem admissionis, & arcanis consiliis, quæ, edito juramento nefas prodere, exclusis aliis, adhibiti fuere: tum si quæ lis inter eos oriretur, delectis quatuor, vel quinque sociis ut decer-

a) Tales fuere, qui Diplomati institutionis inserti sunt, quorum nomina libet mihi adscribere. Stephanus Despota Rasciæ, Hermannus Comes Ciliæ, & Zagoriæ, C. Fridericus filius ejusd. Nicolaus de Gara, regni Hung. Palatinus, Stiborius de Stiboricz, alias Vajvoda Transilvan. Joan. de Thamasy, & Jac. Laczk de Zánthó, Vajvodæ Transilv. Joan. de Maroth Machovien. Pipo de Ozora, Zevrinien. Bani, Nicol. de Zech. Magister Tavernicor. C. Carolus de Corbavia summus Thesaurar. Simon filius Konye de Zechen Janitor. C. Joan. de Corbavia Dapifer. Joan. de Alfaan Pincern. Petrus Cheh de Leva Agazon. Magistri, Nicol. de Csák, alias Vajvod. Transilv. Paul. Byfienus, & Paulus de Pegh olim Dalm. & Croat. Bani, Michael de Nádasd C. Sicular. Petrus de Perén alias Sicular. nunc C. Marmarofien. Emeric. de Perén Secretarius Cancellarius regis, & Joannes Nicol. de Gara quondam Palatini filius,

cernenda detur, quorum sententiæ, si regi probata fuisset, omnino standum, nec locus alios iudices appellandi datus erat. Omnes denique in Ordinem cooptati, se, & olim cooptandos, data fide obstrinxerant, se non minus regi, ac reginæ, & prolibus regiis utriusque sexus, obedientiam, & fidelitatem præstituros, eosque contra omnes adversariorum machinationes suis viribus defensuros, sed conaturos etiam, ut justæ, & legitimæ regni consuetudines, illibatæ conserventur. a) Ad stabilitatem autem Ordini conciliandam, Rex se facturum recepit, ut successoribus sui tempore coronationis, dum iuramentum de servandis regni immunitatibus præstant, signo Ordinis utantur, eumque, secundum omnes institutionis partes, confirment. b)

O 2

Hæc

a) Hæc compendio ex dipl. institutionis sumta sunt.

b) Ibid. in fin. *Nos insuper — Sigismundus Rex, & Barbara regina — promittimus — ad hæc cogitare, quod etiam alii futuri reges Hung. signum dictæ societatis, tempore coronationis eorum cum regali diademate suscipiant, & acceptent, & quod ipsi reges tempore adeptionis coronæ, & depositionis iuramenti de observandis statutis, & consuetudinibus regni — hanc societatem in omnibus suis clausulis, & articulis observare, & confirmare jurent, & promittant bona fide.*

1409.

Hæc institutio non solum regno contra externos, sed familiæ etiam regiæ contra intestinos hostes, tutamento, & Nobilibus cum ad consequendas opes, primosque honorum gradus, tum ad contestandam regi fidem, magno incitamento erat. Hoc illicio Hervoya quoque delinitus, post confirmatum sibi a rege Spalatensem Ducatum, eidem conciliatus est, a) cujus exemplo Spalatenses & Tragurini, ad pristinam quoque obedientiam rediere. Quibus cognitis, Ladislaus, ne nullum penitus fructum ex Dalmatia percepisse videretur, Jadram, Novigradum, Auranam, & Pagum, quæ adhuc præsidio

- 
- a) Litt. regis apud Lucium de regn. Dalm. l. 5. c. 4. & Pray Part. II. pag. 227. Hervoyam autem fuisse in Ordinem Draconis cooptatum, patet ex ejusdem apologia, apud Lucium Mem. istor. pag. 392. ubi inter reliqua, hæc ille: *ego — intendebam me submittere judicio fraternitatis Draconum, & ipsi non permiserunt.* Rursus: *Advertat serenitas vestra (Barbaram reginam indicat) quomodo ego existo in societate Draconum, & continetur in litteris societatis, quod nemo sine consilio, scientia, & judicio societatis debeat aliquammodo condemnari.* Item — *recordamini, quia compater sum.* Postrema indicant, Elisabetham Sigismundi filiam, jam hoc an. in lucem fuisse editam.

fidio Italico tenebantur, Venetis, quin cives  
 consenserint, centum aureorum millibus ven- 1409.  
 didit. a) Mirum est, opportunitatem hanc  
 a Sigismundo neglectam fuisse. Si enim,  
 conciliato sibi Hervoya, confestim missa in  
 Dalmatiam militia, Jadram, cum reliquis ur-  
 bibus, occupasset, non facile Venetis occasio  
 fuisset data, ut contra juramenti, Ludovico  
 regi olim præstiti, fidem, se rebus Dalmati-  
 cis ingererent, eamque sensim deinceps ab  
 Hungaria avellerent.

Verum is, incertum, spontene, an roga-  
 tus, disidiis, inter Polonos, & Prussos or- 1410.  
 tis, se immiscens, Kesmarkinum interea pro-  
 fectus est, ut discordes conciliaret, & litem  
 præterea cum Wladislao Poloniæ rege de  
 limitibus utriusque regni componeret. b)  
 Sed cum utrobique parum se videret profice-  
 re, re infecta in Hungariam rediit. Tam sub-  
 itanei reditus, mors Ruperti Romanorum  
 regis, in causa fuit, de qua a Friderico Norim-  
 bergensi *Burggravio* admonitus erat; qui ipse  
 non multo post tempore Budam veniens, re-  
 gi autor fuit, ut, vacante Imperii dignitate,  
 nomen suum inter candidatos profiteri velit.  
 Persuasit facile alioquin id fastigium anhelan-  
 ti, habitaque cum Friderico consultatione,  
 litteris V. Augusti editis pollicitus est, se,

O 3

fi

a) Lucius de regn. Dalm. l. 5. c. 5.

b) Dlugossus l. 11.

1410.

si Electorum vota in illum conspirarent, operam daturum, ut, sublato Ecclesiæ schismate, communibus suffragiis Pontifex eligatur, & jura Principum, civitatumque Imperii præterea se illibata conservaturum, a) simul *Burggravio* auctoritatem tribuit, ut suo nomine Legatus Comitibus Francofurti interesset. Suffragia tamen, Electoribus inter se discordibus, continenter fere variabant, donec XX. Septembris Archiepiscopus Trevirensis cum Palatino Rheni Sigismundum, Moguntinus contra, & Colonienfis Joðocum Sigismundi patrui, 1. Octobris, reges Romanorum, renunciassent, b) Ac hi quidem, scriptis ad Prælatos, & Magnates Hungariæ litteris, rationem facti sui reddentes, electionem Sigismundi, vel ex eo capite irritam declarabant, quod nec ex præscripto bullæ aureæ, præterea clancularie, & ab iis, qui jure suffragii, quod a Pontifice legitimo dissentirent, omnino privati essent, peracta fuerit; rogatos itaque velle, ut, proposita negotii gravitate, regi suo persuadeant, ut a suo proposito desistere, & operam suam cum Imperio, ad reducendam Ecclesiæ unitatem, potius velit conjungere. c) Arduum id erat, a rege

---

a) Wenckeri apparat. & instruct. archivi, Nr. 54.

b) Windeck l. cit. c. 26.

c) Schannat, vindem. litter. Collect. 2. sect. 3. Nr. 51.

ge impetrare, cui ceteroqui perpetua fere cum patruo similtas intercesserat, & infra suam dignitatem esse putaret, ut, illius gratia, juri suo adquisito renunciaret. 1410.

Protracta igitur Comitia sunt, nec sententiæ poterant coalescere, donec anno sequente, Jodoco Brunæ VIII. Januarii defuncto, Electores in Sigismundum unanimiter conspirassent. a) Hoc modo non solum regis Germaniæ dignitatem, sed Ducatum quoque Lucenburgicum, cujus jus a patruuli obitu ad se pertinebat, adeptus est. Eodem, quo ad hanc dignitatem aspirabat, studio, litem cum Polonis compositam quoque cupiebat. Misit ea de causa Joannem Archiepiscopum Strigoniensem, cujus solertiam in extricandis rebus difficilibus alias expertus erat, additis collegis, Igloviam in Scepusium, quo Legati quoque ab Wladislao venturi erant, ut cum his modum componendæ discordiæ inirent. Poloni, qui non ignorabant, regem suum, eodem hoc anno, cum Myrche Vajvoda Valachiae, foedus contra Sigismundum pepigisse, b) magis in deliberatione vacillabant,

O 4

quam

---

a) Windeck c. l. c. 27. Theod. Niem c. l. c. 34. Gaertneri Dissert. de Sigismundo Imper. c. 3. §. 1. pag. 33.

b) Dogiel Cod. Dipl. Pol. Tom. I. pag. 600. *Dat. in civitate Imoiow Dominica vocem Jucunditatis, reor, Lætare, an. 1411.*

1411.

quam ut aliquid certi constitui posset. Deum utrisque ita convenerat, ut ad futurum Divi Martini festum rursus in antiqua villa convenirent, ibique duodecim arbitri utrinque delecti, edito juramento profiteantur, se in decernenda lite nihil gratiæ duros, sed, quod æquum communiter videretur, a se declarandum esse. a) Ita divulgati sunt.

Nec Sigismundo id improbari visum, qui ab obtenta nova dignitate, res Germaniæ, præ ceteris, animo complexus erat, Friderici Norimbergensis *Burggraviæ*, cujus studium ad eam consequendam præcipue eluxit, imprimis memor, cui ut gratiam pro impensa opera illi referret, Marchiam Brandenburgicam, ante electionem promissam, pignori locavit, eumque administratorem illius hac lege constituit, ut, si ipse Rex, vel ejus hæredes eidem, vel posteris illius, centum aureorum millia persolverint, pignus restituere obstricti essent. b) Hæc Domus Brandenburgicæ origo.

Prælati quoque, & Magnates Hungariæ, ut regi suo, qui Romani Imperii dignitatem primus regno invexerat, gratificarentur, conscriptis unanimi consensu litteris, eadem  
fecerunt.

---

a) Dogiel Tom. I. pag. 42.

b) Gerckenii Dipl. vet. Marchiæ Brandenb. Tom. II. Nro. 231. pag. 636. sequ.



fecerant, se, si Rex præter Elifabetham, filium deinceps non esset habiturus, hanc hæredem regni agnituros, & ubi adoleverit, collatis cum ea consiliis, de marito ei jungendo, acturos esse. a) Erat Sigismundus tunc Posonii, ut cum regni Ordinibus tributum a regnicolis pendendi normam constitueret, b) dum hoc promisso se ei obstrinxerant, qui officiosa illorum voluntate usus, non alium filix maritum, quam e Domo Austriaca, diligendum censuit, cum alioquin jam antea, consentientibus regni Ordinibus, jure successionis in Albertum IV. translato, c) rationem illius haberi oporteret, & præterea post avulsam ab Hungaria Poloniam, ob ditiorum

---

a) Id liquet ex Elifabethæ reginæ litt. ad Imper. Fridericum III. Tom. II. analect. Bibl. Vienn. Cæf. pag. 915. apud Pray Par. II. pag. 338. *Lieber Vetter — als unser lieber Herr, und Vatter Kaiser Sigmund seliger Gedechnus zu ainem Römischen König ervelt ward, da verschriben im die Herren geistlich und weltlich in Ungern die maynung, ob er nicht mer erben gewüne und ließe — dann mich ainige Tochter, so wolten sie mich als erben haben, und zu dem Kunigreich lassen angehen geweltiglich, und ainen Herrn mit mir ervellen &c.*

b) Decret. exstat in Cod. jur. patr. Tom. I. p. 188.

c) Conf. ea, quæ ad an. 1402. Nro. 5. relata sunt.

- 
1411. num amplitudinem, & spem obtinendæ ex pactis aliquando Bohemiæ, præ ceteris idonea videretur, quæ junctis cum Hungaria viribus, Turcas a ditionibus hæreditariis arcere posset. Ernestus, qui Austriæ tutoris nomine præerat, cognita ex oratoribus Sigismundi destinatione, Albertum pupillum Budam mense Octobri deduxit, cui nondum ætatis tertium ac decimum annum egresso, a) Elifabetha vix trimula b) hac conditione desponsa fuit, ut, si Rex, vel regina, postquam filia viro matura fuerit, moram nuptiis sine iusta causa interponerent, sponso quadraginta millia florenorum auri solverentur. c)

## IX.

- 
- a) Natus enim fuit, an. 1399. d. 1. Jan. ut habet genealog. Ducum Astr.  
 b) Hujus ætatu læ illam tunc fuisse oportuit, cum, ut ex Windeckio cœvo supra notaveram, Sigismundus primum an. 1408. Barbaram duxerit. Qui matrimonium hoc ad an. 1406. occupant, viderint, qua ratione *Hervoya*, qui ante 6. Jan. an. 1409. Sigismundo non fuit conciliatus, regis *compater* dici possit. Nata igitur est Elifabetha post conciliatum *Hervoyam*, & ab hoc ex sacro fonte levata. Hinc ille apud Lucium Mem. istor. pag. 393. in sua ad reginam apologia, *amore S. Joannis*, inquit, *recordamini, quia compater sum.*  
 c) Windeck c. 23. ad an. 1411.

IX. Sponsione peracta, tempus ipsum, & 1412.  
 nuncii Norimberga missi, a) regem mone-  
 bant, ut iter in Germaniam pro coronatione  
 peragenda, susciperet, nisi graves causæ il-  
 lum domi retinuisent. Veneti, licet moniti,  
 ut Jadram mala fide emtam redderent, &  
 tributum præterea annuum, a Ludovico im-  
 positum, præstarent, utrumque abnuebant,  
 quin dominationem latius in Dalmatia pro-  
 ferre nitebantur. Armis igitur sibi agendum  
 esse, necessarium existimabat, fecitque inter-  
 ea hujusmodi apparatus, ut copiæ, cum  
 primum mandata darentur, ad profectionem  
 paratæ essent. Prius tamen lis cum Wladis-  
 lao Poloniæ rege componenda erat. Causam  
 uterque Vajvoda, Moldaviæ, & Valachiæ,  
 præbuerunt, qui, dum olim in Hungaria, cap-  
 to rege, factionibus omnia miscerentur, &  
 Turcæ etiam in Bulgaria latius grassari incipe-  
 rent, licet jure clientelari regibus Hungariæ  
 obnoxii essent, ad Polonos secessere, ex quo  
 tempore cum isti jus in utramque provinciam  
 sibi arrogarent, dissidii utrinque occasio sum-  
 ta est, cujus dirimendi causa Sigismundus  
 cum Wladislao Lubloviæ in Scepusio conve-  
 nerat. Judicium in principio Proceribus  
 utriusque partis, æquali numero delectis,  
 commissum est, qui cum deliberationem tra-  
 herent, nec sententiis viderentur posse coale-  
 scere,

---

a) Hist. Norimb. diplomatica Par. II. pag. 537.

scere, uterque Rex privata inter se consulta-  
 1412. tione litem in has leges composuere: a) pax  
 ad obitum alterutrius firma sit, quo tempore  
 Wladislaus Rusiam possideat, Podoliæ au-  
 tem causa nihil Rex Hungariæ se moturum  
 polliceatur: si alterum alteri præmori contin-  
 geret, pax nihilominus inter Hungaros, &  
 Polonos in quinquennium persistat, quo evolu-  
 to rursus arbitri deligentur, qui, si quid non-  
 dum satis esset extricatum, secundum vetera  
 pacta decernant. De Moldavia autem ita  
 conventum: ut Alexander Vajvoda, non  
 obstante homagio, quod Wladislao præstite-  
 rat, quoties Turcæ Hungariam invaderent,  
 aut Rex extra regnum bello occuparetur, to-  
 ties ipse omnibus viribus auxilio Hungaris es-  
 set, nisi forte morbo præpediretur, tum vero  
 idem per Legatum suum facere obstrictus es-  
 set: si nec ipse veniret, nec copias suas sub-  
 sidio mitteret, uterque regum unitis viribus  
 perfidum bello aggredierentur, & Moldavia  
 privarent, cujus dimidia pars Sigismundo,  
 alera Wladislao obtingeret; sin autem fide-  
 lem operam navaret, in pacifica possessione,  
 salvo jure utriusque partis, quinquennio ma-  
 neret.

Ita lis sopita magis, quam sublata est,  
 vel sic tamen composita regem, qui toto ani-  
 mo in bellum Venetum ferebatur, curarum  
 par-

---

a) Dlugoff, hist. Pol. l. 11. apud Pray Par. pag. 232.

parte aliqua levavit. Soluta Lublovix conventu, Wladislaum, ut secum in Hungariam proficisceretur, invitatum, Calloviam primum, tum Budam deduxit, ejusque honorandi causa, more illius temporis, hastiludia, ad quæ vicini Principes, & variarum Nationum primi quique confluerant, instituit, a) quæ dum maxime fervebant, compertit, Sibenicensis a Venetis ad defectionem sollicitari, b) periculumque esset, ne Tragurinis, aliisque, qui in fide hactenus manserant, idem eveniret, bellum, quod antea in Venetos decreverat, occupare statuit. Exemplo itaque Ludovici, sed non eadem fortuna, usus, Piponem de Ozora, & Albertum de Ungh, quos ductandis copiis præfecerat, bellum in Italiam transferre jussit, qui in forum Julii citatis itineribus delati, Venetos ad *Liquentiam* in fugam conjecerant, continente dein usi victoria, *Sacilum*, *Canopam*, & *Pulcinicum* in potestatem rede gere, & percursa  
Ser-

---

a) Windeck l. 27.

b) Litt. Duc. Steno ad Sibenicens. a. 1412, d. 11, Jul. apud Lucium Mem. istor. pag. 401. *Quod si Communitas vestra Sibenici se submittet nostro dominio, Et ad manus nostras erit contenta pervenire — tractabimus, Et tractari faciemus omnes cives vestros — gratiose, Et benigne, prout tractamus alios subditos, Et fideles nostros &c.*

1412.

Serravalle, *Beluno*, *Feltria*, *Opitergio*, aliisque urbibus occupatis, ad *Tarvisium* confitere. a) Veneti, ut bellum a se averterent, missis Budam Legatis, pacem quidem, sed iis conditionibus, offerebant, quæ neutri regum probari videbantur. Itaque re infecta remissi sunt, quibus Wladislaus Legatum ex suis adjunxit, qui Venetos ad æquiores conditiones adduceret. Illi autem, cum interea vocato in subsidium Carolo Malatesta, magis propitia fortuna usi, Hungaros IX. Augusti prælio vicissent, non jam pacem petere, sed bellum prosequi statuerant. Infelix pugnae exitus Piponi, b) homini ex Strozziarum gente Italo, quem Veneti duabus argenteis lagenis, auro plenis, corrupisse feruntur, a plerisque adscriptus fuit. Sigismundus comperta suorum clade, cum se nervo ad continuandum bellum, videret destitutum, egit cum Wladislao de oppignorandis XIII. Scopusii

- 
- a) Chron. Tarvisin. apud Murator. Tom. XIX. & litt. regis an. 1418. in civitate Ravenspurg dat. *Pipone de Ozora* — & ipso Alberto, *Forjulii*, & *Istriae* partibus — tunc vexillum cum exercitu ducente, quam plures civitates, villas, nec non castra, castella & alias munitiones — ad nostram obedientiam reducentibus &c.
- b) Æneas Sylvius lib. 3. comment. in dicta Alphonfi, Windeck contra c. 27. tutoris filium fuisse memorat.

pulsi oppidis, a) sed, dum de summa non  
 satis utrique convenire, nec profectio differ- 1412.  
 ri, posset, Optimates aliquot jussu Wladislai,  
 qui negotium perficerent, regem Zagrabiam  
 comitati sunt. Hic, cum ei nuncium allatum  
 esset, Sibenicum ad Venetos defecisse, b)  
 res celerius confecta, & his conditionibus  
 conventum est: Wladislaus pro oppidis pi-  
 gnori locandis, triginta septem millia sexa-  
 genarum latorum grossorum, c) numi Bohe-  
 nis usitati, & jussi ponderis Sigismundo nu-  
 merabit, hic vicissim, vel ejus successores,  
 dum pignus reluendum erit, tantundem per  
 Cassoviensem, & Leuchoviensem Consules,  
 & si regem prius decedere contingeret, per  
 duos Prælatos, totidemque primi Ordinis Ba-  
 rones, in auro, & argento, *Dunaveczii*, bo-  
 na fide restituent. d) Sigismundus postquam  
 pignoris tabulas, sua, & Prælatorum, Ba-  
 ro-

- 
- a) Hoc numero communiter veniunt; tabulæ pi-  
 gnoris plura censent, ut sunt, *Lublau* cum op-  
 pido *Podolinicz*, *Gnissam*, *Bela*, *Leubicz*,  
*Maynhardsdorf*, *Teutschendorf*, *Michelsdorf*,  
*Valendorf*, *Neudorf*, *Rysdorf*, *Talka*, *Kir-  
 chorf*, *Matthisdorf*, *Jergenberg*, & *Durancz*.
- b) Lucius Mem. istor. pag: 407.
- c) De har. valore vid. comment. cl. Gelasii Dob-  
 ner e piis scholis apud Pray Par. II. p ag. 237. seq.
- d) Tabulas pignor. vid, apud Pray Par. II. pag.  
 cit.

vacare posset. Sed illo, qui in hac animo-  
rum scissione omnem invidiam sibi vitandam 1413.  
existimabat, id recusante, has partes Her-

mannus Comes Cilejensis in se recepit, quo  
interprete XXVIII. Aprilis induciæ his pactis  
in quinquennium coaluerant: utrique interea,  
quæ bello occupaverant, retinerent; Veneti  
autem ducenta aureorum millia regi solvant.

a) Ad accelerationem induciarum, præter  
memoratas causas, non parum etiam defectio  
Hervoyæ contulisse visa est. Homo inquires, &  
in quamlibet, ut ei commodum erat, partem  
versatilis, cum se a Ladislao rege deferi videret,  
nec Sigismundo satis fideret, Venetis autem,  
quod eis ad occupandam penitus Dalmatiam  
impedimento esset, se invisum sciret, cum  
Turcis clam cœpit agere. Proditus ex inter-  
ceptis litteris, frustra sç apud reginam pur-  
gabat, cujus jussu Joannes de Gara, & Pau-  
lus Chupor, perfidum aggressi, maxima ca-  
strorum, quæ possidebat, parte exuerunt.  
b) Ita res habebat, cum Sigismundus, con-  
fectis

---

a) Windeck c. 27. Chron. Tarvisin. apud Mura-  
tor. Tom. 19. cit.

b) Id in sua ad reginam apologia apud Lucium  
Mem. istor. pag. 392. *Quomodo Joannes de  
Gara, & Paulus Chupor Banus, omnes pos-  
sessiones, & tenutas meas, excepto castro Po-  
segavár, sine litt. regalibus, abstulerunt, &  
occuparunt, &c.* P



1413.

fectis induciis, *Bolsamum* veniens, perfidiam hominis, variorum, quæ ex Hungaria ei reddebantur, literis edoctus, comperit. Quare hominem, beneficiorum immemorem, ex Ordine equestri *Draconis* eliminatum, adempto præterea Ducis Spalatini titulo, ob notam infidelitatis, omni possessionum jure privatum, rei publicæ hostem declaravit. a)

Hervoya proscripto & periculo veneni, quod ei sicarius a Venetis subornatus, parabat, feliciter a se depulso, res Ecclesiæ rursus animo complexus, cum Cardinalibus, quos Joannes XXIII. ad eum miserat, de loco Concilii deliberabat, qui tutus, & omnibus ad concilium venturis commodus esset. Constantia præ ceteris opportuna visa est; in hanc Pontifex quoque Joannes, cum rege apud *Laudum* conveniens, licet ægre, & quasi amittendæ dignitatis suæ præfagus, consenserat. Sigismundus habito Pontificis consensu, vulgatis per Europam litteris encyclicis, Reges, Episcopos, aliosque, quorum intererat, ad Concilium, cujus initium ad Calendas Novembres anni sequentis futurum esset, invitavit. b) Vocatus itidem ad Concilium est

---

a) Lucius de reg. Dalm. l. 5. c. 5. apud Pray Par. II. pag. 246.

b) Van der Hardt. Concil. Constant. Tom. VI. Par. I. pag. 5. Pray Par. II. pag. 248. Kato: na Tom. XII. pag. 166.

est Gregorius XII. Joannis æmulus, ut conatum suum ad concordiam Ecclesiæ reddendam, ipse etiam conferre vellet. a)

His apud *Laudum* actis, Rex Pontificem *Cremonam* comitatus est, indeque, ab eo divulsus, *Placentiam* venit, ubi cum Malatesta de *Riminis* diligenter egit, ut vel Gregorium XII. in ejus ditione morantem, ad Concilium adduceret, vel ipse, si is nollet, acceptis ab illo mandatis, & potestate, *Constantiam*, in illius loco, veniret. *Placentia* *Tridentum* profectus, vetera fœdera, quæ olim inter reges *Galliæ*, & domum *Lucenburgicam* sancita erant, suo, hæredumque suorum nomine confirmavit, b) in *Germaniam* deinde reversus, Joanni *Huse*, nam hujus quoque, & errorum illius causa, Concilium indictum erat, litteras publici commeatus *Spira* transmisit, c) & *Aquisgranum*, quo *Barbaram* conjugem suam jam ante accersierat, VI. Idus *Novembris*, postquam Concilii Patres tertium confederant, veniens, cum conjugē coronatus est. d) Non est hujus instituti, res

P 2

Con-

a) Van der Hardt, Tom. cit. pag. 7. & Pray Par. II. pag. 248.

b) Leibniz Cod. dipl. pag. 307.

c) Pray Par. II. pag. 254.

d) Litt. regis apud Rymer, Fœdera, & convent. Tom. IX. pag. 137. dat. *Aquisgrani* 1414. ipsa die coronationis, quæ fuit 8. Novemb.

1415.

Concilii minutim persequi, cujus ipsa fere initia, Joanne Papa per Fridericum Austriæ Ducem, Constantia subducto, satis confusa fuere, nec minus, hoc etiam, jussu Sigismundi, reducto, laborandum regi fuit, ut Benedictus XIII. Concilio interesset; qua de causa Perpinianum, ut opera Alphonsi Arragoniæ regis, ad eum Constantiam adducendum uteretur, profectus est, *a)* verum & hic conatus, ob conditiones ab illo propositas, quæ magis ad augendum, quam tollendum, schisma, pertinebant, inutilis, & absentia regis præterea Hungariæ noxia fuit. Hervoya enim, qui ad Turcas interea defecerat, postquam suas copias illis conjunxisset, Hungaros memorabili clade affecerat, *b)* cujus indicium cum ad Patres concilii, certis ex Hungaria nunciis allatum esset, Wladislaum Poloniæ regem, datis ad eum litteris, obtestabantur, ut seposita tantisper, quæ illi cum Magistro Ordinis Teutonici intercesserat, lite, Hungaris, ad reprimendos barbaros, auxilio esse vellet, *c)* Astensem vero Episcopum in Hungariam legarunt, ut animos cladis magnitudine fractos, facta subsidiorum spe,

---

*a)* Theodor. a Niem l. cit. lib. III. c. 9.

*b)* Thurocz Chron. Par. IV. c. 16.

*c)* Litt. Concil. ad reg. Pol. apud Dogiel Tom. I. pag. 50.

spe, erigeret, a) Ac Wladislaus quidem, 1415.  
missis confestim ad Muhamed, & Hervoyam

b) nunciis, utrique denunciavit, nisi inducias cum Hungaris inirent, & captivos dimitterent, bellum a se, & Sigismundo, unitis viribus gerendum, sibi indictum sci-

rent. c) Turcæ tamen his minis nihil terri- 1416.  
ti, & anni superioris victoria inflati, dum Sigismundus Parisiis Londinum, ad conciliandum utrumque regem com-  
meat, rursus vastitatem per provincias Hungariæ, Venetorum, quod memoratu triste est, milite, & annona adjuti, d) circumferebant. Non id tamen impune illis fuit. Hungari resumtis viribus, Turcas ultra grassari volentes, ingenti prælio victos in fugam conjecerant, spoliisque potiti, cladem priore anno acce-

P 3 ptam,

a) Martene Thes. anecdot. Tom. II. col. 1640.

b) Id. ibid. col. 1652. Litt. reg. Pol. ad Concil. inter reliqua: *missimus ad Christem magnum Turcam, & alios ad Bosnam, ad Hervoy.*

c) Id. ibid.

d) Id. ibid. col. 1632. *Lectæ fuerunt tres literæ, missæ D. regi per fideles suos de Ungaria, in quibus continebatur, — quod Turcæ valde damnificarent quædam regna Ung. & hoc ad suggestionem Venetorum, qui præstitissent eis 600 balistarios, & bombardas, seu pyzides, & vidualia &c.*

1417.

ptam, cum faenore penſarunt. a) Hæc poſt-  
quam regi ex Anglia reduci nunciata fuiſ-  
ſent, tanto ſolertius ad accelerandum Con-  
cilii finem, operam impendit, quanto magis  
ſuam in Hungaria præſentiam videbat neceſ-  
ſariam eſſe. Poſtquam Joannes XXIII. cuius  
conceſſiones, variarum gratiarum, & bene-  
ficiorum largitiones, quas hactenus tam Ec-  
cleſiaſticis, quam ſecularibus, in Hungaria,  
Dalmatia, & Croatia, indulſerat, jam bien-  
nio ante Sigismundus auctoritate Concilii,  
irritas declaravit, b) Pontificatu dejectus fuiſ-  
ſet, & Gregorius XII. eo ſe ſponte abdicaf-  
ſet, unicus vero Benedictus XIII. Alphonſi  
Arragoniæ regis patrocinio innixus, reſiſte-  
ret, Cardinales, hominem obſtinatum, & Ec-  
cleſiæ unioni præfracte adverſantem, com-  
munionem Chriſtianorum privarunt, eique ex-  
auctorato concordibus ſuffragiis, etiam ii,  
qui prius opinionibus ſciſſi, ſuo quique Pon-  
tifici favebant, Cardinalem Odonem de Co-  
lumna, qui *Martini V.* nomen ſuſceperat, III.  
Idus Novembris ſubrogarunt. c)

## XI.

a) Apud Martene Tom. II. cit. col. 1665. Orato-  
res univerſitatis Colonien. ad Concil. Conſtan-  
tien. nunciant: *inſuper venerunt nova de Hung.*  
*quod Hungari habuiſſent magnum triumphum*  
*contra Turcos.*

b) Litt. reg. an. 1415. Cal. Jun. Conſtantiæ,  
& Joan. Archiepiſc. Strigonien. cod. an.

c) Acta Concil. Conſtantiæ. apud van der Hardt.

XI. Recens creatus Pontifex, Sigismundum ob navatam in tollendo schismate, industriam, habita sequente anno XXIV. Januarii Cardinalium congregatione legitimum Romanorum regem declaravit, eique per duos Cardinales coronam imponi iussit, tum ad sumtus, quos in causa Concilii fecerat, farciendos, decimas unius anni per Germaniam ex beneficiis Ecclesiasticis indulgit. Concilio ad X. Calendas Maji soluto, nondum Rex Constantia abierat, cum Legatos a Venetis accepit, qui, cum induciæ quinquennales prope ad finem vergerent, has, oblata etiam urbe *Serravallo*, prorogari cupiebant, sed, cum is non ignoraret, id illos induciarum prætextu agere, ut progressiones in Dalmatia sibi magis firmarent, repulsam passi, nec mitius altero dein anno habiti sunt, cum illum Passavii eadem de causa convenirent, quin, a Consiliariis suis, qui sex mille aureos frustra ab illis extorquere nitebantur, in fraudem inductus, violata fide publica, illos capi, & custodiæ Ducis Austriæ tradi, nec prius, quam Viennam venisset, liberos dimitti iussit. a) Hic tempus nuptiis, inter Albertum Ducem Austriæ, & filiam suam Elisabetham, pridem ei desponsam, celebrandis, constitutum; vadimonium obiere Comes Cilejensis, & Nicolaus Gara Palatinus,

1418.

1419.

P 4

nus,

---

a) Windeck I. cit. c. 62. 64 ad hunc an.

1419. nus, qui, si tempore præstituto nuptiæ non celebrarentur, quadraginta millia florenorum se numeraturos receperant. a) Inde Pofonium, ubi præcipuos ex Prælatiſ, & Magnatibus, honoris cauſa obviam habuit, profectus, conjugem, quæ, ſe abſente, ob contractam cum *Vallmerodio* b) familiaritatem, in ſuſpicionem venerat, Varadinum deportari juſſit, c) tum intermiſſam rei publicæ curam reſumens, incertus hærebat, in Venetoſne, an Turcas, quorum illi in Dalmatia, d) hi vero in Bulgaria, per ſui abſentiam, fines ſuos latius protulerant, arma corripienda eſſent? ambigentem Nicolaus *Sarracenus de Gorecz*, qui in Nicopolitana pugna a Turcis olim captus, ex duodecim annorum captivitate evaſerat, e) ut his bellum, præ illis, infer-

a) Idem ibid. c. 69.

b) Enoch. Widemann Chron. Curia apud Mencken Tom. III. pag. 713.

c) Windeck cit. l. c. 86. perhibet, etiam filiam cum illa relegatam eſſe, quod cum ob ætatem illius, tum ob nuptiarum cum Alberto tempus hoc anno præſtitutum, videtur prorsus incredibile, ut prudens ſuſpicio in illam cadere potuerit.

d) Lucius Mem. iſtor. pag. 422.

e) Litt. regis dat. in Tornova fer. 2. prox. poſt feſt. B. Valentini M. 1428. Ipſe Nicolaus *Sarracenus* — ſub caſtro Nicopolis, fortuna nobis

ferret, permovit. Facto igitur per æstatem 1419.  
 necessario apparatu, in Bulgariam movit,  
 cumque Sultanum inter Nissam & Nicopolim metari, intelligeret, promotis castris, prælio IV. Octobris cum eo congressus, octoginta fere hostium millibus partim cæsis, partim fugatis, victoria potitus est. a) Fracti hoc bello Turcæ, totaque Bulgaria, & Servia exacti sunt, quas ut deinceps ab eorum infestationibus liberaret, alibi eisdem hostes parare statuit. Hanc ob causam eundem Nicolaum Sarracenum in Mesopotamiam, vicinosque Principes, b) ejus vero familiarem

*Josam,*

---

*bis sinistrante, — per eosdem Turcos captus, & in hujusmodi captivitate fere 12. annis integris exstitit, — tandemque — divina disponente clementia eliberatus, rursus se famulatus nostris adjungens &c.*

a) Hist. Turc. Abbat. Becattini Par. I. pag. 77. Fuisse hoc an. Sigismundum in Bulgaria patet ex litt. ejusd. apud Lunig, Cod. Germ. Diplom. Tom. I. col. 1431, quarum hæc subscriptio est, *Der geben ist auf dem neuen Haus in der Bulgorey bey den Isenenthor 1419. des negsten Donnerstag, vor St. Simonis, und Judæ, der heiligen zwelff Botten Tag.*

b) Litt. cit. regis an. 1428. *Potissimum autem, dum pridem eundem Nicolaum in nostra solemnè ambasciatum, — ad Principem Karajowluk, dominum*



1419. *Josam*, qui, deserto Mahomete, sacra Christianiana amplexus erat, in Tartariam, misit, a) qui serius postea regressi, omnes, quos adierant, ad bellum Turcis in Asia movendum, promptos, & paratos esse renunciarunt. Ex Bulgaria revertenti allatum nuncium est, Wenceslaum XVI. Augusti e vivis excessis-

---

*minum Mesopotamiae, sub maximo terrae, & maris viarum discrimine transmissimus, — apud ipsum Principem Karajowluk — ambasciatam — tanta aviditatis sollicitudine — pertractasse dinoscitur, quod motis ab illa parte contra — Turcos — Principe Karajowluk, & cum eo, Principe Sacheomerze, filio Demerlingh, domino Tartarorum — cum totis suis viribus — in nostrae majestatis succursu, — ut damnosae vexationes — quas nobis — Turcorum infesta rabies infert, tollerentur, abinde — votivum — reportavit responsum.*

- a) Ibid. Memoratus etiam *Josa Turcus* — fidem veram Catholicam amplexus, — per nostram majestatem ipso eodem tempore, quo — Nicolaum Serrachenum — ad Principem Karajowluk destinaveramus, in nostra ambasciata ad Principem Mahometa, dominum Tartarorum de Ahorda missus, simili modo excitato adversus nefandissimos Turcos, in adjutorium nostrae majestatis ipso Mahometa, cum tota sua potentia, ab eodem serenitati nostrae consimiliter exoptatum retulit responsum.

cessisse. Præter jus successionis in Bohemia, Moravia, Silesia, & Lusatia, etiam motus ab Hussitis concitati, tum repetitæ preces Sophiae Wenceslai viduæ, ut iter in Bohemiam maturaret, suadebant. Properantem regina, quam Prælati, & Magnates, ut regi occurreret, hortabantur, morata est. Motus conjugis præsentia, quam absentem non oderat, eaque, Georgii ab *Hohenlohe* Passaviensis Episcopi intercessu, in gratiam recepta, a) Budam venit. Hic paulum moratus, habito militum delectu, Brunam, quo Comitum Bohemis indixerat, in anni exitu contendit. Venerant eo Legati a Pragensibus missi, quibus, facta erratorum venia, præcepit, ut munimenta, quibus aditum Pragensis arcis obseperant, demolirentur, & sacerdotes suo jure, & immunitatibus frui sinerent. His nondum dimissis Magistratum Brunensem, quod *Hussi* erroribus adhæreret, exauctoravit, quo præcipiti facto plerorumque animos penitus a se alienavit. Si lenius cum  
Bru-

---

a) Windeck c. 86. memorat illam tribus quadrantibus anni relegatam fuisse, quod tempus a regis reditu Constantia respondet anno 1419. itaque videtur in Windeckii an. 1421. error subare. Accedit, quod verba regis in litt. an. 1421. *were es Sache, das wir — mer Tochter hetten, und gewinnen &c.* indicent, reginam jam ante an. 1421. marito conciliatam fuisse.

Brunenſibus egiffet, rectaque Pragam contendenſ, ſe inaugurari ſiuiſſet, facile concitatos  
 1420. in ſe motus, præſentia ſua, & captato tempore ſopire poterat, ſed dum moras trahit, Pragenſes ſpaciū interea muniendæ urbis, & de conditionibus, quæ proponendæ ei eſſent, deliberandi ocium nacti ſunt, quas cum citra honoris, & dignitatis ſuæ diminutionem, amplecti non poſſet, nec iis etiam Bohemis, quos in comitatu habuit, ſatis fideret, Wratiſlaviā abiit, ut diuturnam inter Wladislaum Poloniæ regem, & Magiſtrum Ordinis Pruſſici, litem componeret. Sententia, quam pro Magiſtro Ordinis tulerat, præcipua deinceps ſimultatis inter utrumque regem, cauſa fuit. a) Ex inopino regis e Moravia receptu, qui ſpeciem metus præferebat, factioſi majores animos ſumſere, paulumque poſt, quam duodecim cives, qui anno priore aliquot ſenatores ex fenestra præcipites egerant, capite truncari juſſiſſet, fama-que Pragam eſſet perlata, miſſum eſſe a Pontifice Lucenſem Epiſcopum, qui cruciatorum expeditionem contra Huſſitas promulgaret, in apertam ſeditionem prorupere. Vim igitur refractariis adhibere neceſſarium erat. Poſtquam exercitum ſupra octoginta millium ex Imperialibus, & Hungaris conſiſſet, rejectis per iter obſtaculis, Pragam ob-

---

a) Dlugoff, l. 11.

obsidione cinxit, & quamquam minorem urbem, cum arce Pragenſi, in poteſtatem redegerit, majori tamen urbe, quam cives, a *Ziſka* Taboritarum ductore adjuti, acriter defendebant, potiri non potuit. Quare obſidionem, conſilio ſuorum perſuaſus, ſolvit, nullo alio fructu expeditionis relato, quam quod a Conrado, urbis Archiepiſcopo, VI. Calendis Julii, in arcis templo, Rex Bohemix coronatus eſſet. a)

XII. Nec felicius ei ſequenti anno reſceſſit, cum in principio, bellum magis ſui defendendi cauſa traheret, quam inferret. Wladislaus quidem, qui regnum Bohemix ſibi ante annum a Pragenſibus oblatum, reſcuſaverat, ſpem concordix, inter regem, & Bohemos inſtaurandæ, eminus oſtentabat, ſed, cum mercedis loco, ſibi Sileſiam interea; donec Pruſſiam ſubjugarit, cedi peteret, hæc in ipſo ſui ortu diſſipata fuit. b) Interea  
Bo-

a) Byzynii diar. belli Huſſit. ad an. 1420. apud Ludewig reliqu. Mſs. Tom. 6. pag. 154 &c. Windeck c. 70. — 84. Aen. Sylvius hiſt. Boh. c. 39. — 42.

b) Dlugoff. l. 11. additque, Sigismundum, ut ſibi Wladislaum contra Bohemos conciliaret, promiſſiſſe, ſe filiam ſuam ei conjugem daturum, quod a vero abhorret, cum hanc pactis conventis dudum ante Alberto Duci Auſtriæ, deſignato etiam nuptiarum tempore, deſponderit.

1421. Bohemi repulsam passi, regnum Vitoldo Lithuaniae Duci offerre constituerant, eaque de causa Csaflaviam conventum indixere. Graviter id pro merito Sigismundus tulit, missoque ad conventum Sternbergio, seditiosos ab hoc conatu avocabat, sed illi, excusso jugo, etiam proterve audaces, tantum abest, ut morem gererent, ut datis etiam ad illum litteris, se injuriis affectos questi, crimina eidem oggerere non vererentur. a) Videns igitur, illos nihil sani consilii jam admittere, auxilium ab Imperii Principibus flagitavit, qui, quoniam seditionis contagio ad vicinas quoque nationes sensim propagari posset, communem expeditionem ad XXIV. Augusti contra Bohemos decreverant, ad quem diem Sigismundus quoque cum suis copiis se affuturum promisit. Ac primi omnium, qui signa in Bohemiam, ante conductum diem, intulerant, Fridericus Misnensis, & Wilhelmus Brunswicensis, fuere, qui hoste ad *Brūxinum* profligato, occupata *Comotavia*, & *Rodanó*, omnem late viciniam ferro, & igne populabantur, b) Rex tamen, ut pollicitus

---

a) Pray Par. II. pag. 249.

b) Chron. vet. Cellen. minus apud Mencken scriptor. Tom. II. pag 445. Chron. picturatum Brunsvic. apud Leibnicz script. Tom. III. pag. 398. Balbinaus epitom. l. 4. c. 7. pag. 448. & sequ.

tus erat, adesse non potuit, quem partim Veneti, reliquias Dalmatiæ magis magisque carpentes, partim Amurathes Turcarum Princeps, in Transilvaniam irrumpens, avocarunt. Huic, quoniam periculum Hungariæ vicinius erat, obviam profectus, cum *Sabesium* venisset, a) præter expectationem, Legatos ab eo accepit, qui de induciis cum rege transigerent. 1421.

Ad has flagitandas, intestini motus tam in Europa ab Mustapha Sultani defuncti spurio, quam in Asia ab iis, ad quos Rex Legatos ante biennium miserat, b) eodem tempore concitati, Amurathem, belli ceteroquin appetentissimum, adduxerant. Suberat & illud, quod Imperator Emanuel, qui bellum sibi ab eo inferendum non vane conjiciebat, hostes eidem in ipsa familia clam subornare non desineret. Nec Sigismundus ab induciis abhorruit, cui alioquin satis negotii erat, ut refractarios Bohemos in ordinem redigeret, qui, postquam Imperiales copiæ, frustra expectato rege, recessissent, viribus resumptis,

spem

---

a) Litt. regis Sabesio dat. an. 1421 d. 4. Jul. exstant in Memoriali Legator. Habsiæ, ad convent. Ratisbonen. Gieslæ an. 1707. edit. Nro. 2. pag. 91. Lit. X.

b) Conf. quæ de hac in Asiam legatione ad. an. 1419. Nro. 11. relata sunt. Item hist. Turc. Abbat. Becattini Par. I. pag. 79.

spem conciliationis regi penitus ademerant.  
 1421. Re igitur cum suis collata, inducias in quin-  
 quennium a) pactus est, quibus autem condi-  
 tionibus fuerint initæ, nemo hactenus, quod  
 sciam, memoriæ prodidit. Dimissis Legatis,  
 eo magis reditum accelerabat, quo certius  
 ad se perferebatur, Bohemos, postquam ab  
 Wladislao, & Witoldo repulsam tulissent,  
 nuncios ad Sigismundum *Coributum*, quem  
 aliqui Witoldo fratrem tribuunt, misisse, qui  
 ei regnum offerrent. Sed commode factum,  
 quod a Joanne Troppaviensium Duce inter-  
 cepti, ac in Hungariam missi, curas regis  
 tantisper minuerent, qui per id tempus, ut  
 Moraviæ vicinior esset, Posonium venerat.  
 Hinc, quoniam tempus nuptiis filiæ præstitum  
 appropinquabat, Viennam abiit, inde-  
 que celebratis nuptiis reversus, b) tabulas,  
 quæ voluntatis testamentariæ vicem obirent,  
 condidit. Earum hæc sententia erat: c) Se,  
 post

a) Apud Vindeck c. 86 oscitantia scribæ, 50. an-  
 ni irreperant.

b) Anonym. Viennensis Chron. breve Austr. ad  
 an. 1421. apud Pez, script. Austr. Tom. II.  
 pag. 550. alii non recte ad an. sequ. nuptias  
 rejiciunt, ut ex regis dispositione testamentaria  
 patet.

c) Autogr. germanice exstat in Tabular. Viennent.  
 Aulico: Dat. Posonii an. 1421. Dominic. prox.

post habitam cum regni Prælatiſ, & optima-  
tibus maturam deliberationem, de filiæ ſuæ 1421.  
hæreditate, hunc in modum conſtituiſſe, ut,  
ſi ipſe deinceps nullam prolem maſculam  
habi-

---

ante feſt. B. Michaeliſ. Excerpo ſolum, quæ  
huc pertinent. *Darumb mit wollbedachten  
müte, redlicher vorbedachtung, guten rate  
unſerer Fürſten, Landherren, Edele, und ge-  
trewen, und rechter wiſſen verſorgen wir die  
egenante Elizabeth unſer liebe Tochter mit  
irem erbtheil, — were es Sache, das wir für-  
bas nicht Leibeserben gewünnen, die Sun weren,  
und mer Tochter hetten und gewinnen, ſo ſol-  
len wir die vorgenannte unſer liebe Tochter,  
und Herzog Albrechts Gemahel, bey unſern  
lebendigen Zeiten verſorgen, welches Kunig-  
reich, zu Ungern, oder das Kunigreich zu  
Behem mit der Marggraſchaft Merhern, und  
allen andern Fürſtenthumen, Landen &c. Sy  
nach unſerm Tode haben, und beſitzen ſolle.  
Were aber, das wir ſolche Verſorgung verzü-  
gen — und mit dem Tode, do Got für ſey,  
fürkommen wurden, ſo geben wir der vorge-  
nanten unſer lieben Tochter, in Crafft dieſ  
brievs volle macht und gewalt, das ſy ſelbs  
die wale habe, welches Kunigreich under den  
zweyen, das Kunigreich zu Unger, oder das  
Kunigreich zu Behem, miſſampt der Marg-  
graſchaft zu Merhern mit allen andern zuge-*

Q

höri.



1421. habiturus esset, hæc, a suo obitu, Hungari-  
am, Bohemiam, & Moraviam, cum ceteris  
regnis, & provinciis, jure hæreditario, ad  
proles illius transituro, posideret: si vero fi-  
liam adhuc ex conjugē tolleret, tum in Eli-  
sabethæ in arbitrio futurum, utrum ex duo-  
bus regnis, Hungariamne, an Bohemiam,  
cum adnexis provinciis, volet eligere, quod-  
ve delegerit, illius eodem jure hæreditario,  
fore, alterum vero sorori cederet, iis solum  
exceptis, quæ Alberto Duçi ante contulisset, a)  
aut

---

*hörigen, sy für iren Erbtheil haben wolle, das sy also Kyeze, und welches Kunigreich sy also Kyezen, und welen wurde, des sol sy ganz mechtig seyn, und es soll ir auch erblich, und mit aller Zugehörung vollkommenlich nachfolgen, — were aber das wir keinz Tochter mer gewonnen, noch hetten, so sollen beyde Kunigreich zu Ungern und zu Bohem, und die Marggrafschaft zu Merhern, mit allen ander unsern Fürstenthumen, Landen und Lewten, an die egenante unser Tochter Elisabeth, und ires Leibserben kommen, und gesallen mit allen iren Zugehörungen, ausgenommen, was wir Hertzog Albrechten vor ver-  
schrieben haben, oder noch verschreiben wür-  
den &c.*

- a) Quinque Moraviæ civitates, Brunam, Znay-  
mam, Iglaviam, Budweisium, & Pocherliczam,  
pigno-

aut deinceps conferre vellet. Celebratis nuptiis, & lustratis, quas ad signa adesse interea jusserat, copiis, Posonio Igloviam movit, ubi, cum ex Magnatibus Bohemiæ, qui se ei conjunxerant, intellexisset, dissidia inter Pragenfes, & Taboritas orta esse, tempus occupandum ratus, in Cſafzlaviensem provinciam profectus, occupata Cuttenberga, Ziskam Taboritarum Ducem, inter montium fauces circumventum, ita conclufit, ut eo intercepto, vel cæſo, ſpes eſſet, Bohemiam facile pacandam eſſe. Verum ille noctu ex inſidiis feliciter eluctatus, anno ſequentē, licet rigida hyems eſſet, regem Teutobrodan recedentem, & prælium detrectantem, aggreſſus, conſerta pugna in fugam egit, qui, licet amiſſis caſtrorum impedimentis, reliquias copiarum, Iglaviam evadens, ægre periculo ſubduxerit, nihil tamen propterea ob ſpem, quam ex inteſtimis Bohemorum diſſidiis concepit, dejecto animo erat. Ziska enim, cum de rege, qui Sigismundo ſubrogandus eſſet, agebatur, nullo rege Bohemis opus eſſe, communi Taboritarum nomine declaravit, Pragenſes contra, Coributum, qui illis ex Lithuania ſuppetias venerat, optabant, hunc contra Magnates cum Nobilibus averſabantur, & ut Pragenſibus

1421.

1422.

Q 2

ſpem

---

pignoris loco ei dedit, ut has e vicina Auſtria contra Huſſitas facilius defendere poſſet.

1422.

spem penitus adimerent, regni Insignia in munitissimam arcem, *Carólofleinum*, transferenda curarunt. a) Hoc loco res a clade Teutobrodiana erant. Facile Sigismundus intellexit, Wladislaum sibi, ob sententiam pro magistro Ordinis Prussici ante biennium a se perlatam; suboffensum esse, eoque vel dissimulante, vel conscio, Coributum venisse in Bohemiam, non tam, ut ei regnum assereret, quod ipse, ne acceptaret, æquum censuit, quam ut esset, qui Bohemos in pertinacia confirmando, sibi novas identidem molestias crearet.

1423.

XIII. Ad hunc igitur sibi conciliandum, præcipuos ex regni Baronibus, a suo ex Comitibus Norimbergenfibus reditu, Posonii, ut cum iis negotium conferret, adesse iussit, utque Bohemos interea sopiret, Friderico Saxonæ Duci potestatem dedit, ut cum iis modum conciliationis, quem ex temporis, & animorum habitu optimum censuerit, iniret, ipse vero, postquam, exquisita suorum sententia, omnes in eo conspirare intellexisset, ad redintegrandam cum Polonis amicitiam, necessarium videri, ut ambo reges congredierentur, *Kesmarkinum* profectus, litteras inde ad Wladislaum dedit, quibus gratum

a) Windeck cit. l. c. 90 — 94. Aen. Sylvius l. cit. c. 44. Balbinus epitom. l. 4. c. 7. ejusdem Miscell. Dec. 1. l. 3. c. 21.

tum sibi futurum significabat, si ad dissensiones, quæ hactenus utrinque intercesserant, 1423.  
penitus tollendas, condicto, quem vellet, loco, convenirent, liberum, tutumque com-  
meatum, si veniret, pollicitus, idem spon-  
dit Proceribus, quos in comitatu habiturus  
esset, similiter optimates Hungariæ fidem su-  
am iis obstrinxerant. a) Wladislaus, quam-  
quam Rex arbitrio illius locum conventus in  
confinio designandum reliquerit, nihil tamen  
humanitate ei concedens, vel de fide illius  
dubitans, Kesmarkinum cum Vitoldo fratre  
in comitatu Procerum suorum venit, & vo-  
lens, libensque pacta, quæ olim Lublovicæ  
inita fuere, Sigillis tam Sigismundi, quam  
Procerum Hungariæ rursus corroborata, in-  
stauravit. b) Amicitia utrinque constabilita,  
duplex regi emolumentum accessit: primum  
quod mitigata, quam prius in causa Ordinis  
Prussici tulerat, sententia, Magister Ordinis,  
Wladislao conciliatus, & ab hoc, quod al-  
terum erat, Coributus ex Bohemia redire  
jussus fuerit. c) Privatim illud etiam addi-  
tum, ut Rex Poloniæ triginta millia militum  
Sigismundo, contra Bohemos, suppetias ad

Q 3

VIII.

a) Dat. in Kezmarck Dominic. Lætare, an. 1423.  
apud Sommersberg, Tom. I. Dipl. Siles. man-  
tiss. diplom. pag. 82.

b) Apud Dogiel, Dipl. Pol. Tom. I. pag. 52.

c) Dlugoss. l. 11.

VIII. Calendas Augusti, mitteret. a) Saluta-  
 1423. to postremum Wladislao, Budam rediit, quo  
 varii ex Imperio Principes, & Albertus ge-  
 ner, ex Austria advenerant. Huic Moraviam,  
 ne interea, dum res Legatorum Bohemiæ,  
 nam & ipsi adfuere, cognoscat, defensore  
 careret, in feudum contulit. b) Ac hi qui-  
 dem, Bohemos ad obsequium redituros, pol-  
 licebantur, si Rex, data erratorum venia,  
 efficeret, ut religionis capita, in quibus  
 a ceteris dissentiebant, rursus in consultatio-  
 nem venirent. Verum simulate hæc omnia,  
 nec tam concordiae ineundæ causa, quam ut  
 tempus, ad augendos belli apparatus, nan-  
 ciscerentur, eos egisse, ex eventu patuit. c)

Nondum Principes Buda discefferant,  
 1424. cum regi nunciatum est, Manuelem Impera-  
 torem, qui se venturum jam ante significave-  
 rat, non longe abesse, cui obviam medio  
 stadio profectus, Budamque deducto, hono-  
 res dignitati pares exhibuit. d) Fœdus com-  
 mu-

a) Windeck. c. 112. *Also wart ein eynung ge-  
 macht, zwischen den beyden Konigen auf ir  
 beider Lebetage also das der Konig von Bo-  
 hant uf die Hussen dem Konig Sigmund zu hül-  
 fe komen solte mit 30. tausent manen auf sant  
 Jakobstage,*

b) Dobner monument, Tom. IV. pag. 414.

c) Windeck c. 114.

d) Idem c. 119. collat. cum c. 23.

mune contra Turcas fanciendum, itineris causa fuit, & videbatur id tempus ipsum suadere, quo Mustapha, cujus supra mentio facta est, Amurathe ad fines Persiæ occupato, arrepta tyrannide, rerum potitus, illum redire volentem, Europa excludere parabat. Sigismundus, re cum suis, inter quos & Despota Serviæ erat; collata, induciis nondum elapsis, ab ineundo fœdere abstinendum, & vires potius Bohemis ad obsequium reducendis adhibendas existimavit. Itaque Imperatorem, post octo hebdomadas, liberaliter habitum, ab se dimisit, quem paulo post Oratores ab Amurathe consequuti, inducias, oblati ex Asia ditissimis muneribus, prorogari petebant, quas in biennium eo facilius impetrarunt, quo magis, conciliata inter Pragenfes, & Taboritas concordia, Moraviæ, quam Ziska in prædam destinabat, periculum imminabat. a) Ut hominem propositi sui tenacem; & in hoc exequendo semper celerem præveniret, Stephanum, & Georgium, Rozgonios, cum parte copiarum in Moraviam properare, & Alberto Duci Austriæ, suppetias ferre jussit, qui, aliquot urbibus expugnatis, dum Ziskæ obviam pergunt, hic peste correptus, magno Taboritarum luctu, exstinctus est. b) Locum illius, *Coributus* occupa-

Q 4 re.

a) Windeck ibid. & hist. Turc. Becattini pag. 86.

b) Aen. Sylvius l. cit. c. 44. — 47. & litt. régis an. 1430. apud Pray Part. II. pag. 288.

- 1424.** re volens, e Polonia reversus, subsidiarias copias adduxit. Factum hominis Wladislaus graviter ferens, ne causa violati fœderis in se redundaret, Sigismundo quinque equitum millia in auxilium misit, *a)* cum alias triginta pollicitus esset. Sed, cum hic numerus, ad refrænandos Hufsitæ, regi exiguus videretur, Viennam, quo Imperii Principes ad conventum exciverat, sequente anno profectus est, ut cum iis de apparatu in bellum Hufsiticum consultaret. Præter complures
- 1425.** Principes aderant quoque nuncii urbium Imperii frequenti numero, at, cum Rhenani Electores abessent, indicto Norimbergam alio conventu, nihil tum confici potuit, & Sigismundum, præter expectationem, Turcæ in Hungariam revocarunt, qui, violatis induciis, facta in Valachiam irruptione, *Danum*, provinciæ Vajvodam, captivum abduxerant, cum Amurathes interea Constantinopolim ex parte continentis obsideret, quam tamen, quod classe destitutus esset, & Joannes Palæologus, qui patri Manueli successerat, urbem acriter defenderet, solvere coactus, deductas copias Thessaliæ, & Albanix infudit, imperatoque urbibus utrobique captis tributo, bellum, ad seditionem opprimendam, in Asiam traduxit *b)*

Tam

*a)* Dlugos. l. 11.

*b)* Windeck, c. 127. — 137. Becattini hist. Turc. pag. 89.

Tam assidua, qua Amurathes usus est, armorum fortuna, vicinos Principes, in primis Stephanum Serviae Despotam, admonuit, ut rebus suis mature consuleret, qui cum sæpe morbo laboraret, nec hæredem hactenus ex Contacusena sustulisset, de successore, qui Turcis obistere posset, anxius, Sigismundum orabat, ut Georgium, ex sorore nepotem, non solum Hungariæ Baronibus accensere, a) sed suum quoque hæredem, jure successionis ad legitimos ejusdem filios traducto, renunciare vellet, b) Non abnuit Rex, præfer-

a) Litt. regis an. 1426. dat. in Thata. *Insuper fidelem nostrum Magnificum Georgium Wuk, filium Branck, nepotem utpote suum, in cætum & consortium, dictorum ejusdem regni nostri Hung. Baronum aggregare, instanti prece, a nostra obtinuit majestate. &c.*

b) Ibid. *Volentes ex singulari majestatis nostræ benevolentia, eidem Stephano Despotæ, in ipso regno Rasciæ, de suo sanguine facere successorem, animo deliberato, & ex certa majestatis nostræ scientia, Prælatorumque, & Baronum nostrorum ad id accedente consilio præmaturo, eundem Georgium, filium Wuk, & suos masculinos hæredes legitimos, ejusdem Stephani Despotæ instituimus successores, & præficimus in hæredes, eisdemque, Georgio, & suis masculinis hæredibus legitimis, casu quo*



1426.

sertim, quod militarem Georgii indolem jam ante cognitam habuerit, & omnium maxime idoneus, propulsandis Turcis videretur, ea tamen conditione, ut tam ipse, quam ejus hæredes, quoties id reges Hungariæ poscerent, toties omnibus viribus contra hostes, qui Serviam, eique vicinas ditiones, invaderent, præsto esset: a) si vero illum absque legi-

---

*quo memoratum Stephanum Despotam absque hæredibus masculini sexus, ex hac luce migrare contigerit, jam dictum regnum, omniaque, & singula jura, & jurisdictiones ejusdem dedimus &c.*

e) Litt. regis an. 1426. cit. *Ita videlicet, quod ipse Georgius & hæredes sui, nobis, & sacro nostro regio diademati, nostrisque successoribus regibus Hung. fideles semper, & obedientes esse, mandatisque nostris, & eorundem nostrorum successorum incunctanter obedire — debeat, & teneatur. Volumus insuper, quod, dum & quando imminente necessitate, Majestas nostra, aut successores nostri, dictum Georgium, aut suos hæredes, ad hoc requisiverint, ex tunc ipse & eorum quilibet, in partibus sibi, & dicto regno Rasciæ vicinis, cum tota potentia, & gentibus suis exercitualibus, juxta possibilitatis eorum exigentiam, nobis, & coronæ, ac regno, nostris prædictis toties quoties necesse, & opportunum fuerit, semper, & ubique fideles exhibeant famulatus.*

legitimo hærede mori contigerit, Servia rursum ad jus regum Hungariæ redeat, a) & 1426.  
ut hominem magis in officio contineret, præcipua castra, quæ ad hostes arcendos, & si opus erat, ad vim quoque inferendam, situ ipso comparata erant, sibi, suisque successoribus, regibus Hungariæ, servata voluit. b)

XIV. Interea Ordines Imperii, decreta Francofurti contra Hussitas expeditione, semel, iterumque copias in Bohemiam duxerant, totiesque clade accepta redierunt. Causa infelicitis exitus Sigismundo attributa fuit, qui per id tempus partim in Transsilvania, c) par-

a) Ibid. *Eo specifico declarato, quod in casu, in quo ipsum Georgium sine hæredibus masculinis decedere contingat, ex tunc omnia prædicta, per nostram majestatem eidem data, & collata, iterum ad majestatem nostram, coronamque, & regnum nostrum, integraliter redundant, & devolvantur,*

b) Præter Belgradum exempta erant, sed quorum nomina fere exoleverunt, sequentia castra, cit, litt. comprehensa: *Tysznicza, Ozatz, Zakol, Polanch, Broddr, Zomzédyár, Halap, Machow, Bythwa, Felsőwabna, Abna, Neprychow, Columbara, Belascna, Fub, & Tham lawamelek.*

c) Litt. regis an. 1427. fer. 2. prox post Dominic. *Quasi modo geniti,* in Szentgyörgy, apud Katona Tom. XII. pag. 476.

1428. 

---

partim in Valachia a) agebat, ut has provincias adversus Amurathis conatus, ad defensionem compararet, qui, domitis rebellibus, ex Asia reversus, castrum columbarum, (*Galambocz*) a Serviæ Despota, depacto precio, magis extorsit, quam emit, idque pro statione, ex qua, in quamcunque vellet partem, arma circumferret, defixit. Stephanus Rex Bosniæ tam vicino hoste territus, Hermannum Ciliæ Comitem & Sclavoniæ Banum, qui ei cognatione junctus, ex finitima provincia auxilio esse poterat, si ipse legitimo filio careret, Bosniæ hæredem scripsit. b) Nec Sigismundus, ut hostem a Danubio removeret, diu moratus, ducto in Serviam exercitu, castrum columbarum, mense Majo obsedit. c) Verum Amurathes, opinione celerius, obsessis succurrit, regemque in alteram Danubii ripam recedere coegit; peneque erat, ut in manus hostium incideret, nisi

---

a) Litt. regis dat. in *Ribnic* an. eod. 22. Jul. in Lusatia super diplomat. continuat. pag. 6.

b) Litt. Stephani reg. Bosniæ dat. in *Bobowetz* an 1427. d. 2. Sept. apud Pray Par. II, pag. 293.

c) In hist. Norimberg. diplomat. Period. 2. pag. 544. exstant. litt. regis an. 1428. d. 5. Maji, quibus urbi Norimbergen. privilegium *de non evocando*, tribuit, dat. in exercit. ad castrum Columbar.

si virtute Stephani Rozgonii servatus fuisset. *a)* Hic aliquamdiu hostem observans, 1428.  
 Sismanni Bulgariæ quondam Imperatoris filium, ad se perfugientem, in clientelam recepit, eique in provincia Themensi amplios fundos tribuit, ex quibus dignitatem suam tueretur. *b)* Inde, cum Amurathes bellum 1429.  
 in Moream transferret, eique res deinceps cum Venetis futura esset, Budam reversus, ac mox Posonium concedens, in spem erigebatur, fore, ut Bohemi saniora tandem consilia admittant, quorum Legati, inter quos Mainhardus de Novadomo præcipuus erat, Posonium venerant, ut cum rege de ineunda pace agerent. Aderant quoque, præter Albertum Ducem Austriæ, aliquot Silesiæ Principes, & præcipui ex Hungariæ optimatibus. Arbitrium, consensu omnium, quatuor Bohemiæ Magnatibus, tam Pragensium, quam Orphanorum parti addictis, delatum, qui, cum conditiones, quibus Sigismundum, regem Bohemiæ declarari cupiebant, constituissent, Taboritæ, quorum intererat, ut bellum, ad agendas prædas, duceretur, obstitere. Sigismundus, videns nihil jam pacati a Bohemis ob partium studia sperari posse, conventum Imperialibus Posonium indixit,  
 in

---

*a)* Litt. regis an. 1436. apud Pray Part. II. pag. 295.

*b)* Ejusd. litt. an. 1428. dat. in Földvár.

1429. in quo primum de restituenda quiete in Germania, tum de expeditione rursus in Bohemiam suscipienda, tractaretur. Convenerunt ad Calendas Decembres, & quinta ejusdem mensis initium conventui factum; internuncii, qui regis mandata ad Electores perferrent, Zagrabiensis, & Pataviensis, Episcopi, cum regni Palatino, Nicolao de Gara, fuere. Sed in ipso congressus initio, illa difficultas obmota, quod non omnes Electores adessent, ac ideo Norimbergam, qua omnes convenire possent, pro Comitibus designandam videri. Rex importuna mora offensus, frustra Norimbergam, ajebat, obtendi, in qua ante septennium tempus diu trivisset, cum hostes interea suis ditioribus vastitatem inferrent, se alioqui dignitatis Imperialis, quæ sibi hactenus damno fuerit, jam pertæsum, ac, cum morbis crebro laboret, constitutum habere, ut se hæc abdicet, satis sibi ceteroquin ad suam dignitatem tuendam, præsidii in Hungaria esse. Qua denunciatione moti, expeditionem contra Bohemos, & conventum Norimbergam, in sequentem annum ad XIX. Martii decrevere. a)

1430. Bohemiarum, quæ Posonii decreta erant, non ignari, sua interesse putabant, ut prius, quam Imperiales expeditioni se parent, ipsi,  
COR-

a) Windeck, c. 116. & 117. Becattini histor. Turc. pag. 195.

corruptis armis, eos præveniant. Habita  
 ergo ipsis Calendis Januarii deliberatione, 1430.  
 cum LXX. pugnatorum millibus, Misniam,  
 Saxoniam, Franconiam, & partem inferioris  
 Bavariae pervagati, actis spoliis, & ex-  
 torta a plerisque collecta incendiaria, divi-  
 tes rediere. Mox indulta tantisper quiete,  
 in Hungariam effusi, eam, quæ inter Poso-  
 nium, & Tirnaviam est, plagam fœde vastab-  
 ant. Ultra grassari volentes, Stiborius cum  
 Mathisio prohibuit, sed ab hoc in pugna per-  
 fide desertus, tam inauspicato cum iis con-  
 gressus est, ut amissis suorum sex millibus,  
 inferior excederet. Nec Hulsitis incruentum  
 prælium fuit, desideratis duobus millibus,  
 ne ab Hungaris, quos cum novis supplemen-  
 tis affuturos rumor erat, opprimerentur, in  
 Moraviam reversi sunt. a) Sub hæc tempus  
 conventui præstitutum, propter incursiones  
 Hulsitarum ad Septembrem prorogari oportuit,  
 quo Sigismundus primum Norimbergam  
 venerat, quamquam ne tunc quidem,  
 quod pauci adessent, quidquam de bello Huf-  
 litico agi potuerit.

Advenerant illo etiam nuntii ex Vala-  
 chia missi, qui *Danum*, provinciae Vajvodarum,  
 obiisse referebant, atque ut defuncto alium  
 sus-

---

a) Windeck c. 170. Aen. Sylv. l. cit. c. 48. Chron.  
 Sclavo. apud Lindenbrog pag. 214. Balbin epit.  
 l. 4. c. 11. & Miscell. Dec. 1. l. 4. §. 110.

1430.

fuſſiceret, orabant. Habuit ſecum, diu in aula educatum, *Myrzam*, Pancratii Vajvodæ quondam Valachiæ filium, hunc, quod in ejus fide plurimum reponeret, clava, quod gentis illius more ſignum poteſtatis erat, donatum, & in ordinem Draconis cooptatum, Valachiæ, exacto prius fidelitatis juramento, præfecit. *a)* Agebat quoque cum Alexandro, Duce Lithuanix, de conferenda ei regia dignitate, & jam Legatos, qui coronam, & reliqua regix poteſtatis inſignia eidem perferrent, deſignaverat, cum Wladislaus, re mature comperta, in Lithuaniam profectus, fratrem, ut ab hoc propoſito deſiſteret, permovit. *b)* Accepta hac repulſa, cum rursus de expeditione in Bohemiam decernenda deliberaretur, Fridericus Brandenburgicus maluit, rem Huſſitarum convocato iterum concilio, quam armis, quæ fruſtra hactenus ſuſcepta fuiſſent, tranſigi, miſitque propterea Legatum ſuum ad Martinum V. qui, propoſito religioſis periculo, id ei perſuadere conaretur. Arduum id viſum Pontifici, verebatur enim, ne invidioſa, & prorsus inutilis, magisque ad perturbandam, quam pacandam Eccleſiam inſtituta quæſtio, utrum Pontifex Concilio, an hoc illi auctoritate præſtet, rursus nullo rei publicæ fructu ſuſcigaretur.

Ce-

---

*a)* Windeck c. 173. & 174.

*b)* Idem ibid. & Dlugofs. l. 11.

Ceterum, id se facturum Legato respondit, quod rei Christianæ maxime opportunum esset. *a)*

Dimisso illo, & re secum in utramvis partem librata, cruciatorum expeditionem in Bohemos, qui religioni non minus, quam juri regio Sigismundi, adversabantur, XI. Januarii promulgavit, *b)* mox tamen, ne quidquam prætermisisset videretur, quod ad pacandos refractarios faceret, edita calendis Februarii altera bulla, Concilium Basileam indixit, & Julianum Cæsarinum, Cardinalem sancti Angeli, qui ei præesset, constituit. *c)* Verum hanc Pontificis destinationem, mors illius, quæ vicesimo post die consequuta est, fere nullam reddidit. Eugenius enim IV. natione Venetus, qui III. Martii ei successerat, etsi Basileam pro Concilio designatam, primum ratam habuerit, postea tamen Bononiam, tum Senas præferre maluit, quo cum Bohemi, qui ab Italia abhorrebant, vix venturi viderentur, Sigismundo spes conciliationis propemodum succisa erat, nisi Ordines Imperii communibus suffragiis expeditionem in illos decrevissent, quæ ut meliore,

---

1431.

---

*a)* Cochläus hist. Huf. l. 6. ad an. 1430.

*b)* Raynaldus ad hunc an.

*c)* Harduini Acta Concilior. Tom. VIII. pag. 1111. Cherubini Bullar. Tom. I. pag. 314.



liore, quam ante, fortuna fusciperetur, quantum cuius militiæ, & æris in hanc conferendum, quo tempore movendum, quis ordo expeditionis, &, quæ, si a quo peccatum esset, iudicii militaris ratio habenda esset, constitutum. a)

His unanimi consensu decretis, Principes domum reversi sunt, ut, quæ expeditioni necessaria erant, maturarent. Sigismundus vero, si hæc ex sententia cederet, bellum Venetis quoque cogitans inferre, Amadeum Sabaudicæ Ducem gravibus litteris admonuit, ut, si cum iis fœdere colligatus esset, huic, nisi læsæ maiestatis crimine notari velit, omnino renunciaret, nec enim æquum esse, ut ipse, Imperii feudatarius, cum illis, qui ob ereptas Lombardiæ urbes, Paduam, Vicentiam, Veronam, Brixiam, & Bergamum, hostes Imperii essent, amicitiam deinceps colat. b) Eadem de causa, Legatos ad Philippum Angelum Mediolani Ducem destinabat, cum spes improvise affulset, Bohemos, qui religionis causa inter se dissidebant, ad amplectendam pacem adduci sine armis posse. Usus est occasione, & cum Electore Brandenburgico,

a) Windeck c. 177. Æn. Sylvius l. cit. c. 48: Hist. Norimb. Par. II. pag. 575.

b) Æn. Sylv. cit. l. & c. Balbinus epit. l. 4. c. 11. & Chron. Bartolsii apud Dobner. monument. ined. Tom. I. pag. 166. ad hunc an.

co, ac Herbipolensi Episcopo, Egram, ut vicini<sup>or</sup> esset, se conferens, nuncios Pragm<sup>am</sup> misit, qui rei periculum caperent. Pragenses, Taboritæ, & ipse etiam Procopius magnus, non alieni a conciliatione erant, soli resistebant Orphani, illi tamen his auctoritate, & numero prævalebant. Quatuor igitur ex suis delegerant, qui cum rege tractarent. Aliquot hebdomadæ effluxerant, quin aliquid transigi potuerit, sive illi plura postulabant, quam Rex concedenda putabat, sive, quod vero similis est, cognito armorum apparatu, qui adversum se in Germania fiebat, dolo se circumduci suspicarentur. Abrupta igitur tractatione, domum rediere, & Sigismundus Norimbergam reversus, nova mandata ad Imperiales dedit, ut expeditionem accelerent, & copiæ, si non citius, certe ad XXIV. Junii conducto loco adessent. a)

XV. Lentius tamen omnia, quam oportuit, fiebant, & Rex itineris Romani causa sollicitus, Legatos jam ante designatos Mediolanum misit, data eis potestate, ut cum Duce, primum de ineunda contra Venetos armorum societate, tum de via Romam secure peragenda, secundum data sibi mandata, paciscerentur. b) Accepti sunt liberali-

R 2

ter

a) Æn. Sylvius l. cit. & c.

b) Du Mont, corps diplom, apud Pray Part. II. pag. 302.

1431. ter, & habita cum Brunovio, Ducis vicario, deliberatione, in hæc tandem capita coaluere, a) bello in Venetos decreto, utraque pars vires omnes in id conferet, neutri alteram, eo durante, fas sit deferere, multo minus autem cum hostie, inscia altera, quæcunque spes faciendi lucri, commodive offerretur, seorsim pacisci, sed, si pax firma, stabilisque confici posse videretur, hæc concordia paciscentium voluntate fiat. Præterea, si Rex Romam seu mari, seu terra, ire volet, Dux naves, commeatum securitatis, & quamdiu in Italia moratus fuerit, quovis mense, quinque aureorum millia, eidem præbebit, interea autem Genua, & urbs Astensis, velut pignus datæ fidei, in potestate regis erunt. Hæc publicis tabulis consignata erant, privatim autem, ut vires Venetorum sensim succiderentur, & his successis, via deinceps regi, & successoribus, ad Venetos Dalmatia penitus eliminandos, pronior esset, in id quoque Legati operam conferebant, ut mercatus aromatum, ex quo illi immensas hactenus divitias corraferant, ad Genuenses, & per hos in Germaniam derivaretur, monstrata etiam facili ratione, qua huiusmodi merces ad Rhenum, & hinc secundo Danubio per Germaniam in Hungariam, & vicina regna perferri possent, regem propterea vehementer

---

a) Ibid. apud eund. Part. II. pag. 303.

menter optare, ut mercatores Germanos, qui Venetiis degebant, Genuam traduci pateretur. Etſi Dux, proprii etiam lucri cauſa, hoc genus mercimonii Genuam traduci cuperet, ſedem tamen ſtabilem in ea Germanis præbere noluit, veritus, ne per hos regi, futuro Imperatori, traderetur. a)

Principes Imperii interea nonaginta militum millia collegerant, univerſis Dux datus eſt Fridericus Elector Brandenburgicus, ratio autem gerendi belli hæc inita, ut, dum ipſi per Byrutinum Ducatum Bohemiam ingreſſi fuerint, Albertus Dux Auſtriæ, hoſtem ex Moravia diſtraheret. Sed vix hoſticum

R 3

in-

- a) Sigismundi vita Ms. coævi auctoris, in biblioth. Vaticana, Cod. 3887. fol. 60. *Aliquando contra Venetos irritatus, prohibere ſtatuerat, ne ullæ ſpecies, ſeu aromata Venetorum, in Allemanniam tranſirent, quia tamen Teutonici carere aromatibus non poterant, ordinaverat, duas vias eſſe aromatibus; nam Rhenum & Allemanniam ſuperiorem, per Janueſes fulciri voluerat, Auſtriam vero, Hungariam, Bohemiam per Danubium fulciri mandarat, mercatoresque omnes Teutonicos, qui Venetiis erant, transferre Januam decreverat, ſed Philippus, Mediolani Dux, rem impedivit, non, quod Venetis conſuleret, ſed, quod Teutonicos Januæ ſtantes, ſuſpectos habuerit, ne traderent urbem Imperatori,*

1431. ingressi erant, cum Principes, ortis inter se disidiis, reditum, ne viso quidem hoste, parabant. Hinc metus in milites propagatus, quos etsi quidem Julianus Cardinalis erigere niteretur, appropinquante tamen cum Bohemis Procopio, terrore panico correpti, fugam omnes circumspiciebant, ut adeo Bohemis insequentibus nihil reliquum fuerit, quam ut palantes cæderent. Undecim mille in fuga cæsi, septingenti capti, centum quinquaginta tormenta, & ducenti quadraginta currus onerarii, cum apparatu castrensi in prædam venerunt. Albertus, cognita Imperialium fuga, obsidionem Pribislaviensem solvit, & quingentis pagis igne crematis, Viennam rediit. Hufsitæ, qui nihil a Germanis jam metuendum habebant, incruenta victoria tumidi, pars Austriam, pars altera Hungariam invaserant, sed utrobique, in Austria quidem ab Alberto ad *Kirchhofium*, in Hungaria autem ad *Ilavam* a Nicolao Rozgonio interne-  
eione deleti sunt, Procopio parvo cum paucis per saltus Trenchinienfes, ægre Hunnobrodum elapso *a)*

Sigismundus toties jam expertus, frustra Bohemos armis cogi posse, alia ratione inita,  
lit.

---

*a)* Windeck c. 178. & sequ. Æn. Sylvius l. cit. c. 48. annal. Clarævall. apud Linck Tom. II. pag. 104. Chron. Austr. apud Pez script. rer. Austr. Tom. II. pag. 853.

litteras in fine Augusti ad eos dederat, quibus facta conciliationis spe, auctor illis fuit, 1431.  
 ut Legatos suos ad Concilium Basileam mitterent, sed parum officioso responso ab illis accepto, in Germania aliquamdiu moratus, postquam litteris sibi a Pontifice redditus, certior factus est, se eo honore, qui nulli hactenus Imperatorum obtigisset, Romæ accipiendum esse, itineri Italico se accinxit, & Mediolanum XXII. Novembris veniens, ab Archiepiscopo in basilica S. Ambrosii, ferrea regni Italiæ corona incinctus est. Ceterum itineri huic & illa causa suberat, ut plures Italiæ Principes in communionem armorum contra Venetos pertraheret, ex quibus Sabaudia Dux, & Marchio montis ferrati ad fœdus accedere, ceteros ob privata inter se dissidia, invitare, supervacaneum erat. a)

Exacta Mediolani hyeme, Placentiam ineunte anno profectus, scriptis inde IX. Januarii ad Pontificem litteris, causas, cur

1432.

R 4

Con.

- a) Raynald. ad hunc an. Windeck c. 182. & 184. Bilius hist. Mediolan. apud Murator. script. Ital. Tom. XIX. pag. 156. Vita Eugenii IV. apud eund. Tom. III. Part. II. pag. 869. Ludewig reliqu. Mss. Tom. I. pag. 462. Baluzius Miscell. I. c. 7. pag. 508. Ripamon. histor. Mediol. lib. 4. pag. 604. apud Grævium Thesaur. antiquit. Ital. Tom. II. Part. I.

1432.

Concilium Basileæ potius, quam alibi, mallet continuari, reddidit, ac propterea se Romam citius, quam res Imperii ceteroquin paterentur, venturum, significavit. Pontifex, qui Bononiam Basileæ præferri cupiebat, ita ambigue respondit, ut Rex, quid consilii caperet, incertus redderetur, & cum Florentini præterea, in recens exorto Principum Italiæ dissidio, difficultatem in itinere obmoturi viderentur, infidias sibi strui suspicatus, a) cum DCCC. Hungariæ Nobilibus, quos in comitatu habuit, & DC. Mediolanensium equitibus, Senis constitit, cum Hussitæ interea per regis absentiam, rursus Hungariam cædibus, & rapinis percurfarent, vastitatem ultra Strigonium circumlaturi, nisi, Nobilibus, ad Posonium confluentibus, veriti,

---

a) Litt. regis dat. in urbe Senarum an. 1433. ad Ladislaum de Kanisa. *Verumtamen nunc rebus aliter, & longe durius, ac asperius se habentibus in hac nostra Imperiali Senarum civitate constitutis, propter sacrum Basileense Concilium, domino nostro Apostolico odiosum, cui scilicet Concilio indissolubiliter adhæremus, eodem domino nostro Apostolico, & communitate Florentina, cum qua idem dominus Apostolicus — est colligatus, præfato Concilio, & nobis absque rationabili causa insidiantibus, in extremam necessitatem positi. &c.* ex autogr.

ti, ne reditu excluderentur, mature se periculo subduxissent. a) Senis in annum sequentem moratus, b) mandata Ladislao de Kanisa dederat, ut copias contra Venetos constitutas, proximo Aprili mense, ad se adduceret. c) Quod ubi a Pontifice, Venetorum causa sollicito, cognitum est, similtas utrinque orta, iter, & coronationem Romanam, aliquamdiu prorogavit, donec studio Jacobi Sirckii Trevirensis Canonici, Rex Pontifici conciliatus, d) oratores, Matthæum de Palocz, & Casparum Schlickium in urbem misisset, qui suo nomine, de servandis Romanæ, aliarumque Ecclesiarum immunitatibus,

tum

1433

a) Windeck, c. 187.

b) Litt. regis supra cit. *Dat. in prædicta nostra civitate Senarum ser. 4. prox. ante fest. conversionis B. Pauli Apost. 1433.*

c) Ibid. *Pro rebus nostris Imperialibus regendis, ac pro recuperatione Dalmatiæ, & specialiter pro defensione hujus civitatis Senensis, & suorum territoriorum, gentes nostras venire, & per totum mensem Aprilis proxime affuturi, hic constitui faciemus, hac credulitate de vobis firmiter ducti, quod vos — nedum gentes petitis mittere velitis, sed etiam, si opus sit, personam, & omnia vestra bona, — pro salute — nostræ personæ, quibuslibet fortunæ casibus vos submittendo, exponatis &c.*

d) Hontheim hist. Trevir. Tom. II. pag. 379.



1433. tum iis, quas decessores Imperatores olim Pontificibus fecerant, donationibus firmandis, juramentum ederent. a)

Hos ipse non multo post consequutus, die XXI. Maji Romam ingressus, magnaque populi acclamatione acceptus, ipso die Pentecostes, in basilica Divi Petri ab Eugenio Imperator Romanorum coronatus est. Postridie, pro more decessorum, in publico foro creatis equitibus, & post feuda variis Italiae Principibus collata, hortatu Pontificis, inducias in quinquennium cum Venetis pepigit, qui metu amittendæ Dalmatiæ, omnes sumtus, quos Imperator in urbe, & Italia, fecerat, ac in reditu deinceps facturum esset, libenter se numeraturos promiserant. b) Sigismundus, redintegrata utcumque cum Venetis amicitia, & salutato postremum Eugenio, Roma digressus, Basileam, quam Pontifex, ab Imperatore persuasus, pro sede Concilii ratam quoque habuit, mense Octobri reversus est. c)

Hic primum de *Myrzæ Vajvodæ*, quem non ita pridem Valachiæ præfecerat, perfidia, & clade Cruciferis a Turcis illata comperit.

---

a) Forma juramenti exstat apud Labbe collect. reg. Concilior. Tom. XXX. in append. pag. 819. & apud Pray Part. II. pag. 308.

b) Windeck, c. 188. & 193.

c) Idem ibid.

perit. Collocaverat hos in ea parte Serviae, qua Belgradi ager in meridiem vergit, ut eam, se absente, contra Turcarum incursiones tuerentur. Amurathes, qui illos, velut repagulum, suis progressionibus oppositos intuebatur, molestos hospites bello aggredi statuit, a rege Poloniae, ut ferebatur, & Hussitis subornatus, sed cum virtutem militarem eorum vereretur, Myrza in societatem armorum vocato, adortus, etsi rem fortissime gererent, interneccione delevit. *a)* Myrzæ perfidiam imitatus Moldaviae Vajvoda, Elias, in clientelam regis Poloniae concessit, *b)* non tam quod ei jus in eam provinciam competere agnosceret, quam ut sibi contra æmulos Stephanum, & Alexandrum, qui se eodem tempore Vajvodas Moldaviae ferebant, auxilio esset. *c)* Hussitæ quæque, cum domi jam nihil esset, quod raperent, in montanas Hungariae urbes effusi, expilato Cremnicio, prius in Bohemiam reversi sunt, quam eis opulenta auri. argentique præda excuti pos-

---

*a)* Idem c. 195.

*b)* Dogiel. Cod. dipl. Pol. Tom. I. pag. 601.

*c)* Idem ibid. Uterque enim, ut Elias, homagium regi Wladislao præstiterant. Tres igitur Moldavia non tam Vajvodas, quam usurpatores habuit, cum nullus eorum a Sigismundo, penes quem jus erat, illos statuendi, vel destituendi, confirmatus fuerit.

posset. a) Tot cladibus, & damnis continenter acceptis, Sigismundus fere spem posuerat, Bohemiæ unquam ad obsequium reducendæ, cum præter expectationem sequente anno, dum Ulmæ agebat, nuncium ei allatum est, Nobiles Bohemiæ, unitis viribus arma sumisse, insignique victoria, cæsis magnam partem Taboritis, & Orphanis, inter quos uterque Procopius, præcipua illorum fulcra, erant, potitos fuisse. b) Ex felici hoc pugnae eventu, quem Patribus Concilii confestim significaverat, missis etiam literis ex Bohemia acceptis, quæ testes victoriæ essent, animum resumens, Ulma relicta, secundo Danubio Ratisbonam, & hinc, postquam a Legatis Bohemiæ salutatus fuisset, in Hungariam post quatuor fere annorum absentiam, reversus, Pofonii, ut Bohemiæ vicinior esset, substitit, ubi ab regni Optimatibus splendidissima munera, quæ dignitatem Imperatoriam decerent, grato animo accepit. c)

XVI. Pofonii aliquamdiu ex itinere respirans, regni Ordinibus Comitia indixit, ut, si quam labem res publica per sui absentiam for-

---

a) Chron. Bartolsii apud Dobner monument. Tom. I. pag. 179.

b) Aen. Sylv. l. cit. c. 50.

c) Windeck c. 204. & 205. item Pray Part. II. pag. 312.

forte accepisset, huic reparandæ, communi 1435.  
 cum iis opera, medelam poneret. Multa  
 enim interea, quod fere in crebris hostium  
 incursionibus evenire solet, irreplisse compe-  
 rit, quæ ob neglectam legum custodiam, &  
 contemptum, variis damnis, & injuriis occa-  
 sionem præbuerant. His itaque in commu-  
 nem deliberationem adductis, postquam Or-  
 dinum sententias audivisset, quatuor & vigin-  
 ti sanctionum capita vulgavit. Præcipua hæc  
 erant: neminem deinceps in Judicium nume-  
 ro futurum, nisi regi, vel quem is sui loco  
 constituerit, jurejurando promittat, se in fe-  
 renda sententia, nec favoris, nec odii ratio-  
 nem habiturum, forma item præscripta, qua  
 juramentum posthac ederent; constituti etiam  
 jurisdictionis limites, intra quos si lis decer-  
 ni non posset, sententiam Curia regia ferret:  
 bona per vim ablata, possessoribus suis in-  
 solidum restituantur: modus captivandi limi-  
 tatus, mulctæ pecuniariæ, & precium pro  
 litteris, quæ in Tribunalibus obtinere solent,  
 redimendis, defixum, ultra quod nefas esset  
 egredi, exactiones tributorum, & vectiga-  
 lium ita temperatæ, ut nec ærario regis da-  
 mno, nec populo oneri essent. Ecclesiarum  
 res, & bona nemini, injussu regio, liceat oc-  
 cupare. Si de bonis eorum, qui sine mare  
 hærede decedunt, utrum ad regem, an ad  
 consanguineos pertineant, controversia fuerit,  
 hæc curæ Nobilis, fortunæ mediocris, non

**1435.** ~~\_\_\_\_\_~~ autem ex Baronum numero, vel potentiori ex equestri ordine, ob interversionis periculum, eousque credantur, donec, ad quem pertineant, de jure constet, alioquin ad fiscum regium devolvantur, defunctorum tamen uxoribus de dote, & jure paraphernalium caveatur, filiae autem, secundum leges ex quadrante hæredes sint. Infideles regi, & regno, latrones quoque, ac fures publice proscriptos, nemo ausit hospitio accipere, & retinere, illis tamen in castris finitimis regni liceat morari, dum veniam delictorum obtineant. *a)*

Soluto conventu, Budam profectus, cum muneris sui, ex instituto regiae dignitatis, esset, ut sibi subjectos non minus contra externos, quam intestinos, hostes tueretur, & ab horum injuriis defenderet, id autem, nisi vires in promptu sint, nec commode, nec tempori posset fieri, militiam, quæ hactenus nullis certis legibus, sed generatim solum, definita fuerit, condito, ad eum modum, quo in Imperio *matriculam* instituerat, *regeſto militari*, *b)* ita

---

*a)* Exstat in Cod. jur. patr. Tom. I. pag. 191 & dicitur ordine quintum, cum ex ratione dati, in festo *B. Gregorii Papæ*, id est 12. Martii sextum dici, & sextum, dici quintum debuerit, alterique præponi.

*b)* Ab hoc tempore videntur *Banderia* certo militum munero definita esse, quod ex *Regeſto*,  
nam

ita coordinari voluit, ut, hoste ingruente, cuivis conflaret, quot quisque milites, ratione ex colonorum numero & amplitudine fundorum, desumpta, sub signis habere debeat. Secundum hanc igitur normam, Prælati, & Baronibus regni mandatum, ut ex triginta tribus colonis, unum probe armis instructum equitem statuunt, qui his pauciores colonos haberent, ceteris ita adnumerari jussi sunt, ut ex centum, tres militiæ adscribantur, ne autem fraus subrepat, Judex Nobilium cujusvis Comitatus colonos universe in numero habeat, eorumque elencum, ut justus delectus fieri possit, ad Comitum Parochianum deferet. Nobiles, qui possessionibus carent, viritim in bellum proficiscuntur: si bona inter fratres nondum essent divisa, unus dumtaxat ex his nomen militiæ dabit. Ex his, & castrensibus *jobagionibus*, a) exercitus conflatus, quocunque regni periculum vocabat, sub vexillo regio proficisci debuit, in ipsa autem protectione, rerum precia, secundum provinciæ, per quam eundum erat, ubertatem constituta, nihil gratuito, præter pabulationem, & ligna, præbitum, a quocunque incolis damnum fuisset illatum, id judicio Comitum provinciæ compen-

---

nam id alicubi exflare audio, facile cognosci posset. Conf. Notit. præv. §. 23.

a) Conf. Notit. præv. cit. §. 23.

1435. pensandum erat: qui militiam subterfugeret, aut non adesset conducto tempore, vel clam se ex castris subduceret, non habita conditionis ratione bona amisit. a)

Interea, dum Sigismundus in coordinanda domi re militari, iisque, quæ vitium, se absente, in re publica acceperant, consanandis, operam impendit, Legati Bohemiæ, qui illum Ratisbonæ salutaverant, ad suos reversi, Magnates Catholicos, qui ceteroquin regiæ dignitatis semper studiosi erant, pronos ad conciliationem reperere. Nec Calixtini alieni fuere, modo sacerdotes utriusque partis, inter se primum concordēs fierent. E re igitur omnibus visum, ut habito conventu, cui & illi interessent, de conditionibus, quas Sigismundo vellent proponere, communiter deliberaretur. Opportune ab hoc Legati advenere, quos postquam ipse cum Alberto genero, paulo post Brunam consequutus fuisset, oratores a conventu missos, obviam habuit. Ex quibus Meinhardus de Novadomo, Optimatum, & equestri ordinis, Joannes Rochyzana vero, sacerdotum, nomine, conciliationis capita ei offerebant, quibus si assensum præberet, regem ab omnibus agnitum iri, pollicebantur. Sigismundus, re diligenter perpensa, etsi quædam ex his duriuscula viderentur, non abnuvit quidem, sed

a) Cod. jur. patr. Tom. 1. pag. 89.

sed, cum lis de bonis Ecclesiasticis, quæ 1435.  
 diffensionis tempore direpta erant, discepta-  
 tioque esset orta, rem ad Concilium, indeque  
 accepto responso, rursus conventum haberi,  
 &, quæ statuissent, ad se referri, iussit. Dila-  
 ta in hunc modum potius, quam sublata diffi-  
 cultate, oratores, quibus Casparum Schlic-  
 kium, ipsum quoque Bohemum, ob insignem  
 animos versandi peritiam, adjunxerat, Pra-  
 gam, & Imperator Posonium, ac hinc, re-  
 ligionis, qua in divum regem Ladislaum fe-  
 rebatur, contestandæ causa, Varadinum, dis-  
 cessere. Hic commorantem Schlickius, re  
 cum Bohemis feliciter transacta, mense Se-  
 ptembri convenerat, & legatos, eo, quem  
 designaturus esset, loco Praga affuturos, nun-  
 ciavit. *a)*

Lætus hac denunciatione, Albam re- 1436.  
 galem delegit, quo in principio sequentis  
 anni præter Tvardum Bosnia regem, *b)*  
 & præcipuos regni optimates, Legati quo-  
 que Bohemiæ, & Moraviæ, cum Joanne Po-  
 lemario, a Patribus concilii missis, advene-  
 rant, qui de stabilienda cum rege concordia,  
 quod Brunæ coeptum erat, transigerent.

Fa-

---

*a)* Windeck c. 208.

*b)* Ejus litt. dat. Albæ d. 25. Jan. an. 1436.  
 apud Katona Tom. XII. pag. 735. ex quibus  
 patet, Bosniam Sigismundo subjectam fuisse.



1436.

Facilem se illis præbuit, & præter quatuor *Pragenfes articulos*, per Legatos Concilii jam ante confirmatos, qui rationes *communione sub utraque specie* complectuntur, promiserat quoque se facturum, ne exteris beneficia in Bohemia, & Moravia deinceps conferret, nemo item ad dicendam causam extra regnum ire cogatur; jura Archiepiscoporum Pragensium illibata manerent, quos, uti ejus quoque suffraganeos, eligendi arbitrium, penes regni Ordines, Clerum Pragensem, ceterasque urbes Episcopales esset, se præterea conaturum, ut quisque in sua dignitate sine impensis, judicio Romano confirmetur. Hæc VIII. Idus Januarii in tabulas relata, quæ biduo post novis rursus editis litteris, si Concilium rata habuerit, se servaturum, utque alii observent, curaturum, pollicitus est. *a)*

Hac voluntatis significatione, & qua usus est familiari in omnes benevolentia, tum distributis inter Bohemos LX. aureorum milibus, ita sibi omnium animos devinxit, ut acceleratis Pragæ itineribus, re cum suis communicata, Iglaviam conventum indicerent, in quo pactiones solemni ritu utrinque firmarentur. Nec Sigismundus constitutis domibus, diu moratus, Posonium mense Majo, in-

---

*a)* Leibnitz mantifs. Cod. jur. gentium Par. II. item Ludevig reliqu. Mss. Tom. IV. pag. 306. & Pray Part. II. pag. 317. & 319.

inde Viennam ad Albertum, & cum hoc  
 VII. Idus Junii Iglaviam, quo frequentes  
 Bohemi jam confluxerant, advenit. Nec diu  
 Legati a Concilio missi cum Constantienſi  
 Episcopo abſuere. Atque hic rursus auditis  
 Bohemorum postulatis, concordiaque stipula-  
 tionibus firmata, Imperator miro omnium  
 plausu Pragam deductus, & in ejus verba,  
 denuo juratum fuit. a)

1436.

Ne quid autem ad communem ex conci-  
 liatione ortam lætitiā dēſſet, Barbara  
 quoque Imperatoris conjux ſequentē anno  
 ineunte, coronata eſt, maleficiū pro bene-  
 ficio paulum poſt marito redditura. Sigis-  
 mundo, Bohemia poſtliminio recepta, ea  
 imprimis cura fuit, ut inſtauratis judiciis,  
 ærario regio coordinato, religioni quoque Ca-  
 tholicæ priſtinum ſplendorem, & cultum red-  
 deret. Itaque Sacerdotes ſuis Eccleſiis, &  
 monachos ab exilio revocatos clauſtris reſti-  
 tuit, omnibusque, quod Sacerdotiorum bo-  
 na, tot annorum ſeditione, diſſipata eſſent,  
 ut munere ſuo fungi liberius poſſent, ſumtus  
 interea de ſuo præberi juſſit, donec Huſſitæ  
 ipſo tempore mitigati, quæ rapta erant,  
 ſponte, vel jure conventi reddant. Convo-  
 cato dein ad ſe Clero, & Academiæ magi-

1437.

S 2

ſtris,

a) Windeck c. 205. — 208. Æn. Sylv. l. cit. c.  
 52. Chron. Bartoſſii apud Dobner monum. Tom.  
 I. Hagecius annal. Boh. ad an. 1436.

1437.

fris, Latino sermone ad concordiam illos adhortatus est, per illos stare, ut compositis, & suppressis religionum dissidiis, regno firma quies reddatur, tum Mainhardo de nova domo, regni Gubernatore constituto, Egram, quo Imperialibus comitia indixerat, profectus, non multo post, quod Electores Ecclesiastici omnes abessent, rebus fere infectis Pragam rediit. a) Hic lætissimum ex Hungaria nuncium accepit, Hungaros, conferto cum Turcis prælio, cæsis fere quadraginta illorum millibus, & quatuor præcipuis Ducibus, qui postea Pragam adducti sunt, interceptis, insignem victoriam retulisse. b) Hic primum Joannis Hunyadi, qui Belgrado viriliter defenso, Amurathem hac clade affecerat, virtus bellica inclaruit. c)

Inter hæc Rochyzana, spe obtinendi Archiepiscopatus Pragensis dejectus, novis molitionibus priora religionis dissidia, vix sopita, resuscitare coepit. Sigismundus, qui vafri, & turbulenti hominis ingenium, malo suo expertus erat, periculum quidem, eo Praga exacto, mature prævenit, sed mox alio graviore, eoque domestico, nulla sua culpa, involutus est. Barbara, non minus ambitiosa, quam

---

a) Windeck c. 213. & 215.

b) Chron. Bartolsii l. cit. pag. 198.

c) Hist. Turc. la Croix apud Schulcz Par. I. pag. 199.

quam amoribus a) dedita femina, cum videret maritum ob crebros morbos non diu 1437.  
 superstitem futurum, generum cum filia a  
 successione utriusque regni excludere cogita-  
 bat. Rem ut clanculum, ita subdole etiam  
 aggressa, Calixtinos, quos sciebat, marito  
 præcipue inſensos eſſe, variis ſuſpicionibus  
 contra Albertum impleverat: hunc linguæ  
 Bohemicæ ignarum eſſe, nimio etiam religio-  
 nis Catholicæ ſtudio duci, qui, ſi ſemel re-  
 rum potitus fuerit, pacta conventa vix qui-  
 dem ſit ſervaturus, præterea non eos latere,  
 quam inſenſi ſemper Germani Bohemis fue-  
 rint, recentioreſ horum eſſe memoriam,  
 quam ut admoneri debeant, vicinum eſſe  
 Principem Wladislaum, ætate florentem,  
 qui & linguæ Bohemorum peritus, & genti  
 imperet, quæ origine eiſdem conjuncta ſit,  
 cui ſi ipſa in manus conveniret, futurum,  
 ut tria regna conjuncta, Imperio Germanico  
 & amplitudine, & viribus præſtent. b) Hæc  
 mulier jam propemodum vetula. c)

S 3

Non

- 
- a) Hanc quidem Joan. Boemius Differ. Lips.  
 1759. edit. defendere nititur, cœvi tamen,  
 ut Æneas Sylvius, aliiſque contra ſentiunt.
- b) Æn. Sylv. hiſt. Boh. c. 53.
- c) Agebat tunc Wladislaus, cujus nuptias am-  
 biebat, an. ætatis 14. Vid. Jodoc. Decium de  
 Jagellorum familia, apud Piſtorium Tom. II.  
 ſcript Polon. pag. 288.

1437. Non latebant Sigismundum nefaria conjugis consilia, ad quæ intervertenda, etsi vitæ finem non longe abesse, in dies magis persentisceret, Znoimam tamen, quasi filiam postremum visurus, re ipsa autem, ut ei utrumque regnum contra iniquos matris conatus stabiliret, protectionem edixit, quo ut venit, accersito celeriter cum filia Alberto, utrumque adstantibus Hungariæ, & Bohemiæ Proceribus, successores renunciavit, graviter commonitos, ut, si se felices, & regnorum quietem cuperent, in fide utriusque constantes maneant, nec sinant se consiliis suæ conjugis in transversum agi, hanc se jussisse captivam teneri, neque prius illam ut dimitterent, orabat, quam filiæ, ejusque conjugii regnorum possessio stabiliretur. Nemo erat adstantium, qui non fidem dedisset, se omnia secundum ejus mandata facturum. Ad Pragenses autem, quorum auctoritas ad ceteras urbes valebat, auctore Schlickio, qui consiliorum ejus arbiter erat, legationem decrevit; qui hanc obibant, ut ad conventum propterea coactum venire, quæ postrema Imperatoris de filia, & genero Alberto voluntas esset, declararent: Alberto, cum ob virtutes ejus, tum ob vetera pacta, quæ olim inter Bohemiæ reges, & Austriæ Duces, si alterutri sine legitimo mare hærede obirent, de mutua successione intercesserant,

rant, *a)* alioquin jus acquisitum patrocinari, nec posse Elifabetham sine injuria hæreditate privari, quæ cum eidem jam dudum matrimonio juncta sit, utroque jure Bohemiam cum Moravia, ceterisque ad illam ditionibus spectantibus, ad eos pertinere, ostendebant. Catholici nihil adversum obmovere, verum acriter principio Calixtini obstabant, postea tamen, quam intellexissent, reginam, jussu Sigismundi, captivam teneri, paululum de contentione remittentes, non aliter in Albertum se consensuros affirmabant, quam conditiones, quas ei essent proposituri, prius ratas haberet. *b)*

1437.

De his dum illi in conventu deliberant, Sigismundus deficientibus sensim viribus, die IX. Decembris *c)* vitæ finem fecit, *d)* anno regnorum, Romani vicesimo octavo, Hungariæ quinquagesimo primo, & Bohemiæ decimo septimo. Corpus amictu Imperatorio indutum, triduo id spectare volentibus expo-

S 4

situm,

---

*a)* Vide, quæ ad an. 1364. N. X. de his pactis memorata sunt.

*b)* Windeck, c. 213. & 219. *Æn. Sylv.* l. cit. c. 53.

*c)* Hunc diem Jac. Reichwein apud Linck Tom. II. pag. 128. *Æn. Sylv.* l. cit. & Windeck cit. c. 218. perhibent.

*d)* Postremus addit c. 217. ex porrecto veneno obiisse.

1437. situm, tum curru cum vidua Barbara, quo spectaculo pluribus lacrimæ obortæ sunt, impositum, & Polonium devectum est. Hic Proceres Hungariæ, XVII. ejusdem mensis magno numero confluentes, ultimam Sigismundi declarationem, quam dudum publicis litteris, subscriptione nominum, & sigillorum appensione firmatis, de Alberto successore cooptando, ratam habuere, a) denuo confirmarunt, id unum obtestati, ut, si Imperii dignitas ei offerretur, jure jurando promitteret, hanc inconsultis Hungaris se non accepturum, b) quod spe firma tenerentur, quicquid sub decessore, Veneti, & Turcæ ex ditionibus Hungariæ decerpserant, solis Hungariæ, Bohemiæ, & Austriacarum provinciarum viribus, recuperari posse, quo præstito, funus Varadinum, ut testamento constituerat, devectum, & in principe Ecclesia, quam vivens magnis opibus auxerat, c) non longe ab eo, quo Maria, prima conjux,

---

a) Conf. quæ ad an. 1402. & 1421. dicta sunt.

b) Æn. Sylvius hist. Europ. c. 1.

c) Id quidem ex variis Sigismundi litteris certum est, & meminit etiam Olahus in sua Hung. c. 16. & ex hoc verisimiliter Cuspinianus in Cæsaribus, sub Sigismundo. *Ita autem, inquit, auxit opibus hoc templum, ut continuatis diebus, ac noctibus semper laudes Deo immortalī personent Clerici, & Sacerdotes.*

flux, sepulta fuit, tumulo conditum est. a) 1437.  
 Justis funebribus perfolutis, Bohemorum quo-  
 que pars melior, Hungarorum exemplo,  
 Albertum XXVII. ejusdem mensis, regem  
 Bohemiæ renunciarunt. b) Hunc in modum  
 Domus Aufriaca, a Sigismundi obitu, po-  
 tentissima duo regna adepta est.

Erat Sigismundus liberali forma, proce-  
 ro corpore, barba more illius temporis a-  
 mento proluxa, incessu gravis, aspectu ma-  
 jestatis pleno, ut regendis populis natus vi-  
 deretur, eloquio comis & facetus, quo ani-  
 mos in quam vellet partem, facile trahebat:  
 iræ, cum juvenis erat, præcipitis, sed cito  
 placabilis, dum autem senuit, inimicis etiam  
 beneficus. Rogatus aliquando, cur homini,  
 a quo sæpe, & graviter offensus erat, igno-  
 sceret? ut uno hosle, respondit, pauciores ha-  
 beam. c) Linguarum plurium peritus, ut  
 communi cum iis, quibus præerat, sermone  
 posset agere, ita Hungaricam, Germanicam,  
 & Bohemicam ex æquo callebat, Latinam  
 scite loquebatur, Gallice, & Italice, quan-  
 tum tractandis cum utraque gente negotiis,  
 satis esset, ut adeo inter Principes sui tempo-  
 ris eruditus haberetur. Quare doctos viros,  
 etsi inferiore loco, & tenui fortuna natos, ce-  
 teris

---

a) Thurocz Chron. Part. IV. c. 24.

b) Reichwein l. cit.

c) Auctor vitæ Ms. Cod. Vaticani alias jam cit.



1437. teris præferre solebat. a) In delectu eorum, quos in consiliorum partem adsciscebat, non tam vetustatem generis, & splendorem, quam capacitatem mentis, industriam, & fidelitatem præ oculis habuit, b) assentatorum, quos regum pestem appellabat, osor. Religioni apprime deditum fuisse, extinctum diuturnum Ecclesiæ schisma documento est. In tractatione pacis felicior, quam bellis, in quibus gerendis etsi intrepido animo esset, Ducum tamen errore, inferior sæpe excessit. Has dotes, Principe dignas, non pauci nævi obscurabant, in quibus exaggerandis etiam coævi, studio partium ducti, modum videntur

a) Æn. Sylvius de dictis, & factis Alphonsi regis l. 4. n. 19. refert, *Fiscello* Doctori, quem in cætum Nobilium cooptaverat, cum is dubitaret, utrum cum Doctoribus, an Nobilibus in Constantiensi Concilio consideret, & se re ipsa Nobilibus adjunxisset, Sigismundum respondisse: *Stulte agis, qui litteris militiam præfers; nam ego milites mille una die fecerim, Doctorem mille annis non fecerim.*

b) Tales teste Thuroczio Chron. Par. 4. c. 19. fuerunt, Casparus Schlick, Orszagii, Palocii, & Rozgonii, quos humili loco natos, ad dignitates evexit. De his auctor vitæ Ms. cit. in hæc verba: *Charissimi ei fuere Schlick, Orszagius Michael, Matico Banus, atque horum consilio ducebatur, sed magis primo.*

tur excedere. a) Præter vagos mulierum amores, b) qui imperantium exemplo facile in vulgus quoque manant, illud ei vitio datum, quod in plerisque suis actis, lentus esset, quo fiebat, ut occasio rei feliciter gerendæ ei plerumque elaberetur. Multa sæpe, & eodem tempore, animo complexus est, quæ cum inter se diversa jungi non possent, neque vires semper ad ea perficienda suppeterent, plerumque infecta mansere. Hoc modo Dalmatiam pene omnem amiserat. Pecuniæ, quam ex multa Principibus imposita, c) non raro grandem collegerat, vel

a) Inter hos præcipuus est, Joan. Monsterolius, Præpositus Insulanus, apud Durand, & Martene Collect. script. & monument. Tom. II. epist. 71. pag. 1444.

b) Æn. Sylv. in rebus Friderici III. Imp. inter Kulpisii script. vol. rer. Germ, pag. 1450. qui Sigismundum norat, & in ejus aula crebro fuit, ita de illo: *Sæpe in adulterio Sigismundus comprehendit, (Barbaram) sed adulter ignoravit adulteræ: nam & sibi nihil levius, quam violare matrimonia, fuit.*

c) Autor vitæ Ms. Cod. Vatic. cit. *Sigismundus Ludovicum Baviaræ Ducem in magna pecunia mulctavit. Similiter Henricum Baviaræ, qui apud Constantiam vulneravit Ludovicum, Fridericum quoque Austriæ Ducem solva-*

1437. vel quæ ex suis ditionibus peregre agenti, allata fuit, in suos usus retinendæ, adeo parum cupidus, ut sibi nihil relictum vellet, idque sibi commune cum magnis viris esse diceret, a) quin sæpe tam intempestive liberalis, ut hanc profunderet magis, quam expenderet. b) Ex qua prodigalitate factum, ut Marchiam Brandenburgicam, avitam hæreditatis suæ partem, vendere, & amplissima la-

---

*re pecunias coegit. Ob quam rem, cum is ex Italia reverteretur, vestibus suorum Nobilium hunc versum Fridericus inscribi mandavit: Ludovice, Henrice, Friderice! ad pulpitem, quia magister venit.*

- a) Id. ibid. *Hic cum Romæ apud Eugenium esset, tria sunt, inquit, beatissime pater, in quibus discordamus, & rursus, in quibus concordamus, tria: tu mane dormis, ego ante diem surgo, tu aquam bibis, ego vinum, tu mulieres fugis, ego sequor, sed concordamus in his, tu large distribuis thesauros Ecclesiæ, ego nihil mihi reservo, tu malas manus habes, ego malos pedes &c.*
- b) Narrat Aen. Sylv. cit. l. n. 2. allata fuisse Sigismundo 40000. aureorum, cumque noctem insomnem propterea cogeretur agere, vocatis ad se palatinalibus ea distribuit, dicens: *ite, secure, tranquilleque nobis dormire liceat, nam quod mihi somnum ademerat, vobiscum exit.*

latifundia, in Hungaria, & Bohemia oppi-  
 gnorare cogeretur, nisi forte id aliquem ex-  
 cusationi locum det, quod immensam auri 1437.  
 summam in palatium Budense erogarit, quod  
 omnium sui temporis Europæ regum aulas,  
 elegantia, arte, magnificentia, & amplitudi-  
 ne, superasse memoriæ est proditum. a)

---



---

a) Windeck c. 70. & epist. 353. inter Aen. Sylv;  
 epist. apud Pray Par. II. pag. 267.

## ALBERTUS.

*Ab anno 1437. — 1439.*

**I.** **A** condito Sigismundi funere, non diu  
 1437. Varadini moratus, cum conjuge Elifabetha,  
 ad quam regnum jure principali pertinebat,  
 a) Budam, & hinc Albam, ut prisco more co-  
 ronaretur, contendit. Verum solemnitati,  
 disceptatio inter Strigoniensem Archiepisco-  
 pum, & Veszprimiensem antistitem, exor-  
 ta, moram injecerat. Litis occasio a dubi-  
 tatione, ad utrum jus reginam coronandi spe-  
 ctaret, petebatur. Opportune Legati ex Bo-  
 hemia intervenire, qui Albertum Pragam in-  
 vitabant, b) quorum adventu litigantes, ne,  
 morosa disceptatione, graviora regni negotia  
 impedirentur, pactum hac conditione inie-  
 runt; Veszprimienſis nunc quidem reginam  
 coronaret, poſt tamen, ſi Strigonienſis pro  
 ſure ſuo documenta produxerit, Veszprimien-  
 ſis

a) Regni OO. in epilogo Decr. Alberti, qui in  
 Corp. jur. deest, ita: *promittimus, & bona  
 fide efficacissime spondemus, præfato D. no-  
 ſtro Alberto regi, & D. reginæ, ſuæ contho-  
 rali, quam principaliter hoc regnum jure ge-  
 nituræ concernere dignoſcitur, fidelitatem illi-  
 batam &c.* Conf. Notit. præv. §. 3.

b) Windeck, c. 219.

lis suo in perpetuum decedat. a) Litei com-  
posita, Albertus cum conjugē, ipsis Calendis 1438.  
Januarii, b) corona incinctus est. Usus hac  
occasione, egit cum regni Ordinibus, ut, si  
se prius, quam conjugem, mori contingeret,  
prohibus suis jus successionis in regno stabili-  
retur. Nemo erat, qui, collatis inter se  
consiliis, refragatus fuerit, quin, ut assensus  
sui testes ad posterorum memoriam exstarent,  
litteras etiam sigillis suis firmatas edidere. c)  
Constitutis deinde rebus, & focru, ut facilius  
ob-

a) Pactionis. Tabulas vid. apud Pray Hierarch.  
Hung. Par. I. pag. 286.

b) Windeck I. cit. memorat. fest. epiphan. alii  
contra, circumcision.

c) Litt. reginæ Elisabethæ ad Fridericum III.  
Imp. an. 1441. Tom. II. analector. biblioth.  
Vindobon. pag. 915. *Nachmalen als unser  
lieber Herr und gemahl, Kunig Alberecht —  
und ich zu dem reich Hungern erwelt, und  
gekrönt ware, da gab mir derselb mein Herr,  
und gehmahl solich brief, und urchund, mit  
wissen und willen, auch nach rate der Prela-  
ten, und Landherrn zu Hungern, und mit iren  
infigln, ob das wurde, das er abging mit  
Tod ee dann ich, das die Hungrischen Herren  
geistlich und weltlich, mich, und mein erben,  
als rechte erbliche herschaft, zu Herrn und  
erben des Kunigreichs zu Hungern aufnehmen  
und halten solten.*

1438. observari possit, decreta annua pensione XII. millium *a)* aureorum, Posonium relegata aliquamdiu in Hungaria moratus, se XVIII. Martii Romanorum regem ab Electoribus renunciatum intellexit. *b)* Ut inexpectatum ei hoc nuncium erat, ita memor, qua religione, si hæc dignitas ei offerretur, se Hungaris obstrinxisset, diu anceps hærebat. Hæsitantem Bartholomæus de Vicecomitibus, Novariensis Episcopus, datis Vienna XXVII. Aprilis ad eum litteris, hortabatur, ne se Legatis Imperii, cum venerint, difficilem præbeat, *c)* idem Fridericus patruelis, qui ei dein in Imperio successerat, alique Duces Austriæ hortabantur, sed cum parum his videretur moveri, tandem ipsi Basileensis Concilii Patres Hungaros permoverunt, ut regem juramenti religione, qua se illis adstrinxerat, solutum pronunciarent. *d)* Itaque nihil jam in mora erat, quin Electorum votis subscriberet, Viennamque profectus, Comitia in diem XIII. Julii Norimbergam indixit, *e)* qui-

---

*a)* Dlugos. l. 12. pag. 700.

*b)* Reichwein l. cit. pag. 133. & Windeck c. 220. & 222.

*c)* Pez thes. anecdot. noviss. Tom. III. Par. III. Nr. 109. pag. 235.

*d)* Windeck. c. cit. Aen. Sylv. l. cit. c. 55.

*e)* Pez l. cit., Tom. VI. Par. III. pag. 236.

quibus ipse tamen, ob concitatos in Bohemia motus, interesse non poterat. a)

1438.

II. Quamvis enim jam anno priore a Proceribus Catholicis electus, & hoc quoque anno die VI. Maji ab iisdem confirmatus, ipseque abhinc etiam titulo electi Bohemiæ regis usus fuerit, Calixtini tamen, inter quos Georgius *Podiebradius* primas tenebat, secessione facta, Casimirum, Wladislai Poloniæ regis fratrem, pene puerum, Alberto opposuere. Utraque pars ut contrariis studiis agebatur, ita diversa etiam ex causa, Legatos in Poloniam miserat. Calixtini fratrem Wladislai regem sibi dari postulabant; Catholici, depromptis Alberti in Bohemiam juribus, ne illis morem gereret, petebant. Sed, ut spes regni obtinendi magnum illicium est, Wladislaus, auditis Calixtinis, Catholicos parum

li-

- 
- a) Scriptores Germani, qui Trithemii Chron. Hirsaug. sequuntur, non recte memorant, Albertum die 30. Maji hoc an. Aquisgrani coronatum fuisse. Windeck enim affirmat, duorum annor. inducias illi datas esse, intra quos ad Imperium veniret: *do gaben In die Fursten frist zwey Jahre heraus in das Lant zukomen.* c. 222. Et magnum Chron. Belg. apud Pistor. nov. edit. Tom. III. pag. 409. hæc disertè: *solum per annum regnavit, non tamen coronatus, sed tantum per Eugenium IV. confirmatus.*

T



1438. liberaliter habitos, re infecta, ab se dimisit. Inde bello data occasio. Albertus, qui tum Viennæ agebat, eadem de causa Legatum ad Wladislaum misit, & non expectato responso, jus suum armis persequi statuit. Scripsit propterea in Hungariam pro supplementis, ipse autem, collectis celeriter ex Austria, & Stiria copiis, Iglaviam profectus, collato cum Maynardo de Novadomo, Rosenbergio, ceterisque Proceribus, consilio, Cuttenbergam occupat, & hoste, qui se in urbem *Tabor* receperat, per suos observari jussu, Pragam recta contendit, ubi magna civium lætitia XXIX. Junii, regium diadema cum conjugē suscepit. a)

Interea Calixtini, ne suppetiæ ex Hungaria Bohemiam ingredi possent, aditus omnes occuparunt, & Casimirus cum XX. millibus, per Silesiam Calixtinis auxilio venerat, cui Albertus, obtentis ex Bavaria, Saxonia, & Misnia subsidiis, exercitum XXIV. millium, Alberto Bavarorum Duce, opposuit, qui secunda fortuna usus, Polonos pedetentim ex Bohemia expulit, Calixtini autem, ubi se ab illis desertos, & partem suorum ad regias

co-

---

a) Windeck, c. 221. Reichwein l. cit. pag. 129. Aen. Sylvius cit. l. c. 55. Dlugosz. l. 12. Balbinus epit. rer. Bohem. l. 5. c. 2. Pessina Mars Morav. l. 5. c. 6. Gerardus de Roo annal. Austr. l. 5. Cochlæus Hist. Hussit. l. 9. pag. 314.

copias sensim deficere viderunt, non ausi rem  
 prælio experiri, intra munitas urbes se con- 1438.  
 tinebant. Rex hoste represso, cupiens litem  
 amica potius tractatione, quam armis, cum  
 Polono componere, Wratislaviam concessit,  
 indeque conjugem in Hungariam, ex qua  
 non optima nuncia afferebantur, remisit. Tur-  
 cæ enim per regis absentiam tempore usi,  
 ex Valachia in Transilvaniam irrumpentes  
 sprete induciarum fide, vastitatem late cir-  
 cumferebant, jamque actis spoliis redditum  
 parabant, cum Lofonczius, provinciæ Vajvo-  
 da, in receptu illos aggressus, excussa omni  
 præda, insigni clade affecit. Victoria potius,  
 in eos, qui ex legum scito ad propulsan-  
 dum hostem non comparuissent, inter quos La-  
 dislaus & Stephanus quoque Bathorii erant,  
 prisicæ severitatis exemplum edens, bona illo-  
 rum Fisco addixit, quos tamen regina, cum  
 pateret, illos tempore exclusos fuisse, irritata  
 Vajvodæ sententia, in pristinam possessionem  
 reponi iussit. a)

Albertus, pacis negotium cum Polonis,  
 quod prius ambiguo istorum agendi modo  
 interruptum erat, resumendi cupidus, ex  
 Lusatia, quo, ut eam in fidem reciperet,  
 profectus erat, Wratislaviam redux, præter

T 2

ex-

a) Chron. Mellicen. apud Péz, Tom. I. col. 257.  
 Dlugoff. l. 12. Siglerus Tom. I. script. rer. Hung.  
 pag. 886. Litt. reginæ dat. in Harrány, apud  
 Pray Part. II. pag. 329.

1438. 

---

 expectationem Legatos anno primum sequente affuturos intellexit. Molestum id ei erat, qui, composita cum Polonis lite, curas, & vires omnes in Turcas, qui ditiores juribus Hungariæ obnoxias, in dies magis magisque carpebant, convertere cupiebat. Accessit mox alia non minor molestia, quod Ulricus Cilejensis, quem Bohemiæ vicaria potestate præfecerat, inito cum Calixtinis consilio, regnum sibi usurpare cogitaret. Re tamen certis indiciis mature comperta, homini ingrato primum curam regionum proventuum, ne his ad tyrannidem arripiendam uteretur, ademit, postea penitus exauctorato Rosenbergium, & Maynhardum de Novadomo, quorum fides ei cognita erat, subrogavit. Ulrico in ordinem redacto, coeptam cum Wladislao pacis tractationem, quam Pontifex, scriptis ad utrumque regem litteris accelerari cupiebat, ipse etiam ad finem volens adducere, præter aliquot Imperii Principes, Optimates quoque ex Hungaria, ut adessent, Wratislaviam accersivit. a)

1439. 

---

 III. Aderant sub ipsum anni sequentis principium, sed vix tractationi factum initium est, cum spes felicitis exitus fere evanuit. Gnesnensis enim Archiepiscopus, qui principem inter Legatos locum tenuit, id præcipue agebat, ut prius, quam ad rem ipsam veni-

---

a) Aen. Sylv. l. cit. c. 55.

veniretur, tam Albertus, quam Casimirus, juri in Bohemiam renuncient, locumque darent novæ electioni, & is, in quem Nationis vota conspirarent, regno potiretur. Albertus, qui jus suum foci voluntate, Nationis electione, & veteribus pactis firmatum sciret, conditionem respuit, aliamque conciliationis viam proponens, filias suas, Annam, & Elisabetham, Wladislao, & Casimiro, se velle matrimonio jungere, eique, quæ Casimiro nuberet, Bohemiam cum adnexis ei provinciis, dotalitio nomine, daturum pollicitus est. Non abhorrebant Poloni, spe ducti, Silesiam hac ratione rursus Poloniæ conjungi posse, sed cum mandata de conciliandis matrimoniis nulla a rege haberent, nihil ausi decernere, inducias solum pacti sunt ad diem XXIV. Junii, intra quod tempus captivi utrinque liberi dimitterentur, & reges ipsi in finibus Hungariæ, & Poloniæ, ad paciscendum convenirent. a)

Firmatis induciis, rex Polonium profectus, inflaurato inter Saxoniam, & Hassiacam familiam vetere hæreditatis pacto, & Anna filia, si maturuerit, Wilhelmo Saxonie Duci desponsa, Viennam, a qua diu abfuerat,

T 3

re-

a) Aen. Sylvius l. cit. c. 55. Litt. Joan. episc. Segniens. Pontificis Nuncii, dat. in Namyslov. die 10. Febr. 1439 apud Sommersberg, Tom. II. mantifs. diplom. pag. 82.

revisit. Barbara, non ignara eorum, quæ  
 1439. Wratislaviæ transacta erant, Posonio elapsa,  
 in Poloniam effugiens, jus arcium, quas ei  
 gener ademerat, Wladislao consignavit, nu-  
 ptias forte illius, ut erat mulier viri appetens,  
 hac ratione sperans, vel certe, ut novam  
 utrinque liti occasionem daret. Fuga inquietis  
 mulieris regem Posonium revocavit, unde  
 datis ad finitimarum arcium Præfectos literis,  
 eos admonuit, ut, si quod ab illa immineret  
 periculum, diligenter excubent, gravem pœnam  
 comminatus, si quid negligentia peccaretur,  
 simul, quoniam ipse, ut constitutum erat,  
 ad XXIV. Junii diem conventui adesse non  
 poterat, Legatos suo nomine misit, quibus  
 quinto Nonas Maji exaratis literis, plenam  
 potestatem fecit, sive perpetuam pacem  
 conficiendi, sive prorogandi inducias, &  
 si difficultas interveniret, id saltem agerent,  
 ut conventus in aliud tempus differatur.  
 Instabat enim præsens a Turcis periculum,  
 qui vastata pene tota Servia, Belgrado  
 obsidionem minabantur. Georgius Despota,  
 discrimini proximus, missis crebro in Hungariam  
 nunciis, opem implorabat. Joannes Hunyadi,  
 qui incredibili desiderio, manus cum Turcis  
 conferendi, tenebatur, foederato socio, ne, si  
 is succubuerit, hostes in regni viscera sensim  
 penetrent, mature succurrendum, alii contra,  
 nihil, injussu regio, tentandum censebant.  
 Despota igitur, cum  
 sibi

sibi nec spem subsidii datam videret, relicto  
ad defensionem Szenderoviæ, Stephano filio, 1439.  
ipse cum uxore, & altero filio Lazaro, in  
Hungariam venit. Albertus de adventu il-  
lius, & periculi magnitudine admonitus, Bu-  
dam mense Majo properavit, ut cum regni  
Ordinibus ad propulsandum hostem consilia  
conferret, necessariique ad id apparatus fie-  
rent. a)

Hic ab Optimatibus, & præcipua Nobi-  
lium ex regno passim concurrentium parte,  
salutatus rogatusque est, ut decreta, consti-  
tutiones, & consuetudines regni, ad præsen-  
tis temporis rationes moderari vellet, quo-  
rum petitioni ut gratificaretur, habito con-  
ventu, decretum, novem & triginta sanctio-  
num capita complexum, promulgari ius-

T 4 sit.

---

a) Repertor. Ms. Ant. Steyrer ex Tabul. Cæsar.  
Lunig Cod. Dipl. German. Tom. XXIII. pag.  
1189. Du Mont corps diplom. Tom. III. Par. II.  
Nro. 51. Litt. regis dat. Posonii die 3. Maji, an.  
1439. item aliæ ejusd. litt. dat. Strigonii post  
festum S. Pauli Sabbatho, an. eod. apud Som-  
mersberg l. cit. pag. 83. Errant, qui censent,  
Belgradum eo tempore in potestate Georgii  
fuisse, id enim Sigismundus cum reliquis cæ-  
saris sibi servavit. Conf. quæ ad an. 1426. me-  
morata sunt.

lit. a) Non est hujus loci omnia singulatim  
 ,1439. persequi, præcipua solum delibabo. Ante  
 omnia flagitatum est, ut Rex sedem in regno  
 figeret; lex primum, ut reor, haecenus lata:  
 huic occasionem diuturna Sigismundi absentia  
 dedit, per quam provinciæ regno adnexæ,  
 non leve detrimentum accepere. Actum  
 quoque de regis filiabus, si matrimonium in-  
 irent. Cum enim regni Ordines ante Comi-  
 tia, editis XXIV. Maji litteris, juramento  
 firmatis, quod jam alias, si regem ante re-  
 ginam mori contingeret, polliciti erant, nunc  
 rursus confirmarint, & jus præterea successio-  
 nis ad utrumque etiam sexum extenderint,

a)

a) Præfatio Ordinum, quæ in Corp. juris deest,  
 ita habet: *Tandem nobis, veluti suæ serenita-  
 tis adventum, & regressum, magno cum desi-  
 derio præstolantibus, ad suam Majestatem un-  
 dique ex omnibus ejusdem regni sui partibus  
 istuo confluentibus, & convenientibus, inter  
 alia, quæ cum sua Celsitudine disponere habe-  
 bamus, considerata temporis nunc currentis  
 qualitate, Decreta, & constitutiones priorum  
 regum Hung. suorum prædecessorum, ac hujus  
 regni consuetudinem in certis punctis, modo  
 infra scripto moderari, atque articulos infra,  
 in tenore litterarum ipsius domini regis lim-  
 pide contentos, a sua nobis concedi uanimiter  
 postulavimus Majestate,*

a) orabant, ut Rex cum Hungariæ, aliorum-  
que regnorum Prælatiſ, Baronibus, & No- 1439.  
bilibus, ante in medium conſuleret, quam  
de earum nuptiis quidquam decernat. Pala-  
tinus deinceps Ordinum conſenſu eligatur,  
b) alias autem regni dignitates, integrum ſit  
regi, cui vellet, non conſultis aliis, confer-  
re, modo ne extranei ſint: Cautum etiam,  
ne Eccleſiaſtici duas obtineant. In hoſtem  
regno ingruentem, primum ſtipendiarii re-  
gii educantur, ſin iſti reſiſtendo impares ſint,  
Nobiles ad arma concurrant, inviti tamen  
ultra regni limites in hoſticum proficiſci ne  
co-

a) Litt. Eliſabethæ regin. an. c. 1441. ad Frideri-  
III. Imp. alias jam cit. *Darnach aber zu  
Pfingſten yetz zway Jar vergangen, habent  
dieſelbe Herren geiſtlich, und weltlich zu  
Hungern dieſelb verſchreibung zum andernmal  
vernewt mit iren aiden, briefen, und ſigeln,  
alſo begrifen, das ſie mich und mein erben,  
Sun und Töchter, was ich der gewinne, zu  
rechten erbherren, und erben des Kunigreichs  
zu Hungern haben, und halten ſullen.*

b) Prius enim reges ipſi Palatinos eligebant, ut  
eſt in Decret. Andreæ II. an. 1231. quod in  
Corp. jur. itidem deſt: *Si Palatinus interim  
male amminiſtraverit negotia regis & regni,  
ſupplicabunt nobis, ut utiliorem loco ejus con-  
ſtituamus, quem volumus & nos eorum preci-  
bus annuemus.*



1439. cogantur. a) Manubiæ, & captivi militibus cedant, nisi majoris dignitatis, & ordinis fuerint, quos Rex aliis donis, si sibi servatos velit, redimet; ceteros quisque sibi retinere, aut in servitutem redactos, Ecclesiis donare, vel denique, si visum fuerit, vendere possit. b) Reliquis recensendis, partim quod a priorum regum decretis parum discrepent, partim res fere judiciarias contineant, supersedeo. Scorsim etiam actum, ut Barbaræ reginæ, quod ad hostem secessisset, nec desineret consilia contra regem, & regnum cudere, bona adimantur, & reginæ conferrentur. c)

IV. Sub ipsis Comitibus jam rumor, sed dubius, percrebuit, ingentes apparatus ab Amurathe fieri, incertum tamen esse, in quam partem bellum statuisset convertere, his autem solutis nuntii a Savo aderant, qui Szende-

---

a) Mutata igitur est lex ejusdem Decret. *Si vero exercitus super regnum venerit, universi & singuli ad defensionem patriæ contra inimicos se opponere teneantur, regresso supervenienti exercitu, pro vindicta ipsos teneantur persequi.*

b) Autogr. exstat in Tabular. sacratione aulae Viennen. Sigillis 56. munitum, ex quibus 6. avulsa sunt. In quibusdam minoris momenti, id, quod in Cod. jur. patr. editum est, ab illo differt.

c) Repertorium Ms ex Tabular. Cæs. apud Ant. Steyrer.

deroviam designari afferebant. Ad periculum igitur anteverendum, copiae, qua fieri poterat, celeritate, sed non eo, quo oportebat, numero, ad signa concitae, nec enim, licet Georgius Serviae Despota non exiguo numero suos in subsidum pollicitus esset, viginti quatur millia excedebant, quae centum, & triginta Turcarum millibus opponerentur. Albertus tamen, pro militari, qua praeditus erat, indole, & virtuti suorum non minus, quam promissis, in Conventu factis, confusus, in hostem movere constituit. Profectionem igitur secundum leges indixerat, abeuntem Elisabetha Varadinum usque comitata, inde Budam rediit, copiae autem ultra promotae, & castra inter Tibiscum, & Danubium, ex oppositu Belgradi locata. Hic mensis Augustus, & pars sequentis, ut pluribus confluendi in castra spacium daretur, exactus. Interea Amurathes expugnata Szenderovia, aliquoties Danubium transmittere tentaverat, sed ab Alberto semper cum clade rejectus, quin tamen pugnae decretoriae copiam faceret, malebat enim prius hostem mora, & velitationibus delassare, quam rem univarse praelio committere, cumque id postea constituisset, proditum se videns, sex enim magnates cum copiis suis pridie castris excefferant, & mox dysenteriae contagio non minus inter suos, quam Turcas, grassari inciperet, signis convulsis, postquam Amurathes copias in Graciam

**1439.** ciam reduxisset, ipse eodem quoque malo correptus, dimisso in stativa exercitu, Budam rediit. Hic Legati Poloniæ adventum illius præstolati, ut cum eo Bohemiæ causa litem transigerent, sed, cum illi præterea patrocinium Barbaræ reginæ susciperent, peterentque, ut eidem bona ablata restituantur, re infecta discessere. a)

His dimissis, dum Viennam parat, Strigonii, languore fere oppressus, subsistere coactus, Ladislaum de Palocz, & Stephanum Berzevicium, Legatos Wladislai in Poloniam consequi iussit, qui, si cum rege pax perpetua conciliari non posset, de prorogandis induciis agerent. b) Strigonio relicto, cum morbum, quem ex veneno, ut aliqui, sed incerta fide perhibent, a focu Barbara, alii a Venetis porrecto, ortum putant, ingravescere sentiret, condito testamento, quo, si uxor, quam gravidam reliquerat, filium ederet, octoviros, duos ex Hungaris, ac duos ex Bohemis, totidemque ex Australibus, & Moravis, qui pupilli curam gererent,

---

a) Litt. regis dat. Zegedini an. 1439. in fest. ad vincula S. Petri, autogr. Exhibet has etiam Lunig, Reichs Archiv. Tom XVII. pag. 461. Reichwein l. cit. pag. 138. Windeck c. 222.

b) Dogiel dipl. Pol. Tom. I. pag. 154. Car. Wagner annal. Scepusii Tom. I. pag. 142. Katona Tom. XII. pag. 920.

tent, tutores constituit, a) non diu abhinc 1439.  
superstes, in pago *Neszmél*, Germanis *Langendorf*, XXVI. Octobris, diem extremum claudit, b) filias duas relinquens, *Annam*, & *Elisabetham*, quarum illa Wilhelmo Saxoniae Duci, hæc Casimiro, Poloniarum regi, serius postea nupsere. Corpus Albam regiam delatum, intestina autem in *Neszmél*, prope templum, in sacello condita sunt. c)

In pupillari ætate procul a cognitione rei publicæ, regnaturo olim necessaria, amotus

---

a) Aen. Sylvius in rebus Friderici III. Imper. Tom. II. analect. biblioth. Vindob. item hist. Boh. c. 56. & in Europa, c. 1.

b) Windeck c. 222. *Da (Langendorf) mußte er sterben, und starb, das war am montag nach Crispini und Crispiniani, und war auch auff den montag vor Symon und Jude der zwelfffoten in dem Jare 1439.* Festum Simonis & Judæ hoc anno inciderat in diem Mercurii, proin dies Lunæ in 26. Octobr. sed Aen Sylv. hist. Boh. c. 56. habet, VI. Kal. Novemb.

c) Cur *Langendorf* in *Neszmél* latere suspicer, facit tabula ærea, quam prope templum in sacello lateri affixam vidi, cum inscriptione, intestina Alberti regis ibi condita esse, cujus indicium cum olim Augustæ Theresiæ fecissem, Viennam translata & in crypta Archiducum Austr. ad D. Stephani reposita sunt. Credibile

1439. tus, fere venatu, & percursatione provinciarum occupabatur, a tutoribus, Leopoldo, & Ernesto patruelibus, de industria his oblectamentis, ut diutius rerum potirentur, irretitus. Verum semen præclaræ indolis, quam nactus erat, cum e tutela exiit, se se ubertim explicabat. Spretis enim omnibus, quæ prius sectari coactus erat, totum se, non intermisso studio, felicitati populorum suorum impendit, qui, si porro vitam produxisset, optimi Principis exemplar futurus erat. Fuit enim, ut Aneæ Sylvii, postea Pontificis Maximi, scriptoris coævi, qui illum norat, verbis utar: „ Princeps religiosus, & qui „ liberalitate simul, justitiæque præstaret. „ Fuit quoque in bellis audax, & manu promptus. Moravos, ac Bohemos armis subegit, „ Polonos late vagantes, intra regnum suum „ coercuit. Magna de se Christianæ rei publicæ promittere videbatur; nec minora „ populi de sua virtute conceperunt. Pulcherrimæ spei satis fieri brevitæ vitæ non „ sivit. Statura ejus procera fuit, nervosum „ & validum corpus, facies terrificæ, more gentis erasa barba, superius labium intensum; vestem haud splendidam balteus auro gravis cinxit, nec unquam lateri defuit „ ensis. “ a)

ELI-

bile autem est, non alibi, quam ubi mortuus est, corpus quodque exenteratum fuisse.

a) Aen. Sylvius in Europa c. 1.



1439. nus rerum conversiones, donec partu levaretur, subverita, id imprimis satagebat, ut regni coronam in potestate haberet, qua obtenta, sperabat, eos, qui forte res novas moliri vellent, in obsequio contineri posse. Hanc autem cum a Georgio Comite de Bozyn, cuius curæ Albertus illam crediderat, aliter obtinere non posset, nisi plures Optimatum essent præsentés, idque ratum haberent, ac ipsa præterea testimonium de hac tradita, suo, illorumque nominibus, & sigillis firmatum, sibi redderet, annuit libenter, a) obtentaque corona, suæ, & prolium securitati satis consultum existimans, litteras ad Bohemos, & Moravos, Schlickii consilio usa, de-

---

rum sua interesse rati, utrum regina, an Rex, appellanda esset. Denique omnis res huc rediit, an ii Magnates, nec enim omnes ejusdem sententiæ erant, qui toties Elisabethæ, hujusque prolibus successionis jus confirmarunt, jure potuerint Wladislaum, nondum posito reginæ utero, eligere? &, si idem R R. autor, Wladislao nec ab omnibus electo, nec corona legitima coronato, locum in regum serie tribuit, cur ego Elisabetham, quam regni Ordines in Comitibus an. 1439. art. 12. hæredem regni declararunt, non potuerim in serie eadem collocare, non intelligo, cum jus hæreditarium ceteroqui electionem excludat.

a) Pray Hierarch. Par. I. pag 321.

dedit, utrosque admonens, ne quid, dum partu soluta fuerit, novarent, constantesque in fide manerent. *a)* Verum Calixtini, conventu Melnikii habito, Casimirum, regis Poloniae fratrem, eligendum censuerunt, Catholici contra Pragæ collecti, partum reginae expectandum decreverant. *b)* Austriaci quoque, cum se Fridericus ingereret, habita ad S. Bertholdi vicum deliberatione, statuerant, ut, si regina filium ederet, is in tutela Ducis, aliquot tamen in societatem adhibitis provinciae dynastis, tamdiu esset, donec per aetatem Nationi regendae idoneus fieret, sin contra filiam eniteretur, Austria ad Fridericum, consanguinitate Alberto regi proximum, secundum pacta familiae devolveretur. *c)*

II. Haec cum undique ad reginam afferrentur, curis, quæ etiam virum consilii incertum redderent, fere oppressa, spem omnem in Hungaris collocabat, concitisque Budam *d)* regni Ordinibus, in quo statu regnum, & ipsa sit, aperit, in memoriam Sigismundi patris beneficia revocat, meminissent præterea, quid sibi post coronationem, semel, ite.

*a)* Kaprinai Part. I. pag. 225.

*b)* Æn. Sylv. hist. Boh. c. 57.

*c)* Gerardus de Roo, l. 5.

*d)* Liquet id ex dipl. hujus an. d. 1. Jan. quod Schlickio concessum erat, apud Lunig Cod. Dipl. 23. pag. 1190. U



1440.

iterumque promiserint, nondum etiam annum abiisse, quod in conventu Budensi, se hæredem regni publico decreto renunciassent; proin sperare se, nequaquam contra promissi fidem commissuros, ut prius, quam, quid enixura sit, confiaret, de eligendo rege externo consilia inter se conferant. Anceps erat deliberatio, &, ut cuius rei publicæ ratio videbatur poscere, etiam in partes distracta. Erant, qui promissis standum omnino censebant, alii, considerato, quod a Turcis imminebat, periculo, Wladislaum e Polonia accersendum, ita futurum, ut, junctis utriusque regni viribus, nihil deinceps a barbaro hoste metuendum esset, rursus alii, ut & fidem, reginæ toties addictam, servarent, & regno simul consulerent, nuptias inter reginam & Wladislaum conciliandas proposuere, adjecta conditione, si filium pareret, is Bohemiam, cum adnexis ei provinciis, & Austriam, proles autem ex novo conjugio tollendæ, Hungariam obtinerent. Elisabetha, cum & matri suæ esset dissimillima, & Wladislaum, qui annum decimum sextum agebat, ætate totidem fere annis excederet, a nuptiis abhorrebat, consilio tandem Dionysii Strigonienſis Archiepiscopi persuasa, annuit quidem, sed conditionem adjecit, si filium pareret, ut Legati a) ad Wladis-

a) In litt. Wladislai an. 1440. d. 8. Mart. censeantur, Joan. Seguiensis Episc. Matthæ. de Pa-

dislaum mittendi, si nativitate filii sui com-  
perta, Poloniam nondum essent ingressi, vel  
cum rege jam agerent, confestim, abrupta  
tractatione, in Hungariam revertantur. 1440.

Dum Legati, acceptis XVIII. Januarii ad  
transigendum mandatis, iter, quantum hyems  
sinebat, in Poloniam accelerant, regina  
die XXII. Februarii, a) in arce Comaromi-  
ensi, aperta, ne dolus intervenisse putaretur,  
cubiculi janua, & adstantibus, quantum de-  
cori ratio patiebatur, Proceribus, filium eni-  
xa est, a suscepto baptismo, Ladislai nomi-  
ne appellatum. Nativitas infantis, rationes  
eorum, qui regem ex Polonia accersebant,  
magnopere conturbavit, & fuere ex his non  
pauci, quos suscepti consilii jam pœniteret,  
reliqui autem, qui reginæ studebant, Lega-  
tos ut ex itinere revocaret, suadebant. b) Mis-  
sus igitur celerrime nuncius, qui illos conse-

U 2

que-

---

Palocz Dalm. cet. Banus, Joan. de Perén, Mag.  
Tavernicor, Ladisl. de Palocz Mag. Curiae reg.  
Emeric, de Marczaly, Mag. Dapifer, & Co-  
mes Simeghien.

- a) Hunc diem Inscriptio templi parochialis Caf-  
sovién. exhibet.
- b) Callimachus de rebus Wladislai I. Gérard, de  
Roo, l. 5. & Dlugoff, l. 12. qui aliqua pro suo  
ingenio addit. Sommersberg mantiss. diplom.  
Par. II. pag. 83. dat. Budæ in festo S. Priscæ  
V. ann. 1440.

1440.

queretur, & reginæ jussu illis referret, regem Hungaris jam natum esse, ne quid proinde, cujus causa missi erant, porro cum Polonis tractarent, alioquin, quid quid hactenus egissent, irritum a regina declarandum esse. a) Serum id tamen jam erat, quod Wladislaus, etsi graviores ex Optimatibus ei auctores fuissent, ne se in jus alienum temere ingereret, conditiones Legatorum, suo, & Procerum suorum nominibus, jam VIII. Martii ratas habuerit. b)

## Præ-

a) Gerardus de Roo l. cit. Litt. Ladislai posthumi, an. 1453. & regin. ad Fridericum III. Imper. jam cit. *Nachmals, als der allmechtig Gott meinen Sun lebenden auf die Erd beschuf, und sein geburd laut kundig war, und da ich es den Herren die gen Polen gesand waren, verkund hett, darauf ward der von Polen, von etlichen Landherren, die nicht die namhaftigsten, und die pesten sind, zu Kunig erwelt in Hungern.*

b) Autogr. exstat in Tabular Aul. Viennen. *Actum & datum in civitate nostra Cracoviensi, VIII. die mensis Martii, anno domini 1440. per manus Magnificorum, Johan. de Conecpole Cancellarii, & Petriwoda Szekoczini, vice Cancell. regni Pol. &c. Sigillis, præter regium, supra 50. munitum, quorum vestigia solum exstant. Regina enim omnia avulsit.*

Præcipuæ ex his, in quas utrinque conventum erat, fuere: Wladislaus promittat, tempore coronationis, se jura, immunitates, & consuetudines regni hactenus usitatas, juramento, editisque litteris, confirmaturum, statuta quoque decessorum regum, jura Ecclesiarum inviolate servaturum, earumque bona adversus omnem vim, & injuriam defensurum, & donationes reginæ viduæ, si jure niterentur, ratas habiturum. Præterea, utrumque regnum contra quosvis hostes, præcipue Turcas, & Tartaros, vicissim auxilio erit: Russia, & Podolia, sine præjudicio tamen Hungariæ, Poloniis interea cedit, donec arbitri utrinque deligendi, litem ex æquo cognoscant; Moldaviæ partitio eadem sit, quæ a Sigismundo, & Wladislai patre, olim constituta fuit, a) Rex tamen pollicebitur, ut de illius jure secundum vetera, & genuina litterarum documenta, decernatur: arcem quoque Lubloviensem, cum reliquis Scepusii oppidis, sub Sigismundo oppignoratis, post coronationem gratuito Hungaris restituet; nemini infidelium, & rebellium, qui regno exacti sunt, veniam redeundi, absque Prælatorum, & Baronum consilio tribuet, nec Barbaram Imperatricem, quietis publicæ causa, in Hungaria patietur, possit tamen illa jus suum, si quod se habere putet, per-

U 3

se-

---

a) Conf. quæ ad an. 1412. Nr. 9. dicta sunt.

1440. sequi, & Rex eidem' ad sustinendam dignitatem, extra fines tamen regni, providebit. Hæc fere sunt conventionis capita. De nuptiis, inter Elifabetham, & Wladislaum, conflandis, nulla isthic mentio, ut adeo credibile sit, vel seorsim de his actum, vel ne cogitatum quidem fuisse.

III. Utcunque autem id fuerit, cum primum, quæ Cracoviæ acta erant, in Hungariam ad factionem Polonicam perlata sunt, mira consensione IV. Idus Martias confirmata fuere, a) & Wladislaus rogatus, ut iter acceleret, b) priusque adesse conetur, quam opposita factio viribus increseat. Jam enim Bohemi Elifabetham rogaverant, ut Legatos suos Pragam ad conventum mitteret, qui filii causam agant, Fridericus quoque, qui priori mense Rex Romanorum electus erat, pupillum, ob sanguinis nexum, tuiturus videbatur. Wladislaus, ab hoc maximum sibi obstaculum obmoveri posse, non ignorans, litteras ad eum dedit, quibus illi obtentam Romani Imperii dignitatem gratulatus, se quoque Optimatum consensu regnum Hungariæ adeptum fuisse, significavit, eoque se magnopere lætari, quod, ut ditionibus vicini essent futuri, ita conjunctis etiam viribus,

com-

---

a) Sommersberg I. & p. cit. dat. Budæ in festo S. Gregorii Papæ.

b) Id, ibid.

communem Christianorum hostem, latius in dies grassantem, facilius coercere possint. a) 1440.  
 Nec regina filii sui causa segnior, dum majore sensim affluente ex Hungaris clientum numero, partem suam augeri videt, ut curam omnem retinendæ Hungariæ impenderet, Austriam Alberto Duci curandam credidit, eumque filio tutorem his conditionibus, VIII Aprilis constituit: provinciæ, pupilli nomine, tamdiu præesset, donec is sextum & decimum annum attigerit, tum provincia sibi credita decedat; nihil interea Ordinum immunitatibus deroget, & proventus, quos dotis nomine habebat, quotannis rite sibi administret. b)

Sub idem fere tempus Legati ex Polonia reversi, litteras conventionis reginæ exhibuerunt, quos illa, quod mandatorum limites egressi fuissent, in carcerem iussit conjici, c) & plena indignationis, ut robur litteris adimeret, sigilla ex iis avulsit. Factum insolens, & a femina patratum, ut factionem adversam perculit, ita iis, qui reginæ partes sectabantur, addidit stimulos, ut, de qua jam prius inter se agitabant, coronationem

U 4

iii.

a) Æn. Sylvius l. c. c. 57. Tom. II. analect. biblioth. Vienn. pag. 830. apud Pray Par. II. pag. 340.

b) Exstant in Tabul. Cæs. Vienn. & apud Kollár. Tom. II. analect. cit.

c) Gerardus de Roo l. 5. Alii contra reginæ jussu in itinere cum litteris interceptos memorant.

1440.

infantis accelerarent. Ipsa regina id unum ad avertendum ab Hungaria Wladislaum, non modo opportunum, sed necessarium quoque existimabat. Itaque, cum Wladislaus ob novos Lithuanorum motus, domi cogeretur morari, tempus occupandum rati, Albam contendunt, ubi Dionysius Strigonien- sis Archiepiscopus, adstantibus Vesprimien- si & Jaurinensi Episcopis, tum Nicolao Ujlakio, Emerico Kanisaio, Rozgonio, & frequen- tissimo Nobilium ordine, Infantem sacro oleo delibutum, corona, ipso die Pentecostes, incinxit, jusjurandum vero, de servandis re- gni immunitatibus, Ulricus Comes Cilejensis, pro infante præstitit. a) Regina non igna- ra, quæ Nationis animo de sacra corona opi- nio infedisset, hanc, post coronationem filii alia dexterrime substituta, apud se retinuit, b) ut hac ratione spem adipiscendi regni, Wladislao penitus adimeret, mox Jaurinum præsidio munitum, Ulrico tutandum commi- sit, ipsa Posonium, unde facilis, si usus fer- ret, in Austriam receptus erat, cum filio profecta, rei eventum præstolabatur.

Adversa factio, ut animum recepit, nec enim infantem coronandum suspicabatur, in- di-

a) Inscriptio templi Cassovien. diem Pentecostes diserte coronationi constituit. Gerardus de Roo l. cit. Æn. Sylvius Tam. II. analect. biblioth. Viennæ, & epist. 402.

b) Idem l. cit. & cum hoc alii.

dicto Budam ad XXIX. Junii diem conventu, Wladislaum, qui Agriam interea pervenerat, ut iter maturaret, admonuit, qui, licet adventu suo non paucos ab Elifabethæ partibus abstraxerit, coronationem tamen, quod Archiepiscopus Strigonienfis, ad quem vetere instituto, jus coronandi regis pertinebat, cum regina esset, differri oportuit. Itaque, publica fide data, cum reliquis, qui reginæ addicti erant, Budam vocatus est, qua persuasus cum Ladislao de Gara, ceteris enim pollicitatio suspecta erat, non multo post adfuit, verum contra fidem datam uterque capti, nec prius dimissi, quam Archiepiscopus Wladislaum se coronaturum, & Gara futuro regi fidelitatem, polliciti fuissent. a) Hoc obstaculo sublato, aliud supererat. Coronam, qua hactenus coronati reges, legitimum regni caput habebantur, a regina extorquere spes nulla fuit. Sed & huic difficultati consultum, dum Corona aurea, capiti reliquiarum sancti Stephani regis imposita, novum regem XVII Julii coronarunt, & hanc edito eadem die decreto, quo coronationem infantis irritam declararunt, perinde, ut sacram, si hæc recuperari non posset, haberi deinceps voluere. b)

WLA-

---

a) Idem epist. 81.

b) Id Dlugos. l. 12. exhibet, & ex hoc Praÿ Par. II. pag. 346.





in fide recens coronati filii sui persistant, adhortata est. a)

1440.

Nec Wladislao minor retinendæ dignitatis cura erat, qui cum militem, pecuniam, & reliqua bello necessaria, jam ante diligenter comparata haberet, ut reginam Hungaria penitus exigeret, Jaurinum, quod Ulricus Cilejensis cum præsidio Bohemico tenebat, occupandum censuit. Id Joanni Hunyadioman-

a) Litt. regin. Poson. d. 1. Aug. 1440. *Certum namque est, ipsum filium nostrum, tamquam hæredem, & dominum naturalem ad hujus regni gubernaculum successisse, sed pensato, quæsumus, — si hæres isto & dominus naturalis regni hujus debita successione exhæredari debeat, & privari, quid de filiis, & hæredibus vestris evenire possit? cum per hoc quasi pro lege introduci valeat, ut filii, & hæredes paternis eorum rebus, & possessionibus, & bonis frustrentur, & priventur. Præterea, cum sacrosancta regni Hung. corona, cum qua reges Hung. a tempore S. regis Stephani coronari consueverunt, cum qua etiam ipse noster filius coronatus est, in prædicti filii nostri, nostraque potestate existat, nescimus, quali parona Rex Polon. qui ad suppressionem jurium ipsius filii nostri, nostrorumque se ingressit, per quosdam æmulos nostros sit coronatus, & similes Kesmarkinur, & ad civitates superiorem Hung. dederat.*

1440.

mandatum, qui dum urbi obsidionem admo-  
 vet, Cilejensis, præfectura urbis alteri cre-  
 dita, clam Pofonium ad reginam volens  
 evadere, e fuga retractus, & Budam ad  
 Wladislaum missus est. Captivitas Cilejensis,  
 quem Wladislaus liberaliter habuit, spem ei  
 fecerat, posse illius opera pacem sine armis  
 cum regina conciliari, nisi illa æquitati causæ  
 filii sui, sanguinis cum Ducibus Austriæ ne-  
 cessitudini, & Bohemorum auxilio innixa,  
 bellum præ pace maluisset, sed, cum ad id  
 gerendum pecunia mutuo nuper accepta non  
 sufficeret, rursus ad pignoris ejusdem rationes  
 quinque, paulumque post novem, & XXIV.  
 Novembris duo aureorum millia, a Frideri-  
 co numerata accepit, eumque, ut filio magis  
 conciliaret, tutorem huic, his conditionibus  
 constituit: Austriaci juramento fidelitatis so-  
 luti, id deinceps Friderico præstent, hic vi-  
 cissim reginæ, cum necesse fuerit, consilio,  
 reque auxilio erit, proventus dotis in Austria  
 rite eidem administrabit, & filio quinque au-  
 reorum millia quotannis præbebit, a)

1441.

II. Cum autem hæc quoque gerendo bel-  
 lo non videretur suffectura, rursus octo au-  
 reorum millia, oppignorato Sopronio, sibi a  
 Friderico dari petiit, quæ ille quidem liben-  
 ter præbuit, si, postquam ipse, vel ejus hære-  
 des,

a) Ex Tabular. Aulico Vienn. Tom. II. analect.  
 bibl. Vindobon. pag. 845. — 851.

des, de redimenda corona admoniti fuerint, editis litteris profiteretur, hanc trium mensium spacio adhuc in pignore retineri posse. 1441.  
 a) Hac summa miles conscriptus, & inter Duces diribitus est. Giscra, acceptis e Bohemia supplementis, ad Cassoviam, Ladislaus Gara in Croatia, rem pupilli, ancipiti magis, quam alterna fortuna agebant. Gara enim a Joanne Hunyadio profligatus, & Banfius ab Ulrico Cilejensi, interceptus erat, damno utrinque fere æquali. b) Wladislaus, qui Cilejensem haud ita pridem, acceptis obsidibus, liberum ea conditione dimiserat, ne adversum se arma sumeret, graviter offensus, castra ad Sabariam posuit, Ulrici perfidiam ulturus, cum ei *Vitoveczius* Cilejensium Dux obviam factus, ultra progredi vetuit, quin tamen pugnae copiam faceret. Quare velitationibus fere res acta, postremo, quod Turcae in Transilvaniam irrupisse ferebantur, concordia his pactis inita: Wladislaus utrumque Cilejensem, Fridericum, & Ulricum, condonatis injuriis, in fidem, & amicitiam recipiet, &

---

a) Ex Tabul. Cæs. Tom. II. analect. cit. col. 870. Dat. an. 1441. die 25. Febr. Neostadii. subscriptus est, *Augustinus de Szdlánk*.

b) Callimachus l. cit. 1. 2. & Chron. Cilejen. apud Hanium Tom. II.

1441. & feuda, quæ dono regum in Hungaria possident, confirmabit. a)

Felicius Hunyadius rem contra Turcas in Transilvania gessit. Ducebat hos *Mut-zubegus*, cum quo ad villam S. Emerici congressus, cæsis XV. millibus, ceteris captis, aut fugatis, omni apparatu belli potitus est. b) Hoc felici progressu Wladislaus quoque, ut se Hungaris probaret, incitatus, in Giscram movit, & Calsoviam obsedit. Giscra, qui prælium in principio detrectare videbatur, repente in Perenium, copiarum ductorem invecus, urbem ab obsidione solvit. Fusi, fugatique regii, ne nihil egisse viderentur, cum parte copiarum in montanas urbes effusi, illatis per iter damnis, porroque grassati Tirnaviam occuparunt. c) Regina, quæ Posonii sedem fixerat, vicino hoste, & alienato Bohemorum a se animo, qui Albertum Bavariae Ducem, interea sibi regem designaverant, territa, Fridericum orabat, ut secundum pacta sibi auxilio veniret,  
ad

a) Ex archivo Cæs. Græcen. Forul. 39. Fasc. 6. Nro. 51.

b) Bartolsii Chron. apud Dobner monument Tom. I. Litt. Capituli Orodienfis an. 1444. hanc victoriam Hunyadiis, & quas postea ex Turcis retulit, proluxa narratione complectuntur.

c) Callimachus l. cit. & Acta civitatis Viennen. Tom. II. analect. cit. col. 1026.

ad magistratum quoque Viennensem pro sub-  
sidiis scripserat, qui defendendo, si obsidere-  
tur, Posonio, præter mille pedites, præbito  
iis etiam stipendio, & belli apparatu, cuivis  
civium liberam facultatem profitendæ mili-  
tiæ dedit. a) Fridericus contra, curis Impe-  
rii ceteroquin occupatus, malebat, concilia-  
tis utrinque animis, litem inita concordia fi-  
niri, scripsitque hac de causa ad Eugenium  
IV. Sigismundi, infantis avi, merita de Eccle-  
sia eidem in memoriam revocans, jus præ-  
terea illius in Hungariam, & Bohemiam ex  
pactis esse liquidum, itaque inhumanum vi-  
deri, si eo innocens privetur, malignæ de se  
famæ, quam aliqui, ad conflandam sibi in-  
vidiam, sparserant, quasi puer inter vivos  
jam non agat, ne fidem haberet, educari il-  
lum sua cura Neostadii, viderique illum pos-  
se, si qui ejus videndi essent cupidi, cresce-  
reque in spes utriusque regni amplissimas.  
b) Pontifex conditionem infantis miseratus,  
Julianum Cæsarinum, Cardinalem, in Hunga-  
riam proficisci, omnemque operam jussit im-  
pendere, ut quibus posset conditionibus, re-  
ginam cum Wladislao, jure tamen pupilli  
inviolato, conciliaret.

**Ipse**

a) Eadem ibid.

b) Apud Goldastum append. document. pag. 151.  
& ex hoc Pray Par. II. pag. 354. Æn. Syl-  
vius epist. 118.

**1441.** Ipse etiam Wladislaus, videns, scissos in partes Hungarorum animos, nec ignorans, quam apud externos Principes, praesertim infanti cognatione junctos, quasi hunc per injuriam regno privarit, invidiam incurrisset, cum suis, quos a consiliis habebat, deliberans, animum ad ineundam cum regina concordiam adjecit. Missi igitur VII. Septembris Oratores iis mandatis instructi, quibus sibi reginam conciliari posse, non dubitabat. Verum illa, intellecto, filium suum constitutis eidem Gubernatoribus, regem a Bohemis agnitum esse, nec refragari penitus, nec consentire visa, Legatos rei, cujus causa venerant, incertos ab se dimisit, in spem adducta, plures ex Hungaris partes suas amplexuros, si filium reciperet, eumque constitutis, secundum Alberti testamentum, tutoribus, in Hungaria educaret, utroque enim hactenus neglecto, magnopere offensos fuisse constabat. Scripsit igitur ad Fridericum, rogabatque, ut, cum ipse in Germaniam iter paret, ne quid, illo absente, incommodi filio accidat, illum cum corona sibi remitteret, hanc solam esse rationem, qua Hungaros pupillo conciliare, eique regnum stabilire, se posse speret. a) Ille utrumque negavit, quod & tutor prius infanti ab ea constitutus fuisset, & coronam,

---

a) Ex Tabul. Cæs. Tom. II. analect. blioth. Vienne. col. 988.

nam, nisi recepta, quam mutuo dederat, auri summa, reddere, rationibus suis minime expedire putaret. Hac repulsa, nec enim, unde tantam summam restitueret, habebat, offensa, eo se redactam vidit, ut, quam Wladislaus ante offerebat, concordiam, hanc filii causa jam ipsa sibi ambiendam existimaret.

1441.

III. Commodum Julianus Cardinalis ab Eugenio in Hungariam missus, Jaurinum advenerat, qui, pertentato reginæ animo, cum illam a pace concilianda non alienam reperisset, Budam profectus, cum Wladislao de conditionibus, quibus utramque partem, sine honoris dispendio, consentire posse existimabat, diligenter egit, sæpeque Buda Jaurinum, & hinc vicissim illo comoneans, tandem conditiones, in quas Wladislaus consenserat, reginæ attulit, quæ, cum se a Frederico fere neglectam videret, & suos præterea ad Agriam, capto etiam ductore Telepho, profligatos comperisset, faciles Cardinali, tuta, & honesta suadenti, aures præbuit. Illud quoque ad accelerandam concordiam non parum conferre visum, quod Hunyiades novam ex Turcis victoriam consequutus ferebatur. Amurathes, etsi posito Imperio, filioque Mahomete, constitutis tutoribus, sibi subrogato, se a re publica abstinuisset, cladis tamen anni prioris memor, *Abedino* in mandatis dedit, ut acceptam jacturam, ex Transalpina

1442.

X

pro.



1442.

provincia rursus in Transilvaniam irrum-  
pens, repararet, verum ab Hunyiade, con-  
citato itinere, occupatus, interque fauces al-  
pium Valachiae conclusus, pene internecione  
deletus est, pauci, qui cladis nuncii essent,  
trans Danubium evasere. a)

Hæc dum secunda fama toto regno per-  
crebrescerent, regina conditionibus, a Car-  
dinale propositis, annuit, & Strigonium,  
quo utrinque conductum erat, acceptis publi-  
cæ fidei litteris, profecta est, ibique recon-  
ciliatio his pactis confecta: Wladislaus An-  
nam natu majorem reginæ filiam, cum CC.  
millibus aureorum, dotis nomine, & Casimi-  
rus regis frater, Elisabetham natu minorem,  
cum CXX. millibus, conjuges acciperent, &  
Silesia juris Polonici esset: interea Wladis-  
laus Hungariam, quin titulo regis Hungariæ  
uti ausit, tam diu pro infante gubernabit,  
donec is, pupillarem ætatem egressus, regi-  
mini aptus redderetur, qui si postea sine le-  
gitimo hærede obiret, Wladislaus pleno jure  
succedat; donationes tamen, quas hactenus  
fecisset, robur etiam deinceps obtineant, Sce-  
pusium Polonis perpetuum cedat, Hungari  
præterea juri, & actioni in Podoliam, & Va-  
lachiam, renuncient. b). Ceterum, has con-  
ditio.

a) Ducas, & Laonic. Chalcondyl. pag. 107. litt.  
Capituli Orodien. cit. an. 1444.

b) Callimach. l. cit. l. 2. Dlugos. l. 12.

ditiones, etsi utriusque partis consensu firmatæ fuissent, regni tamen Ordines, quod grave illis videretur, tot provincias a regno perpetuum avelli; postquam regina XXIV. Decembris ex torminibus, familiari sibi morbo, obiisset, irritas declararunt. a)

Mors reginæ variis animorum motibus occasionem præbuit. Giscra, & Bohemi, qui superiorem Hungariam tenebant, ut fidem in pupillum testarentur, ad Cæsarem Fridericum defecere, multi quoque ex Hungaris nutabant, Prageneses puerum regem repetebant, Turcæ, missis Legatis, pacem non tam petere, quam propositis fastu plenius conditionibus, præscribere ausi, Belgradum sibi dedi, & annuum tributum pendere postulabant. Rejecti sunt, & bellum in illos decretum, utque illius gerendi rationes cum regni Ordinibus conferrentur, Conventus Budam indictus est, ad quem Giscra quoque, cui, suasu Wladislai, ut a pupillo abstraheretur, cognata Rozgonii, Agriensis Epi-

X 2

lco-

a) Chron. Bartols. apud Dobner Tom. I. monum. pag. 206. Dlugos. l. 12. Vit. Arnpeck apud Hieron. Pez Tom. I. Script. rer. Austr. pag. 1254. Gerard de Roo affirmat Albæ reginæ penes maritum conditam esse, l. 5. Æn. Sylv. epist. 81. additque fuisse aliquos, qui veneno sublatam fuisse, suspicati fuerint.

ctis his non steterint, in eos pœna, utriusque partis iudicio statuetur. a)

1443.

Cum Giscra etiam, ne in bellum profecturis quidquam intutum relinqueretur, actum, & in has conditiones, opera Simonis Rozgonii, Agriensis Episcopi, conventum: induciæ a calendis Septembris, ad festum beati Michaelis futuri anni, servantur, quibus durantibus, ut pax facilius coalescat, Wladislaus cum suis Budæ, vel loco prope Strigonium opportuno; Giscra autem, cum Strigoniensi Archiepiscopo, & iis, qui pupillum sectantur, Baronibus Strigonii, futuro anno ad IV. Nonas Februarii convenirent, interea vero utraque pars ab hostilitate abstineat, neutra novas arces in suo solo exstruere, vel in alieno furtim, ut hactenus, occupare auit; bona possessoribus restituantur, Giscra denique, in ditionibus, quas pupilli nomine tenet, Cassoviensi, Leutschoviensi, ceterisque montanis urbibus, ac Scepusio, censum regium, & lucrum Camerae, salvis Ecclesiarum decimis, percipiat. b)

His prope Igloviam ipsis calendis Septembris utrinque firmatis, necessarii in bel-

X 3 .

lum

a) Callimachus l. 2. cit. Æn. Sylvius epist. 62. & 81. item in reb. Friderici III. Tom. II. annect. cit.

b) Litt. an. 1443. dat. prope oppidum Iglov vocatum, d. 1. Sept.

1443. lum apparatus facti. Huic ipse Wladislaus interesse voluit, Dux copiarum Joannes Hunyiades, quarum partem ipse suo ære conscripserat, constitutus, & profectio in Serviam suscepta. Hic Hunyiades cum XII. equitum milibus exploratum prævolans, Nissam primo impetu cepit, & urbs, exportata præda, incendio absumta est: inde ultra progressus, *Ezebegum* obviam habuit, hoc profligato, alterum, qui ei venerat subsidio, cæsis plurimis, in fugam egit, &, cum post paucos dies in *Thurambegum* incidisset, hunc quoque eodem victoriæ cursu profligavit. Relatis tot victorijs, ne Wladislaum periculo exponeret, compererat enim ex speculatoribus, ingentem Turcarum vim regiis castris appropinquare, reversus, hos quoque in ipso itinere aggressus, magnam cædem, Duce eorum intercepto, paucisque fuga elapsis, edidit. Amurathes, qui tridui itinere a castris regiis aberat, cum videret, suos tot cladibus dejecto animo esse, hyemsque infiret, nihil ausus, receptui cecinit, & Wladislaus copias per Serviam, quam, Turcis repurgatam, Georgio Despotæ restituerat, Belgradum, ac sensim Budam reduxit. a)

## IV.

a) Æn. Sylv. epist. 81. Callimachus l. cit. Litt. Capituli Orodien. an. 1444. supra cit. Thurocz Chron. Par. IV. c. 40. epist. Hunyiadis ad Nicol. de Wjlak, dat. in descensu regali Scaroniensi, 8. d. OO. SS. item Æn. Sylv. epist. 44.

IV. Fama multiplicis victoriæ per Europam didita, plures ex Principibus Christianis in belli communionem incitaverat. Eugenius IV. qui hujus communiter gerendi auctor erat, missis quaquaversum Legatis, regum aulas ad idem sollicitabat. Palæologus se partibus suis non defuturum nunciavit, Georgius Castriotus, cum XXX. Epirotarum milibus se subsidio venturum pollicitus est, Pontifex, Philippus Burgundiæ Dux, Veneti, & Genuenses, classem septuaginta triremium, se mari immissuros promissere, Julianus Cardinalis cruce signatos ex aliis ditionibus, non temnendo numero adfuturos, spem fecerat, & ne rei gerendæ nervus deesset, æs ex sacerdotum decimis, quod antea in Concilio Basileensi decretum erat, a Pontifice in hunc finem conflare jussum. *a)*

Wladislaus de hoc apparatu, & ne, cum illius res præcipue agatur, in communi Christianorum studio, sibi deesset, admonitus, indicto conventu, rem omnem deliberationi Procerum permisit. Sententiæ variabant. Poloni, nam & hi ad consultationem vocati sunt, magnopere refragabantur, quod Tartari non ita pridem Russiæ, & Podoliæ partem depopulati fuissent, consulendum igitur

X 4

do-

*a)* Raynald. ad an. 1444. Barletus de gest. Scanderbegi l. 2. Callimach. l. 3. Æn. Sylv. Europ. c. 5. Phranzes l. 2. c. 18. Chalcondyl. l. 6.

1444. domestico prius periculo, quam de bello hosti inferendo cogitetur: Hungari contra, priorum annorum victoriis confisi, arma corripienda esse, contendebant, nec pulchrum videri, si Principum Christianorum expectationem de se conceptam fallerent. Dubitanti Wladislao, utri parti adhærendum esset, Legati ex Turcia intervenere. Amurathes enim, comperto Christianorum Principum apparatu, cum neq in Asia, Caramaniæ enim Præfectus Pontum, & Bythiniam, arrepta tyrannide infestabat, res satis tutas videret, ne utrinque eodem tempore premeretur, pacem per Legatos suos offerebat. Erant conditiones Hungariæ cumprimis utiles: nam præter Bulgariam, quam sibi Amurathes relinqui cupiebat, quæcunque occupasset, ad diem, quem Wladislaus statueret, se redditurum pollicitus est. Tam splendidis promissis illecti, pene omnes pacem bello præferrebant, ipse etiam Hunyiades, belli alias in Turcas appetens, cum sponte ea reddi audiret, quæ bello, cujus incertus esset exitus, nec sine damno, vel periculo recuperari possunt, eorum sententiæ accessit, cui Despota quoque Serviæ suffragatus est. Pax igitur in eas, quas Legati proposuerant, conditiones confecta, & juramento ab Wladislao firmata est. a) Fue-

---

a) Callimachus l. 3. Dlugos. l. 12. Barletus de reb. gest. Scanderbegi. Chron. Turc. l. 1.

Fuere tamen, ut ex eventu patuit, qui non diuturnam fore, putabant, cum enim ea, quæ Amurathis Legati se reddituros pollicebantur, Wladislaus ad præstitutum diem repeteret, fucosas causas, aliam ex alia, quod Amurathes absens esset, prætexebant. Sero perfidia cognita est. Itaque omnium animi a pace ad bellum conversi, præsertim, quod Amurathem bello in Asia occupatum esse constaret. Re proinde cum Pontifice, ceterisque, qui prius communis belli auctores erant, Principibus, communicata, gerendi illius ratio hæc utrinque instituta: Cardinalis terrestres copias quidem duceret, conferendi tamen prælii potestas, & arbitrium penes Hunyadem esset, navalibus autem Franciscus Cardinalis Venetus præesset, Castriotus, ut res, & tempus, locusque monuerit, cum suis præfio sit, Fridericus in societatem quoque vocatus, cum ob Imperii negotia adesse non posset, induciarum, quæ cum Giscra initæ erant, vadimonium in se recepit. His constitutis, profectio terra, marique suscepta est. Wladislaus cum Hunyiade, quin hostis se aspectabilem præberet, acceptisque per iter supplementis, Vidinum attigit, inde victis semel, iterumque Turcis, qui illum ab ulteriori progressionem prohibere volebant, prope Pontum castra ad Varnam defixit eo proposito, ut spacium Palæologo ex una, Castrioto autem ex altera parte, ut conductum erat, rem agendi

di præberet, & ex eventu consilium caperet.  
 1444. Verum & ille moras traxit, & huic Despota  
 Serviæ, promissi, & beneficii immemor,  
 clanculum cum Turcis paciscens, viam arbo-  
 rum concæde obsepsit. Hic erat rerum situs,  
 cum Amurathes, intellecto suorum in Euro-  
 pa periculo, ex Asia accelerans, copias per  
 Hellespontum, quem classis Itala intercludere  
 neglexerat, traduxit, rectaque nostris sua  
 castra opposuit; qui cum de ratione prælii  
 ineundi, quod vitari jam non poterat, con-  
 sultant, Hunyiade, ut confestim pugnaretur,  
 suadente, aliis autem contra nitentibus,  
 Amurathes nostros adoritur, sed semel, ite-  
 rumque cum clade rejectus, ubi tertium vi-  
 res instaurat, etiam in fugam actus est, quem  
 cum nostri incautius, quam par erat, inse-  
 quuntur, Wladislaus alia parte ab hoste cir-  
 cumventus, fortiterque dimicans, vitæ, &  
 regno finem fecit. a) Caput a cervice rescis-  
 sum, hastæque affixum ut nostri aspexerant,  
 in apertam fugam coniecti, multisque er-  
 roribus acti, qua cui commodum erat, eva-  
 sere. Julianus Cardinalis b) in fuga cæsus,  
 Hunyia-

---

a) Inscriptio templi Coronæ, apud Schvandtner  
 Tom. II. pag. 18. cladis, & cædis Wladislai,  
 diem 10. Novembr. notat.

b) Hunc posteriores scriptores, belli hujus, & cla-  
 dis auctorem, invita veritate, faciunt, cum bel-



Hunyades ; cui infauftum pugnae exitum , 1444.  
 quali regem volens deftituerit, quidam, fed  
 falfo , tribuunt, trajecto Danubio in Vala-  
 chiam evadens, a Vajvoda provinciae reten-  
 tus, mox tamen liber dimiffus eft. Amura-  
 thes ; victo , quam victori fimilior, LXXX  
 enim fuorum millia amiffiffe fertur, collectis  
 vafis, & fpoliis, domum rediit. a)

---

 LA-

bellum hoc communi Principum confenfu fuf-  
 ceptum fuiffe conflet. Nec opus erat, ut re-  
 gem a praestito juramento solveret, quo alio-  
 quin, ob non servatas ab Amurathe condi-  
 tiones, ex natura contractus non tenebatur.

- a) Aen. Sylvius Europ. c. 5. & epist. 81. Calli-  
 machus l. 3. Dlugofs. l. 12. Michovii Chron.  
 l. 4. c. 56. Chalcondylas de rebus Turc. l. 7.



Albam convocanda esse, ut collapsis rebus 1445.  
 mature consulatur. Ad quæ cum pridie No-  
 nas Februarii frequentes confluxissent, nihil  
 fere decerni potuit, quod Palatinus, priorem  
 de Wladislao fabulam recoquens, intercede-  
 ret; hunc prius expectandum esse, quam  
 aliquid decernatur, aut, si vere occubuisset,  
 in eam satis aperte sententiam inclinabat, ut  
 defuncto successor vel ex ipsa natione legere-  
 tur, vel antiquata pristina regiminis forma,  
 certe ea inducatur, quæ Reipublicæ similis  
 esset, non obscure Oligarchiam designans,  
 Primum, quod se ipsum, tamquam aliud  
 agens, designare videretur, cum indignatio-  
 ne explosum, alterum, quod nihil in Majo-  
 rum consuetudine innovandum reliqui cense-  
 rent, itidem rejectum, & rem omnem, quo-  
 niam de communi omnium salute agatur, ad  
 communem quoque consultationem in pro-  
 ximo Conventu referri oportere, decreve-  
 rant. a)

Interea Hunyiades, cum non levem sibi  
 apud exteros invidiam, ob nupernam cla-  
 dem, conflari, intelligeret, Pontificem cete-  
 rosque Principes Christianos, imprimis Gal-  
 liarum regem, de illius causis edocuit, infe-  
 licem pugnae exitum non tam virtuti hostium,  
 quos

---

a) Æn. Sylvius epist. 81. & 93. Joan. de Zredna  
 comment. ad epist. Hunyadiis Tom. II, Script.  
 rer. Hung. pag. 17. & 18.

1445.

quos sæpe profligasset, quam non missis mature, ut conventum erat, Principum auxiliis, tribuens; hæc sibi non solum a Valachiæ, & Moldaviæ Vajvodis, sed Albanis quoque, Bulgaris, & Palæologo promissa, quorum spe Hungari bellum in Turcas gerendum susceperint, cum vero tempus moneret, nihil præstitum fuisse, & plerosque, rebus tantum suis, alieno periculo, consultum voluisse. Neque tamen se propterea animum despondere, quin ita esse comparatum, ut illatam cladem facile se reparatorum speret, si Principes pollicitis starent, & Pontifex Hungariæ subsidiis non deesset. a) Hæc ille cum ad tuendam nominis sui famam, tum ad imploranda auxilia per Europam vulgavit, nihil tamen suppetiarum ad communem Christianorum causam, præter pollicitationes, allatum. Spem igitur omnem in Conventu, qui proxime habendus erat, reposuit.

Hic, quod Palatinus Budam occludi iusserit, Pestini coactus erat. Hunyiades duo præcipue capita in consultationem adduxit: primum, viderent Proceres, ut de cogendis militiæ supplementis rationes mature inirent, ne, si Turcæ anni prioris successu elati, aliquid rursus tentarent, periculum priore majus evaderet: tum, quoniam constaret, Wladislaum in prælio occubuisse, necessarium omni.

---

q) Id. ibid.

omnino videri, ut pupillus, legitimus cetero-  
 quin hæres, quamprimum in regnum indu- 1445.  
 catur, Hungariam enim capite destitutam,  
 diu salvam esse non posse. Huic sententiæ  
 cum Dionysius Strigoniensis Archiepiscopus  
 ante alios accessisset, unanimi omnium vo-  
 luntate decretum, ut Legati ad Cæsarem  
 mitterentur, qui regem suum, & hæredem  
 regni repeterent. Delecti sunt Strigoniensis  
 Archiepiscopus, & Ladislaus de Gara, quos  
 plures ex Nobilium ordine, videndi pueri  
 regis cupidi, & quingenti equites, cum  
 XXIV. quadrigis, pro reducendo rege con-  
 sequuti sunt. His Nicolaus Ujlak, Vajvoda  
 Transilvanus, quatuor ex suis adjunxit, quem  
 Palatinus, ne se itineri daret, variis technis  
 usus, retinuerat, post tamen serius, aliorum  
 hortatu persuasus, ipse quoque adfuit. a)

Huniades legationi interesse non pote-  
 rat, quod Turcæ, Vajvoda instigante, ex Va-  
 lachia in Transilvaniam irrupturi fereban-  
 tur. Hac ille occasione, ut ex perfido, qui  
 se a clade Varnensi captivum detinuerat, ul-  
 tionem sumeret, copiarum partem in Vala-  
 chiam, quo Cardinalis Venetus cum Ponti-  
 ca classe, adverso Danubio, prope Nicopo-  
 lim venerat, deduxit. Hac celeritate Vaj-  
 vodam in montana fugere coegit, & Turcæ  
 hoc quidem anno, præsentē classe, nihil ho-  
 stile

---

a) Æn. Sylvii epist. 81.

1445. file audi sunt. Collatis dein cum Cardinali consiliis, egit de ratione futuri belli, & promissorum, quæ is, & Ducis Burgundiæ classis Præfectus, sibi fecerant, plenus, in Hungariam rediit, ut, si legatio ad Fridericum missa, non eum, quem sperabat, exitum haberet, consilia cum Proceribus, pro re, & tempore opportuna caperet. a)

Legati per id fere tempus iter ingressi sunt, quo Fridericus expugnato Ginfio in Austriam redierat. Accepit illos liberaliter, nihil tamen eorum, quæ petebantur, quod modum viderentur excedere, concessit. Pupillum enim, coronam, & urbes, quas mater illius oppignoraverat, sibi reddi flagitabant, coronam quidem, quod hanc, ut puer rursus coronetur, necessariam existimarent. Fridericus ad hæc, nec puerum, quod multi adhuc in Hungaria ab eo averſi essent, tuto ab se dimitti posse, respondit, nec, ut corona, & pignora, non redhibito, quod illorum causa, Elisabethæ reginæ olim datum erat, precio, reddantur, æquum videri; supervacaneum præterea esse, ut puer coronatus iterum coronetur. Postremum Legatis durum videbatur, facile enim intelligebant, eos, qui Wladislaum sectabantur, nota infidelitatis perstringi, & in pervicacia, ne puer in regnum

---

b) Ivanichii comment. in epist. Hunyadiis Tom. II. Script. cit.

gnum induceretur, corroborari posse. Quo intellecto, Fridericus non nihil de sua sententia decedens, se puerum quidem, ut is, omissa tamen unctione, coronetur, in Hungariam missurum promisit, si regni Ordines primam coronationem vigore non desitui, & coronam post inagurationem se remissuros publicis litteris fidem facerent, Posonium præterea sibi traderent, ubi pupillus sub sua cura etiam deinceps educaretur, dum legitimam ætatem attingat, ad quæ cum Legati mandata non haberent, Pestinum reversi, quem exitum legatio habuisset, ad Ordines retulere, a)

II. Visum plerisque est, rem, quod maturata deliberatione egeret, ad proxima Comitia differendam esse, ad quæ Fridericus suos quoque Legatos missurum se promiserat, interea autem Hunyiades rei publicæ curam vicaria potestate gereret. b) His constitutis, videbatur Hungaria, velut posita tempestate, tantisper malacia quadam frui, cum Comes Cilejensis, ab obitu Tallocii, Croatiæ Bani, castra, & ditionem Episcopatus Zagrabienfis invadens, pleraque vi sibi asseruit, indeque arma ad Auranam promovens, hanc quoque vastato circum agro in potestatem redegit. Sed

a) Æn. Sylvius. epist. 95.

b) Kaprinai hist. Hung. diplom. Par. II. pag. 141.

1446.

Sed temeritatem hominis, Hunyiades pro ratione officii sibi ab Ordinibus crediti, brevi armis ita repressit, ut non modo amissa recuperarit, sed adempta etiam Cilejensis agri partē, illum ad petendam pacem cogeret. *a)*

Redacto in ordinem Cilejensi, Comitibus datum initium est: in his ante omnia constitutum, ut Gubernator, qui pro pupillo regnum administraret, communibus suffragiis eligatur; idcirco omnibus mandatum, ut officiis suis interea decederent; tum, ut bona, per quoscunque vi occupata essent, suis dominis restituantur; qui arces nuper erexissent, quod non tam publicæ securitati, quam inferendis injuriis deservirent, has rursus funditus convellant, privatæ confederationes, ex quibus res publica non levia detrimenta hactenus acceperat, graviter interdictæ, decretumque, ut, quæ nunc constituta fuissent, ac deinceps statuerentur, ab omnibus, nullo habito conditionis, ordinisve discrimine, edito juramento, observentur. *b)* Rogatis deinde ad eligendum Gubernatorem sententiis, omnes miro consensu in Hunyiadem conspirarunt, cui, si illum bello extra regnum occupari contingeret, Nicolaus ab Ujlak

---

*a)* Æn. Sylv. epist. cit. & 93.

*b)* Ex autogr. Quod in Cod. jur. patr. exstat, mancum est. Integrum exhibet Katona Tom. XIII. pag. 468.



Újlak vicarius adjunctus est. a) Ne autem potestate Gubernator abuti posset, hi eidem limites circumscripti sunt: primum, ut eadem, qua reges, potestate quidem utatur, neminem tamen nota infidelitatis perstringere, vel ab hac solvere possit, nec dignitates, & beneficia ecclesiastica majoris ordinis, censusque, ac regales Abbantias, sine eorum, quos in partem consiliorum accepturus esset, assensu conferre; integrum tamen ei erit, bona, quæ secundum veterem consuetudinem, ad Fiscum devolvi solent, b) si numerum XXXII. *Sessio*num non excedunt, bene meritis de re publica donare, modo ne eidem, cui semel donasset, sæpius conferret: proventus regios, ut res, & tempus monebunt, in utilitatem publicam, Consiliariis adhibitis convertet: hic, si in judiciis sententia ferenda fuerit, præter Palatinum, & Judicem Curia, duos ex Prælatiis, totidem ex regni Baronibus, & sex ex ordine equestri deliget, alias vero unum ex Prælatiis, & Baronibus, duosque Nobiles in consortium adsciscet, si plures volet, in ejus arbitratu erit, quemadmodum & domicilium, ubi libuerit, fige-

Y 2

re, ,

---

a) Litt. Capituli Orodien, an. 1448. hæc diserte: *quod magnificus dominus Nicolaus de Wjlak inter ceteros honores, regni Hung. Vicarius generalis &c.*

b) Conf. Nouv. præv. §. 19.

re, denique exercitum, si periculi magnitudo, ac necessitas postulaverit, ipse ducet. a) 1446. Hos limites sibi præscriptos, juramento sigilloque suo firmatos, b) publicis tabulis testatus est, & ut initia suæ gubernationis insigni facto commendaret, Laurentium de Hedervara, etsi illum sibi maxime adversari non ignoraret, in Palatini dignitate confirmavit.

Nondum Ordines conventum solverant, cum litteræ a Friderico allatæ sunt, quibus de injuriis, quas Hunyiades, dum Cilejensem armis represserat, Stiriz intulerit, graviter questus est, peneque ei apud illos, qui illi infensi erant, & erant hi non pauci, invidiam conflasset, nisi

a) Ex autogr. cit.

b) Sigillum exhibet corvum gentilitium cum Luna decussata, & hac perigraphie: *S. Joannis de Huniad. Gubernatoris. Regni Hungarie* Litteris donationum solebat Sigillum etiam Ordinum adjungi, hac verborum, quæ in litt. an. 1446. fer. 2. ante fest. BB. Petri & Pauli Apost. exstat, forma: *quibus Sigillum nostrum, quo nunc ceu Gubernator hujus regni utimur, sed & Sigillum universitatis ejusd. regni Hung. penes Sigillum nostrum, de nostro beneplacito ac dictorum DD. Prælator. & Baron. assensu sunt appensa.* Sigillum autem Ordinum refert crucem patriarchalem tricolli insistentem, cum hac epigraphie: *S. Prælatorum. Baronum. & Nobilium. Regni Hungarie.*

nisi is prolixa epistola, ab hac criminatione se purgasset. a) Nec Fridericus ultra querelas progressus est, & Hunyiadem periculum Transilvaniæ, Pestino advocavit. Wladus, alias, quod suis ob crudelitatem exosus esset, *Dracula* dictus, b) copias suas Turcis conjungens, vastata Transilvaniæ parte, quatuor fere millia captivorum abacta, servituti Turcarum subjecit. Barbarum facinus, Hunyadi stimulus erat accelerandi. Ut in Valachiam venit, facile nefarium hominem, a suis desertum, in fugam conjecit, eique *Danum*, qui *Draculam* e fuga retractum, cum filio interimij jusserrat, fiduciario jure Hungariæ obnoxium subrogavit, cujus exemplum Vajvoda Moldaviæ sequutus, se quoque in clientela Hungariæ futurum professus est. c)

Y 3

Re-

- 
- a) Joan. de Zredna epist. 21. apud Pray Part. III. pag. 46.  
 b) Valachi diabolum etiam hodie vocant *draculam*.  
 c) Joan. de Zredna epist. 25. l. cit. Hoc illi tamen post mortem, inimicis instigantibus, vitio datum est, ut habent litt. autogr. Ladislai an. 1457. XII. cal. Apr. *Vajvodas nostros Transalpinensem, & Moldaviensem, nobis, & regno nostro fideles, alios occidi, alios expelli fecit, & eorum loco alios, quos sibi obligatos fieri debere putavit, superinduxit.*

**1446.** Reduci ex Valachia, res cum Friderico fuit. Cum enim is nec pupillum, nec coronam, ut nuper polliceri videbatur, redderet, & Hunyadiis, ad reprimendos adversariorum conatus, magnopere referret, ut Rex in Hungaria esset, hunc armis repetendum ex Ordinum voluntate constituit. Causis, cur id faceret, ad Pontificem, & Ducem Venetorum, ad vitandam invidiam, perscriptis, castrisque ad *Sarvarum* positis Viennenses, ut in communi causa se Hungaris sociarent, invitavit, quos cum dubios, in quam partem se darent, videret, vastato Neostadiensi agro, Viennamque propius movens, rursus in communionem armorum vocavit. Tam vicino hoste territi, Legatos proxime a Friderico mittendos responderant, qui cum eo transacturi essent. Nec multo post adfuerit Comes Cilejensis, & Schlickius, qui olim Sigismundo, & Alberto a consiliis, insigni rerum tractandarum peritia pollebat. Cum hoc igitur ita conventum, Cilejensis Castrum Jaurinense ad futuras IV. Nonas Februarii, Hungaris restituet, nisi faxit, impune his erit, si ditiones illius hostiliter invaserint. Fridericus, ne Stiria hac occasione incursionibus pateret, conditionem rejecit, & Hunyadiis arma resumlit. a)

## III.

a) Acta publ. civit. Viennen. apud Pray Part. III. pag. 47. 48.

III. Quo minus autem res in apertum 1447.  
bellum eruperit, industria Juliani Cardinalis  
S. Angeli, qui Viennam per id tempus vene-  
rat, factum, qui crebra nunciorum ad Fri-  
dericum misitatione, inducias biennales  
utrinque conciliavit, quarum hæc erat sen-  
tentia: Fridericus Ginzium, & vicina oppida,  
quæ in pignore tenebat, Albertus vero, fra-  
ter illius, *Kismartonium*, cum vicis adjacenti-  
bus, donec pignoris rationes illustrentur,  
possideant, Jaurinum contra Hungaris red-  
datur, possint tamen Austriaci suppellectilem  
suam bellicam inde prius efferre: Ladislaus  
de Gara, substituto suo fratre obside, ex  
Græcensi captivitate, dimittatur, intra anni  
tamen spacium se ibidem rursus sistat, nisi  
forte interea pactis conventis in libertatem  
vindictur: vetitum præterea, ne Hungari  
ea, quæ Fridericus in Hungaria possidet, Au-  
striamve, nec Austriaci Hungariam infestent,  
qui contra facerent, in hos utrique pœnis  
animadvertant: postremum; octo ex Hunga-  
ris mense Novembri Viennæ adessent, ut,  
Nicolao V. Pontifice arbitro, pax stabilis  
possit coalescere. a) Hunyadiades, qui interea,  
si legatio non eum, quem sperabat, exitum  
haberet, Polonos sibi conciliare studebat,  
conditiones, ut primum allatæ sunt, ne quid

Y 4

suo

---

a) Acta publ. urbis Vienn. apud Pray Par. III.  
pag. 47. — 60.

1447. suo arbitrio gerere videretur, conventu Budæ habito, Ordinibus proponi iussit, quas cum hi quoque ratas haberent, actum est de Palatino, Laurentius enim de Hedervara sub idem tempus obierat, eligendo. Electus est Ladislaus de Gara, succisa tamen potestate in Budam, ceterasque urbes regias, quas decessor sibi usurpaverat, & Ordines jam anno superiore decreverant, ut in arbitrio Gubernatoris essent. a)

1448. Induciis cum Friderico conciliatis, bellum in Turcas, quorum apparatus Hungariam designare videbantur, decretum. Hunyades quidem Moldavum, qui datæ fidei immemor, in Polonorum clientelam recens concesserat b) in ordinem prius redigere cogitabat, nisi præsentius periculum ab Amurathe incubuisset. Significaverat id Pontifici, regi Arragonum, & Venetorum Duci, a quibus subsidium sperabat. Laudarunt omnes propositum, sed ultra laudes nihil præstitum. Collecto igitur viginti duorum millium exercitu, ultra Belgradum progressus, ad Sophiam constitit. Amurathes non longe aberat cum octoginta millibus. Cum se numero inferiorem videret, facto in tutiora loca receptu, aptum pugnae situm in campo Merularum delegit, pau-

a) Dogiel Tom. I. pag. 58. sequ. Math. Bel. Tom. III. Notif. Hung. nov. pag. 207.

b) Joan. de Zredna l. cit. epist. 29. 31. 35. 39.

panloque post prælium confertum, & in alterum diem extractum est: primo victor, altero, 1448.  
proditus a Despota Serviae, victus, reliquias ad Istrum reduxit, sed, cum itinere a suis paulum diverteret, à duobus Serviis interceptus, mox tamen, uno eorum caeso, & fugato altero, liber, a Despota rursus captus, nec ante dimissus est, quam, Ladislao filio natu majore dato oblide, Mathiam natu minorem, filiae Ulrici Cilejensis se desponsurum promississet, & *Marnaviciis*, admotis Szenderoviae copiis suam quoque operam ad eum liberandum contulisset. a)

IV. Ex captivitate reversus, ne maligno de se per Europam spargendo rumori occasionem daret, seriem pugnae, ut gesta erat, ad utrumque oratorem suum, Romam perscripsit, illud praecipue illis commendans, ut inde quoque subsidia corrogarent, ipse autem nihil a rei publicae studio remittens, in eam curam animum maxime intendit, ut regnum ab externis, & domesticis hostibus, magnam enim ab accepta clade invidiam apud Optimatum praecipuos incurrerat, tutum praestaret. Misit hac de causa ad Fridericum Legatos, & constabilia cum Cilejensibus ami.

a) Idem, & Chalcondyl. l. 7. Erasmi. Fröhlich Specimen 2. genealog. chronolog. Comitum Gortia. Kercselics Notit. praëlimin. Dalm. &c. pag. 272.

amicitia, inducias, interprete Despota Ser-  
 1449. viæ, cum Turcis inire constituërat. Verum  
 homo suspicionum plenus, bellum sibi parari  
 ratus, negotium dolis suis infectum reddidit.  
 Itaque ut versipellem, & in utramvis partem  
 varium castigaret, ademptis ditionibus, quas in  
 Hungaria habebat, coegit, ut Ladislaum fi-  
 lium, quem obsidem tenebat, liberum dimit-  
 teret. Cum Bohemis quoque, quod Frideri-  
 1450. cus iter Romam pararet, secumque pupil-  
 lum ducturus ferebatur, inducias confecit, &  
 Comitia Posonium indixit, ut ex loci pro-  
 pinquitate, si quid rumori subesset, facilius  
 consilium pro re nata, depromi posset. Una  
 omnium vox fuit, pupillum repeti oportere,  
 idem Bohemos desiderare, Austrios quoque  
 ipsos dominationis Friderici jam tædere,  
 nec permittendum, ut puer teneræ ætatis, &  
 tanto itineri sustinendo impar, extra suas  
 ditiones educatur. Hunyiades ante omnia  
 Pontificem per litteras, ut is auctoritatem  
 suam interponeret, orandum duxit, tum rur-  
 sus missi ad Fridericum Legati, qui pupil-  
 lum cum corona repeterent, agerentque, ut  
 Ladislaum de Gara, Palatinum a data Græ-  
 cium redeundi fide, liberum pronunciaret.  
 Postremum non difficulter impetratum, cetera  
 non item; de quibus tamen postea in has  
 conditiones utriusque conventum: Fridericus  
 pupillum cum corona tam diu in tutela te-  
 neret, donec is decimum octavum ætatis an-  
 num



num compleverit, interea autem nec Hungari Austriam, nec Austrii Hungariam armis infestabunt, & Fridericus Gubernatori nullum in administrando regno impedimentum afferet, nec ab aliis afferri patietur, quin contra tales, si necesse fuerit, eidem auxilio erit. a)

Fridericus, conciliatis sibi hac ratione Hungaris, pacatis quoque studio Æneæ Sylvii Bohemis, itineri Romano se parans, ducto secum pupillo Græcium, & hinc Vil-lacum concessit. Absentia illius occasionem Australibus res novas moliendi præbuit. Con-citator erat Ulricus *Einczingerus*, qui inita-cum plerisque Proceribus conspiratione, pu-pillum ex itinere remitti postulabant, cælum Italicum puero grave futurum causati, re ipsa autem, ut eo in potestate habito, pro-vinciâ suo arbitrio administrarent. Friderico id crimini datum, quod provinciales exauctis vectigalibus premeret, & Alberti testamentum, quo duos ex Austriæ optimatibus, infanti tu-tores constituerat, irritavit, ejusque thesaurum, hæredi relictum, intervertisset, simul Ma-gistratum a Friderico renunciatum loco de-ce-dere

a) Thurocz Chron. Par. IV. c. 39. & 47. Joan. de Zredna l. cit. epist. 49. 67. Dlugos. l. 13. Cod. Ms. biblioth. Mellicen. apud Pray Part. III. pag. 70. Haselbach apud Pez Tom. II. col. 368. Æn. Sylvius hist. Boh. c. 58. & 59. Gerard. de Roo l. 5.

1451.

dere cogunt, aliumque constituunt, qui curam pupilli, & provinciæ deinceps gereret, idque missis ad Fridericum nunciis, quibus Vienna, ceteræque urbes, suos adjunxerant, significarunt, neve soli invidiam sibi apud externos conficerent, Bohemos, & Hungaros quoque in foederis communionem vocarunt. a)

Ac hi quidem rebus domi iterum turbatis, societati illorum tunc quidem accedere non poterant. Bohemi enim, qui Giscram sequebantur, vicinas ditiones, contra pacta conventa, incurfare, prædasque agere identidem solebant, quos ut ab inferendis deinceps maleficiis cohiberet, latibula illorum demoliri statuerat. Egit rem primum alterna fortuna, postea militiam meliori usui servans, pacem cum Giscra, depensis decem millibus, & sexcentis auri florenis pactus est, Giscra vicissim se in Hungarorum arbitrio futurum spopondit, sed, ut turpi nundinationi fucum honestatis allineret, tam diu se pactis staturum professus est, donec Ladislaus regni possessionem adiret, quasi non tam prædaram, & lucri cupidine, quam studio, quo in pupillum ferebatur, arma corripuisse videretur. b)

Gu-

a) Æn. Sylvius in rebus Friderici, analect biblioth. Cæsar. Tom. II. apud Pray Par. III. pag. 80.

b) Idem ibid. apud eund. pag. 82. — 84. & diplom. familiæ Rozgoniorum an. 1453. apud eund. pag. 130.

Gubernator, cum ex depactæ pecuniæ vadimonio, quod Ordines in se receperant, & alias quoque usu ipso comperisset; multos ex Proceribus clanculum sibi infensos esse, ne malo intestino externum quoque accederet, inducias cum Mahumete, qui Amurathi interea successerat, in tres annos pepigit. <sup>1451.</sup> a) Eadem opera, agente imprimis Joanne *Vitezio*, Varadinensi Episcopo, amicitiam cum Georgio Serviciæ Despota, & affinitatem, his conditionibus iniit: Elifabetha Ulrici Cilejensium Comitum filia, quam ex Catharina Despotæ filia natu maxima sustulit, altero ab hinc anno, ad festum Divi Nicolai, Mathiæ Hunyadi filio, peracta prius sponsione, in manus conveniret, sponsam, ut eam domum deduxerit, religionem Græco ritu profiteri, ejusdem religionis quoque famulos habere permittet: si illa ad conductum tempus sponsi jungi nollet, vel Despota promissis non staret, tum bona illius, quæ beneficio regum Hungariæ, in Bereghienfi, Szathmariensi, Bihariensi, Sirmienfi, Torontalensi, Crassovienfi, & Zarandienfi, provinciis possidet, ad Gubernatorem, & ejus filios, horumque hæredes devolverentur: sin vero utrumque sponsum ante initum matrimonium obire contingat, amicitia nihilominus inter utrumque paci-

---

a) Chalcondylas l. 3. & Ducas pag. 131.

**1451.** paciscentem firma persisteret. a) Hæc Des-  
spota edito juramento confirmavit, sponfori-  
bus, quod mirum videri potest, fere iis,  
qui, ab Hunyadiis obitu, familiæ illius præ-  
cipui hostes erant. b)

**1452.** V. Nondum Fridericus sequentis anni  
VIII. Martii Romam attigerat, cum Australes,  
consentientibus Bohemis, Moravis, &  
Stiris, pupilli causam communiter tuendam  
suscepere, Hungaris quoque, in quorum vi-  
ribus plurimum spei reponebant, in societa-  
tem adscitis. Congressus Viennæ habitus est,  
& sædus III. Nonas Martii, concordie omni-  
um suffragatione, his conditionibus percussum:  
ad liberandum pupillum omnes mutuo sibi au-  
xilium ferent, si lis illius causa inter paciscen-  
tes oriretur, ea communi judicio sopienda,  
& pupillus libertati restitutus, Pofonii ea ra-  
tione, quam pater testamento constituerat,  
educandus erit; quem si prius mori contin-  
geret, quam hæreditatem paternam adeat,  
& propterea damnum aliquod sæderatis in-  
ferretur, ad id ulciscendum omnes, non ha-  
bito

a) Dat. in Zenderew sabbat. prox. ante fest. B.  
Laurentii M. 1451. Primus id vulgavit D.  
Spiels archiv Nachrichten Part. I. pag. 173. in-  
tegrum autem exhibet Katona Tom. XIII.  
pag. 778.

b) Inter hos fuere Laurentius de Gara Palatinus,  
& Nicolaus ab Ujlak.

bito Nationum discrimine vires suas conjungent. *a)* Firmatis pactis oratores, inter quos Jaurinensis Episcopus erat, ad Pontificem, & Cardinalium collegium missi, qui, ut pupillus e Cæsaris potestate eximeretur, flagitarent; sed, cum Fridericus omnium animos jam occupasset, illiberaliter accepti, & Australes præterea sacris interdicti, Hungari vero, ut se ab iis sejungerent, admoniti sunt. *b)* Australes nihil hac denunciatione territi, primum scripto publico Concilium generale appellabant, tum, ubi pædagogum Ladislai, quod huic auctor fugæ fuerit, in carcerem a Cæsare conjectum audierant, magis irritati, reducem a Romana coronatione, Neostadii sub finem mensis Augusti, obsidione cinctum, ad ineunda pacta adegerunt. Conciliatores Dux Bavarix & Marchio Brandenburgensis fuere, qui adscitis in consortium Marchione Badenensi, Salisburgensi Primate, & Frisingano Episcopo, in hanc sententiam cum Australibus coaluere: Cæsar pupillum curæ Comitis Cilejensis, cui alioquin consanguinitate junctus esset, committat, & in villa Bertholdi servet

---

*a)* Ex Cod. Ms. biblioth. Mellicen. apud Pray Part. III. pag. 89. exstat quoque in hist. Ms. Austriæ L. B. a Greyssen, Tom. II. l. 7. f. 705. seq.

*b)* Aen. Sylvius in rebus Friderici III. apud Pray Par. III. pag. 92. — 111.

1452. ~~\_\_\_\_\_~~ vet, nec prius admoveat regimini, quam cognati Duces cum Hungariæ, & Bohemiæ Proceribus, in futuro Viennensi conventu, qui ad XI. Novembris indictus erat, quod reliquum esset, constituerent. Ita Ladislaus Comiti traditus, primum in villam Bertholdi, ubi, ne quid Stiriacum ei adhæreret, thermis usus, postea Viennam contra datam fidem deductus est. a) Cominus Urbi appropinquantem soror Elisabetha velut ab exilio reducem complexa, & matronæ Vienneses ferto ex unionibus contexto ornatum, cum urbano magistratu, ad Divi Stephani duxerant, & gratiæ, ob liberatum Principem Deo habitæ.

Abhinc rem publicam, aliorum magis, quam suo, arbitrio capeffens, Hunyiadem in dignitate confirmans, Austriam Comiti Cilejensi, & Bohemiam Georgio Podiebradio gubernandam credidit. Primo honor præ reliquis habitus, quem, erecto ad id, in foro Carmelitarum, suggestu, Comitem Biztricensen, regio amictu ornatus, renunciavit, eique haud aliter, quam Principibus solet fieri, insignia contulit, b) edito serius diplomate, quo præclare facta illius, a juventute ad hoc tempus bono publico utiliter præstita, insigni

---

a) Aen. Sylvius in rebus Friderici Tom. II. analect, alias cit. & hist. Bohem. c. 60. & 62.

b) Idem ibid. & in Europa c. 22.

gni laudum encomio complexus est. a) Sed 1452.  
id illi apud non paucos Optimates magnam  
invidiam conflavit, qui, cum tot honores, &  
qui his conjuncti erant, amplissimos fundos,  
in hominem, cujus vel ipsa incunabula non  
satis certa ferebantur, b) conferri ægre pa-  
terentur, innocuum adolescentis animum va-  
riis suspicionibus impleverant, qua de re  
Hunyiades a familiaribus admonitus, ipse  
securitati suæ etiam consulens, amicitiam,  
qua alter alterum contra invidorum conatus  
se defensores receperant, cum Giscra iniit,  
quod illi deinceps in fraudem vertit. c)

Dies interea Conventui præstitutus, &  
Legati a Friderico Viennam advenerant, in-  
ter quos licet etiam Æneas Sylvius, rerum  
tractandarum peritissimus, esset, nihil tamen,  
quod utraque pars mediocritatem in postu-  
lando excederet, confici potuit: Hungari co-  
ro.

---

a) Vide Pray Par. III. pag. 25. — 28.

b) Sunt, qui illum Sigismundi regis, ex illegiti-  
mo thoro, filium fuisse perhibent, alii, inter  
quos Bonfinius, ex Romana Corvinorum fami-  
lia originem ducere autumant, alii denique,  
& vero similis, ex patricia Valachorum stir-  
pe, quæ deinde per conjugia Hungarico san-  
guini innexa fuerit, ortum censent. Conf. Pray  
Par. III. 185. & seq.

c) Aen. Sylv. in rebus Friderici III. l. cit.

1452.

ronam, & urbes, quas Cæsar in pignore habebat, sibi gratuito reddi flagitabant, Fridericus contra, nisi pignus numerata pecunia dilueretur, id se facturum negavit, & sumtus, quos educando pupillo hætenus impenderat, sibi præterea compensari voluit, ita conventus, rebus infectis, solutus fuit. Mox inter ipsos confœderatos lis exorta; Bohemi regem Pragæ, Hungari apud se morari optabant, utrique, si diutius abesset, rem publicam periculo non vacare contendebant: altercationi Ladislaus, paululum mentem in se reflectens, finem fecit, & ad Hungaros conversus, *michi*, inquebat, *quia sum Hungarus, apud vos est manendum*, quæ vox mira lætitia illorum excepta, & epistolis per regnum vulgata fuit, Bohemi vero, & Australes in sententia regis conquirevere. a)

1453.

VI. Pofonium igitur fequente anno veniens, quo régni Ordines frequentiffimi confluerant, regni poffeffionem aufpicatur eft a Comitibus. b) In his primum ipfe de fervandis regni immunitatibus, juramentum promore dixit, idem viciffim Ordines de fidelitate eidem præftanda edidere, tum ut in ipfo regiminis aditu nomen fibi a clementia conciliaret, delictorum omnium, quæ ab Alberti

a) Aen. Sylvius in reb. Friderici III.

b) Annos tamen regiminis a coronatione numerabat.



berti obitu, in se commissa fuissent, veniam fecit, idque, si qui vellent, litteris se testaturum pollicitus est. Donationes matris suæ, forte eorum, qui indonati abierant, consilio irritas declaravit, iis solum exceptis, quas Ordinum consensu fecisset, eas vero, quas Gubernator hactenus fecerat, ratas habuit. Castella reliquaque munimenta, quæ nec regum, nec Ordinum indultu exstructa erant, solo æquari iussa, qui imperata non facerent, in eos ut sententia in proximo Albensi conventu ferretur, decretum: postremo cautum, ut, qui bona aliis per vim eripuissent, ea dominis suis restituant, qui renuerent, notam infidelitatis incurrisse censeantur. *a)* Hæc quasi primitiæ novi regis erant, Gubernatori prope modum exitiosæ. Sub ipsis enim Comitibus fama didita erat, illum, ut in pristina dignitate a rege confirmaretur, Comiti Cilejensi quotannis XII. aureorum millia promisisse, atque ita, si alia XXIV. regi quovis anno stipulata, in censum veniant, possessionem regni, XXXVI. aureorum millibus enitam fuisse. *b)* Et si quidem constaret, hæc ad conciliandam Hunyadi invidiam, ab inimicis sparsa esse, Ladislai tamen animum, qui per ætatem primæ fere admissionis erat, sensim ab Hunyadi alienum reddidere, &

Z 2 odii

*a)* Exstat in Cod. Jur. patrii Tom. I. pag. 207.

*b)* Aen. Sylvius l. cit.

**1453.** odii inter hunc, & Cilejensem, semen erant, quod post illius mortem in apertum erupit.

Cilejensis, soluto Conventu, regem non diu Pofonii passus morari, Viennam redux t, &, ut illius nomine rerum potestas penes se esset, educationem illius ad omne voluptatum genus ita informare decreverat, ut, nisi adolescens in Cæsaris aula parsimonizæ consuefactus, illo melioris indolis fuisset, omni fere vitio inquinandus fuerit. *a)* Sed rationes corruptissimi hominis commode Bohemi interturbarent, qui regem a Pofonienfi reditu, ut ad se veniret, orabant, qui iter Boheemicum alioqui apud se jam constituerat, pecuniæ tamen defectu hactenus distulit, quod hanc Australes, nisi Ordinum conventus haberetur, se daturos negarent. Corneuburgum igitur delectum; id Cilejensi, qui hunc locum, ne quid Viennæ in se statueretur, delegerat, exitio fuit. Einczingerus enim, qui se illius technis aula submotum sciebat, hominis scelestam vitam, summæ arrogantizæ conjunctam, convento clam rege, ita tetre depinxit, ut illum Viennam redux, confestim aula exesse jusserit. *b)* Præbito deinde sumtu a provincialibus, iter Bohemicum ingressus, dictoque in limitibus consueto alias

---

*a)* Aen Sylvius in reb. Friderici III. l. c. apud Pray Par. III. pag. 121.

*b)* Mem ibid.

alias juramento; Pragam veniens, coronatus est. Peracta inauguratione, Podiebradio regni gubernationem in sexennium credidit, ignarus, hac ratione ei viam sensim ad folium sterni. 1453.

Sub hæc res haud satis pacatæ ex Hungaria afferebantur; qui invidia in Gubernatorem flagrabant, suo arbitratu ei sex Prælatos, totidem ex Baronum, & Nobilium Ordine adjunxerant, qui cum illi difficilem, & impeditam administrationem redderent, litteras querelarum plenas ad regem dedit, sed responsum in utramvis partem tam ambiguum accepit, ut facile appareret, aut non imprudente rege id factum, aut certe criminationes, quas aliqui Magnatum Viennæ, & Posonii in illum conjecerant, eas jam radices in animo regis fixisse, ut non invitus id factum ferre videretur. a)

Pragæ magna anni parte exacta, Wratislaviam digressus, constitutis magistratibus, fidelitatis sacramentum a provinciæ Ordinibus accepit, ubi, cum Poloniæ Legati illum convenissent, sororem Elisabetham Casimiro regi ea conditione despondit, ut sequente anno

Z 3

con.

---

a) Litt. regis ex Cod. Ms. biblioth. Mellicens. apud Pray Par. III. pag. 152. sed an. 1453. rescribendus, Pragæ enim an. seq. non fuit, nec ante, quam 1456. illo reversus.

1453. conjugem acciperet, a) tum, increbescen-  
te b) in dies fama de capta à Turcis Constan-  
tinopoli, Viennam reversus, comitem Cile-  
jensem, eorum, quos inter familiares, sed  
precio facile mercabiles, habuit, consilio  
usus, in pristinum honoris, & gratiæ locum  
reposuit. Subinde Legati ex Hungaria ad-  
fuerunt, qui, Procerum nomine, regem, ut ad  
se inviseret, orabant. Erant hi fere ex eorum  
numero, qui in Hunyiadem jam pridem infenso  
animo fuere. Cilejensis locum illius etiam in  
Hungaria captans, sæpeque cum his congres-  
sus, cum primum regem seorsim nactus est,  
maximorum criminum Hunyiadem reum age-  
bat, illum, non vero Ladislaum, regem es-  
se, deferri ad illum census regios, & vecti-  
galia, quibus in rem magis suam, quam re-  
gni utatur, Turcis quidem infensum videri,  
re ipsa amicum esse, his semel, iterumque  
exercitum prodidisse, unum quoque regem  
ab

---

a) Documenta vide apud Dogiel Tom. I. pag.  
155. — 160. & Aen. Sylvii epist. 140. nunc apud  
Wratislaviam inter regem Pol. & Alberti fi-  
liam matrimonium tractatur. Ex Græcio d.  
11. Aug. 1453.

b) De expugnatione hujus urbis qui plura volet,  
consultat Aen. Sylvii epist. 141. & 159. Rela-  
tiones varior. apud Bzovium ad an. 1453. item  
Martene thesaur. anecdotor. Tom. I. col. 1819.  
& seq.

ab eo jam perditum, facile futurum, ut idem alteri contingat, nec dubium videri, quin tyrannidem affectet, proinde Viennam esse arcessendum, & si in ordinem cogi non posset, e medio tollendum. Fidem fraudulento homini habuit, Gubernator Viennam vocatus, cum bis mille equitibus in regni limine ad *Köpecfinium* substitit, ab amicis Vienna admonitus, ne ultra progrediretur. Hic ei Cilejensis obviam factus, a rege illum expectari, iter proinde acceleraret, hortatur, renuit primum, mox amicorum, Lambergieri imprimis hortatu, si sibi Rex publicæ fidei litteras mitteret, se venturum pollicitus est. Promissæ sunt, sensimque urbi ad quatuor millia passuum appropinquans, cum sibi litteræ non redderentur, dolum subesse suspicatus, in Hungariam rediit. a)

1453.

1454.

VII. Cum Cilejensis hanc machinam frustra ab se admotam videret, quod alias dissuadebat, nunc regi auctor erat, ut in Hungariam profectus, Comitia indiceret, ratus, se dolum isthic facilius adornaturum, quod non ignoraret, non paucos ex Hungaris, præcipue Palatinum, qui suam auctoritatem a Gubernatore accisam existimabat, eidem perinseos esse. b)

Z 4

quem

a) Æn. Sylvius in reb. Friderici III. l. cit.

b) Idem epist. 127. *In Ungaria Prælati, & Barones inferri sunt Joanni Hunyadi Wajvodæ &c.*

**1454.** quem jam ante suspicionibus impleverat, ab eo penitus avertere cupiens, aliquos ex Prælatiis, & Baronibus subornavit, regi id consilium darent, ut civitates, & proventus regios, missis nunciis, ab eo repeteret. Hunyiades veritus, ne illi adolescentia regis abusi, proventus in suum lucrum convertant, primum morari visus, mox tamen, cum mandata iterarentur, imperata confessum fecit. Verum hæc ipsa mora novam æmulis occasionem præbuit, augendæ in illum apud regem invidiæ, quo ille certis indiciis cognito, Buda discessit, nec Comitibus, nisi redditis sibi publicæ fidei litteris, adesse voluit, rursumque rege salutato recessit, a) non ignarus, Comitibus quidem belli Turcici causa esse indicta, re ipsa autem id agi, ut loco, & dignitate moveatur, ut ex eventu patuit.

Ante omnia enim in Comitibus, antiquato Gubernatoris nomine, & potestate, sola armorum præfectura Hunyadi relicta est, credo, necessitate magis, quam concordie voluntate, cum nemo per id tempus ad reprimendos Turcas, si quid, occupata Constantinopoli, in Hungariam tentarent, magis illo idoneus reperiretur. Gubernatore exauctorato, delecti certo numero ex Prælatiis, & Baronibus, qui in proventus regios diligenter

---

a) Hæc Ladislaus in litt. autogr. an. 1457. XII. Cal. Apr. ab aliis incitatus, prolixè memorat.

ter inquirerent, ritene, an contra erogati fuerint, quove convertantur, satisne etiam sint, 1454.  
 ad præbenda iis stipendia, qui sub signis regis merentur? dein ad propulsandum, quod vix jam vitari potuit, bellum Turcicum, rationes initæ: Archiepiscopi, Episcopi, Præpositi, Capitula, & Abbates, secundum proventus, ut olim sub Sigismundo, militem in numero habeant, & bello intersint, Magnatibus quoque, & Proceribus imperatum, ut suos in bellum ducant, idem Nobiles unionis sessionis per se præstabunt: nemini stipendia ex regio ærario præbebuntur, sed quisque suo sumtu militiam profitebitur: census capitum, quæ armis gerendis apta sunt, fideliter iniri iussus, quo inito, defectus equitis, quindecim, peditis autem, decem aureis, pensandus erit: nemini fas sit, clam, injussive Ducis, ab exercitu recedere, qui fecerint, Nobiles bona sua amittent, ignobiles vero, capite plectentur; omnes denique, ubi tempus monuerit, & ab Hunyadiade, exercitus ductore litteras acceperint, cum copiis suis eidem præsto sint. Hæc belli, si ingrueret, contra Turcas gerendi constituta ratio est, quæ cum videretur prisco mori contraria esse, petatum a rege est, ne suos deinceps simili onere gravatos vellet. a)

Fini-

---

a) Decretum existat in Cod. jur. patr. Tom. I. pag. 209. estque ordine secundum.

1454. Finitis Comitiis, Rex Viennam rediit, ut ex Bohemis, & Australibus quoque supplementa legeret. Capta enim Constantino-  
polis sollicitudinem toti Europæ, imprimis Germaniæ ingessit, cum fama in dies magis, magisque increbresceret, Mahometem ingentes rursus apparatus facere, & bellum in Hungariam meditari, quin, violata induciarum fide, jam in Serviam irrupisse, ejectoque Georgio Despota, & capta Szenderovia urbe, ipsam arcem obsidere. Nec fama, re minor erat. Hunyiades, illatas sibi ab æmulis injurias, rei publicæ bono postponens, ut de periculo edoctus est, collectis summa celeritate copiis, in Serviam contendit, & adventu suo Mahomet Begum ab obsidione arcis removit. Mox Fritzbegum cum XXX. milibus in Bulgaria, ad arcem *Krusolicium* excubantem, aggressus fudit, captoque, cum reliquis Præfectis, Bego, vastitatem latissime circumtulit, exustoque Vidino, cum suis Belgradi substitit. Inde rei gestæ seriem ad Fredericum Cæsarem perscripsit, orabatque, ut, cum totius Christianitatis caput esset, in communi etiam Christianorum causa, cum reliquis Principibus, periclitanti Hungariæ succurreret, alioqui hac subjugata, Imperium Germaniæ periculo proximum fore. a) Dum Bel-

a) Epistolam vide apud Pray Par. III. pag. 145. ex Cod. Ms. biblioth. Mellicen. & apud Kato-  
na Tom. XIII. pag. 963.



Belgradi, remotus ab æmulis, sui que securus moratur, rursus his nova illum criminandi causa oblata est. Michael Szildgyi, quem Belgrado præfecerat, oborta cum Despota Georgio altercatione, huic dexteræ manus digitos amputavit, captumque non ante, quam numerata pecunia, dimisit. Crimen ab æmulis in Hunyadum detortum, additumque, Turcas studiose ab eo in Serviam fuisse immisos, & a rege creditum est. a) Ita homines invidi, cum illum virtute non possent æquare, calumniis oppressum ibant.

Nec Cæsar interim communi Christianorum causæ defuit. Scripserat ad Pontificem, eumque, ut expeditionem cruciatam promulgaret, hortatus est, simul conventum Imperialibus Ratisbonam indixit, ad quem Reges, & Principes Itali, ut adessent, rogati sunt, cui cum ipse interesse non posset, misit Æneam Sylvium, cum Gurcensi & Brixinensi

---

a) Litt. regis an. 1457. cit. *Inductis Turcis, regnum nostrum Rasciæ, fere totum per eodem depopulari, deprædari, & comburi, & illustrem Principem Georgium, Despotum Rasciæ majestati nostræ fidelissimum, per Michaelem Zylaghy, quem castellanum in castro nostro Nandoralbenfi deputaverat, amputatis digitis dextræ manus, captivari fecit, & tamdiu tenuit, quousque magnam ab eo pecuniæ summam, per eundem Michaelem extorqueret.*

1454.

nenſi Episcopis, quibus ſuos quoque Commiſſarios adjunxit. Comitia erant frequentiſſima, & diſceptationibus, a cauſa, cur conventum fuerat, longe diverſis protracta. Philippus Dux Burgundiæ, ut reliquis animum adderet, ſi Imperator, & Rex Hungariæ in bellum proficiſci nollent, vel non poſſent, ſe Ducem offerebat, nihil tamen, quod Germania in partes ſciſſa eſſet, conſici poſſuit, induciæ ſolum quinquennes inter Principes Imperii ſancitæ ſunt, tractatio autem de bello Turcico ad conventum, qui Francofurtum in XXIX Septembris præſtitutus erat, prorogata. In hoc res aliquanto felicius, quam Ratiſbonæ, acta. Æneas Sylvius, dicta ad Ordines gravi oratione, omnium animos in bellum Turcis communiter inferendum commoverat, promiſſa ſunt X. equitum, & XXXII. peditum millia, viciffim autem ab Hungaris poſtulatum, ut Rex vires omnes ex ſuis ditionibus congerat, de reliquis uſui neceſſariis, futuro anno in conventu Neoftadienſi viſum iri, interea Pontificem rogandum, ut cum rege Arragonum, Venetis, & Genuenſibus, de claſſe, ad diſtrahendum hoſtem, mari Ægæo immittenda agat, & Legatum ſuum, mandatis inſtructum conventui intereſſe velit, e re item videri, ut reliqui etiam Reges, & Principes in communionem  
armo-

armorum vocentur. a) Hæc Francofurti designata, cum Joannes Capistranus interea, 1454. Germaniam jussu Pontificis oberrans, cruce signatos ingenti numero in bellum Turcicum concitaret.

VIII. Neostadiensis conventus, qui ad IV. Nonas Februarii indictus erat, & ad XI. Calendas Aprilis tenuit, non eum, qui sperabatur, finem habuit. Multum temporis in altercatione, inter Legatum Pontificis, & Trevirenses Electorem, de priore sedendi loco, infusum, tum dissidia inter Cæsarem, & Regem Hungariæ, aliosque Principes orta, mors denique Nicolai V. Pontificis, quo defuncto spes classis in Turcas cogendæ evanuisse videbatur, conventum, nullo operæ relato precio, dissolverunt. Hungaros quidem sibi pene solis relictos Calixtus III. missis per Europam, & in Orientem punciis, in spem erigebat, cum Turcas interea rursus in Serviam irrupisse, & Chium insulam obsidere, allatum esset, nostrique primum Jaurini, & dein Budæ de rationibus avertendi periculi consultarent, fuitque constans exterorum, etiam literis vulgata, opinio, ad id propulsandum, neminem Hunyadiæ aptiorem videri. Quod ubi Cilejensis comperit, ne hac quoque parte ei fama accrescat, viresque deessent, regem

a) Hæc ex Cod. Ms. biblioth. Mellicens latius memorata, vid. apud Pray Par. III. pag. 147—150.

gem cum Sigismundo, Austriæ Duce, & Comite Tyrolis, fœderi contra Cæsarem involvit, &, ut de lite prius cum Saxoniz Ducibus componenda, quam bello, cogitaret, auctor fuit. Ita fere alia omnia, quam Hungariæ necessitas postulabat, agebantur. Pontifex, videns, nisi compositis Principum dissidiis, parum ad coercendos Turcas effici posse, Joannem Carvajalium Legatum in Germaniam proficisci iussit, qui, postquam cum Cæsare colloquutus fuisset, ad Ladislaum Viennam profectus, cum hoc quoque de bello in Turcas accelerando egit, sed tam dubia ei nomine regis responsa ab Episcopo Varadiensi data sunt, ut, in quam partem accipienda essent, ambigeret. a)

1456. Neque magis explicata responsa erant, quæ anno sequente Praga ad Pontificem miserat, pollicitus tamen est, uberius se respondurum, si primum in Hungaria, tum in Bohemia, ceterisque ditionibus hæreditariis conventum cum suis habuerit, ut rationes fu-

a) Ex archivo aul. Græcenſi Nro. 62. Litt. Pontif. apud Raynaldum ad an. 1455. Litt. Joan. Capistrani, & Procer. Hung. ad Pontif. ex Wadingo apud Pray Part. III. pag. 157. Æn. Sylvius de Europa c. 58. & epist. 43. ad Cardinal. S. Angeli. ibid. Part. III. pag. 154. Cochleus hist. Hussit. l. 11. Epist. Maonensium ad Pontif. apud Raynaldum Tom. X. ad hunc an.

futuri belli certius iniri possint, voluitque, ut id Legatus ad Pontificem perscriberet. 1450.  
Fecit, quod rogatus erat, & regem Viennam rediturum prævertens, datis ad Capistranum litteris, spem classis a rege Arragonum mittendæ fecit, modo ageret cum Hunyiade, cujus apud exteros magna esset existimatio, ut, quoniam in Germaniæ Principibus parum spei esset, ad regem Arragoniæ, Ducem Burgundiæ, aliosque, pro ferendis subsidiis litteras daret. a)

Hi ex parte nostra, sed spebus solum nixi, apparatus erant, cum Mahometes, non ignarus, quam lente apud nos omnia ob distractos in partes animos fierent, cum centum & quinquaginta millibus, Belgrado ex continente, & classe adverso Danubio subvecta, appropinquabat. Hunyiades, qui in Belgrado Hungariæ salutem reponebat, cum Capistrano, quem ingens cruce signatorum multitudo, ex diversis nationibus conflata sequebatur, celeriter accurrit, & imposito, quantum satis videbatur præsidio, locum Michaeli Orszagio, & Joanni Bastidæ Hispano tuendum credidit, ipse navibus undique in Danubium deduci jussis, adversam  
Savi

---

a) Litt. regis ad Pontif. Praga 7. Janu. 1456. ex Cod. Ms. Mellic. apud Pray Part. III. pag. 166. epist. Legati Pontif. ad Capistranum apud eund. pag. 167. ex Wadingi Tom. XII.

1456. Savi ripam, operibus communitam, ex qua laborantibus subsidiarias copias posset submittere, tenuit, jam multo ante Legatum Pontificis de hostis progressionibus edocens, ut, quo loco res essent, ad regem referret. Cislejensis, qui Hunyiadem implacabili odio persequabatur, ut Legati conatus interturbaret, regem, proposito, quasi jam vicinum esset, periculo territum, venationis specie Buda eductum, Viennam reduxit. a)

Itaque Hunyiades sibi, suæque virtuti relictus, consilia cum Capistrano diligenter conferebat, quibus hostium conatus retundi possent. Jam is Belgradum ex continente, mense Junio circumfederat, & flumentana urbe potitus, arci eductis operibus proximabat; semel, iterumque magna suorum jactura rejectus, rem cuniculis egit, & dejecta murorum parte assultum parabat, cum Hunyiades, viso periculo, mandata naviculariis dedit, ut, in classem Turcicam inveci, hostem in partes distraherent. Successit res ex sententia, naves Turcicæ aut aquis mersæ, aut igni corruptæ, paucis subductis, XXVI. interceptæ erant. Hic primus ad victoriam gradus fuit. Cum enim Turcæ, rursus in fine Julii assultum tentarent, Hunyiades facta ino-

---

a) Epist. Legati Pontif. ad Capistranum Buda. 5, Jun. *Serenissimus dominus Rex ivit venatum, neque amplius est reversus.*

inopinata eruptione illos aggressus, memorabili prælio victos, in fugam egit. Mahometes, accepto vulnere, Adrianopolim evasit, cæsa XXIV. millia, totidem in fuga ex vulneribus obiere, castra occupata, & præda ingens fuit, præter tentoria Asiatico luxu ornata, CCC. majoris, & minoris formæ tormenta hostibus erepta. Pugnae seriem, & victoriam Capistranus ad Pontificem, & Hunyades ad regem perscripsit, addiditque, Turcas, amisso ad Belgradum robore militiæ, tota Europa facile exturbari posse, si Principes Christiani sopitis, quibus distrahebantur, dissidiis, communem operam ad id conferrent. a)

Didita victoriæ fama, Europam in eventum obfessi Belgradi suspensam, metu absolvit. Pontifex, ad quem, Italiæ causa, lætitiæ pars maxima pertinuit, occasione hac utendum ratus, Principes, inprimis Galliæ regem, cujus exemplum ad plures valiturum erat, ad bellum continuandum incitabat, spesque non in-

---

a) Litt. Joan. Taliacotii, apud Wadingum, anal. Minor. Tom. XII. ad hunc an. Raynald. Tom. X. Litt. Nic. de Fara socii Capistrani apud Wading. Tom. cit. Cod. Ms. biblioth. Mellicen. Nro. 78. Æn. Sylvius hist. Boh. c. 61. & epist. 226. Hæc fusius ex cœvis memorata vide apud Pray Par. III. pag. 171. — 183.

1456.

inanis fuit, tali duce, qualis Hunyiades erat, Turcas in pristinā Asiæ latibula retrudi posse, nisi is X. Augusti, peste sublatus obiisset. Vir exterorum iudicio magnus, sed a domesticis æmulis, quibus conditione generis quidem inferior, sed virtute, & factis superior erat, odiis, etiam post mortem exagitatus. a)

Ladislauſ, Belgrado liberato, loci viſendi cupidus, Budam primum, dein *Fudakium*, quo Ordines ad comitia venire iuſſerat, cum Cilejenſi profectus eſt. Vocatus quoque fuit Ladislauſ, Hunyiadis natu maior filius, qui, niſi Rex proventus regni a patre rite adminiſtratos fuiſſe, iudicio ſuo probarèt, venire renuit. Imprudens adoleſcentis factum,

---

a) Wadingus Tom. XII. ad hunc an. Aleas Sylvius epiſt. 239. & in reb. Friderici III. Anonym. ex cruciatorum numero, apud Bernard. Pezthes. anecdot. Tom. II. Par. III. *Dicam de homine illo armato, magnifico Joan. de Hunyad, Comite Biztricenſi, regni Hung. Gubernatore. Quantis, credis, ille ſuis diebus, fulſerit victoriis? quantis contra infideles concertaverit bellis? diſpoſitio enim, & campeſtria, contra Saracenos, & Aſianos, quomodo firmata erant, ipſo melius nemo ſcivit. Terror erat infidelium, Italia & Aſia, plus in hoc tibi teſtimonium ſunt, quam ædes noſtræ. Rapuit etiam cum hoc anno ab humanis, noſtris obtutibus ipſa mors atrox.*



etum, quo & patris famam, & se ipsum sus-  
 picioni peculatus objecerat, Cilejensi occa- 1456.  
 sionem illius criminandi præbuit. Obtenta,  
 quam volebat, declaratione, adfuit, a) &  
 Belgradum, aliaque hosti finitima castra, quæ  
 pater tenuerat, se regi consignaturum, jura-  
 mento pollicitus est, simul Belgradum, ut ei  
 hospitium pararet, præiit. Nec multo post  
 Rex cum suo comitatu, in quo Oratores quo-  
 que Principum erant, & cruce signatis ex Au-  
 stria deductis, illo venerat, cui Ladislaus  
 A a 2 ob-

a) Litt. regis, cit. an. 1457. *Dum nos ad vo-  
 ta, & instantiam Prælator, Baronum, &c. de  
 Ducatu nostro Austriæ — movissemus, civita-  
 temque nostram Budens, applicuissemus, indi-  
 xeramus de consilio ipsorum Prælator, &c. con-  
 gregationem in Futhak, in facto Tarcorum  
 celebrandam, vocavimusque inter alios præ-  
 fatum Ladislaum adolescentiorem præfa-  
 ti Joan. Gubernatoris, — ut veniret, propo-  
 nentes ipsum lateri nostro habere continuum,  
 sed — ipse suum nobis denegabat accessum, ni-  
 si prius eum ac præfatum Mathiam germanum  
 suum de suis, ac eundem quondam Joan. de  
 Hunyad, genitorem suum, qui regni nostri  
 Hung. Gubernator, collectorque generalis pro-  
 ventuum nostrorum regalium per plures annos ex-  
 stiterat, de hujusmodi proventibus — non data ra-  
 tione, redderemus expeditos. Et quamquam in eo  
 voluntati suæ satisfacere, graviter tulerimus &c.*

1456. obviam factus, rege cum comitatu, in arcem recepto, ceteros aditu prohibuit. a) Id ei Cilejensis rursum crimini vertit, & regis animum suspicionibus implevit, qui dum, ut solebat, divinis aliquando assisteret, & reliqui de rebus Turcicis consilia inirent, vocatus quoque est Cilejensis, qui quasi præfagus futuri, thorace subtus vestem munitus adfuit. Hic altercatio inter hunc, & Ladislaum oborta fuit, sed dubium, uter prior huic occasionem dederit, illud certum, Cilejensem, arrepto vicini gladio, ictum in Ladislaum vibrasse, eique, cum manum ictui obtenderet, aliquot digitos resectos esse, mox, orto clamore, familiares Ladislai irrupisse, & ab his Cilejensem, nequidquam se defendentem obtruncatum fuisse. b) Rex, etsi tam atroci facinore

a) Ibid. *Dum cum præfato avunculo (Cilejensi) nostro, ceterisque aliis Baronibus Hung. & Boh. paucaque familia, nobis immediate a tergo hærente, castrum ipsum ingrederemur, portæ castri ad nutum suum impetuose post nos clausæ fuere &c.*

b) *Æn. Sylvius in reb. Friderici III. Venientem (Cilejensem) Ladislaus, filius Hunyadiis, proditorem compellat, qui patri sæpe necem paraverit, regemque sibi insensum reddiderit, nunc diem venisse, quo scelerum poenas luat. Sunt, qui Comitem prius arguisse Ladislaum dicant,*

nore commotus esset, compresso tamen dolore, cadaver, quinto post die, plausiro positum, Cilejam iussit deferri, ipse Belgrado discedens, comitante Ladislao Temesvarinum pervenit. Hic ei vidua Hunyadiadis, ob viri mortem moerens occurrit, quam paucis consolatus, veste aurea donaverat, & inter convivia, & saltatus utrique ejus filio impunitatem, litteris juramento firmatis, concessit. a) 1456.

IX. His promissis Ladislaus sui securus, nec quidquam maleficii ex patrata cæde veritus, cum fratre regem Budam comitatus, palatium officii causa sæpius adibat, cum Proceres Hungari, Cilejenſis amici, regem suspicionibus implere non desinebant, revoca- 1457.

A a 3 ta

---

*dicant, tamquam regi parum obedientem, qui ejus armatos intrare oppidum prohibuisset. Illud constat, Comitem arrepto ex puero gladio caput Ladislai petivisse, non nullosque manus interjectæ digitos amputasse, ad cujus clamorem irrupisse Hungaros, Ladislai familiares, defendentemque aliquamdiu se comitem, obtruncasse.*

- a) Litt. regis cit. an. 1457. Postremo, nos — ad castrum Temesvar deductos, a nobis invitis promissiones juratas, etiam & litterales obligationes super eo, quod de cetero sibi, & — Mathiæ fratri suo hujusmodi eorum maleficia non imputaremus, ipse, & idem Mathias frater suus exegerunt.

1457.

ta identidem in memoriam sceleris immanitate, quod temerarius juvenis in regium sanguineum commisisset, majestatem regiam graviter per id læsam, ausurum majora, si id illi impune abeat, nec deesse indicia conspirationis in necem regis, verendumque esse, ne, nisi conatus temerarii occupet, sero vitæ suæ consulat. a) His permotus, utrumque, arcem pro more ingressos, clausis portis capi, & in carcerem conjici jussit, capti cum illis sunt, Joannes Varadiensis Episcopus, & aliquot Proceres, qui insidiarum consilii putabantur. Ladislaus, causa in quæstionem vocata, capitis damnatus, & mense Martio ad supplicium ductus, quarto carnificis ictu, nondum XXIV. annos natus, vitam in foro Sancti Georgii finiit. Mathias in vinculis retentus, postea Viennam abductus est, Varadiensis Episcopus, dum Rex Strigonium venit, liber

---

a) Ibid. *Et quamquam inviti illas fecerimus, nihilominus tamen, nisi ad ultimum cupiditate regni ductis, præfatis filiis dicti Joannis Gubernatoris, in necem, & periculum vitæ majestatis nostræ, & Consiliariorum nostrorum conspiratos fuisse, palam deprehendissemus, in tantum, ut, nisi providere potuissemus, infra triduum realiter scelus in sanguine nostro — complevisset,*

liber dimissus, reliqui, dissimulatione custodum, effractis carceribus evasere. a) 1457.

Vix supplicii rumor per regnum vulgatus erat, cum Szilagius. Ladislai avunculus, cum hujus matre, ceterisque, qui familiæ Hunyadianæ studebant, inita societate, ad sumendam ex cædis auctoribus vindictam conspirarunt, sicbantque motus in variis regni partibus, qui majoris periculi, sed latentis, indices erant, quibus mature sopiendis, Rex Comititia, quæ in XXIV. Aprilis indixerat, occupare statuit, sed cum hæc quoque ob ingravescentes motus differenda viderentur, missis ad varias civitates litteris, ut vires suas contra publicæ tranquillitatis turbatores Joanni Giscræ conjungant, admonuit. Verum cum id etiam lente fieret, iidem, qui regi prius autores supplicii erant, pejore usi consilio, eidem nunc suaserunt, ut vulgatis

A a 4

per

a) Ibid. *Ipsos vitæ nostræ insidiatores, ut puta, præfatos Ladislaum, & Mathiam — captivari fecimus, & tandem servata juris forma, & post latam sententiam, ipsum Ladislaum juxta sua demerita, & suos excessus, in publico, capite plecti jussimus, cunctis aliis, similia machinantibus in terrorem, præfato Mathia, & aliis complicitibus eorum, ex benignitate regia, in vita conservatis.* Conf. Kaprinai hist. dipl. Par. I. pag. 134. — 162. & Pray Par. III. pag. 193.

per regnum litteris, facti sui causas redderet. Assensus est, vulgavit XII. Calendis Aprilis litteras, & in his commemorata, velut ob iter, Cilejenſis nece, ſe a Ladislao captivum Belgradi detentum, inde invitum, Temesvarinum eſſe ductum, hic impunitatem patratæ cædis violente ſibi extortam, Budæ autem vitæ ſuæ inſidias fuiſſe ſtructas prolixè recenſuit, jure igitur capitis damnatum fuiſſe, &, ut cauſæ pondus adderetur, etiam Joannes Hunyiades variorum criminum, quæ illi ab æmulis per invidiam alias objecta erant, poſtulatꝯ fuit. a) Sed illud improvide factum, quod in iisdem litteris, ſupplicii auctores, ſibi, ſuiſque hæredibus, a rege, huiusque ſucceſſoribus, caveri flagitarint, ne unquam propterea ab aliis, injuriis laceſſerentur, damnumque acciperent, &, ſi fieret, id reges de ſuo compenſare, obſtricti eſſent. b) Hæc ſatis, ut reor, pro-

---

a) Hæc ex iisdem litt. an. 1457. jam ſupra, ubi locus poſcebat, memorata ſunt. Conf. etiam Kaprinai l. cit. pag. 197. — 204.

b) Ex iisdem litt. ad fin. *Ne igitur, erga præfatos, Ladislaum Palatinum, Nicolaum Vajvodam, Paulum de Lindva Janitor. Ladislaum de Buzla Pincernar. Hennyng Czernin, agazonum noſtrorum magiſtros, Conradum Holzler, magiſtrum Hubarum, Wolſg. Pukendar, Jodo-*  
cum

produnt, causas supplicii, præter cædem Cileensis, quæ excusari non poterat, ab his excogitatas potius, quam veras, & regem, qui illorum arbitrio regebatur, ut sententiæ subscriberet, coactum fuisse. a)

Tan-

*cum Capitaneum de Vegles, de tanta fidelitate ingrati videamur, promissimus eis verbo nostro regio, & sub fide nostra Christiana promittimus per præsentem, nostro, & successorum nostrorum regum nominibus, ut, si eos — sive hæredes ipsorum, quispiam præmissorum ratione, qualitercunque, & quomodocunque inquietare, publicas inimicitias contra eos gerere, sive eis adversari, guerram movere, aut eos quovis modo gravare, & impedire, seu quomodocunque damnum inferre vellet, nos eis, & cuilibet eorum præsidio fore, eos manutenere, protegereque, & defensione, damna quoque — eis generose recompensare volumus, & tenebimur realiter, & cum effectu. Ad quæ omnia — nos, & — successores nostros reges, sub præscripta fide nostra obligamus, & obligatos haberi volumus, præsentis scripti nostri patrocinio mediante.*

- a) In Austriam rediturus, Episcopum Varadiensem libertati restituens, his verbis usus est: *Cum essem Budæ, quod voluere Barones, id facere me oportuit, quod te cepi, illorum est, quod te supplicio, culpaque libero, meum est. Æn. Sylv. in reb. Friderici III.*

1457. Tantum autem abest, ut hac declaratione motus conquieverint, ut majora etiam in dies incrementa caperent. Recentior enim erat Hunyadiis, ejusque præclare factorum apud omnes memoria, quam ut hac criminatione, quæ plerisque per invidiam subornata videbatur, pacari possent. Itaque Rex præcipiti suorum consilio circumventus, cum intelligeret, famam suam periclitari, Viennam, ducto secum Mathia, rediit. Tentata quidem fuit, & quod mirum videri potest, per Nicolaum de Vjlak, quem constabat Hunyadianæ familiæ semper infensum fuisse, inter regem, & Szilagium concordia, irritum tamen conatu. Conditiones hujusmodi erant: Elisabetha Hunyadiis vidua consignabit regi omnia castra, quæ in Transilvania, Servia, & in Hungaria juris regii fuere, iis solum exceptis, quæ hæreditate, vel donatione Alberti regis, aut ære comparata essent, interea autem Mathias apud Strigoniensem Archiepiscopum obses erit, nec ante, quam castra restituta fuerint, liber dimittetur. a) Res tamen, quod Szilagius Vjlakio non satis fideret, in solo conatu adhæsit.

Nec in Austria res satis pacatas reperit. Nondum enim dissidia inter Cæsarem, & Ladislaum ob Comitatum Cilejensem, quem  
Rex

---

a) Kaprinai Tom. I. cit. pag. 207. & Æn. Sylvius epist. 269.



Rex jure avitico ad se pertinere contendebat, licet Pontifex per Legatum suum omnem operam impenderet, componi potuere. Quod cum periculi plenum esset, si quid Turcæ in Hungariam occiperent, partes suasu Ducis Bavariae, Corneuburgum pro ineunda concordia vocatae sunt. Post longas consultationes induciæ solum biennales conflatae, tum Viennam discessum, & de conjuge regi duenda actum. Vota omnium in Margaretham Caroli VII. Galliae regis filiam conspirarunt, de nuptiarum tamen loco diu disceptatum. Hungari Budam, Pragam Bohemi, & Austriales Viennam optabant designari. Cunctante rege, utris assentiretur, Podiebradius cum VIII. equitibus Viennam veniens, trans Danubium, quod urbem non satis tutam sibi existimaret, restitit, regique colloqui optabat. Missus est, qui illum in urbem deduceret, renuit, petiitque, quoniam arcani ratio id posceret, ut Rex trans flumen ad se invisat. Hæsitatum est, eundumne regi ad subjectum, an in urbe manendum esset? ivit tamen, licet invito senatu, euntem tria millia equitum, demtis gladiis, cetera inermium, sequebantur. Triduum isthic exactum: primo congressus erat publicus, altero arbitri duo adhibiti, tertio, his remotis, soli agebant. De quibus autem rebus inter se contulerint, nupiam

1457.

1457. 

---

piam reperi. a) Illud constat, Podiebradum, soluto colloquio, minabundum in Moraviam recessisse.

Atque id in causa fuisse videtur, ut ad hunc placandum, Pragam nuptiis suis deligeret. Nec diu Viennæ moratus, ingenti cum apparatu illuc profectus est. Inde Legati cum donis regina dignis in Galliam prodeducenda sponfa, ad Cæsarem quoque, & ad Saxoniam, Bavariam, aliosque Principes missi, ut non solum nuptias suo adventu ornarent, sed Cæsarem etiam cum rege conciliare niterentur, ac de bello Turcis obmovo-  
vendo in communi consultarent. Sed has spes, & tantos apparatus inopina regis mors,  
b) cum vix triginta sex horis ægrotaret, & deci-

- 
- a) Nisi forte id sit, quod Dubravius hist. Boh. l. 29. in hæc verba memorat: *ferunt, inde ei (Podiebradio) ortam suspicionem fuisse, quod clanculum inaudiverit, chirographa post interitum Ladislai Hunyadi non pauca eorum fuisse reperta, qui coepta, consiliaque adversus regem ejusdem Ladislai approbant, inter quæ Georgii quoque chirographum exstare ajebant. Veritus itaque, ne inauditus, indictaque causa, aut inimicorum suorum factione, quorum plerique tunc in aula regis erant, periculum aliquod adiret, ex tuto alloqui regem voluisse.*
- b) In causa mortis scriptores illius etiam temporis variant. Sunt inter hos Æn. Sylvius hist. Boh.

decimum octavum ageret ætatis annum, in ipso juventutis flore, XXIII. Novemb̄is intercepit, a) Juvenis longiore vita dignus, qui præter castigatos mores, quos in aula Cæsaris combiberat, & constanter retinuit, jam in pueritia magnitudinem animi rege diguam præferebat, & munificentiae, benignitatis, ceterarumque virtutum, quibus imperantes ornari solent, luculenta indicia dabat, se ix, si in pacatiora tempora, & meliores, bonique publici magis, quam sui, studiosos Consiliarios incidisset. 1457.

X. Mortem regis nova regnorum vicissitudo consequuta est. Hungaria, quæ post cæsum ad Varnam Wladislaum, avulsa Polonia, virium parte privata fuit, nunc quoque, cum 1458.

---

Boh. c. 71. epist. 324. in reb. quoque Friderici III. item lessus poetæ cœvi apud Hier. Pez, Tom. II. pag. 679. Medici Viennenses, qui corpus tractarunt, alique, etiam posterioris ævi, qui veneno extinctum perhibent, sed corpus regis integrum & flexile, seculo post, & quod supra est, repertum, suspicionem hanc satis convellit. Ceterum Burkhartus in comment. ad Mellini rem numariam Hung. affirmat, sibi ad manum esse epistolam nondum editam, quæ mortis causam non obscure in Podiebradium conjiciat.

a) Æn. Sylv. in reb. Friderici III. Conf. Kapri-  
nai l. cit. pag. 109. 250. 259.

**1458.** cum ad reprimendos Turcas locis armorum opus esset, ob Bohemiam, & Austriam a se separandam, non minorem jacturam factura erat. Initium a Bohemia factum. Podiebradius, qui eadem, qua Rex obierat, die Hungaros de illius morte certiores reddidit, aliaque nuncio, quæ referret, commiserat, pridie, quam defuncti corpus conderetur, convocatis regni Ordinibus denunciavit, se Gubernatoris officio, quod sibi Rex ad Pentecosten sequentis anni confirmasset, non ante decessurum, quam concordi sententia Rex eligeretur. Hæc ille tranquillitatis publicæ causa prætexebat, re ipsa autem, quid Hungari, qui jam anno priore-ipsis calendis Decembris Comitia ad Calendas Januarias Pestinum indixerant, acturi essent, intentus expectabat, ut consilium pro re, & tempore opportunum caperet.

Ac hi quidem conventum præstituto tempore agebant, sed initia erant admodum turbulenta. Palatinus de Gara cum Vjlakio, & Paulo de Lindva, aliisque, qui præcipui auctores supplicii ex Ladislao sumti habebantur, Budæ; Szilagius, qui VII. peditum, & XIII. equitum millia adduxerat, cum factione sua Pestini confedere. Utrosque Danubius conferta glacie fluens, ut loco, ita opinionibus divulsit. Szilagius cum suis non obscure in Mathiam Ladislai fratrem inclinabat, contra autem Palatinus, Vjlakius, Paulus de Lind-

Lindva, eisque adhærentes, pœnam talionis ob Ladislai supplicium veriti, omnibus viribus nitebantur. Fortasse, si veteris instituti, & familiæ regiæ, ac promissorum suorum memores, Casimirum Poloniæ regem, aut Saxonem, sororum Ladislai regis maritos, vel Duces Austriæ, quibus olim pactum cum Ludovico de mutua successione intercefferat, in consultationem adduxissent, non modo Szilagii conatus elisuri erant, sed Poloniam, vel Bohemiam, aut Austriam cum Bohemia rursus Hungariæ conjunxissent. Sed, dum omnia non tam consilio ad statum regni accommodato agerentur, quam vi, & metu, Szilagijs enim, præterquam quod militum numero parti oppositæ prævaleret, furcas, & mensam laniariam in ripa Danubii erigi jussierat, partes tandem, suasu Legati Pontificii, utcunque consentientes, Mathiam absentem, quinque & decem annos natum, XXIV. Januarii regem renunciarunt. a)

Hunc Ladislaus Rex in Bohemiam iturus, secum Pragam adduxerat, & post hujus mortem Podiebradius retinuit, honesteque habuit, in omnem eventum intentus, quæ illius in Hungaria fors futura esset, utque comperit, vota in eum conspirasse, quo sibi quoque

a) Æn Sylvius Europ. c. 1. Pessina Mars Moraviæ, l. 6. c. 1. Kaprinai l. cit. pag. 384. Conf. Verinum comment. jurid. pag. 153. & Katona Tom: XIV. pag 45.

1458. que sensim viam ad solium Bohemiæ sterne-  
ret, generum filiæ suæ Catharinæ adscivit,  
facilemque se dein Legatis, qui ad eum liberan-  
dum venire, præbuit. Caput legationis erat  
Joannes Varadiensis Episcopus, cui mater Eli-  
sabetha, si filius precio redimendus esset, qua-  
draginta aureorum millia, a) hortatu Szilagii,  
b) numeravit. Non multis igitur agendum erat,  
ut liber dimitteretur. Convenit utrinque est  
in diem V. Februarii, quo Podiebradius Mathi-  
am, Strasnicii, urbe limiti Hungariæ finitima,  
sisteret, inde ab Hungaris Budam deducendum.

Interea Szilagijs Gubernatoris officio  
functus, statuta ab regni Ordinibus, suo no-  
mine rata habuit, inter quæ illud ad Nobiles  
novo regi conciliandos videbatur pertinere,  
ut Rex suis sumptibus regnum tueatur, nec  
prius reliqui, quorum id alias interesset,  
lymbolam conferre obstricti sint, quam si Rex  
per se id præstare non posset, tum vero Præ-  
lati, & Barones, quos suis vexillis adscri-  
ptos habent, regi conjungant, si nec hi qui-  
dem hosti resistendo essent, Nobiles auxilio  
sint.

a) Æn. Sylvius epist. 337. Mathiam Vajvodæ  
filium, in regem electum Hungariæ — quin-  
quaginta millibus aureis redemptum fuisse.

b) Joan. Lifthius episc. Jaurinen. in suis Ms. anim-  
adversionibus ad Bonfinii Dec. 3. l. 9. hæc  
adnotat: eum precibus Szilagyi a sorore pe-  
cunias habere non posset, baculo extorsit.

sint. Præterea decretum, ut bona Ecclesiasticorum, & secularium, triennio abhinc vi occupata, restituantur, & de damnis ab anno quinquagesimo sexto illatis, Comitatus quæstiones instituant, castra, ex quibus latrocinia hactenus fiebant, spacio XV. dierum funditus convellantur, civitates muro cinctæ, & castra regalia, Gubernatori consignentur; denique ut omnes Nobiles, qui bona possident, quotannis ad diem Pentecostes Pessinum ad comitia conveniant, absentes, si justam causam, cur non adfuerint, reddere non potuerint, bonis priventur. a) Id cum præter morem hactenus usitatum esset, b) plerique existimabant, a Szilagio ea de causa inventum, ut Palatino, & qui cum eo sentiebant, si eos electionis pœniteret, ad res novandas animum vel ipsa confluentium multitudo adimeret.

Dimisso conventu, Szilagius cum Sorore Elisabetha, magno Prælatorum, & Baronum, militumque comitatu, ad Mathiam in Hungariam deducendum, ad conductum tempus, Strašnicium profectus, Podiebradium cum rege in opposita Moravæ ripa reperit. Hic pacta nuptialia his conditionibus confirmata: Mathias Sponsam anno transacto in Hungariam tra-

a) Exstat in Cod. jur. patrii Tom. I. pag. 213.

b) Vid. Notit. prævias §. 18.

1458. traducet, &, postquam coronatus fuerit, pro gentis more coronari quoque faciet, ubi vero duodecimum ætatis annum compleverit, matrimonio sibi junget, &, si pactis non fecerit, centum millia aureorum eidem persolveret: idem Podiebradius, si illam condito tempore Pofonii sponso non sisteret, se facturum spondit. Conscriptis deinde tabulis, & numeratis, quæ promissa erant, XL. aureorum millibus, aliisque XX. additis, utrinque discessum, & Mathias Budam deductus est. α)

MA-

---

α) Pelsina Mars Morav. l. 6. c. 1. Balbinus epit. rer. Boh. l. 5. c. 4. Bonfinius Dec. 3. l. 9. Kaprinai l. cit. p. 428. 436. & 442.



*Ab anno 1458. — 1490.*

1. **C**orvini, incertum, quam ob causam, cognomen adeptus, a) vividam, & arduis rebus gerendis capaceam a natura indolem, regiumque animum nactus, sed nec in hunc finem a teneris institutus b), nec in ulla hac-

te.

a) Sunt, qui genus illius ex Servia, alii ex Polonia deducunt, Bonfinius, assentationis studio ductus, ad Corvinorum Romanam gentem refert, sive a corvo, gentilio illius Insigni, sive ex natali in Transilvania loco *Hollós*, quod nobis Corvinum notat, in eam opinionem adductus. Sunt quoque, qui patrem illius Joannem, illegitimo thoro ex Valacha, & Sigismundo Imp. natum fabulantur. Illud certius teste Nic. Olaho, Strigoniens. Archiep. qui ex *Marinæ* Joannis Hunyadiis sororis filio natus est, Valachicæ originis fuisse. Vid. Katona Tom. 14. pag. 5. — 13.

b) Galeotus quidem de dictis & fact. Mathiæ, Tom. 1. Script. Hung. pag. 528. hæc de eo: *parentes — summam de hoc puero Mathia spem conceperunt, maximaque cura, & diligentia, ad futuri regni adeptionem, litteris, & moribus, artibusque regiis educarunt. Sed hoc en-*

CO-

1458.

tenus rei publicæ parte versatus, regnum superioribus temporibus per intestinas factiones labefactatum adiit. Itaque in principio, aliorum fere consilia, eorumque inprimis, quibus regnum debebat, sequi coactus, postea autem, quam usu rerum valuit, suo arbitratu rem publicam moderatus est. Eodem, quo is in Hungaria, Podiebradius in Bohemia, præpotente factionum studio, regnum non multo post obtinuit. Fuere quidem multi, qui id ambiebant. Casimirus rex Poloniæ, & Wilhelmus Saxo, quibus Ladislai regis sorores nuptæ erant, jure uxorum nitebantur; Cæsar pacta olim inter Bohemiæ reges, & Duces Austriæ, de mutua successione, inita obtendebat, Carolus quoque rex Galliæ nomen inter candidatos professus, regnum alterutri ex suis filiis, vel ei, quem sponsæ defuncti regis Ladislai maritum daret, deferri cupiebat, pollicitus insuper, se Bohemiam ære alieno liberaturum, daturumque operam, ut, quæ ex ejus ditione avulsa erant, in jus pristinum vindicentur. Verum Rochizana factio, quæ regem suæ religionis optabat, numero, & vi superior, Podiebradium ceteris præ-

---

comio Joannem Hunyadiem, affectatæ tyrannidis, quam ei æmuli objecerant, manifeste inculat.

prætulit, a) & VII. Maji inaugurationis diem  
constituit.

1458.

Mathias, qui per idem tempus regni conventum agebat, designato Socero dignitatem gratulatus, postquam eidem Jaurinensem, & Vacientsem, episcopos, qui, vacante Pragenſi ſede, ritum inaugurationis peragerent, miſiſſet, conſilia cum Ordinibus ad rem publicam inſtaurandam conferebat. Præcipua ſpectabant, ad rite inſtituendam judiciorum formam, ſarcienda damna, quæ hactenus, præſertim ultimo quinquennio, illata erant, ad coordinandam militiam, in officio continendos latrocinantium patronos, etiamſi ex Magnatum numero eſſent, proventus item regiones in integrum reponendos, monetæ aureæ, & argenteæ valorem firmandum, quem nec regi, inſciis Ordinibus, mutare fas eſſet, aliaque, quæ decreto Alberti regis fere conſimilia, & una documento, ſunt, quam inordinata regni adminiſtratio ſub rege Ladislao fuerit, dum ejus conſiliarii, qui contrariis quidem ſtudiis inter ſe diviſi, ſed habendi cupiditate conſentientes erant, rem publicam ſuo arbitratu verſabant. Illud quoque ad electionem regis firmandam, adimendamque iis, qui oppoſitam partem fovebant, res novandi occaſionem, decretum, ut, ſi

B b 3

quis

---

a) Aen. Sylvius Europ. c. 16. & in reb. Friderici III. Gerard. de Roo l. 6.

1458.

quis, cujuscunque is dignitatis, conditionisve esset, factiones concitare, vel in personam regis conspirare auderet, non solum nota infidelitatis, cujus veniam ne rex quidem possit facere, perfiringatur, sed universi etiam Nobiles, in hujusmodi tranquillitatis publicæ turbatores, arma corripiant. a)

Hæc quidem ad regis securitatem, tranquillitatemque regno conservandam, constituta fuere, nondum tamen res eo loco erant, ut non aliquid periculi superesset. Bohemi, qui a Ladislai obitu in superiore Hungaria rerum adhuc potiebantur, prædas more suo ex omni late vicinia agebant, nec, quamquam a Sebastiano Rozgonio profligati, diu quieturi videbantur. Domi quoque a Mathia, nondum accommodate ad tempus dissimulare guaro, peccatum, qui Szilagium, cui regnum debebat, & quem non ita pridem Comitem Biztricenssem renunciaverat, quod sibi importunus monitor esset, dignitate, & loco movit, qua ingrati animi testificatione non paucos a se avertit, non de nihilo veritos, avunculi exemplo graviora aliquando in se constitui

---

a) Decret. hujus an. deest in Cod. jur. patr. productum tamen est, in vestigiis Comitior. Hung. an. 1790. p. 298. exhibet id quoque Katona Tom. 14. pag. 69. Conf. Balbin. Miscell. Dec. 1. l. 6. c. 6.

tui posse. Accessit & illud, quod suo arbitrio  
extra comitiorum tempus, Ladislao de Gara 1458.  
Palatino, & Nicolao Vjlakio Transilvaniae  
Vajvoda, magistratu decedere iussis, illi Mi-  
chaelem *Ország*, huic vero Joannem *Pongrácz*,  
consobrinum suum, a) subrogarit. Nova in-  
de data exauctoratis occasio in regem con-  
spirandi, qui, pluribus sensim in societatem  
adscitis, cum intelligerent, Legatos ab eo  
ad Cæsarem mitti, qui coronam repetant,  
clam, ne hanc redderet, ei auctores fuere.  
Ille tamen, veluti re bene gesta, sui securus,  
conventum, ad quem rex quoque Bosniae ven-  
turus erat, ad diem VI. Decembris, Szegedi-  
num indixit, in quo de recuperanda corona,  
instaurandis regni limitibus, rebusque Tur-  
cicis consultaretur. b)

II. Tenuit conventus ad initium sequentis  
anni, quo ipsis Nonis Januarii sanctiones, quæ 1459.  
ab Ordinibus conditæ erant, ratas habuit. c)

B b 4

Po-

a) Hunc rex in litt. an. 1489. dat. Bud. in vigil.  
nativit. B. Joan. Bapt. *consobrinum nostrum*  
*piæ mem.* vocat.

b) Gerard. de Roo, l. 6. Kaprinai l. cit. pag. 202.  
& 217.

c) Hoc quoque Decret. in Cod. jur. patr. deside-  
ratur, produxit autem Kaprinai l. cit. pag. 221.  
Ignat. Batthyán episc. Transilv. leg. Eccl. Tom.  
1. pag. 496. Pray P. 3. pag. 225. Katona  
Tom. 14. pag. 175.

1459.

Potissima illarum pars ad rem militarem, hujusque disciplinam pertinet: illud fortassis præter Majorum morem constitutum fuisse, videri potest, ut rex iis copiis, quas Barones sub suo vexillo ducturi essent, stipendia ex publico ærario præbeat. Ad hæc tempus militandi ad tres solum menses coarctatum, quibus evolutis, signa relinquendi cuivis potestas esset, quæ si quis prius defereret, nulla Nobilitatis ratione habita, bonis, & capite privetur, qui vero præbita pecunia missiōnem a ductore impetraret, uterque & pecuniæ jacturam, & pœnam perferret: annonam, ceteraque victui necessaria, non cariore, quam ante profectionem erant, precio fas sit, venum exponere, armorum genus ad bellum, gladius, clypeus, arcus, & hasta, præscriptum: omnes denique signis adscripti, cum a rege per litteras admoniti fuerint, intra XXV. dies loco conducto cum armis præsto sint.

Hæc ad externos hostes spectabant, cum domi interea magis periculosi laterent. Ladislaus Gara, & Vjlakius, qui, licet magistratu jam privati essent, nomen tamen dignitatis retinebant, adscitis in societatem potentioribus Hungaris, qui Moraviæ, & Austriæ vicini erant, ad quos Comes quoque Segniæ, Vegliæ, & Modrusiæ, tum Transilvaniensis episcopus accesserant, Nemetuivariini convenere, & unanimi consensu Cæsari, qui

quin id ambiret, a) regnum obtulerunt, his præcipue causis inducti, quod, cum Mathias minime illustri sanguine natus, Cæsar autem regi Ladislao sanguine junctus esset, & ceteroquin in aliis provinciis eidem jure hæreditario successisset, regnique coronam in potestate haberet, regnum capite destitutum, declararent, ac idcirco Cæsarem oratum velle, ut id suscipere, tuerique ne gravetur, se non alium regem agnituros, viresque omnes ad id sibi asserendum collaturos esse, modo in coronatione immunitates regni, Nobiliumque se confirmaturum polliceretur. b) Non poterat.

a) Litt. autogr. Friderici an. 1459. dat. Vien. d. 19. Jun. *quod novissime tamquam status, & honoris nostri, intimi zelatores, nobis minime instantibus, sed prorsus ignorantibus, & insciis, motibus vestris propriis, pro ampliori decore nostræ Cæsareæ Sublimitatis, totiusque Christianæ religionis consolatione, cum non nullis aliis spectab. & magnificis, atque Nobilibus dicti regni nostri Hung. cum magna, & intima cordis affectione elegistis, & pro hujusmodi nostri regalis honoris, atque auctoritatis conservatione, vos una cum personis, bonis, & rebus vestris — obsequentissimos coram nobis liberalissime exhibuistis* cet. integrum, sed non nihil variatum exhibet Kaprinai l. cit. pag. 325.

b) Idem l. cit. pag. 249.

**1459.** rat clancularia hæc coitio Mathiam diu late-  
re, itaque fidem suorum explorare volens,  
accitis ad se tam Ecclesiastici, quam profani  
ordinis Proceribus, fidelitatis iuramentum  
ab iis sibi præstitum, litteris X. Februarii  
editis, testatum esse voluit. a) Id adversæ  
factioni incitamento fuit, ut ea quoque, quæ  
clam cum Cæsare transegerant, horumque  
causas ad avertendam a se apud populares  
suos invidiam, septimo post die, litteris iti-  
dem vulgarent b) quæ cum jam magis pa-  
lam essent, quam ut possent dissimulari, Cæ-  
sar tempore usus, Neostadii die IV. Martii,  
se regem Hungariæ coronari passus est. c)

Hinc necessario bellum civile ortum.  
Frustra Pius II. Pontifex, qui in anni prioris  
exitu Calixto III. successerat, æmulos conci-  
liare studuit, frustra Mathiam, misso vexillo,  
in

---

a) Idem ibid. pag. 245.

b) Idem ibid. pag. 249.

c) Gerardus de Roo, l. cit. c. 6. quod Kaprinai  
l. cit. pag. 329. testimonio Joan. Zapolyæ sa-  
tis verisimile reddit, licet aliqui, quod Lanc-  
mannus apud Freherum Tom. II. pag. 78.  
nihil de coronatione memoret, hanc in dubium  
vocat. Ceterum Fridericus abhinc in diplom.  
titulo regis Hung. uti coepit, cujusmodi illud  
est, quo d. 15. Martii hoc an. Francofurtien-  
sibus privilegium concessit, apud Lunig Reichs  
archiv Tom. XIII. pag. 632.



in bellum Turcicum concitabat, eosque, qui 1459.  
 impedimento essent, sacris interdixit. Res  
 igitur armis semel, iterumque acta est; pri-  
 mum Cæsarei, Hungari postea victores fuere.  
 Felix pugnæ eventus factionem sensim dissol-  
 vit. Mathias enim arte, præ armis, uten-  
 dum ratus, cum plerisque, qui ad Cæsarem  
 secesserant, seorsim splendidis pollicitationibus  
 cœpit agere, Vjlakio tituli regis Bosniæ, &  
 Ladislao de Gara recuperandi Palatinatus  
 spe oblata, quorum auctoritate reliqui pau-  
 latim ad obsequium rediere, ne tamen occa-  
 sionem res novandi iterum haberent, & vel-  
 ut in custodia essent, Garam Palatinum re-  
 nunciavit, Vjlakium, honoris causa, adhi-  
 buit aulæ, & Sigismundum Comitem de Bo-  
 zyn, ab Austriæ finibus, ubi amplissimos  
 fundos habebat, abstractum, in superiore Hun-  
 garia magistrum equitum creavit, Rozgonio,  
 & Pongraczio, quavis anni quarta parte,  
 quatuor mille aureos est pollicitus, donec  
 cum Cæsare inducias, vel pacem conficeret.  
 a) Egit de his ineundis, usus opera Joannis  
 Varadiensis Episcopi, cui Legatus quoque  
 Pontificis socium se junxerat, frustra tamen  
 uter-

---

a) Litt. regis an. 1459. fer. 3. prox. post fest. B.  
 Emerici Ducis, Kaprinai l. cit. pag. 369. Cod.  
 Ms. biblioth. Viennen. apud Pray Par. III. pag.  
 234. item Cod. Vatican. ibid. pag. 230. Ge-  
 rard, de Roo, l. 6.

1459.

uterque fuit, quod Cæsar nec coronam, non exhibito precio, reddere, nec titulo regis se abdicare vellet. Frustra etiam Podiebradius generi sui causam suscepit, qui, ut titulum quidem regis Hungariæ uterque gerat, de ceteris vero rebus ut in conventu Olomucensi transigerent, suadebat, quod cum Mathiæ non satis probaretur, Cæsar seorsim cum Podiebradio fœdus adversus omnes, Pontifice excepto, pepigit, ut regem ad æquiores conditiones cogeret. *a)*

Intercesserat & illud, quod Concilio Mantuam indicto, Principum studia in bellum Turcis communiter inferendum concitata, Cæsaris curas aliorum converterent. Et fiebant ad id suscipiendum in Asia, & Europa ejusmodi apparatus, qui felicem successum polliceri videbantur, si omnes inter se magis consentientes fuissent. In Asia Trapezuntinus Imperator, Persarum Rex, & Dux Georgianorum, auxilia sponponderant, his Mingreliani, & qui Asiam minorem, Anacosiamque colunt, quin non pauci ex Turcis Asiaticis etiam se socios fore promissere, ut adeo præter triginta biremium classem, supra centum millia, in promptu haberent. Idem Europæorum fuit studium. Pontifex præter viginti mille aureos, Ecclesiarum Italiæ decimas, Ger-

---

*a)* Pray Par. III. pag. 240. item Cod. Vatican. Nro. 59. ibid. Balbinus Dec. 1. l. 8.

Germani triginta peditum, & decem equitum millia, Veneti classem, se præbituros receperant, optabant tamen, quoniam iter per Hungariam suscipiendum erat, ut pax inter Cæsarem, & Mathiam prius componeretur. a)

1459.

III. Ac hujus quidem iterum conciliandæ periculum anno sequente factum est, Norimbergæ primum, postea in Curia Imperatoris, ac denique Olomucii, nullo tamen successu, sive Cæsar querelis, quas Legati Mathiæ ante annum in Concilio Mantuano contra se proposuerant, offensus esset, seu Mathiæ conditiones, in quas utrinque conveniretur, displicerent. Quidvis in causa fuerit, felicius domi in conciliando Giscra erat. Cum hoc ita conventum, ut Mathiam, quod hætenus negaverat, regem deinceps agnosceret, & copias suas stipendio Pontificis alendas, regiis in bellum Turcicum conjungat. Cum enim videret, in Concilio Mantuano omnia lente in hunc finem parari, ipse, quod id suarum ditionum maxime interesset, bellum Turcis inferre parabat. Hac de causa Vajvodam Valachiæ, qui contra illos rem aliquoties feliciter gesserat, in suas partes pellexit, & Legatos Mahometis, qui cognito

1460.

Asia-

---

a) Cod. Vatican. cit. ap. Pray Pat. III. pag. 242. Æn. Sylvii epist. 378. & 379. Raynaldus ad hunc an,

**1460.** Asianorum, & Europæorum in se apparatus, inducias offerebat, re infecta ab se dimisit, quod cum Pontifici mire probaretur, rursus XL. aureorum millia in commune bellum regi pollicitus est, eumque magnopere hortatus, ut ad id feliciter gerendum, quam posset celerius, concordiam cum Cæsare iniret.

**1461.** a) Tentata iterum est hoc non invito, & arbitrium rursus Podiebradio creditum; quem ut sibi Mathias conciliaret, prius, quam conventus haberetur, Trencsinium profectus, sponsæ dotem regina dignam, modumque de ea sibi tradenda, constituit. Nec tamen propterea hic quoque conatus priore felicius erat. Podiebradius enim, cui Cæsar recens spem successione in Comitatum Cattimelibœum fecerat, cum nec hunc, nec Mathiam, designatum generum, vellet offendere, ita iudicio suo nutabat, ut neutri parti satisfacere videretur. Itaque non solum concordia non coaluit, sed, soluto conventu, nova etiam dissidii semina erant jacta. Cæsar Joannem Giscram, hominem pro spe lucri emtu facilem, promissis amplissimis, a Mathia abstraxit, & hic vicissim, pactis cum Alberto fratre illius initis, hostem Cæsari concivit.

a) Ita

---

a) Litt. Pontif. ad regem ex Cod. Vatic. apud Pray Par. III. pag. 248. Raynaldus ad hunc an. Gobelius l. 5.

a) Ita spes pacis toties tentatæ dissipata est.

Intererat tamen regis magnopere, ut hæc, ad recuperandam coronam, coalesceret. Hujus conficiendæ negotium Joannes Varadiensis Episcopus in se recepit, qui iter in Slavoniam, velut aliud agens, ingressus, Græcium ad Cæsarem deflexit, ut cum eo de precio redimendæ coronæ transigendi initium faceret. Domi interea, quæ adhuc salebrosa erant, diligenti studio complanata, Rex Bosnia, qui metu Turcarum correptus, cum iis sædus inierat, poenitudine ductus, ad obsequium rediit, et arcibus Savo vicinis præsidium Hungaricum imponi passus est. Cum Giscra quoque tractatio instituta, qui, quod Cæsarem pacis, quam belli, magis amantem expertus esset, ut erat militaris animi, facile, postquam in jus civitatis, & in Magnatum ordinem cooptatus erat, castris, quæ ab Elisabethæ reginæ temporibus tenebat, regi traditis, in hujus partes concessit, & cum Bohemis imperio suo obnoxiiis, sociam operam in bellum Turcicum pollicitus est, ad quod suscipiendum, animi omnium

---

a) Kaprinai l. cit. pag. 476. Auctor Ms. rer. Austr. ab an. 1454. ad 1467. item diplom. Tabularii Augusti apud Pray Par. III. pag. 261. & 262. Balbinus epit. rer. Boh. l. 5. c. 5. Gerard. de Roo, l. 7.

1462.

um, per nuncios ex Valachia missos, incitati ferebantur, qui Turcas, cæsis fere quadraginta eorum millibus, a Vajvoda profligatos affirmabant. a) Mathias, etsi dictis illorum, quos nosset, majora plerumque vero afferre, fidem ægre haberet, tamen a Ragusinis, ut eis auxilio esset, rogatus, in Serviam proficisci cogitabat, cum Episcopus Varadiensis a Cæsare reversus, quædam conventionis capita attulit, de quibus postquam ipse privatim cum consiliariis contulisset, regni Ordines Budam ad conventum adesse iussit. Hic iis, quæ ad jus dicendum, ad declarandas infidelitatis notas, & forum Ecclesiasticum, quod a profano sejunctum voluit, pertinent, breviter constitutis, b) de corrogando etiam precio ad redimendam coronam, actum. Hungariæ Nobiles, quisque florenum auri, promissere, sed, ne id in legem deinceps, & morem abiret, Rex publica fide Ordinibus cavit, licet sæpe promissi postea immemor fuerit: Transsilvani quoque, & Ragusini, ut symbolum suam conferrent, admoniti sunt, a) at-

---

a) Collectio epistolar. Mathiæ, Par. I. pag. 57. 60. 70. 71. & 112. item litt. Venetor. ad Bononienfes apud Mansi, ad Tom. X. Raynaldi annal. Eccles. pag. 336.

b) Exstat in Cod. jur. patr. pag. 215. & *primum* dicitur, cum jam an. 1458. & 1459. duo, ut memoratum est, præcesserint.

a) atque hac ratione tantum pecuniæ sensim collectum, quantum redimendo pignori satis esset. De pace, cujus fundamenta quædam Episcopus Varadiensis apud Cæsarem jam posuerat, nihil visum prius agere, quam Valachiæ, cui Turcæ etiam post acceptam cladem, rursus imminebant, succurreretur. a) 1462.

Milite ad profectionem jam comparato, Legatum ad Venetos misit, qui proposito communi periculo, generalem in Turcas expeditionem sollicitaret, inde Romam profectus, cum Pontifice ageret de subsidiis, & minimum quadraginta sex mille aureos in stipendia sex mensium, impetrare conaretur, tum ad Florentinos, & Ferrarienses, hos quoque in belli societatem pelliceret. Domi vero, Strigonienſi Archiepiſcopo, & Palatino in commiſſis dedit, ut cum Bohemis, qui *Comorovskio*, & hujus contribulibus parebant, se absente tranſigerent. His conſtitutis, in Valachiam contendens, Turcas jam exceſſiſſe, & exauctorato Vajvodæ, ejus filium  
nata

---

c) Litt. regis, hujus an. ſer. prox. poſt feſt. aſcenſionis Domini, memorant, in comitiis in ſingulos Nobiles ſl. auri decretum fuiſſe, cujus tamen in edito Decreto nuſpiam veſtigium reperiſſas. An mancum propterea ſit, alii arbitrentur.

b) Epiſt. Mathiæ Par. I. pag. 57. 59. & 110.

~~1452.~~ natu minorem, ab his subrogatum reperit. **Causa ex Valachis**, qui hominem sanguinari-um detestabantur, cognita, hostis voluntatem, mirantibus omnibus, ratam habuit, & filio in dignitate confirmato, patrem in Hungariam abduxit, parte copiarum Michaeli Zokolio, Sirmienſis provinciæ Præfecto credita, qui Halibegum, prædas in citima Savi ripa agentem, aggreſſus, trucidatis quatuor millibus, & recuperata præda, trans flumen egit. a)

Mathias Budam reverſus, Bohemos, præbita ab Archiepiſcopo pecunia, & conventionem facta jam pacatos, ſuis ſignis auctoravit, ex quibus, quod plerique veterani eſſent, & bello Huſſitico exerciti, pedefirem militiam, quod genus apud nos hactenus ex incondita colonorum turba, diſciplinæ inaffue-  
ta, ſumtum erat, conſlavit, magno deinceps uſui in bello Turcico futuram. Atque id quidem inſtare, Rex Boſniæ crebro in Hungariam nunciavit, a quibus, & Venetis, tum Albanis, & Pontifice, auxilium flagitabat. Huic per Legatos, Boſniam extremo periculo expoſitam ſignificari curavit, partem regni a Turcis jam eſſe occupatam, facile acceſſuram alteram, quod barbari ſpecie lenitatis populum in fraudem inducerent, apud quem

---

a) Litt. regis Part. II, pag. 74. & 82. Bonfinius Dec. 3. l. 9. Cromerus hiſt. Pol. l. 27.



quem sua etiam auctoritas fere jam vileſcat, cui non melius conſuli poſſet, quam ſi cum auxiliis corona quoque ſibi mitteretur. Poſtremum cum Orator Hungarus juri regio adverſari exiſtimaret, regem, quid ageretur, conſeſſim edocuit, & ſuppeticas præterea ſpe minores offerri, indicavit, cum Veneti XX. ſolum aureorum millia, & Pontifex annuum ſtipendium in mille equites, cujus vadimonium Strigonienſis Archiepiſcopus præſtaret, ſe præbituros pollicerentur. Inexſpectatum id quidem regi fuit, ſed, cum benevolentiam Pontificis ſibi neceſſariam videret, monuit oratorem, rem, quantum ad coronam regi Boſniæ mittendam attinet, ita caute gerat, ut, nec Pontifex ſe offendi putet, nec juri regio, cui Boſnia obnoxia eſſet, quidquam derogari patiatur, ceterum ſubſidia cum ab hoc, tum Venetis, augeri flagitaret. *a)*

IV. Inter has ſubſidiorum ab exteris ſollicitationes, Mahometes, Venetis, oblata induciarum ſpe, deluſis, repente vim omnem in Boſniam convertens, Stephanum regem, qui ſe cum theſauro, *Jayczam*, arcem rupi arduæ impoſitam, receperat, obſedit, & quadriduo poſt fame deditionem facere coactum, litteras ad reliquos arcium Præfectos juſſit ſcribere, ut ſe Mahometi dederent. Ita octi-

C c 2

duo

---

*a)* Gobelinus l. 9. & 11.

1463.

duo non integro septuaginta aliquot arces in potestatem illius venire, auri præterea supra decies centena numorum millia, Nobiles in servitutem redacti, & in Asiam transmissi, Rex ipse cum plerisque Optimatibus, contra datam fidem, necatus, &, quod tristius est, ex capta juventute, triginta millia peditum conflata, quibus *Janiczari*, præcipuum apud Turcas militiæ robur, sua incubula debent. a) Mathias, se quoque delusum sero intelligens, ne idem periculum Serviæ ingrueret, sollicitus, Joanni Pongraczio, cui curam Belgradi crediderat, ea, quæ defendendo loco necessaria erant, celeriter mitti iussit, etiam, atque etiam commonito, ut hostem eousque conaretur a Savi trajectu arcere, donec ipse cum auxiliariis adesset. Verum hac cura eum Mahometes liberavit, qui occupata Bosnia, præter opinionem, vires suas in Moream, capto jam prius Naupacto, & in ditiones Venetorum converterat. Itaque his, qui regi commune in Turcas fœdus sollicitanti, ambigua responsa dabant, nimia, & ex rerum eventu suspensa cunctatio, periculum accersit, & ab Hungaria avertit. b)

Hoc

a) Gobelinus l. 9. & 11. Leunclavius hist. Musulman. l. 15. & in Pandect. c. 95.

b) Epist. Mathiæ Par. I. pag. 123. & 153. Chalcondyl. l. 10. Phranzes l. 3. c. 27.

Hoc ipsum tempus , quo Mahometi res cum Venetis futura erat, opportunum Mathiæ visum, ut cœptum cum Cæsare pacis negotium, ad finem perduceret. Sed, ne id quasi precario a se fieri videretur, Proceres subornavit, ut scriptis ad eum litteris, se Legati Apostolici consilio adductos esse, significarent, se omnem operam impensuros, ut ob commune, quod Christianis a Turcis impenderet, periculum, concordia tandem inter illum, & regem suum, coalescat, venturos proxime, si modo, quo animo sit, intellexerint, qui regis nomine de conditionibus transigant. Cæsari, cui alioquin cum Alberto fratre, & Viennensibus dissidium fuit, nihil gratius accidere poterat. Adfuere paulum post Legati, & inter hos Stephanus de Varda, Archiepiscopus Colocensis, & Joannes Vitézius Varadiensis antistes, primus conciliandi fœderis auctor, præcipui erant, tribus equitum millibus, cum honoris, tum securitatis causa stipati. Ante omnia actum de corona, ad quam recognoscendam Ladislaus de Palocz, Judex Curiae delectus, in cujus judicio postquam omnes conquievere, habita frequenti cum Cæsareis deliberatione, in has condiciones utrinque conventum: Cæsar Mathiam filii, & hic illum patris loco, habeat, eoque nomine in publicis scriptis alter alterum appellet: titulus regis Hungariæ, Cæsari ab Hungaris tribuatur, succes-

1463.

sio autem in regno, si Mathias sine legitimo hærede obiret, ad Cæsarem, vel ejus filium Maximilianum, aut, si plures habuerit, ad eum, quem Ordines delegerint, devolvatur: castra *Forchtensteinium*, & *Gobelsdorfum*, quæ Cæsar in limitibus occupaverat, in illius, dum vivet, arbitrio, in sacris tamen jurisdictioni Jaurinensis Episcopi, & ad symbolam in bellum conferendam, regi Hungariæ obnoxia sint, post mortem vero Cæsaris integrum erit Hungaris depensis quadraginta aureorum millibus, ea redimere: injuriæ, quas ab obitu Ladislai regis, sibi mutuo intulissent, bona fide utrinque condonentur. Cæsar, si a Turcis periculum Hungariæ ingruerit, omnem industriam apud Pontificem, & Principes Imperii adhibebit, ut Mathiæ succurratur; Sopronium denique gratuito, nulla pignoris habita ratione, Hungaris restituet. Hæc in Tabulas publicas relata, Cæsaris, & Mathiæ nominibus, subscripta, & serius post, ut illis majus robur accederet, etiam a Pontifice confirmata sunt. a) His transactis, corona Legatis tradita, communique plausu, &

---

a) Exstant documenta in Urfini Velii hist. de bello Pannonico ad calcem, & ex hoc apud Pray P. III. pag. 282. — 298. Legati, & Cæsar 19. Jul. Rex, & Legatus Apostolicus 24. ejusd. mensis, Pontifex demum 22. Octob. pactorum Tabulas confirmarunt,

& populi per iter concursatione, Budam, 1463  
 velut ab exilio, reducta est. De persoluto  
 precio, nihil in Tabulis consignatum reperio,  
 aliqui octoginta, alii sexaginta aureorum mil-  
 libus, redemptam fuisse perhibent. a)

Aberat per id tempus Mathias; bello  
 Turcico occupatus. Jam circiter Calendas  
 Majas ad Danubii, & Savi confluentem con-  
 fluit, & cum comperisset, Mahometem, re-  
 licto in Bosnia cum copiarum parte Alibego,  
 in Macedoniam profectum, Savo transmissio,  
 Alibegum vicina Savo loca populantem, se-  
 mel ac iterum magna clade affectum repulit,  
 tum dimissis in Serviam equitum turmis,  
 quæcunque a Turcis occupata erant, ferro,  
 igneque corrumpi jussit, quindecim pene mil-  
 libus Cristianorum, cum armentis ex servi-  
 tute vindicatis. Indulta dein militi quiete,  
 novisque ex Hungaria acceptis supplementis,  
 in Bosniam movit. Hic ei Ladislaus, Ste-  
 phani, Ducis sancti Sabæ filius, suas etiam  
 copias adjunxit, quarum auxilio *Jayczam* ob-  
 sidione cingens, trimestris fere spacio expu-  
 gnavit, & cum hac triginta castra recepit,  
 porro in hosticum progressurus, nisi illum in-  
 gruens hyems receptum maturare coegisset. b)

C c 4

Prius

a) Gerard. de Koo, l. 7. Spondanus ad an. 1464.

b) Epist. Mathiæ ad Pontif. ex *Dombno*, d. 27.  
 Jan. an. 1464. Par. I. pag. 161. apud Pray  
 Par. III. pag. 302.

1463. Prius tamen ipse Petrivaradinum, prægressus, commune fœdus cum Venetis percussit, quo illi tamdiu se Turcas terra, marique infestaturos receperant, quamdiu Rex idem in continente faceret, interea autem neutri quidquam in suis limitibus novarent, nec pacem, vel inducias cum hoste, non vicissim inter se conscii facerent, ceteris quoque regibus, & Principibus, si vellent, ad fœdus accedere liberum esset. a) His XII. Septembris mutua stipulatione firmatis, Mathias in Bosniam reversus, & Ladislai egregie navatam in bello operam remunerari volens, eum in Baronum Hungariæ numerum adlegit, ea conditione, ut, si Rex, vel hujus Legatus, qui ex Baronum Ordine fuerit, bellum in Bosnia gereret, ipse eis adjumento erit, sin regis Legatus inferioris esset conditionis, tum sui loco, quem voluerit, militiæ Præfectum mittet: amicus erit amicis, & hostis quoque regis hostibus: nihil præterea ditionis suæ a jure Hungariæ subtrahet, aut alienabit; Ramam denique, &, quæ Turcis nuper eripuerat, cum ipse, tum filius Comes Balsa, hujusque hæredes, jure clientelari, regibus Hungariæ obnoxii, possidebunt. b) Imposito

---

a) Raynald. ad hunc an. ex Cod. Ms. Vallicellano, apud Pray Par. III. pag. 300.

b) Litt. regis autogr. *Dat. in civitate nostra Jaycza, in festo B. Nicolai ep. & Conf. an. 1463.*

sito dein Jayczæ, quam Joanni *Zékelio* Priori Auranæ, tuendam commisit, præsidio, militem in hyberna deduxit.

Ex Bosnia reduci prima omnium cura fuit, ne coronatio, sine qua se a non paucis non tam regem, quam regni usurpatorem haberi putabat, differretur. Comitibus itaque Albam indictis, XXIX. Mart. consueto ritu inauguratus, ea, quæ Ordines ad instaurandum regni statum proposuerant, & confirmari orabant, rata habuit. Præter Decreta Ludovici, & Sigismundi, quæ nova sanctione roborari flagitabant, arctior coronæ, ne simili ut ante periculo objiceretur, custodia statuta, donationes Ladislai posthumi, & ipsius Mathie ante coronationem factæ, nisi intra annum has confirmaret, irritæ habeantur, de infidelitatis crimine illud cautum, ne rex, non consensu Prælati, & regni Baronibus, quemquam illo perstringat. Turbulentis enim temporibus, ob contraria factionum studia, ut quisque erat potentior, nihil pronius fuit, quam ut alteri hanc notam impingeret, ejusque bona sibi vel a rege donari importune peteret, aut, si occasio erat, spreta legum sanctimonia, per vim etiam occuparet. Hinc severe vetitum, ne quis Ecclesiarum, & Nobilium domos violare deinceps ausit, &, si qui post Alberti obitum, bona aliis vi eripuissent, hæc sine cunctatione, ut dominis suis restituant, imperatum: immunitates quoque Transilvanæ,

---

1464.

1464. niæ, & Sclavoniæ Nobilibus confirmatæ; constitutum etiam, ut moneta iusti, ejusdemque ponderis, ac valoris esset, qualis sub Sigismundo erat, utque in hujus falsarios gravissimis poenis animadvertatur. a)

Sub Comitiorum finem, pacta de successione, inter Cæsarem, & Regem, non ii solum, qui legatione perfuncti erant, verum ceteri quoque Prælati, Barones, & Nobiles rata habuerunt, & rex editis litteris, serius postea confirmavit, b) quam lites cum Podiebradio, Bohemorum causa ortas, hac conventionem sopivisset: quicumque, Hungarus, Bohemusve sit, latrocinia in alterius ditione exerceret, non solum partem prædam, sed omnia etiam bona, amittat: castra in limitibus, ex quibus maleficia inferri possent, neuter exstrui sinet, malefactores autem, qui impunitatem in alterutrius regno quærerent, uterque bona fide reddet, sin minus id posset fieri, certe commorari in eo non patietur. c)

Con-

a) Ex Cod. jur. patr. Tom. 1. pag. 218. *Dat. VIII. Idus Apr. an. Domini 1464. regni nostri VIII. coronationis I.* Abhinc coronationis annos constanter ab annis regiminis solebat discernere.

b) Auctar. diplom. Kollarii ex archivo aul. Vienn. apud Pray P. 3. pag. 309. — 311.

c) Diplomatar. Boh. Siles. Sommersbergii Tom. 1. pag. 1023. apud eund. ibid.



Constabilita cum Cæsare, & Podiebradio amicitia, conatus omnes in bellum Turcicum conversi. Pius II. cum sæpe alias, tum hoc imprimis anno, Imperatorem, Principes Germaniæ, & Italiæ, ad id communi studio gerendum concitabat. Ordo expeditionis hic erat constitutus: Mathias cum Hungaris, horumque lociis, &, quos ab exteris accepturus esset, auxiliariis, terrestri itinere, reliqui vero, mari in hostem proficiscerentur. Et jam classis Veneta cum Pontificia Anconæ stabat, proxime solutura, cum Pius II. qui ipse expeditioni interesse cupiebat, XIV. Augusti obiit, & cum hoc ardor sacri belli refrixit. Frustra Mathias se deferi querebatur, tum præsertim, cum Mahometes vires omnes Jayczæ obsidendæ, admovisse ferebatur. Commode illud accidit, quod commeatus & nova militum supplementa arci illata fuerint, & Prior Auranæ locum eousque fortiter tueretur, donec rex, qui magnis itineribus in Bosniam contendens, cum exercitu adesset, solaque fama sui adventus, Mahometem, relictis tormentis, & reliquo bellico apparatu, in fugam egisset. Fugitivum aliquamdiu, ut prælio rem experiretur, consequutus, ob penuriam pabulationis, quam hostis in receptu corruperat, redire coactus, ne tanto sumtu nullum operæ precium fecisse videretur, *Zvoinichium* arcem obsedit, quam mox ob coortam militum seditionem, & adventantis hostis rumorem, pa-

ri trepidatione, qua Mahometes Jayczam; minore tamen damno, deferuit. *a)*

<sup>1465.</sup> V. Altius ei hic receptus, fugæ similis, inhæsit, quam ut eum pacato animo digere re posset, metuitque, ut erat gloriæ cupidus, magnopere, ne fama sua apud externos vilescat, aut Turcis belli in Hungariam transferendi occasio daretur. Opportune *Emo* Legatus Venetus domum revocatus est, huic Joannem episcopum Quinqueecclesiensem, & Joannem Rozgonium, quos Romam, ut Paulo II. obtentam dignitatem gratulentur, destinaverat, adjunxit, qui apud hunc de subsidiis in bellum Turcicum diligenter agerent, cui gerendo cum ipse proventus suos fere jam profudisset, ex consulto Prælatorum, & Baronum, extraordinaria per regnum tributa imperaverat, ad quæ conferenda cum omnes, boni communis causa, promptos habuisset, ii solum, qui Cæsari in Hungaria parebant, refragabantur, licet secundum pacta nuperna ad symbolam in bellum Turcicum conferendam, obstricti essent. Graviter id merito rex tulit, præsertim, quod Cæsar præterea arcem Bercholsdorfium, quam Sigismundus de Bozyn, præbito precio in pignore habebat, hoc non expuncto, occupasset. Inde lis primum  
lit-

---

*a)* Epistolar. Mathiæ, P. 1. pag. 173. item ejusd. litt. an. 1468. Budæ fer. 4. prox. post fest. B. Martini Conf.

litteris, tum vastatione terrarum utrinque  
 acta, propeque res bellum spectabat, nisi La- 1405.  
 vantinus episcopus, qui a Pontifice in Bo-  
 hemiam Legatus erat missus, dissidium, cum  
 iter per Austriam faceret, opportune sopivif-  
 set. a)

Apparebat enim Mahometem ex ingenti, quem fecerat apparatu, aliquid rursus in provincias Hungariæ subjectas moliri velle, cum ex nunciis a Savo allatis patuit, molitiones has in Græcos, qui amissa Constantino- poli, non tam Imperium, quam hujus umbram, Trapezunti condiderant, parari, paulumque post finitimi limitum Præfecti significaverant, adesse Legatos a Mahomete, qui de induciis cum rege pacisci cupiant, de quibus, si admissi fuerint, uberius acturi essent. Verum is, seu parum fidei barbaris tribueret, seu insciis Venetis, nihil vellet cum illis agere, Legatos ultra limites progredi vetuit. Hac repulsa Mahometes irritatus, paulum post, quam Mathias litem cum Casimiro, Bohemorum causa, qui Poloniam ex Scepusio infestabant, composuerat, mutato proposito, vim omnem in Serviam convertere, nec ante quieturus ferebatur, quam Belgradum, & Jajczam, cum reliquis, quæ in Servia, & Bosnia juris adhuc Hungarici erant, in potestate haberet.

Si-

---

a) Epistolar. ejusd. P. 2. pag. 45. & 96. item  
 P. 4. pag. 14. — 19.

**1465.** Sive id re ipsa constituerat, sive rumor de industria ab eo diditus esset, Mathias oratores suos Romæ celeriter edocuit, datisque ad Pontificem, & regem Galliæ litteris, in quo discrimine res versetur, significavit. Ac Oratores quidem ea solertia commissum sibi negotium egerant, ut spes esset, non temnenda in bellum Turcicum subsidia collatum iri. Pontifex centum, Ferdinandus rex Neapolitanus sexaginta aureorum millia, præter quingentos pedites, & equites in Epirum mittendos, Veneti quinquaginta quotannis millia aureorum in stipendia se daturos, promiserant, Dux Mediolanensis duo equitum millia, uno minus peditum pollicebatur; Florentini mille equites, & quingentos pedites, vel, si rex mallet, viginti quatuor millia aureorum quovis anno se numeraturos, receperant. a) Hæc quidem liberaliter promissa fuere, sed, cum præstanda erant, res omnis ad Pontificem, & Venetos rediit, qui missis in Hungariam pecuniariis adjumentis, datam fidem liberarunt.

Mathias his acceptis, & Bohemis, qui rursus more suo prædas agebant, ad Tiraniam profligatis, ne expectationem socio-  
rum

---

a) Raynaldus ad an. 1465. Epist. Mathiæ P. 2. pag. 1.14. 18. 129. 137. Luccari annal. di Raufa l. 3. pag. 110. Leunclavius hist. Musulman. l. 15. pag. 586.

1465.

rum fallere videretur, copias ad Dravum deduxit, ut Turcarum consilia eminus exploraret, quorum cum nec famam quidem accepisset, adhærere isthic maluit, quam hostem, foederatis nondum rite comparatis, irritare. Id Pontifici suspicionem ingesserat, subsidia in alium, quam missa erant, finem erogari, quod cum ex Tinniniensi Episcopo Roma reduce comperisset, missis Romam litteris, injuriam sibi hac suspicionem fieri graviter est questus, ut adeo Pontifex irritatum, mollius tractandum censuerit, quod ejus operam sibi, contra Podiebradium, necessariam esse existimaret. Hunc jam Pius II. lacris interdicare cogitabat, sed quod hic ob temporis rationes differebat, Paulus exsequi constituit. Nondum tamen res maturuit, & Mathias, quæ Pontificis essent consilia, indicto conventu, regni Ordinibus aperuit. Visum omnibus est, nihil ante tentandum, quam certiora ex urbe afferantur, Cæsaris quoque mentem, quod Bohemia feudum Imperii esset, prius explorandam, videndum etiam, quo Turcarum conatus tandem evasuri essent. a)

Ac ab his quidem, qui omnem belli vim in Albaniam converterant, nihil periculi erat, eo magis ancipiti loco res Bohemicæ, post pro-

1466.

a) Epist. Math. P. 2. pag. 61. 70. 144. Leunclav. Pandect. c. ult. auctor Ms. rer. Austr. ab an. 1454. ad 1467. Gerard. de Roo. l. 9.

1466.

promulgatam in Podiebradium cruciatam expeditionem, fuere. Regno a Pontifice exutus, causam suam in conventu Imperii Norimbergæ agere optabat, sed Cæsar, qui jus successionis in Bohemia, ex fide veterum pactorum, sibi competere arbitrabatur, Legatos illius ad conventum admitti vetuit. Id ille suam injuriam interpretatus, litteras verbis acerbis, & inhumanissimis refertas, ad Cæsarem dedit, simulque bellum ei denunciavit, Victorinum filium, cum quinque millibus Austriæ immisit, qui vastationem, late omnia populatus, ad Danubium prope Viam protulit. a) Mathias, quo res evasura

1467.

esset, interea otiosus spectabat, in omnem tamen eventum, ne, si ipse etiam in ea partem habere cogeretur, sumtus deessent, Comitatus in sequentem annum indixit, & consentientibus regni Ordinibus, *lucrum Camere*, in *vectigal coronæ*, seu tributum *Fisci regalis*, a quo nemo, nisi Ecclesiastici, & Nobiles exempti essent, deinceps solvendum convertit, nomine solum, non item re, mutato. b) Hæc inter, Podiebradio hostes undique confecti sunt. Catholici Proceres in Bohemia, Moravia, & Silesia, inita confederatione, obedientiam detrectabant, Legatus Pontificis, facto

a) Linck annal. Clarævallen. Part. II. pag 226.

b) Car. Wagner diplomatar. Comitatus Saroflien. pag. 236.

cto per Bohemiam itinere, illis auctor erat, ut Zdenconem Sternbergium sibi interea dynastiam præficerent, ipse in Poloniam profectus, regnum Casimiro, Pontificis nomine, obtulit, cuius benevolentiam ille grato quidem animo accepit, sed, cum pacta ei cum Podiebradio intercederent, &, inconsultis regni Ordinibus, nihil vellet decernere, rem ad futura Comitia distulit. a) Mathiæ, qui Casimiri in deliberando lentitudinem norat, nec voluntas, nec otium fuit, ut se huic negotio, non rogatus ingereret, quem aliquin secessio Transsilvanorum, qui ob crebras tributorum exactiones, Joannem Vajvodam, licet invitum, provinciæ Ducem constituerant, & Stephani Moldaviæ Vajvodæ clancularii in Poloniam missi internuncii magnopere sollicitum habebant. Ac Transsilvani quidem, ut Rex cum exercitu adfuit, obtenta defectionis venia, ad officium rediere, Moldavus autem arma parabat, quem, pugna cum eo congressus, etsi non sine suo periculo, victum in fugam egit, & spolia in Eudensi templo, velut victoriæ testes, ad ostentationem defixit. b) VI.

a) Gobellinus l. cit. l. 10. Cardinal. Papien. commentar. l. 6. Dlugos. l. 13. Gerard. de Roo l. 8.

b) Epist. Mathiæ Par. III. pag. 88. Ceterum scriptores Poloni ab Hungaris de victo Moldavo dissentiunt. Conf. Pray Part. IV. pag. 35.—38. & Katona hist. Tom. 15. pag. 233.—243.

1468. VI. Ex Moldavia reversus, Cæsaris nuncium, & Pontificis Legatum, salutationis quidem, ut apparebat, causa, re ipsa autem, ut eum ad bellum Podiebradio obmovendum inducerent, reperit. Pontificem religionis periculum, Cæsarem Bohemi, qui favore quorundam Germaniæ Principum nixus ad dignitatem Imperii aspirabat, ambitio, præcipue movebant. Cunctanti Cæsar addidit stimulos, pollicitus, se ei non solum auxiliares copias adjuncturum, sed Bohemiam in feudum quoque, hac conditione collaturum esse, ut, si sine legitimo hærede decederet, Hungaria, & Bohemia, secundum vetera, & nuper inita cum eo pacta, ad stirpem Austriacam devolvantur. Plausibili hac spe illectus, habito cum præcipuis regni Optimatibus consilio, eorum sententias rogabat. Multi, qui parta potius tueri, quam aliena invadere, satius esse putabant, ne se dubio, & sumtuoso bello implicaret, ei autores fuere; nec æquum videri, ut alium, qui nullam hactenus offensionis causam dedisset, bello impetaret, eumque regno privet, quod, si eo etiam potiretur, ob vicinorum Principum invidiam, vix retenturus esset; alii contra, ut morem Pontifici gereret, nec Cæsaris promissa aspernaretur, suadebant, præsertim, quod post confectas per Nicolaum Vjlakium cum Turcis inducias, ab his contra rebelles in Asia occupatis, nihil periculi esset. Horum igitur sen-



sententiam amplexus, bellum decrevit, ut  
autem usurpatoris nomen a se amoliretur, 1468.  
scripsit ad Catholicos Bohemiæ Proceres, se  
non alia de causa adfuturum, quam ut eos a  
Podiebradit injuriis tueatur, similes litteras  
ad Victorinum illius filium dederat, & ra-  
tiones, cur arma in patrem ejus sumeret,  
prolixè exposuit. a)

Facta de uenitione, nihil moratus, castra ad oppidum *Laab* promouit. Hic pedites, & equites, quos Cæsar promiserat, cum cruciatorum parte, suis coniungens, Moraviam ingressus, opportuna locis, quæ se dediderant, præsidia imposuit, & Podiebradium, qui aduenire nunciabatur, expectabat. Aduit paulo post, & castra castris modico intervallo discreta opposuit. Neuter universis copiis ausus congregi, velitationibus solum rem agebant, inter quas etiam de induciis actum; conditiones fuere: Bohemi Ecclesiæ Romanæ se uniant, restituant bona Catholicis crepta, & damna Hungaris illata compensent, sumtus item in bellum factos, captivis utrinque libere dimissis, solvant, atque hæc litteris, pignore, & datis obsidibus, firment, Moravi autem eousque fidejubeant, donec arbi-

D d 2      trio.

a) *Cochlæus* l. cit. lib. 12. Gerard. de Roo, l. 8. Raynaldus ad an. 1468. Epist. Mathiæ, Part. III. pag. 14. 87. & 88. Pez thesaur. anecdot. noviss. Tom. III. Par. III. pag. 222. n. 7. pag. 223. n. 8.

1408.

trio Legati Pontificis pax concilietur. Sed cum Bohemi nec pignus, nec obsides dare vel-  
lent, & Podiebradius post aliquot dierum ve-  
litationes, penuria annonæ pressus in Bohe-  
miam recessisset; Mathias ultra progressus,  
Brunam, Olomucium, aliaque loca quod  
sponte deditionem facerent, in fidem recepit,  
remque hactenus gestam, ad Pontificem per-  
scribi mandavit, nova pecuniæ subsidia fla-  
gitans, quæ si mature mitterentur, spem ob-  
tinendæ brevi Bohemiæ faciebat. Trebnici-  
um deinde profectus, Victorinum, qui locum  
defendendum acceperat, circumfedit, quo clam  
elapso, Spielbergam, sed frustra hoc quidem  
anno tentavit, tum in Bohemiam, eundem,  
quem in Moravia habuit, successum sperans,  
ingressus, repente, se ad urbem Willemovi-  
um, in densissimo saltu, a Podiebradio ita  
circumventumprehendit, ut, nisi se mal-  
let dedere, vel ferro via facienda, vel pax  
eligenda esset. Hanc maluit, eamque misso  
ad Podiebradium Alberto Kofztká, incer-  
tum, a) quibus conditionibus, impetravit. b)

Dimis-

a) Sunt, qui pacem auro redemptam ab eo fuisse,  
perhibent, non tamen sine dolo. Arculam enim  
arena impleri, & huic aurum superponi iussis-  
se fertur. Fabulam de industria ab inimicis con-  
cinnatam esse suspicor.

b) Epist. Mathiæ Par. III, pag. 14. 39. 45. 67.  
● 70. 87. 88. Balbinus rer. Boh. l. 5. c. 9. Du-  
bravius ad hunc an. Bonfinius Dec. 4. l. 2.

Dimissus, relictæque exercitus parte in limitibus Moraviæ, Posonium contendit, & accitis ad conventum regni Ordinibus, nova in bellum Bohemicum subsidia petiit, fidemque editis litteris fecit, se nulla deinceps, invitis Ordinibus exacturum, aut quidquam propterea regni immunitatibus derogatum velle, idemque, ut suspicio animis Nobilium eximeretur, Prælati, & Magnates caverunt. His, ut cupiebat, obtentis, factoque necessario armorum apparatu, de sociis quoque, qui partem in bello haberent, sibi adsciscendis, cogitabat. Cæsari jam ante, quam in Italiam proficisceretur, cum rege convenerat, ut Casimirum regem Poloniæ, proposito affinitatis ineundæ vinculo, pertentaret. Id negotium Protasio Olomucensi episcopo datum, qui Cracoviam profectus, duas natu maximas regis filias, alteram Maximiliano Cæsaris filio, alteram Mathiæ desponderi petiit, conditionem ab utroque hanc offerri, ut, si sine hærede decederent, Hungaria, & Bohemia, ad filias ejus jure pertinêat. Ille, accepto a suis consilio, respondit, se nunquam juri suo in Bohemiam, seu hæreditario, seu a Catholicis Proceribus aquisito, renunciasse, proin non opus esse, ut id sibi per filiæ connubium afferat, cum Mathia autem, qui in Scepusio, & Moldavia, suos crebro damnis affecisset, affinitatem se omnino detrectare. Hæc ad speciem dicebantur, re ipsa autem, Podiebra-

1468. dius, intellecta Cæsaris, & regis machinatione, ipse etiam misso ad Casimirum Legato, regnum alterutri ex ejus filiis offerebat. Hæc repulsæ causa fuit, quam Mathias dissimulandam putavit, non item querelas de Scopusio & Moldavia oggestas: illic nihil aliud a se factum, quam Polonos latrocinia exercentes, ut par erat, esse castigatos, in Moldavia autem, se jure suo, quod a decessoribus accepisset, usum fuisse, iustisque ex causis Vajvodam, qui non solum profugos tueretur, sed Turcis etiam conjunctus, Transilvaniam infestasset, in ordinem redactum esse, declaravit. a)

1469. Igitur spe, quam de Casimiro sibi conciliando conceperat, frustratus, & Cæsare in Italia absente, cum sibi soli molem belli incumbere videret, ex Germania enim, in qua non pauci Principes occulte Podiebradio favebant, parum auxilii exspectandum erat, ipse, præter mature conscripta domi militum supplementa, subsidiariis copiis ex Bavania deductis, ipsa hyeme in Moraviam regressus, Spielbergam vix tentatam occupavit, b) brevi-

a) Epist. Mathiæ P. 3. pag. 56. Balbin. l. cit. l. 5. c. 10. Belius notit. Hung. novæ, Tom. 1. P. special. membro 1. Sect. 1. §. 39.

b) Litt regis autogr. ad Cassovien. *Castrum capitale totius Marchionatus Moraviæ Spilberck* nun-

viq̃ue post Victorino, qui sibi ad castrum *Weszele* occurrerat, intercepto, a) Olomucium veniens, potiorum, qui ex Bohemia, Lusatia, & Silesia confluxerant, Procerum consensu, III. Maji, rex Bohemiæ salutatus est, b) Wratislaviam dein profecto, magistratus urbis sacramentum fidelitatis dixit, Principes autem obedientiam, ea conditione spondponderant, ne Silesia unquam a Bohemia,

D d 4

ad

---

*nuncupatum, supra civitatem Brunensem, una cum aliis civitatibus, & castris, prox. Dominica, Esto mihi — occupavimus cet. Datum Brunæ ser. 2. prox. ante carnisprivium, 1469.*

a) Ejusd. ad eosd. *Victorinus filius Georgii Podebrath in civitate Wexle — captivitati nostræ mancipatus, nuno erga manus nostras captivus detinetur, cet. Dat. sub Fortalitio Wexle, ser. 6. prox. post fest. B. Annæ, matris Mariæ. & litt. ejusd. apud Pray, P. 4. pag. 56.*

b) Litt. reg. ad eosd. *Cassovien. Convenientibus in hac civitate Olomucensi in unum omnibus fere majoribus Proceribus Christianis Bohemiæ, Silesiæ, Lusatiae, & Moraviæ, — quia necessitas rerum fidei, & etiam multæ aliæ causæ urgebant, ipsi hodie nos in regem Bohemiæ elegerunt. Dat. in Olomucz, in fest. Invention. S. Crucis. 1469. Similia Roztzius apud Sommersberg Tom. 1. qui juramenti formulam Germanicam, quo se Mathias vicissim t̃is obstrinxit, exhibet. Vid. Pray, P. 4. pag. 54.*

1469.

ad quam vetusto jure pertineret, avellatur. a) Podiebradius, postquam, quæ apud Moravos, & Silesios gesta erant, comperit, ut Mathiæ regni possessionem difficilem redderet, convocatis, quos sibi addictos norat, regni ordinibus, Wladislaum, Casimiri natu majorem filium, sibi successorem hac conditione designavit, ut ipse quidem regnum in reliquam vitam retineret, filiis autem suis amplios Principatus conferret, & Wladislaus, ducta Ludmilla Podiebradii filia, post illius mortem rerum potiretur. Neque hac re contentus, scripsit quoque ad Hungariæ Proceres, graviter in regem, invectus, qui, quod illum cum exercitu circumclusum, precario liberum dimisisset, pro beneficio maleficia redderet. Sensit Mathias hac machinatione sibi apud suos invidiam, & in Polonia hostem parari. Accessere mox nuncii, qui Turcas per Croatiam in Stiriam, & Carniam, fere ad Forojulium irrupisse, affirmabant. Domestico periculo admonitus, dum reditum in Hungariam parat, cladem ad Hunnobrodam ab Henrico altero Podiebradi filio, accepit. b)

VII.

---

a) Idem ibid. apud eund. P. 4. pag. ead. & 56.

b) Cardinal. Papiens. comment. l. 7. pag. 439. —  
 45. Chron. Austr. apud Joan. Unrethum, pag.  
 562. Kercselics hist. Eccles. Zagrabien, pag.  
 181. Chron. Turcic. apud Wolsf. Drechslerum  
 ad hunc an.

VII. Cæsar interea ex Italia reversus, Austriam mire perturbatam reperit. Suspicio in Mathiam, nec immerito, conjecta est. Cum enim is ab oratore suo edoctus fuisset, Cæsarem id præcipue apud Pontificem agere, ut jus in Hungariam, & Bohemiam, familiæ suæ asserat, indignatus, Australes in absentem concitare, non desinebat. Hinc simultas utrinque orta, quæ cum facile in inimicitias so-  
leat desinere, Cæsaris autem ope, pro temporis illius conditione egeret, Joannem Rozgonium Viennam, quo Imperii Principes ad conventum vocati erant, misit, ut auxilia apud eos contra Turcas sollicitaret, re autem ipsa, ut Cæsari conceptam de se opinionem, captata occasione, eximeret. Cum id frustra tentasset, ipse rogatu Principum veniens, eorundem opera Cæsari conciliatus est. Sed altius utriusque animo suspiciones inhæserant, quam ut tam subito evelli possent. Cæsar enim, soluto conventu, *Losczinskium*, aulæ familiarem ad Casimirum misit, qui commune foedus contra Mathiam conciliare niteretur. Diu anceps hærebat, quod Nuncius Apostolicus Mathiæ faveret. Dimisso igitur cum ambiguis responsis *Losczinskio*, ipse postea Legatos Viennam misit, qui has foederis condiciones proponerent: primum, Cæsar sibi, vel filio Maximiliano Hedvigem Casimiri filiam, hujus autem filio Wladislao Cunegundem Maximiliani sororem desponderet: dein ut Wladislao

**1470.** dislao ad obtinendam Bohemiam auxilio esset, & juri suo in eam renunciaret. Cum has Cæsar suis, & Casimirus, quas ille proposuerat, vicissim suis juribus in Hungariam, & Bohemiam adversari existimarent, tractatio utrinque abrupta est. *a)*

Non ita clam hæc agebantur, quin non indicium eorum ad Mathiam pertigerit, qui ut tot hostibus, Stephanus enim Vajvoda Moldaviæ rursus ad Polonos defecerat, par esset, de modo conquirendi sumtus necessarios sollicitus erat. Pontificum beneficio ducenta hactenus aureorum millia in usum belli perceperat, & nunc quoque Pontifex se ei non defuturum significari curavit, sed, cum sero, nec tempori adesse posse videret, rursus indicto Budam conventu subsidium pecuniæ ab Ordinibus, contra quam pollicitus erat, flagitavit. Molestum id omnibus erat, quod bello Bohemico, Turcicum rebus Hungariæ convenientius, penitus negligi dolerent, itum tamen in regis vota fuit, et florenus auri ex omnium bonis, nemine, cujuscunque prærogativæ esset, aut quantalibet immunitate gauderet, excepto, imperatus, rursusque fides cum a rege, tum ab Ordinibus data, nunquam

---

*a)* Chron. Austr. apud Unrestum l. cit. pag. 565.  
Dlugossus l. 13. Gerard. de Roo, l. 8.



quam hujusmodi subsidium deinceps imperandum esse. a)

1470.

Hoc impetrato, confestim Moraviam ingressus, in Silesiam movit, ut Henricum Podiebradi filium, qui, se absente, secunda contra Hungaros fortuna usus erat, reprimeret. Hoc cum clade rejecto, Podiebradium, qui irruptionem in Hungariam minabatur, facta in Bohemiam impressione, ab Hungaria reflexit in Moraviam, ubi, castris opportuno loco positis, uterque constitere, &, cum neuter fortunam prælio experiri vellet, de pace actum. Conditiones erant: Rex, quæ hactenus in Moravia, & Silesia occupasset, restituat; de damnis vero utrinque illatis, & acceptis, Principes Imperii judicium ferant: si renueret, uterque vel singulari certamine, vel universis copiis congredierentur. Mathias, ut litis arbitrium ad Principes Imperii, quos Podiebradio favere constabat, differretur, omnino negavit, singulare certamen, sed more Hungarorum, equestre se quidem initurum, universis autem copiis, si opportunum sibi visum fuerit, congressurum, respondit.

---

a) Decretum hujus an. & nondum Cod. jur. patrii insertum, exhibet Pray, Par. IV. pag. 61. ex biblioth. Cæs. Viennæ, sumtum autem ex autogr. exstat apud C. Ign. a Batthyán Legg. Eccles. Tom. I. pag. 508. Dogiel diplomatar. Pol. Tom. I. pag. 603.

dit. a) Itaque negotio, ut facile provideri poterat, infecto, Podiebradius Pragam, Mathias Znoymam, discessere.

1471.

VIII. Hoc loco utriusque æmuli res erant, cum Pontifex, ut regem in prosequendo bello Bohemico confirmaret, pilcum, & ensen sacratum, per Gabrielem de Verona, eidem transmisit, additis decem, & octo aureorum millibus, quæ ut regi magis, quam pileus cum ense, necessaria erant, ita tempori quoque valde opportuna. Nam & domi novos motus clam serpere, admonebatur ab amicis, & in Silesia ob deteriorem, quam cudi fecerat, monetam, multorum animos sensim a se averti expertus est, in Polonia quoque quiddam in se agitari, rumor non inanis erat. His molestiis ut se expediret, clam cum aliquot Bohemiæ Proceribus, quos sibi largitionibus conciliaverat, per internuncios, de pace cum Podiebradio ineunda egit; conditiones has proponi iussit: Podiebradius regnum ad dies vitæ retineret, post mortem vero ei Mathias succedat, qui Victorinum e custodia dimissum, Silesiæ Ducem, & Marchionem Moraviæ renunciabit, cui, si Mathias sine legitimo hærede obiret, æquum cum fratribus in Bohemiam jus esset. Videbantur Podiebradio non aspernandæ, delecti utrinque arbitri, qui *Polnæ* in Ciaszlaviensi provincia, ad

a) Balbinus I. cit. in notis ad lib. 5. c. 10. D.

ad deliberandum convenirent. Bohemi in Mathiam non obscure propendebant, nec eos, qui Pragæ eandem ob causam conventum habebant, dissensuros apparebat, cum Legati ex Polonia, & mors Podiebradii, quæ XXII. Martii consequuta est, spes Mathiæ succidit. Cum morte Podiebradii, alia rebus facies inducta. Utraquistsæ, qui se Pragæ non satis tutos existimabant, ut Comitia Cuttenbergam transferrentur, petebant, & obtinere. Huc Mathias, qui cum exercitu Iglaviam venerat, suos quoque Oratores misit, qui jus suum in Bohemiam tuerentur. Hujus causam Legati Cæsaris quidem commendabant, sed jus quoque Domus Austriacæ in Bohemiam salvum, & illibatum esse volueret, ceteri Oratores suis quique dominis, quorum nomine adfuere, studebant. Ex his, cum ad suffragationem ventum est, quidam Albertum Saxonem, plures Mathiam, pluri mi denique Wladislaum, Casimiri filium, elegere. Huic illud præcipue favebat, quod ex Ladislai posthumi sorore, & regio sanguine editus esset, pater autem illius, non longe Cuttenberga, in limitibus Silesiæ, cum copiis excubaret.

Pontifex electionem hanc graviter tulit, quod præ Polono Mathiæ faveret, & hic non tam neglectum se, quam spretum dolens, vastata ea parte Bohemiæ, quæ Moraviæ vicina est, in Hungariam rediit, & quamquam iterum

1471. iterum ab amicis moneretur, clancularias coitiones, quæ nihil pacati videantur polliceri, per sui absentiam esse frequentatas, his tamen malo suo leviter contemptis, & animo toto ad retinendam Bohemiam intentus, Oratores Ratisbonam ad comitia misit, qui jus suum isthic contra Wladislaum tuerentur, &, si pro temporis, animorumque habitu visum fuerit, etiam auxilium adversus Turcas sollicitarent, ipse celebrato interea Budæ conventu, multa, quæ in prioribus non satis declarata videbantur, ex Ordinum consensu secundis curis cognovit, inter quæ illud quoque constitutum, ne Rex bona eorum, qui criminis possulantur, suo arbitrio, neglectoque juris ordine, in fiscum redigat, neve tributa præter morem imperare velit. a)

Utrumque enim ob sumtus in bella faciendos, ei fere jam familiare erat, quod ipsum multorum animos ab eo sensim alienavit, quod rem publicam suo magis arbitrato, quam ex legum præscripto, administraret, ac pri-

---

a) Cod. jur. patr. Tom. I. pag. 221. Raynald. ad hunc an. Epist. Mathiæ Par. II. pag. 87. sed male ad an. 1465. Dlugos. l. 13. Pelsina in phosphoro septicorni radio 3. Sommersberg diplom. Tom. II. pag. 83. & script. rer. Siles. pag. 351. Campani epist. apud Pray, Par. IV. pag. 72. Balbinus rer. Boh. l. 5. c. 11. Gerard. de Roo l. 8.

privatim inter se coeuntes, consilia de illo exauctorando, subrogandoque eidem Polono, agitabant. Auctor factionis, Joannes Strigoniensis archiepiscopus, ex Varadiensi ad eam sedem traductus, cujus opera Mathias in difficillimis rebus alias feliciter uti solebat, fuisse fertur, qui, postquam plures etiam primi ordinis viri in eandem cum eo societatem coaluissent, clam missis ad Casimirum nunciis, filium illius Casimirum, a potiori nationis parte regem Hungariæ optari, eidem significavit. Hæsit primum pater, non ignarus, quam temporaria factioforum voluntas, & studia esse soleant, post tamen identidem rogatus, filium cum duodecim equitum, & peditem millibus, fortunam tentare permisit, non tam eo animo, quasi felicem rei exitum speraret, quam ut Mathiam, confecto ei apud suos negotio, a Bohemia averteret, hujusque possessionem filio Wladislao firmaret. Aberat per id tempus Mathias in Moravia, cum a Canonicis Strigonienfibus de periculo admonitus, celerrime revolavit, captataque suorum benevolentia, & amplissimis promissis, non paucos sibi concilians, Nicolaum Csuporium præmisit Cassoviam, tum datis in Moraviam mandatis, partem copiarum in Hungariam accelerare jussit, & proventus archiepiscopi, ne hostis hoc nervo uti possit, in fiscum redegit. a)

Hi

---

a) Bonfinius Dec. 4. l. 3.

1471.

Hi Mathiæ ad accipiendum hostem apparatus erant. Casimirus vero interea Cracoviæ litteras feciales, hoc titulo: *Mathiæ de Hunyad, regni Hungariæ usupatori*, inscriptas, vulgavit: in his jus suum in Hungariam, primum a matre Ladislai posthumi sorore, & Sigismundi nepte, declarat, dein queritur, regnum a Mathia, non tam libera electione, quam factione paucorum, armisque violente occupatum, nec secundum Nationis instituta, sed arbitrarie, & superbe hactenus gubernatum esse, proculcatas ordinis Ecclesiastici, Nobiliumque immunitates, neglectam justitiæ administrationem, & populum propter bella, quæ, confecta cum Turcis pace, in Christianos, studiose captata occasione, moveret, crebris exactionibus pene ad incitas redactum, his de causis se adductum, ut ei tamquam usupatori, & his, qui illius partes tuerentur, bellum indiceret. a) Credibile est, has

- 
- a) Exemplar litterar. Germanicum exstat in biblioth. Cæs. Vien. inter Codd. Mss. hist. prof. Num. 234. fol. 26. item inter juris civil. N. 84. f. 25. Finis earum hic est. *Darumb dir herr Mathias vom Huniad, ein zugeprungener Kunig, und herscher, und deinen helffern, die dir mit rath, hilf, oder tadt heissand thuen, hindan besondern, und absagen durch diesen unsern brief, nicht dem Kunigreich, noch den*  
Præ-

has causas adolescenti, rerum harum ignaro, & aliquas fortasse, non injuria, a factionis suggestas fuisse. 1471.

Litteris divulgatis, ex Polonia movens, præterita Cassovia, Agriam, & inde Hatvaninum venit, sed, cum hic pauciores, quam a factionis promissum erat, ad signa videret confluere, Nitriam secessit. Huc eum Mathias cum veteranis consequutus est, cujus adventu territus, imposito arcis valido præsidio, in Poloniam rediit. Arcem Mathias ob ingruentem hyemem obsidere non potuit, sed archiepiscopi Strigoniensis oppida, & villas in vicinia sitas, vindictæ studio abreptus, ferro, & igne vastari imperavit, parum memor, damna populi, non tam hujus, quam regum, esse. Postquam ira deferbuit, rursus interven-

tu

---

*Prælaten, oder Herren darin wonenden, der du dich dann hochfertiglich zu regiren unterwunden hast, sondern den, die dir hilf, oder beistand thuen, und setzen uns wider dich zu einem rechten feind, und sagen dir öffentlich ab mit heer, und mit allen unsern leuten, mit rechter Krafft wider dich, und alle, die dein, zu aller widerwertigkeit zu sein. Dazu woll uns Gott helfen. Geben zu Krakau im LXXI. Jahre. Latinas autem exhibet Dogiel, Tom. I. pag. 61. & Katona Tom. XV. pag. 496. Conf. Dlugos. l. 13. & Cromerum l. 27.*

E \*

1471. tu Episcoporum, & Magnatum, rediit cum eo in gratiam his pactis utrinque constitutis: Archiepiscopus neminem, nisi Mathiam, regem agnosceret, eique consilio, & auxilio contra quoslibet hostes aderit, castra sua tradet fidis, probisque Hungaris, qui regi simul sacramento obstricti sint, & hominibus regiis, quoties opus fuerit, ad ea liberum aditum præbeant. Dabit præterea operam, ut arx Nitriensis, a Polonis infessa, quantocius restituatur, Sexardiensem vero funditus dirui jubebit, nec alias deinceps audeat exstruere; rebelles non fovebit, quin contra hos fideliter regi assistet. Hic autem vicissim non solum proventus interceptos archiepiscopo restituet, sed, si quæ interea cognatis illius ablata essent, hæc novo judicio cognosci jubebit, jura, jurisdictiones, & immunitates, quas Pontifices, & reges Hungariæ Strigoniensi Ecclesiæ tribuissent, illibatas servabit, & septem aureorum millia, quæ mutui nomine ab eo acceperat, ad futurum verni jejunii tempus rite persolvat: denique, ne posthac ulla simultatibus occasio detur, rex promittit, se obviis delationibus contra archiepiscopum, nequaquam fidem habiturum, nisi idoneis testimoniis fulciantur, tum vero integrum ei erit, illum, salva tamen ejus persona, judicio secundum leges convenire. a) Ita Poloni sensim

---

a) Pactorum leges vide apud Pray, P. IV. pag. 65. & seq.



sim Hungaria exacti, Nitria tandem restituta, & conjuratio, quæ per omnes, si novem demas, Comitatus late diffusa fuit, celeritate regis suppressa est. a)

IX. Quamquam autem conjurationis auctor, intercessione aliorum, regi conciliatus esset, anno tamen sequente, incertum, quæ offensionis causa fuerit, ejusdem jussu Visegradum ductus, & arcta custodia servatus est. Tam subita regis mutatio plerosque attonitos reddidit, metuebantque, ne rex gravius aliquid in eum constituat, cum Legatus Pontificis cum Episcopis, & regni Primatibus de modo placandi regis consultabat. Visum omnibus, ut interposita Pontificis auctoritate cum eo ageret. Morem gessit, & capto molliori tempore, tandem, quamvis ægre, persuasit, ut captivo ignosceret, sed conditiones prioribus graviores, & hujusmodi fuere: Dimisso ex captivitate, fas sit in castro Strigonienfi cum XXXII. famulis, episcopo Agriensi juramento obstrictis, morari, & castrum in potestate Agriensis, jurisdictio autem Ecclesiastica archiepiscopo, libera esset, possit præterea villis, & possessionibus suis, excepto Strigonienfi dominio, quoscunque vellet, præficere, quorum quatuor, sexve, aut pluribus, verum sine armis, dominum suum adire in castro liceat, quod, ut primum pax cum Polo-

E e 2.

no.

a) Bonfinius Dec. 3. l. 2.

1472. no confecta fuerit, eidem reddetur, eo tamen pacto, ut Præfecti arcis eadem fide regi, qua Archiepiscopo, obstricti sint, si vero interea Archiepiscopum mori contingat, Strigoniense, cum reliquis castris, regi, sin hic prior obiret, Archiepiscopo in solidum restituentur. a) Captivitatis igitur locus ei solum mutatus, non item libertas penitus redita est, tametsi nec hæc, qualicunque, eodem anno ex moerore animi extincto, diu frui licuit. Vir, si ultimus vitæ actus prius respondisset, cum ob admirabilem, qua prædictus erat, doctrinam, scientiarumque per regnum propagationem, tum usu rerum obtentam facilitatem expromendi difficillimo etiam tempore consilii, inter primos ævi illius viros locandus, qui ad retinendum vitæ inculpatæ tenorem, vel in principio, cum de Mathia eligendo agebatur, regii sanguinis rationem habere, vel hoc jam electo, non temere in Polonum inclinare, debebat, regibus enim, seu hæreditatis, seu electionis jure, regna obtineant, fides sacramento semel adstricta, semper illibata servanda est. b)

Complanata cum Archiepiscopo lite, rursus Conventum Budæ cum regni Ordinibus

---

a) Document. exhibet Pray, Part. IV. pag. 84. & Katona Tom. XV. pag. 554.

b) Elogium viro huic a Galeotto tributum, vid. apud Pray Hierarch. Hung. Par. II. pag. 182.

bus habuit. a) Inter leges, quas in eo ratas esse iussit, b) mirum est, nullam in conjunctionis participes constitutam fuisse; incertum, an auctore illius castigato, putarit in reliquos conniventia utendum, ut ipsa expectatione suspensos in metu contineret, an Legatus a Casimiro ad conciliandam pacem missus in causa fuerit, ut ab habendis in eos quæstionibus abstineret. Legato liberaliter accepto, adjunxit ex suis, qui cum eo deliberarent, nihil tamen effectum aliud, quam ut conditionibus, quæ paci futuræ quasi viam præsternerent, stabilitis, Olomucii ad hanc conficiendam statuto tempore convenirent; etsi postea, quam Marcus Barbus Cardinalis Aquilegiensis a Pontifice ad conciliandum

E e 3                      utrum.

- 
- a) Decreti hujus dat. est: in festo BB. Philippi, & Jacobi, Apostol. 1472. primum illius indicium fecit Pray, Dissert. de sac. dextera S. Stephani regis pag. 31. integrum exhibet Katona Tom. XV. pag. 562. Hoc quoque in corp. jur. patrii desideratur. Illud in eo peculiare, ut Comititia secundo quovis anno celebrentur, nullo tamen, quamdiu durare debeant, tempore constituto. Post dat. Decreti hæc adduntur: *& item, quod nos de cetero in medium regnicolarum nostrorum, aliquam taxam ipsi invitis non imponemus. Dat. ut supra.*
- b) Numero 15. sunt, quod indicio est, Comititia brevi absoluta fuisse.

**1472.** utrumque regem missus, Nissam præ Olomucio, ad habendum Conventum, deligendam censuerit, prius tamen, quo animo Mathias esset, explorare volens, Leonardum de Perusio Budam proficisci iussit, qui in comitatu Joannis Tininiensis Episcopi remissus, cum parum æquas condiciones afferret, spes pacis hoc quidem anno evanuit. *a)*

**1473.** Nec sequente, dum ad IV. Nonas Februarii Nissæ convenisset, res feliciter tentata. Novem utrinque arbitri adensem Aprilem confederant, & Mathias in omnem eventum cum quatuor millibus ad Brunam excubabat, non eo tamen, quem sperabat, rei successu. Hungari Hedvigem Casimiri filiam, regi suo sponsam cum Scepulio, & Moravia, dotis nomine, petebant, negarunt contra Poloni, qua repulsa irritatus, Victorinum ea conditione libertati restituit, ut se regem Bohemix agnoscat, & Colinum urbem sibi assignet, ut hac occupata, impositoque mille equitum, & DCCC. peditum præsidio, montes Cuthnenses occupare, & interceptis fodinis, nervum rei gerendæ Wladislao adimere posset, qua hostilitate tractatio pacis tantisper interrupta, mox hortatu Legati Pontificii resumta est, & condiciones, in quas condiceretur,

*a)* Dogiel Cod. dipl. Polon. Tom. I. pag. 63. —  
65. Raynald. ad hunc an. Dlugofs. l. 13.  
Gerard. de Roo l. 8.

tur, in medium propositæ; erant autem hujusmodi: Uterque Rex Bohemos fidelitatis juramento solvat, ut liberior illis eligendi regis potestas esset; damna tam Hungariæ, quam Poloniæ illata ex æquo utrinque pensentur, Poloni præsidium *Sztropcovia* deducant, & captivi liberi dimittantur; arbitrium vero Duci Burgundiæ, vel, si hic nollet, aut moreretur, regi Galliæ deferatur. Mathias, qui Cæsarem cum Casimiro fœdus contra se, clam inire velle, comperit, ne sibi tot hostes conscisceret, non ægre his assensus est, & cum plures in Bohemia ex Magnatum ordine sibi addictos sciret, facile in Conven- tum Oppaviensem, serius postea habendum, in quo de pace transigenda serio ageretur, condixit; verum ex hoc quoque re infecta discessum, quod acephali, erant hi Hussitarum reliquiæ, Polonis conjuncti, prædas, & latrocinia in Hungaria agerent, in quos Rex celeriter profectus, expugnatis eorum latibulis, ac plerisque trucidatis, Poloniæ infusus *Smigrodo*, *Brodeco*, aliisq; oppidis, & castris occupatis, magnam captivorum copiam ab-

1473.

1474.

E e 4

de-

a) Raynaldus ad hunc an. Dlugoffus l. 13. Cro-  
meras l. 28.

1474.

delecti in antiqua villa, oppidum Scepusii est, convenere. In ipso tractationis limine constitutum, 'ne ullus paciscentium suos, prædandi causa ex uno in aliud regnum sinat procurrere, transgressores utrique puniant, res ablatae reddantur, privatorum querelas, secundum juris normam partes component, & de injuriis satisfacient; militi retenta stipendia præbeantur, si quid gravius intercurreret, arbitri, prisco more servato, dirimant. Hæc generatim, tum ad alia singulatim ventum: castrum *Smugrodum*, suo domino, & *Musina*, Episcopo Cracoviensi, restituantur; danorum utrinque illatorum cognitio in annum sequentem prorogetur; Vajvodæ Moldaviæ, & Valachiæ inducias biennio servant, de regum jure in utramque provinciam ut futuro anno in conventu instituendo agatur, utrinque conventum, interea neuter Vajvodis bellum inferre promittent; & pignus XIII. oppidorum Scepusii, ut a rege Sigismundo pactis conventis statutum erat, deinceps quoque ratum, firmumque sit. Visum est, Wladislaum etiam huic fœderi innectere: cum hoc induciæ in triennium confectæ, intra quod si alter alterum bello impeteret, nec Hungari Mathiam, nec Wladislaum Bohemi juvabunt, & uterque Bohemos suæ parti addictos in officio continebit, ne quis autem excusationi fucum possit prætexere, concordie sententia utrinque statutum, ut induciæ  
per

per Hungariam, Poloniam, & Bohemiam 

---

divulgentur. a) Hæc mense Februario acta. 1474.

Induciis constabilitis, novi apud Transilvanos motus concitati, qui, sparsa de morte regis mendaci fama, jugum excutere, & ad Polonos secedere parabant, quos tamen, quoniam seditio ad paucos pertinuit, misso in provinciam milite, ad obsequium reduxit, qua occasione, suo nuncio, quem in Moldaviam proficisci jusserat, speciatim in mandatis dedit, ut cum Vajvoda de ratione belli, si id a Turcis alterutrius ditioni ingrueret, diligenter agat, & quæ mens illius sit, ad se referret. Mahometes enim victo in Asia *Usum-  
casano*, vires suas in Europam traducturus, & bellum non tam mari, quod Veneti infestum tenebant, quam terra, moturus ferebatur, qui si Hungariam, ut metus erat, impeteret, regni Ordines jussu regis apud Silesios absentis, habito serius postea conventu, florenum auri viritim imperarunt, sed contra Turcas solum, non item alios hostes impendendum, hactenus enim subsidia, nullo regni emolumento, in bellum Bohemicum erogata constata.

---

a) Sommersberg diplomat. Boh. Siles. Tom. I. P. II. pag. 83. 84. Litt. Georgii Præpositi Quinque-ecclesien. dat. in Kezmark d. lun. ante carnisprivium 1474. ex Cod. Ms. hist. prof. N. 234. f. 14. bibl. Cæs. Viennæ. Dogiel Cod. diplom. Pol. T. 1. P. 2. pag. 68.—73.

147+

stabat, ne autem hoc onus, symbolam conferentibus, grave accideret, lucrum Camerae in duos annos relaxatum est, cautumque, ne Hungari contra alium hostem, quam Turcas, intra anni spacium, militiam profiteri cogantur. a)

Dum in hanc partem curas suas Rēx convertit, alia ei clandestinus hostis parabatur. Casimirus, licet pacem cum Mathia XXI. Februarii pepigerit, mense tamen nondum elapso, Legatum suum ad conventum Norimbergensem misit, ut cum Cæsare fœdus clam contra Mathiam iniret. Facile Cæsar, in hunc alioquin non optime animatus, ad commune bellum ei movendum adductus est. Causa, præter crebras vastationes utriusque ditionibus ab eo illatas, præcipua ex eo capite petebatur, quod dissimulatione sua, Turcas, per Croatiam sæpius in Stiriam, & Carniam irrupere, & irreparabilia damna inferre passus esset, idcoque, ne pluribus injuriis se, suosque deinceps afficiendos præbeant, commune inter se fœdus, his conditionibus, pepigere: Ut uterque, bello Mathiæ, hujusque fautoribus, decreto, copias ad diem XXV. Julii expeditioni paratas habeat, neuter, inconsulto altero, pacem, vel inducias cum illo,

---

a) Cod. jur. patr. Tom. I. pag. 225. Litt. regis d. 22. Oct. Bud. apud Baluzium Miscell. Tom. I. pag. 502.



lo, vel ejus focis, ineat, & si qui ex Hungaris ad alterutrum deficerent, hos quisque pro virili sua tueatur. a) Si Dlugosso fides, b) modus præterea gerendi belli is constitutus fuit, ut quadripartitis copiis, eodem tempore Cæsar ex Austria, ex Bohemia Wladislaus, Casimirus vero ex Polonia, & Vajvoda Valachiæ ex parte Transilvaniæ, in Hungariam moverent. 1474.

Mathias, cum fœderis hujus indicium ei ex Germania factum esset, Casimiri quidem inconstantia vehementer offensus fuit, in Cæsarem tamen magis excanduerat, ut adeo iram in illum conceptam, non nisi cum morte poneret. Urebat illud quoque ejus animum, quod, cum Casimiri filiam sibi desponderi petierat, ab hujus matre, ob ignobilitatem generis, illa indignus haberetur, qua repulsa irritatus, jam antea, misso Neapolim Georgio Quinque-ecclesiensi Præposito, & Nicolao de *Alfolindva*, Beatricem, Ferdinandi Siciliæ regis filiam, ambierat, & nunc quoque eodem, addito socio Joanne de Rabenstein Præposito Vissegradienfi, ad Ducem Mediolanensem, ut hunc sibi contra Cæsarem conciliarent, proficisci jussit, c) cui ut in Ger-

ma-

a) Dogiel. I. cit. Tom. I. pag. 164.

b) Hist. Pol. I. 13.

c) Litt. regis dat. Budæ in fest. Pentecost. 1474.  
Legationes adiit (Nic. de Alfo Lindva,) &  
præ-

1474.

maña quoque negotium conficeret, Fridericum Palatinum, nuper hostem Imperii a Cæsare declaratum, præterea sibi adjungendum putabat. Nec hostibus solum Cæsari ex adversum parandis contentus, molitiones quoque illius volens antevertere, Austriam, & Bohemiam incursionibus cœpit laceßere, Vratislaviam deinde profectus, Ernestum Saxonem, collato in feudum Ducatu Saganensi, hujusque fratrem Albertum, & utriusque patruelem Wilhelmum sibi conciliavit, quorum confœderatione, &, quas ex Hungaria adduxerat, copiis, parem se Calimiro futurum existimabat.

Nec hic ex pacto cum Cæsare inito, diu moratus, cum LX. millibus Silesiæ appropinquans, circumlata vastitate, Mathiam, ut hostem delassaret, prælium studiose detrectantem, Vratislaviæ circumfedit. Aderat patri Wladislaus cum Bohemis, vario Marte utrinque toto Octobri, & fere Novembri certatum, donec Polonos annonæ, & pabulationis defectus, ipsaque hyemis inclementia, &

mor-

---

*præcipue duas — pro nobis, & regno, primam cum R. D. Georgio Præposito Quinque-ecclesiens. ad serenissimum Principem Ferdinandum, Regem Siciliæ, alteram cum Ven. Joan. de Rabenstein Præposito Vissegradienßi ad Ducem Mediolani, — unde juxta votum nostrum optatas reportavit relationes.*

morbi in exercitu grassantes, pacem petere 1474.  
 cogèrent. Convenere reges in aperto cam-  
 po, & XXI. Novembris, inducias in sesqui-  
 alterum annum pepigerunt. Mathias, ut ho-  
 stem etiam humanitate vinceret, inedia pene  
 tabescenti annonam triduo large administrari  
 iussit. a)

X. Induciarum tempore, ambo reges ad 1475.  
 conciliandam inter se pacem, animum adje-  
 cere, delectis utrinque ex sua Natione arbi-  
 tris, qui Pragæ, quod æquitati consentaneum  
 videretur, communiter decernerent. Aderant  
 Hungari mense Februario, conditiones utrin-  
 que ad deliberandum propositæ, crebroque,  
 ut fit, mutatæ, donec in læc tandem capita  
 coaluissent: Wladislaus Bohemiam cum utra-  
 que Lusatia, & in Silesia, Ducatus Svidui-  
 censem, & Javoriensem, Mathias contra re-  
 liquam Silesiam cum Moravia, tenerent, qui si  
 sine hærede obiret, Silesia, & Moravia suo-  
 pte ad Wladislaum devolventur, sin autem hæ-  
 redem reliquerit, huic Wladislaus pro utra-  
 que provincia, CC. florenorum millia per-  
 solvet, eademque vicissim, si Wladislaus im-  
 prolis moreretur, conditionum ratio esset. b)  
 Actum de his postea etiam fuit Brunæ Ma-  
 thia

---

a) Dlugossus l. 13. Cromerus l. 31. Curei annal.  
 Siles. ad hunc an. Raynald. ad hunc an. Müller  
 Staatskabinet Par. III. c. 1. §. 13.

b) Dlugossus l. 13.

thia præsente, sed quod illi non satis æqua  
 1475. provinciarum partitio videretur, negavit, se  
 conditionibus subscripturum, nisi Pontificis,  
 eorumque, quibus fœdere conjunctus erat,  
 sententiam prius exploret, re ipsa autem, quo-  
 niam intellexerat, Legatos ab Wladislao ad  
 Cæsarem mitti, moram quærebat, ut ipse  
 suos quoque Andernacum, ubi conventus  
 Imperii agebatur, mittendi tempus haberet.  
 Causa Legationis utrinque eadem fuit. Cæ-  
 sar enim, quamvis Wladislaum regem Bo-  
 hemiæ agnosceret, feudum tamen ei hacten-  
 us non contulerat, hinc Mathiæ, quod prior  
 illo a Bohemis electus esset, hujus obtinendi  
 spes oborta est, præsertim, quod octennio  
 abhinc id sibi conferendum Cæsar promississet,  
 a) & nunc eidem auxilium contra Burgundiæ  
 Ducem per Legatos suos offerret. Interea  
 autem, dum hi cum responsis Andernaco red-  
 eant, comitia ad XXIV. Aprilis Budam edi-  
 xit, ipseque, ut his interesset, Brunæ non diu  
 moratus, in Hungariam rediit. Quid in his  
 actum, quæ leges conditæ fuerint, nusquam  
 hactenus vulgatum est, videtur tamen res  
 præcipue expeditionem in Turcas spectasse,  
 ex quibus Vajvoda Moldaviæ sub initium hu-  
 jus anni insignem victoriam retulit. Solutis  
 enim Comitibus, in Serviam cum decem mil-  
 libus contendens, Szabacsum, ex quo Tur-  
 cæ

---

a) Recole, quæ ad an. 1468. Nr. VI. dicta sunt.

cæ crebro prædas in Sirmio, & Sclavonia agebant, obsidione cinctum, in potestatem redegit, Szenderovia tamen, quod hostis subsidia, & com meatum adverso Danubio acciperet, incassum tentata, Budam reversus est. a)

Legati Andernaco interea reduces, dubia a Cæsare responsa afferebant. Non erant hæc quidem regi, qui occultas illius adversum se machinationes nosset, inexpectata, dissimulanda tamen putabat, alteri, quod jam in tertium annum Neapoli, per oratores suos agebat, negotio intentus. Acceperat ab his nuncium, sponsonem matrimonii cum Beatrice, eo jam adductam esse, incertum autem esse tempus, quo eam pater ab se dimitti velit, quod tamen tempori se significaturos receperant. Mathias his acceptis, Rudolphum Wratislaviensem, & Joannem Varradi-

- e) Car. Wagner diplomatar. Comit. Sarosien. pag. 128. Kaprinai hist. diplom. Par. I. pag. 309. Thurocz Chron. Par. IV. c. 67. Bonfinius Dec. 4. l. 3. Müller Reichs-Tagß Theater sub Friderico, Par. II. c. 67. pag. 693. exhibet litt. regis ad Imp. in conventu Andernacen. lectas, in his ita: *dann das sie (die Polacken) öffentlich usschreyen, der Keiysers wer mit yn verbunden und irer Rethen aller deylhafftig &c.* Raynaldus ad hunc an. Litt. regis an. 1477. apud Pray Dissert. 7. in annal. pag. 148.

**1476.** radientem, Episcopos, monuit, ut, cum eis indicatum fuerit, itineri, ad deducendam spon-  
sam, accincti essent, simul Cæsarem, aliosque Principes, ut nuptiis adesse vellent, per Legatos invitavit.

In medio hoc apparatu Joannes Archiepiscopus Strigoniensis, quod ortu Silesius esset, *Alemannus* dictus, convasatis thesauris, ad Cæsarem defecit, spe consequendi Archiepiscopatus Salisburgensis illectus. Id Mathiæ suspicionem ingessit, transfugam consilia, quæ clam in aula agebantur, Cæsari prodidisse, ac propterea litem Bohemicam, licet sæpius jam fere terminanda fuerit, nunquam felicem exitum habuisse. Hinc nova inimicitiarum inter utrumque causa orta est, quæ paulo post celebratas nuptias in apertum prorupere. Erat pompa nuptiarum, ad quas foederati Principes, Legatos suos miserant, incredibili magnificentia, & splendore appa-  
rata. Beatrix, post peractam mense Octobri Albæ coronationem, pactamque, ex ritu Ecclesiæ, fidei conjugalis sponsionem, Budam deducta est, ubi reliquum, quod supererat, anni tempus, inter cœnationes, saltatus, & hastiludia transactum, cum Turcæ interea, subornante Vajvoda Valachiæ, facta in Moldaviam irruptione, provinciam pene omnem subegere, facileque retenturi erant, nisi Rex Stephanum de Bathor mature hosti occurrere jussisset, qui collectis per iter copiis, ac-  
ceptis.

ceptisque ex Transilvania supplementis, Turcas improvise aggressus, eo fere tempore, quo illi provinciam occuparunt, ex eadem ejecit, & Vajvodæ Valachiæ exauctorato, alium regis nomine subrogavit. a) 1475.

Turcis Moldavia exactis, inimicitiae, quæ inter Cæsarem, & regem jam diu gliscabant, tandem in apertum prorupere. Occasionem præbuerat, feudum Bohemiæ Wladislao a Cæsare collatum. Mathias, qui tot sumtibus, & tot annis id ambiebat, promissumque a Cæsare habuit, spe illius obtinendi se repente dejectum videns, indignatione commotus, pridie Idus Junii, bellum ei denunciavit, causas, cur id faceret, vulgatis literis declarans. b) Similes ad Ordines Austriæ, & Principes Imperii dederat. Cæsar, ut invidiam a se amoliretur, vicissim in Hungariam ad regni Ordines scripserat, & belli cau-

a) Dlugossus cit. I. 13. Litt. regis an. 1477. apud Pray cit. Dissertat. 7. in annal. vet. pag. 148. Pompam nuptiarum prolixè describit Legatus Comitis Palatini, qui iis interfuit, Tom. I. Script. rer. Hung. edit. Schwandtnerianæ pag. 519.

b) Exstat in Tabular. Domus Augustæ, Königs Mathiæ, Fehde und Ablagsbrief an Keyser Friderich III. und dessen Erblande. Oßen Pfingstag vor St. Veit. 1477.

1477. causas in Mathiam coniecit, simul a Casimiro, Wladislao, & Imperii Principibus, auxilia flagitabat. Mathias prius, quam hæc mitti possent, cum Austriales Cæsari insensos, sibi autem addictos sciret, cum XVII. millibus in Austriam movens, primoque impetu, Trautmonsdorfio, & Petersdorfio occupatis, metum toti viciniae adeo incusserat, ut una die urbes XIV. se ei dederint; præterita deinde Vienna, Claustroneoburgum assultu cepit, Tulnam septem, & Corneuburgum decem dierum obsidione subegit. Hic stationem figens, partem copiarum Cremsum, & Zwetlam misit, & Viennam commeatu interclussit. a)

Cæsar, qui per id tempus ad despondendam filio suo Maximiliano Mariam, Caroli Audacis Burgundiæ Ducis filiam, a pluribus, præsertim Ludovico Galliæ rege, pro filio suo Carolo prenfatam, cogitationes suas converterat, ne ditissimæ, & rebus Austriacis ob Alsatiae viciniam, opportuniæ provinciæ, in Gallorum potestatem venirent, viresque suas, si opus esset, in Belgium posset traducere, Legatos ad regem misit, qui eum ad ineundam pacem flecterent. Non abnuit, domestico, Turcæ enim in Sclavoniam interea irruerant, periculo admonitus, & inducias XV. dierum in-

---

a) Linck annal. Clarævallen, ad hunc an. Conf. Pray P. IV. pag. 113.



indulſit, intra quos de conditionibus velut præviis ad pacem ageretur. Itaque celebra-  
to Gemundæ congreſſu, in hæc capita utrin-  
que conventum: Mathias induciarum tempo-  
re, nihil hoſtile in Aſtria, & Stiria tentabit,  
nec equitatum ex caſtris, niſi pabulationis  
cauſa, emittet; Hungari ad Cremſium eodem,  
quem occuparunt, loco, ſine maleſicio urbi  
inferendo, perſiſtant, Viennam, qua parte obſeſ-  
ſa eſt, nihil interea commeatus inferatur, op-  
pida bello capta, induciarum jure fruantur,  
Cæſar denique cum ſuis ultra Laureacum  
regi ne appropinquet. a) Actum quoque eſt,  
ut Galeaciis, qui Ducatum Mediolanenſem in-  
vaſerant, exauctoratis, Fridericus, Ferdinan-  
di Siciliæ regis filius, vicaria poteſtate Du-  
catui præeſſet, & huic Cunegundis filia Cæ-  
ſaris deſponderetur, tum ut alter alterius pro-  
vinciarum vadimonium promitteret, & bel-  
lum contra Turcas communibus viribus ge-  
rerent. b)

His ſtipulatione mutua firmatis, ad pacis  
tractationem ventum. Regis nomine aderant,  
præter Gabrielem Agrienſem, & Joannem

F f 2

Va.

a) Cod. Ms. hiſt. prof. N. 224. fol. 35. Biblioth.  
Cæſ. Vienn.

b) Kollar auctar. Diplom. ad hiſt. Vrſini Velii  
ad an. 1477. & Cod. Ms. cit. Bibl. Vienn. fol.  
78. Litt. regis an. 1477. dat. in Corueuburg  
in feſt. B. Lucæ Evangeliftæ.

**1477.** Varadiensem episcopos, Emericus de Zapolya, Nicolaus Banfy de Lindva, & Georgius Præpositus Pofonienfis. In principio tamen aliquamdiu hæsitatum eft, quod rex CCC. florenorum millia pro belli impensis peteret, id cum Cæfari exauctum videretur, rex dimidium illius, poſtea centum duntaxat ut penderentur, conceſſit. Hoc obſtaculo remoto, facile in has conditiones utrinque conſenſum: Pax inter Cæſarem, Ducesque Auſtriæ, & regem, ac utriusque ſucceſſores perpetua ſit, ille Mathiam filii, & hic Cæſarem patris loco habeat; alter alterius honori, & utilitati ſtudeat, abſtineant ſe ab inferendis ſibi injuriis, ac maleficiis, amici & inimici ambobus communes erunt, fœderibus, quæ in alterutroque damnum inita eſſent, uterque renunciaret, integrum tamen ſit regi, ea, quæ cum Pontifice, & ſuo ſocero Ferdinando ſanxiſſet, illibata ſervare. Præterea, Cæſar Mathiæ *inveſtituram* regni Bohemiæ, & Electoratum, eadem, qua Wladislao, forma conferet, qui his obtentis, copias ex Auſtria deducet, litterasque juramentum de collato ſibi feudo continentes Cæſari conſignabit, cui ſi propterea Caſimirus, vel Wladislaus bellum moverent, rex omnibus viribus eidem auxilio veniet. De belli ſumtibus autem ita conventum, ut Auſtriæ utriusque ordines futuro anno ad diem VI. Januarii Cremsium conveniant, obſtringantque fidem ſuam litteris editis,

ſe

se quinquaginta millia die XI. Novembris, 1477.  
 alia vero quinquaginta ad eandem diem sequentis anni persoluturos esse, quibus rite numeratis, rex quæcunque loca occupaverat, bona fide restituet. Additum quoque, ut Cæsar iis, qui ex Australibus regis partes sequuti fuissent, erratorum veniam imperiatur, hi autem eidem obedientiam, & fidelitatem præstent. Hæc Corneuburgi ipsis calendis Decembris gesta. a) Sunt, qui hac pacificatione Cæsarem juri quoque in Hungariam, quod olim publicis Mathiæ, ac regni Optimatum litteris, pactisque conventis ei tributum fuit, renunciassse scribant. b) Sed, cum hujus tabulæ pacis nuspiam meminerint, & Cæsarem deinceps etiam titulo regis Hungariæ usum fuisse constet, c) quidquid id est, ad inanes suspiciones relegandum videtur.

XI. Constabilita pace, Cæsar Græcium profectus, die IX. Januarii litteris per omnes suas ditiones vulgatis, interposita pœnarum comminatione, suis præcepit, ut pacem servent, 1478.

F f 3 .

vent,

a) Conventionis hujus leges exstant in Tabular, August. Vien. item Cod. Ms. cit. biblioth. Cæs. f. 79. ex quo hic desumptæ sunt. Vid. Pray P. IV. pag. 114.

b) Gerard, de Roo l. cit. l. 8. Michovius Chron. l. 4. c. 72. Cromerus l. 28.

c) Lunig Cod. dipl. German. Tom. I. pag. 467. Diugofs. l. 13. Bonfinius Dec. 4. l. 5.

1478.

vent, neve ullam ejus turbandæ causam præbeant, & captivos gratuito liberos dimitterent, quod a Mathia quoque pari cura, & fide præstitum fuit. Sed, cum in amicitia armis extorta parum fiduciæ reponeret, futuri providus, curas omnes eo convertit, ne, si Cæsarem nupernæ pacis pœniteret, quidquam, quo eidem resistere posset, inprimis nervus belli, deesset. Quapropter regni Ordines pro Comitibus Budam mense Martio convocavit, quidve vellet, per internuncios indicari iussit. Illi, etsi præteritis annis, crebra pecuniarum exactione, se magnopere gravatos meminissent, communis tamen necessitatis causa se facturos declararunt, ut rursum florenus auri, sed junctim cum lucro Cameræ, in usum publicum conferatur, quin tantundem quoque in quinque annos secuturos polliciti sunt, intra quos tamen Nobiles militiam profiteri ne cogantur, nisi ipse Rex contra Imperatorem, vel Sultanum Turcarum, aut Poloniæ, & Bohemiæ Reges, ac Præfectum Romaniam, exercitum duceret. *a)*

Dimissis, ex conventu, regni Ordinibus, tractationem pacis cum Wladislao, alias inchoatam, *b)* resumit, quæ si ex sententia conficeretur, expeditionem, quemadmodum triennio abhinc se facturum receperat, contra

---

*a)* Cod. jur. patr. Tom. I. pag. 227.

*b)* Conf. an. 1475. Nro. 10.

tra Turcas, qui jam in quintum annum, magno Croatiae detrimento, in Stiriam *a)* & Carnioliam solebant procurrere, parabat. Cum Wladislaus suo pte pacis prae bello cupidior esset, facile utrisque convenerat, ut Legatos suos Olomucium, ad hanc conciliandam, mitterent, qui, collatis inter se rationibus, quibus reges suos ad concordiam adduci posse, existimabant, in has conditiones unanimi voluntate conspirarunt.

Uterque Rex in jure hactenus aquisito, tamquam verus, & haereditarius dominus permaneat, & titulo regis Bohemiae communiter utantur, eoque se in scriptis appellent, & a suis tales utrinque nominentur. Mathias, quae in Bohemia, & Wladislaus, quae in Moravia, utraque Silesia, & Lusatia, cum sex civitatibus adnexis, occupassent, mutuo sibi restituent, & incolae novum fidelitatis juramentum suis quique regibus dicent. Si Mathias prior obiret, integrum erit Wladislao, ejusque successoribus, dictas provincias, numeratis quadringentis aureorum milibus, Bohemiae, sine impedimento, vindicare; si autem Wladislaum contingeret, Mathiae praemori, & hunc a Bohemis regem

F f 4

optari

*a)* Epist. Sixti Frisingen. Episc. fragmentum ad Georg. de Chemene, de reb. Turc. & Hung. d. Martis post Mathiae, ex Cod. hist. prof. Nr. 215. f. 39, biblioth. Caes. Vienn.

1478. optari, Moravia cum utraque Silesia, & Lusatia, rursus cum Bohemia, cui ceteroquin vetustum jus in illas esset, coalescent. Alter quoque alteri, si injusto bello impetiti fuerint, auxilio erunt, res vero religionis, ut felicem finem obtineant, Mathias apud Pontificem suam operam locabit: postremo uterque Legatos suos ad diem XXV Novembris futuri anni Olomucium rursus ad habendum conventum mittet, ipsi autem reges in agro inter Olomucium, & Vniczovium sito ad firmandum fœdus convenient, & de sarciniis damnis, quæ post inducias Wratislaviæ pactas, utrinque illata erant, captivis item liberandis, iisque, quæ vi fuissent occupata, restituendis, rationes inter se inibunt. *a)*

1479. Ad eundem conventum Casimirus quoque invitatus erat, ut concordia cum illo eadem opera iniretur, sed hæc, quæ tunc ob bellum Prussicum impedita erat, sequente primum anno coaluit. Utrumque eadem causa ad hanc accelerandam permovit. Veneti enim, qui XVI. annis bellum cum Turcis terra, marique gerebant, eosque a reliquis

---

*a)* Autogr. exstat in Tabul. aul. Vien. Dat. in præfata civitate Olomucensi, d. Lunæ in Octava S. Andreæ Apost. 1478. item apud Du Mont Tom. III. Par. II. pag. 61. Goldastum de regno Boh. in append. pag. 331. & Lunig. Cod. dipl. Germ. Tom. I. pag. 1530.

quis Europæ ditionibus arcere conabantur, præter omnium expectationem, separatim cum iis pacem composuerant, quæ ut primum vulgata fuit, magnas curas, metumque vicinis Principibus iniecit. Obtenta enim Scodra, & Tenaro, Laconia promontorio, cum Lemno insula, quas Veneti Turcis cedere debuerant, ingens porta his patefacta fuit, ut non solum per mare mediterraneum Italiam infestare, sed ex parte etiam continentis vires suas in Croatiam, Stiriam, & tandem in ipsa Romani Imperii viscera liberius, quam ante, possent convertere. Cæsari, qui tunc conventum Frisingæ habebat, suatum erat, ut, bona Mathiæ regis venia, aliquot Germanorum millia in Hungariæ finibus ad arcendum hostem collocaret, quod consilium tamen, incertum, quibus rationibus ductus, amplecti noluit. a) Mathias quoque sero errorem suum agnovit, dum bello Bohemico, & Austriaco occupatus, hosti proferendæ ditionis cupidissimo, spacium, moramque daret, ut carptis sensim ex utraque

---

a) Justinian. hist. Venet. l. 9. pag. 176. Joan. Verus rer. Venet. l. 3. Litt. Ducis Venet. ad Principes Christianos d. 25. Febr. an. 1479. Müller Reichs-Tag's Theater 5. Vorstellung C. 77. pag. 727. Adlzreiter hist. Boic. Par. II. l. 9. Nr. 32. pag. 198. Sanutus in vita Ducum Venet.

1479.

que Danubii parte, juris Hungarici provinciis, faciliorem sibi in Hungariam & Poloniam, irreparabili, ut ex eventu patuit, utriusque regni damno viam sterneret.

Id utrumque regem permovit, ut ad arcendas a suis ditionibus hostis progressiones de pace inter se concilianda serio cogitarent. Casimirus, cui bellum Prussicum jam oneri erat, amplectendæ illius alioqui cupidus, Legatos suos Budam proficisci idcirco iussit, qui cum iis, quos Mathias ex suis delegerat, has concordiaæ leges utrique proposuerant: Mathias operam dabit, ut Nicolaus Tungen, cujus patrocinium ante biennium susceperat, se Episcopatu Varmienli abdicet, eumque cum Culmenli permutet: similiter faciet, ut Magister Ordinis Prussici pacta, anno M. CCCC. LXVI. conclusa, majori, quam hactenus, fide observet, & uterque hæc confirmaturi, Casimirum adeant, qui illos, eodem, quo prius, gratiæ, & benevolentiaæ loco habeat. a) His IV Nonas Aprilis utriusque firmatis, visum quoque est, conventum, in quem superiore anno pro XI. Novembris Olomucium cum Wladislao, conductum erat, occupare. Prior Vniczovium Wladislaus

ve-

---

a) Dogiel dipl. Polon. Tom. I. Par. I. pag. 77. additum fuit, ut de iis, quæ dirimenda superessent, in conventu Siradia ad fest. S. Martini celebrando, transigatur.



venerat, Mathias serius adfuit. Convenere 1479.  
uterque in aperto campo, & tribus horis  
privatim colloquuti, Consiliariis suis manda-  
runt, ut, si quid ad conciliationis capita,  
priori anno designata, addendum, mutan-  
dumve esset, inter se conferrent. Rata omnia  
habuere, conditiones solum quædam de  
quadringentis aureorum millibus sunt additæ,  
si Wladislaus, ejusque successores Moraviam  
cum utraque Silesia, Lusatia, & sex civita-  
tibus, a Mathiæ obitu, Bohemiæ rursus con-  
jungere vellent. Præcipuæ ex his fuere:  
Quoniam in dictis provinciis multa bona,  
quæ vetusto jure ad coronam Bohemiæ per-  
tinent, olim partim impignorata, partim  
variis nominibus alienata essent, si hæc Ma-  
thias, vel successores illius redimerent, ut  
summa pro his exposita, ad quadringenta au-  
reorum millia adderetur, interea autem, do-  
nec Wladislaus, aut ejus hæredes depactum  
precium rite exhibuerint, Mathias, & suc-  
cessores reges Hungariæ memoratas provin-  
cias pleno jure possidebunt, neque tamen  
his, illo defuncto, regis Bohemiæ titulo uti,  
nec ab incolis, tamquam earum provincia-  
rum hæreditarii reges essent, clientelæ sacra-  
mentum exigere, vel acceptare, fas erit.  
Tempus etiam, præmissa, ad exhibendam  
summam, monitione, unius anni constitutum,  
intra quod sex utrinque ex Prælatorum, &  
Magnatum ordine deligendi erunt, qui Bru-

1479. nae convenient, & difficultates, si quæ intervenirent, illustrare conentur, locumque, in quo summa pecuniæ tuto tradi, recipique possit, in limitibus inter Szakolczam, & Strasnicium, designent. Quod si contingeret, ut post mentionem, intra annum; vel reges Bohemiæ dictam summam exhibere, vel reges Hungariæ recipere negligerent, tum utrique, quoties id fieret, toties quoque mulctam, centum milium florenorum, dependent. Hæc, si Mathias ante Wladislaum e vivis excederet; sin hic prior obiret, & illum Bohemi regem suum esse vellent, tum Moravia cum utraque Silesia, Lusatia, & sex civitatibus, ad Bohemiam, ut antea erant, gratuito devolventur. a)

Intererat Mathiæ magnopere, ut concordia cum Wladislao, quibuscunque, modo tolerabilibus, pactis coalescat. Turcæ enim conciliata cum Venetis pace, facto ingenti apparatu, Hungariam designare ferebantur. Et re ipsa pars eodem anno in Transilvaniam, pars, Savo transmissa, in Hungariam irruerant,

---

a) Autogr. exstat in Tabular. Cæsar. Sigillis, præter regium, 13. munitum, *dat. in civitate nostra Olomucensi, D. mensis Julii 21. an. 1479. regnor. nostror. Hung. &c. XXII. Bohem. vero XI.* apogr. vid. apud Dobner monument. med. Tom. IV. pag. 449. & Katona, Tom. XVI. pag. 200.

rant, sed fortunam utrobique parum propriam experti. In Transilvania quidem a Stephano Bathorio, & Paulo Kinyſio circumventi, & commiſſo acri, cruentoque prælio victi ſunt. Hoſtium, interfectis, aut captis ducibus, ferunt ſupra XXX. noſtrorum vero VIII. millia fuiſſe cæſa. Paulo mitiore ii uſi ſunt, qui per Croatiam ad Stiriae limites procurrerant, indeque, abacta præda, facto per iter ad Ginſium & Arrabonem, diverticulo, amiſſis ſuorum tribus millibus in Bosniam redire. a)

Videbatur Mathias ad hæc, tamquam de induſtria, connivere, ut Germanos, ad quos, ut primum de Turcarum irruptione comperit, Legatos Norimbergam, auxilia poſtulatum, miſerat, propriis damnis ad commune bellum in Turcas ſuſcipiendum, concitaret. Admiſſi ad conventum, luculentam ad Proceres orationem habuere, qua oſtendebant, niſi regi, quem Veneti conſecta cum Turcis pace deſeruiffent, ſuppeticas venirent, brevi futurum, ut illos in iſtis Imperii viſceribus videant, tot enim procurſionibus in Stiriam, Carinthiam, & Carnioliam factis, iter illis jam tritum, cognitumque eſſe, quod

A

a) Leunclavius hiſt. Muſulm. l. 16. Bonfinius Dec. 4. l. 6. Liſſck annal. Tom. II. pag. 257. Dlugos, l. 13. epiſt. regis ad Pontif. apud Kingtona Tom. XVI. pag. 241.

1479.

a nemine, quam a suo rege, qui ingentem nuper ex iisdem victoriam tulerit, melius intercludi posse, vel ex ipso regionum situ pateret, modo Principes Imperii communem ad id operam conferre vellent. Hæc illi: responsum est, non ignorare se quidem, quibus damnis Hungaria cum vicinis provinciis, ab immani hoste hactenus affecta fuerit, optareque cum illorum, tum sui etiam causa, ut laborantibus quantocius succurratur, sed in hac paucitate eorum, qui conventui interessent, nihil omnino decerni posse, nisi iusto numero ad futura Comititia convenirent. His auditis, Legati adducto secum in conventum Notario, & testibus, quod in Imperii Comititiis inusitatum est, palam intercessere, per regem suum deinceps non stare, si Turcæ per Germaniam impune grassari pergant. a)

Mathiæ, cui suspicio ingesta erat, quasi Cæsar Imperiales clam subornarit, ne sibi auxilia decernantur, nova inde simultatis causa oblata est. Accessit mox altera. Bernardus Archiepiscopus Salisburgensis, abdicare se Archiepiscopatu cogitabat, quod ubi Cæsari significatum est, Græcium ad se vocato persuasit, ut Joanni Archiepiscopo Strigoniensi, quem collectis thesauris, ad Cæsarem

---

a) Freherus script. rer. German. Tom., II, pag. 319. Müller Reichs. Tags Theater 5 Vorstellung c. 79. pag. 733. §. 2.

rem defecisse, alias memoratum est, locum  
cedere vellet. Assensus est, & scripto etiam  
firmavit, sed domum reversus, facti pœni- 1479.  
tens, postquam rem ad Capitulum retulisset,  
Episcopus Seccoviensis Mathiam confessim,  
quid ageretur, edocuit, qui hominem trans-  
fugam foveri, suum contemptum interpretatus,  
rem merito indigne tulit, &, cum ad se per-  
latum erat, Cæsarem, proventus episcopales  
in Stiria Seccoviensi vetuisse exhiberi, vicissim  
foedus cum illo, & Salisburgenfi pepigit, ea  
conditione, ut arces suas tutelæ, & fidei suæ  
crederent, iisque præsidium militare sibi eous-  
que liceat inducere, donec Cæsari, interven-  
tu Pontificis, uterque conciliati fuerint. a)  
Hinc orta ex utraque parte jurisdictionis col-  
lissio, & ex hac bellum.

1480.

XII. Id Mathias prior Cæsari, quod pro-  
missis non flaret, denunciavit, simulque cau-  
sam, cur ad id gerendum cogeretur, ad Er-  
nestum, & Albertum, Saxonix Duces, per-  
scripsit, quartum nempe jam annum volvi,  
quod Cæsar, licet sæpe admonitus, centum  
millia florenorum ex pacto debita solvere  
neglexisset, vetaretque, ne Australes, pecu-  
niam ad debitum expungendum conferrent.  
Cæ-

a) Erasmi Frölich diplomatar. Seccovien. N. 84.  
apud Pray P. IV. pag. 137. Chron. Salisburg.  
Hier. Pez Tom. II. ad hunc an. Metzgerus  
hist. Salisburg. l. 4. c. 43.

1480.

Cæsar fidem suam peti ægre ferens, scriptis vicissim ad Imperii Principes litteris, se ab hac insimulatione purgavit, & Regi jam quinquaginta millia ex pacto soluta affirmabat, quo minus autem alia quinquaginta hactenus essent exhibita, ipsum in causa esse, qui loca in Austria occupata, secundum pacificationis statuta, nondum restituisset. a) Hæc ille ad removendam a se invidiam, & cum bellum evitari jam non posse videret, ipse prior missis in Hungariam quingentis equitibus, populationem Jaurinum usque circumferri jussit. Facile hunc manipulum Mathias repulit, & quasi in Venetos movere vellet, flexo itinere in Carinthiam, bona Archiepiscopi Salisburgensis, eo non invito occupavit, Stiriamque invadens, Petovium, Rakesburgum, & Fürstenfeldium in potestatem redegit, ex quibus bellum in Stiriam, & Austriam, occasione data, inferre posset. Cæsar videns se Regi imparem resistendo esse, indicto Norimbergam conventu, auxilium ab Imperialibus flagitabat. Variabant sententiæ, quod aliqui suspicarentur, id non tam contra Turcas, ut prætexebatur, quam contra Mathiam, sollicitari, in eo tamen omnibus convenerat, ut  
Epi-

---

a) Litt. Regis ad Cæs. epistolar. P. IV. pag. 255. item ad Duces Sax. & Cæsaris ad Princ. Imperii, apud Müller, l. cit. c. 82. pag. 748, & 749.

Episcopus Eichstetenſis, Cæſarem cum Rege conciliandi periculum prius faceret, & tum primum quindecim millia auxiliariorum, Viennam ſequenti anno mitterentur. Mathias, capto interea a Turcis Hydrunto, ſoceri ſui, Regis Siciliæ, cauſa ſolicitus, ſlecti ſe tandem paſſus, inducias eouſque, dum cauſa inter utrumque controverſa, Electorum, & Principum Imperii iudicio cognoscatur, indulſit. a)

1480.

Patuit tamen, Cæſarem longe alia, quam pacis, cauſa, inducias amplexum fuiſſe. Cum enim auxilia, quæ Imperiales, ſi induciæ conciliarentur, promiſerant, ex Saxonia, & Palatinatu Viennam veniſſent, egit cum Ducibus, ut ſibi his copiis contra Mathiam utiliceret, quod illi, mandatis ad id deſtituti negabant, & ille tunc quidem ab armis abſtinere coactus eſt. Mathias vero temporis opportunitate uſus, ſocero ſuo copias auxiliares in Italiam tranſmiſit, quibus non modo Hydruntum recuperare, ſed barbaros penitus etiam a regno ſuo deinceps arcere poſſet, modumque, quo Hungari, bellis Turcicis conſuefacti, cum iis pugnare ſoleant, ut eorum opera uti noſſet, perſcripſit. Nec Imperii Prin-

1481.

a) Fugger annal. Ferdinand. I. 5. c. 29. & ex parte Senckenberg, Collectan. P. I. N. 15. Conf. Pray I. cit. pag. 141.

1481. Principes, sibi induciarum tempus inutiliter elabi pasci sunt, rationemque, quæ Cæsar Regi conciliandus esset, secum inibant. Visum est, oratores, qui periculum facerent, ad utrumque mittendos esse, idque Mathiæ significarunt. Pontifex quoque veritus, ne Turcæ capto Hydrunto, in mediterranea Italiæ sibi viam sensim pararent, missis ad Cæsarem, & Regem, Urfino Theanensi Episcopo, utrumque ad concordiam adducere cupiebat, quo facilius, conciliatis ambobus, commune in Turcas bellum, frustra hactenus tentatum, suscipi posset. Obstabat Joannis olim Archiepiscopi Strigoniensis ambitio; qui favore Cæsaris nixus, a proposito obtinendi Salisburgensis Archiepiscopatus, non facile dimovendus videbatur. Egit quidem Mathias cum Asculano Episcopo, se Pontifici monenti eatenus gratificaturum, ut homini de se male merito, episcopatum Jaurinensem, retento Strigoniensis Archiepiscopi titulo, conferat, sed ut eidem proventus ex suo ærario, vel Strigoniensi archiepiscopatu, augeat, id nec sine injuria Strigoniensis Archiepiscopi, nec salvo suo honore, fieri posse, nunciavit. a) Itaque Legati Pontificis, & oratorum Imperii consensu, controversia hac in medio relicta, in-

---

a) Fugger l. 5. c. cit. Epist. Mathiæ P. IV. pag. 122. 208. 263. Kollar auctar. diplomat. ad hunc an. Müller l. cit. c. 82. pag. 752.



induciæ in hanc legem conflatae sunt, ut Cæsar, & Mathias, a VI. Nonis Maji, ad diem Lunæ post Pentecostem, ab armis abstinerent, & interea de pace in solidum conficienda ageretur. a)

1481.

Cæsar autem interea in Comitibus Norimbergensibus magnopere agebat, ut, quæ toties promissa fuissent, auxilia contra Turcas decernantur, nec dissimulabat, se his adversus Mathiam quoque uti velle. Variabant rursus suffragia, plerique quidem Electorum consenserant, sed absentium Legati negabant, se quidquam hac in re posse prius statuere, quam mandata a Principibus, quorum nomine adessent, sibi mitterentur, Imperiales vero urbes nihil sibi cum Rege Hungariæ negotii esse affirmabant, potior tamen pars tandem coaluit, ut Cæsari mos gereretur, & majora solito auxilia, peditum equitumque, ei in bellum decreta sunt. Sub hoc ipsum tempus oratores a Mathia, Joannes Episcopus Varadiensis, & Wenceslaus Boscoviczius, ut cum Principibus Imperii, de discordiis inter Cæsarem, & regem suum componendis transigerent, plena potestate instructi, Norimbergam advenere. Verum, præter expectatio-

G g 2

nem,

---

a) Epist. Mathi. P. IV. pag. 135. 173. Rainald. ad hunc an. Kollar auctar. dipl. dat. Budæ, d. Lunæ post Dominic. Exaudi 1482. Cod. jur. patr. Tom. I. pag. 230.

1481. nem, ne admissi quidem sunt, &, quæ in conventu decrevissent, per Eichstetensem Episcopum, eis renunciari curarunt. Indigne Mathias tulit, se in persona oratorum suorum, ita despiciatui fuisse habitum, graviterque, datis ad Episcopum Afculanum, & Nördlingenses, litteris, de injuria questus est, causamque in Cæsarem, quod pacis, per oratores suos, si admissi fuissent, conficiendæ spem interceptisset, non obscure conjecit. a)

1482. Abhinc orta utrinque animorum exultatio, &, quamquam Pontifex pacis consilia identidem suggereret, bellum consequutum. Id Mathias oratorum suorum contentu irritatus, facta denunciatione, nec expectato Cæsaris responso auspicatus, Austriam per Legatos infestari jussit, quibus alterna fortuna rem aliquamdiu gerentibus, ipse copias Heimburgo admovit, & arcta obsidione pressum, expugnavit. Agebat quidem Pontifex sub ipso armorum strepitu, ut concordiam inter utrumque conciliaret, nec Cæsar, misso ad regem Alfonso Forojulienfi Episcopo, ab hac videbatur

a) Müller l. cit. c. 84. §. 3. pag. 756. Epist. Mathiæ Par. IV. pag. 149. 167. 184. Ejusd. ad Nördlingenses d. 23. Oct. apud Senckenberg. Collect. Par. I. sect. 1. Nr. 15. pag. 71. Litt. Episcopi Theanensis ad Ernestum Sax. Duc. Ratisp. 1. Oct. 1481. apud Müller l. cit. c. 84. pag. 762.

batur abhorrere, sed, cum Mathiæ suspicio eximi non posset, quasi is per Venetos agat, ut Turcæ in Hungariam irrumpant, labor is frustra susceptus est, tantoque acrius anno sequente bellum recrudit. a) Cæsar, qui se Viennæ non satis tutum existimabat, Græci-  
um concessit, ne tamen Australes desituisse videretur, Wulsconem Bohemum, mille equitum, & bis mille peditum ductorem, promisso quingentarum, & viginti millium librarum Viennensium stipendio, in suas partes pertraxit, ne sic tamen impedire potuit, ne Hungari Leitæpontum, fame ad deductionem cogerent. Occupato igitur utroque ad Austriam repagulo, porta regi patuit, ut bellum in quamcunque vellet partem circumferre posset, cum ei litteræ a Collegio Cardinalium, qui ferale bellum in ipso ortu extinctum cupiebant, redditæ sunt, paulumque post Episcopus quoque Castellensis, a Pontifice Legatus advenerat, qui, adito primum Cæsare, regem conveniret, omnique

1483.

G g 3

studio

a) Epist. Math. Par. IV. pag. 255. Linck l. cit. Tom. II. pag. 266. Chron. Mellicen. apud Hier. Pez Tom. I. pag. 267. Bonfinius Dec. 4. l. 6. Litt. regis ad Henricum Ratisbon. Episc. apud Kulpilium pag. 71. ad d. 11. Apr. 1483. sed anni regiminis Hung. & Boh. cum hoc anno non consentiunt, & ex litt. regis ad Nördlingens. supra cit. liquet, ad hunc an. non vero ad 1483. referendas esse. Conf. Katona Tom. XVI. pag. 480.

1483.

studio adniteretur, ut utrumque ad amplectenda mitiora consilia flecteret. Sed illum, quod sibi prius de illatis injuriis satis fieri cuperet, minus ad concordiam promptum reperit, quam regem, cui, jam ante Legati adventum, spes avulsas a regno provincias recuperandi, a Turcis facta erat. Plerique enim militiæ præfecti, Bajazetis feritatem exosi, Zizimo, ejus fratri, ad magistrum Rhodiorum profugo, studebant, eumque fratri exauctorato cupiebant subrogare, ideoque cum rege per nuncios clam agebant, ut bellum Bajazeti indiceret, polliciti, se non modo tantum auri, quantum ad id gerendum satis esset, præbituros, sed suis etiam copiis illum adjuturos esse. Hac de causa ostendebat, se a concordia non alienum esse, Legato satis aperte indicans, libenter se visurum, si Pontifex cum Magistro Rhodiorum ageret, ut Zizimus Budam ad se mitteretur, daretque dein operam, ut Cæsar conventum indiceret, in quo de ineunda utrinque concordia tractetur, se interea, quæ hucusque occupasset, Pontificis tutelæ, & fidei crediturum.

Cum his responsis Legatum ad Cæsarem remisit. Verum aut simulata hæc erant, aut regem promissi pœnituit, sive parum, confecta etiam pace, Cæsaris constantiæ fideret, sive nuncii a Bajazete, quos cognita Præfectorum suorum perfidia, inducias postulatam, Budam miserat, in causa fuerint. Reversus enim

enim a Cæsare Legatus, cum ab hoc pacificationis conditiones, paulum a regiis alias, quæ tamen spem conciliationis non videbantur tollere, afferret, plane alienum a concordia reperit, cumque intellexisset inducias præterea in quinquennium esse cum Turcis initas, spem conciliandi utriusque penitus posuit. Induciæ autem hac lege erant constitutæ, ut, his durantibus, neuter alterius regnis, & provinciis, præsertim, quæ hac parte maris in clientela, fideque regis essent, injuriam, damnumve Turcæ inferant, mercatoribus tamen ad confinia regni negotiorum causa, tuto venire liceat. Sed cum pars maris generatim solum indicata esset, latens in conditionis formula verborum ambiguitas, errori deinde, fraudique locum præbuit. a)

1483.

XIII. Cæsar, utprimum de induciis inter regem, & Bajazetem agi, nec legationem Episcopo Castellensi successisse comperit, fidei Viennensem, qui se Neostadii olim obsedissent, parum tribuens, thesaurum familiæ, cum Cunigunde filia, in Tyrolim, securitatis causa, abduci jussit. Consilium eventus probavit. Mathias enim sub veris initium, Pontifice nequicquam obnixo, impe-

1484.

G g 4

rata

a) Litt. Episc. Castellens. ad Papam ex Ms. Cod. Nr. 3901. biblioth. Vaticanæ apud Pray, Par. IV. pag. 161. — 173. Diplomatar. Ordin. Melitens. Cod. 2, Epist. Mathiæ Par. IV pag. 1. & 2.

1484

rata domi militia, & accepto a Silesiæ Ducibus duodecim millium supplemento, Austriam ingressus, Viennam primum armis tentavit, mox, mutato proposito, sanctum Hippolytum, Claustroneoburgum, & montem Cetium, infedit, ut urbeni commeatu, & auxiliis; si quæ ex Imperio mitterentur, penitus intercluderet. Hic fixa statione, Corneoburgum lenta obsidione pressum, septimo post mense in potestatem redegit. Porro fortuna volentem uti, perfidia Bajazetis in Hungariam revocavit, qui, violatis induciis, duo Moldaviæ castra, *Kyliam*, & *Nesterabam*, hoc Tyræ fluvio, illud Danubio adsitum, quod post *Cassam* in *Crimea* occupatam, sibi ad hanc retinendam, opportuna viderentur, etsi non sine suorum clade, occupavit. Acerbas propterea, de injuria questus, ad illum literas dedit, sed, ubi ab eodem responsum cum exemplo induciarum, quibus nec Moldavia, nec, quo alluitur, maris mentio, inserta esset, accepit, cognito errore, Petrum Colocensem Archi-episcopum, is induciarum tabulas dictaverat in carcerem retrudi jussit, nec, se vivo, licet Innocentius VIII. nihil intentatum sinneret, liberum dimisit. a)

Cum

a) Raynaldus ad hunc an. Epist. Mathiæ P. IV. pag. 4. 5. Bonfinius Dec. 4. l. 6. Linck Tom. 2. ad hunc an. Gerardus de Roo l. 9. Michovius

Cum igitur error corrigi jam non posset, & Bajazetes se inducias bona fide ceteroqui servaturum fuisset pollicitus, curas omnes in bellum Austriacum convertens, Viennam XXIII. Januarii, triplici exercitu circumfedit, urbem non tam vi, quam fame, volens ad deditionem cogere, quæ, cum obsidio diutius duraret, ob hominum, qui a propinquante hoste in eam se receperant, copiam, brevi ita invaluit, ut modius farinæ, CVII. florenis venum proflaret. Cæsar, ut urbi suppetias veniret, animosque obsessis adderet, Græcio Lincium reversus, auxilia ex Imperio exspectabat, sed, cum hæc negarentur, & non pauci Viennensium regi addicti essent, nullo operæ precio isthic hærere coactus est, Mathias vero, locis, quæ trans Danubium se nondum dediderant, interea occupatis, dum Ebersdorsium aggreditur, ferrea pila inde emissæ, vitæ periculum fere adiit, quo tandem expugnato, cum cives magis in dies fame tabescerent, & Rex assultum pararet, missis ad eum Legatis, menssem sibi petebant indul-

---

vius l. 4. c. 73. Innocentii VIII. Brevium l. 1. Epist. ad Mathiam: *retulit nobis — majestatem tuam capi, & in carcerem conjici fecisse, ven. fratrem Petrum Archiep. Colocens. ob nonnulla gravia, & enormia, quæ idem Archiep. contra te, & statum tuum perpetrasse dicitur, cct. Dat. 24. Sept. 1484. an. primo.*

1485.

dulgeri, intra quem si Cæsar illis auxilium non mitteret, deditionem se facturos promiserant, quod cum ille præstare non posset, cives IV. Nonas Junii Regi se dedidere, salvis suis immunitatibus, & ut præfidiarios Cæsaris liberos, cum armis, & impedimentis, dimitteret. Urbe dedita, & Neofladio, quod munimentis suis confidebat, eminus iuterea, donec opportunum tempus obsidioni adesset, a suis observari jussu, Australibus conventum indicxit, in quo mitigatis, quæ Cæsar constituerat, vectigalibus, ac diminuto censu, postquam ei Ordines fidelitatis juramentum dixissent, provinciam in fidem recepit. a) Cæsar vero cum DCC. equitibus, & paucis, qui partes illius sectabantur, Lincio discedens, familiari illo sibi dicto; *felix rerum irrecuperabilium oblivio*, b) se solatus, in Tyrolim abiit.

Mathias, cum intelligeret, post occupatam Viennam nondum esse debellatum, mandata in Hungariam milit, ut regni Ordines Vacii convenirent, & de sumtibus, ad bellum cum Cæsare prosequendum, necessariis consul-

---

a) Raynald, ad hunc. an. Linck l. cit. Tom. II. pag. 275. Chron. Mellicen. apud Hier. Pez Tom. I. pag. 268. Gerard. de Roo l. 10. Bonfin. Dec. 4. l. 6.

b) Gerard. de Roo l. cit. Id. artificioso monogrammate expressum, olim in muro veteris castri Laxenburgen. vidi.



sultarent. Quid, præter florenum auri rursus decretum, in eo conventu actum fuerit, nemo, quod sciam, hactenus prodidit, fragmentum quoddam solum exstat de Palatini prærogativis, quæ eodem quidem anno, sed incertum, in eodemne, an alio conventu, editæ fuerint. Summa earum hæc est: a) Deficiente regio semine, Palatinus ex vetustia Majorum consuetudine, primus, in eligendo Rege, jus suffragii habeat, si hæres regni relictus, & teneræ ætatis, esset, idem tutoris partes aget, cui omnes, donec hæres pupillarem ætatem exceßerit, obtemperabunt, idem seditiosos coget in ordinem, & nocentibus pœnam dictabit: comitia quoque, si opus fuerit, indicet, & bello exorto, copiis præerit, dissidium, si quod inter Regem, & regnum oriri contingat, interventu suo studebit componere, Legatos, negligente Rege, vel impedito, aut parum ad tractandum cum illis idoneo, audiet, & quæ ex usu, erunt, responsa iisdem dabit, rege autem bellis occupato, aut aliam ob causam absente, locum illius interea tenebit, omniaque nomine illius aget, exceptis iis, quæ dignitatis sunt, & juris majestatis: si bona præter regni consuetudinem Rex alicui contulisset, eum monabit, rogabitque, ut tempus discernendæ

li.

---

a) Cod. jur. patr. Tom. I. pag. 233. C. Ignat. a Batthyán Episcop. Transilv. Legg. Eccles. Tom. I. pag. 519.

1485. liti constituat, ceteroqui cum universe in judiciis primum a Rege locum teneat, Cumani quoque peculiari jure, trium millium aureorum decreto quotannis stipendio, & Dalmatis, cujus causa trium insularum proventus fruitur, ad ejusdem tribunal pertinebunt.

1586. Hæc regni Ordines Mathia absente; qui rebus in Austria compositis, in Hungariam reversus, rursus eodem Budam incunte anno ad conventum excivit, ut, quæ per frequentem sui absentiam collapsa erant, instauraret, furum enim, latrocinantium, falsariorum, homicidarum, & incendiariorum, ea copia jam accreverat, ut nemo vitæ, rerumque suarum securus esset. His itaque malis consulere volens, septuaginta, & septem leges edidit, ex quibus, cum multæ a priorum temporum constitutionibus parum differant, paucas, quæ novitatis quiddam habent, deligam. Præter antiquatum Palatinale judicium, vetitum quoque fuit, litis judiciarie causa, singulari certamine congregi, nisi in curia regis, & dum res dubia aliter dirimi non posset: a) qui bona Venetis, aut Polonis vendiderit, vel dederit pignori, donaritque, notam infidelitatis incurrat; seculares Ecclesiasticorum decimas ne usurpent, nec hi controversiam, si quæ propterea oriretur, ad forum Romanum judicandam deferant: filius, cri-

---

a) Conf. Notit. prævias, §. 19.

crimen patris, nequaquam luat, vel bonis 1486.  
 propterea privetur; universi, cujuscunque  
 status & conditionis sint, si rei publicæ neces-  
 sitas exegerit, communiter de suis bonis con-  
 ferant, ne onus in Nobiles minoris census,  
 & in plebem solum recidat; furibus denique  
 latronibus, homicidis, aliisque malefactori-  
 bus pænæ constitutæ, quorum causa si qui in-  
 tercederent, aut eos foverent, horum bona  
 Fisco regio in perpetuum addicantur. a) At-  
 que hæc ita deinceps servari voluit, ut ea  
 ne regibus quidem coronationis tempore,  
 nec regno mutare liceret, parum sui memor,  
 qui cum crebro iis, quæ decessores statue-  
 rant, contraria imperasset, idem successori-  
 bus, si cum regni Ordinibus conventum ha-  
 beant, vetitum esse voluerit, cum ipsa re-  
 rum vicissitudo, & necessitas, quæ nec in  
 regum, nec regni potestate sunt, sæpe po-  
 scat, ut, quæ a Majoribus ratione temporis  
 utiliter constituta erant, a successoribus ean-  
 dem ob causam mutari, & ad usum reipu-  
 blicæ accommodari possint, & debeant.

Budæ, post solutum conventum, non  
 diu moratus Viennam rediit, ut, quæ Im-  
 perii Principes Francofurti essent decreturi  
 facilius rescire posset. Indixerat Cæsar illuc  
 comitia in mensem Februarium, cum ut fili-  
 um Maximilianum, Regem Romanorum re-

nun-

a) Decret. corp. jur. patr. Tom. I. pag. 234. Dat.  
 in festo convers. S. Pauli Apost. 1486.

nunciari curaret, tum ut copias auxiliares  
1486. contra Mathiam impetraret. Primum, Carolus Rex Galliarum, Mathias vero, qui Maximiliani indolem militarem nosset, utrumque impedire, sed irrito eventu, conati sunt. Felicius ei successerat legatio, ad Mediolani Ducem missa. Hanc Joanni Episcopo Varadiensi obeundam credidit, qui de sponsione matrimonii, inter Blancam Ducis sororem, & Joannem filium suum, ex illegitimo thoro susceptum, ineunda, cum Duce ageret. Interea, dum Legatus Mediolani munere suo fungitur, Ordines Imperii Maximilianum, regem Romanorum, Francofurti renunciaverunt, eique non modo militem, & stipendia, in bellum Turcicum, & contra Mathiam decrevere, sed fœdus quoque inter se pacti sunt, ut, si quem ex illis Mathias bello aggrederetur, omnes mutuo sibi auxilium ferrent. Res ita clam gesta est, ut Principes datis mutuo dextris, nihil se ante tempus prodituros receperint; pervenit tamen indicium ad Mathiam, quo magis Neostadium, quod anno priore eminus circumfideri mandaverat, urgendum ratus, deductis ex Hungaria supplementis, obsidionem arctius contraxit. Verum cives, & præsidarii, quos Cæsar, & Maximilianus, datis ad eos VII. Aprilis Francofurto litteris, spe obtinendi subsidii, ad constantiam hortabantur, oppugnationem adeo difficilem reddiderant, ut, non nisi penuria

ria adacti, septimo post mense deditionem fecerint. Ferunt, obsidionis tempore Legatum a Bajazete missum, regni inter telorum imbrem obambulanti colloquutum, sed dati ab eo responsi, quod ad Principem suum referret, præ metu, oblitum fuisse. a)

XIV. Capto Neostadio, quod reliquum Austriæ inferioris erat, facile in potestatem redactum. Dimisso dein Legato Turcico, cui nuncium quoque suum, sed Constantino- poli postea reducem, a Gazi Mustapha cæsum adjunxerat, res Australium, cum Stiris enim jam transegerat, coordinare coepit. Quantopere, post Viennam occupatam, ob diminuta vectigalia, hos sibi devinxerit, alias memoratum est, sed cum postea promissi immemor, ob belli sumtus, graviora prioribus imponeret, plerorumque animos a se avertit, spe libertatis in Alberto Saxonie Duce reposita, qui adducto in superiorem Austriam, Imperiali milite, Hungaros aliquoties cum clade rejecit. b) Id sensim locum conciliandis induciis, Cæsare & rege non invitis, præbuit, de quibus, postquam arbitri utrinque dele-

- a) Du Mont l. cit. Tom. III. Part. II. pag. 175.  
Müller l. cit. 6. Vorstellung c. 1. & 2. pag. 7. — 21. Bonfinius in præfat. ad Philostratum, Tom. II. analect. biblioth. Cæs. Vien. f. 814.  
b) Leunclavius hist. Musulman. l. 16. Linck l. cit. Tom. II.

1487.

delecti XXII. Novembris Märgendorffii conferre coepissent, in has demum conditiones XII. Decembris coaluere a)

Cum Cæsar, & Rex, se læsos existiment, ac ideo uterque justum belli titulum se habere dicant, causam a Pontifice decerni patientur, qui si pro Rege sententiam tulerit, tum Archi-episcopi, Electores, Principes, Comites, & præcipuæ Imperii urbes, Cæsari nullum auxilium præstabunt, integrumque erit Regi, bellum persequi: contra autem, si Pontifex pro Cæsare pronuntiaverit, vicissim Archi-episcopi, & Episcopi Hungariæ, cum Palatino, ceterisque regni Baronibus, b) Despota Serviciæ, Vajvoda Valachiæ, ac Dalmatiæ, Croatiæ, Sclavoniæ, & Bosniæ Banis, primisque Regni civitatibus, auxilium contra Cæ-

a) Ex apographo, quod Varasini an. 1756. d. 12. Febr. Georgius Konzer, & Jos. Paxy, Judices Nobilium, publica fide exscripserant. Germani scriptores non nihil in conditionibus variant. Conf. Linck l. cit. ad hunc an. Fugger. l. 5. c. 35. & Müller l. cit. c. 34. pag. 145. — 151.

b) Documentum recenset etiam *naturales Barones*, & inter hos nominatim, Laurentium de *Vilag*, Comites de *Frangepan*, Comitem *Scappusensem*, Comites de *S. Georgio*, & *Bozyn*, Comites de *Corbavia*, de *Zrynio*, de *Perin*, & de *Bathor*.

Cæsarem Regi negabunt, idemque, quos iuri suo in Moravia, & Silesia obnoxios habet, facient. Interea autem induciæ usque ad octavum diem post festum Urbani, sequentis anni durent; ut Pontifici spatium deliberandi relinquatur, &, si necesse esset, induciæ etiam ad calendas Septembris prorogentur, intra quod tempus si Pontifex ob negotiorum copiam, in neutram partem posset sententiam ferre, mora ei usque ad Novembrem datur, si tum etiam iudicium differret, nullam deinceps in hac causa arbitrii partem habeat. Ad id vero tempus ab armis, & injuriis inferendis uterque cessabit, si quid tamen litis propterea interveniret, Præfecti armorum utrinque intra septem hebdomadas, constitutis iudiciis, hanc decernent, & convictos, ad satisfaciendum cogent: qui ex arce, locove munito in alterius ditionem hostiliter incurrit, &, intra tres hebdomadas, admonitus, non desisterit damna inferre, in hunc utraque pars arma capiet, arcem demolietur, & bona illius secundum militiæ, quam duxerint, numerum, inter se dividunt: naulum in Danubio Cæsar, & Rex æqua parte percipient, reliqua vero vectigalia, & census uterque a suis, neuter tamen plus altero exiget: communitio utrinque tuta, & libera sit, nemo alterius profugos recipiet, aut tuebitur; cobi- bendis latrociniis, & rapinis, Rex CCC. equites, & CC. pedites in sancto Hippolyto, tol-

H h

idem

**1487.** idem Albertus Dux Gavanekii, nomine Cæsaris, servabit; captivos gratuito utrique liberos dimittent, conventionibus, si quas Rex cum privatis iniisset, renunciabit: Ecclesiastici denique utriusque partis, speciatim Salisburgensis, & Passaviensis Præpositi cum suis Capitulis, & Joannes olim Strigoniensis Archi-episcopus, his induciis comprehensi censeantur, quarum tempus, si pace non confecta, præterierit, liberum erit Regi, bellum instaurare.

**1488.** His conditionibus utraque pars, ob sumptus in bellum hactenus profusos, armorum jam pertæsa, consensit. Et erat privata etiam utrique causa, cur inducias cuperent. Cæsari quidem, ob rebellionem sub initium hujus anni exortam, cum Belgis negotium fuit, Mathiæ autem cum Legatis, qui sub finem prioris anni, nuptiarum, quæ inter suum filium, & Blancam conslandæ erant, Mediolano advenere, tractandum erat. Pacta autem dotalia hujusmodi fuere: a) Dux Mediolanensis, sponsæ centum, & quinquaginta aureorum millia conferet, centum quidem millia parati auri, quadraginta autem in gemmis, ac unionibus, & decem millia in vestibus, reliquisque ornamentis, quæ ad mundum muliebrem spectant; ut primum sponsa futuro  
an-

---

a) Jam anno elapso d. 25. Novembr. fuerunt inita,



anno domum deducta fuerit: Mathias, & 1488.  
 sponsus vicissim tantundem se sponsæ præbi-  
 turos, fidem publico documento facient; si  
 contingeret sponsonem dissolvi, ac propterea  
 dotem repeti, Rex, & filius bona sua sive il-  
 la sint avitica, sive acquisita, sponsæ obstrin-  
 gent, nominatim autem, præter Ducatum  
*Austriæ*, Comitatum de *Hunyad*, Ducatum de  
*Munkács* cum oppido *Debreczen*, & castra *Mu-*  
*roth*, *Gyula*, ac *Baymocz*, item Comitatus  
*Thurocz*, *Arva*, & *Lypto*, in Silesia vero, Du-  
 catus *Oppaviensem*, *Tostensem*, & *Ratiborien-*  
*sem*, cum omnibus juribus, & emolumentis.  
 Cum præterea Regi cum Duce Saganensi ita  
 convenerit, ut post hujus obitum, sponsus, ju-  
 re hæreditario, ei succedat, hic quoque Du-  
 catus, si dos repeteretur, sponsæ pignoris lo-  
 co cedat: postremo additum, ut Rex, & spon-  
 sus, pacta intra sex menses, rata, grataque  
 habeant. Hæc publicis tabulis inserta sunt,  
 privatim autem juramento, Regis nomine,  
 promissum, ut, si hic sine legitimo hærede  
 obiret, facturum, ut sponsus sibi in Hungaria  
 succedat. a)

Cæsar interea Maximiliani filii sui causa,  
 quem Belgæ captivum tenebant, sollicitus, ne,  
 dum ad eum liberandum vires convertere  
 cogitur, elapsis interea induciis, provinciæ

H h 2

suz

---

a) Du Mont Corps diplomat. Tom. III. P. II-  
 Nr. 99.

1488.

suæ rursus novis belli calamitatibus exponerentur, Joanni Salisburgensi Archi-episcopo, & Præposito Mellicensi, in mandatis dedit, ut cum Mathia de iis prorogandis agerent, qui, quod res ex Silesia non satis pacatæ afferrentur, ut ad calendas Septembres anni sequentis perdurent, non difficulter assensus est. Sub idem tempus venerat quoque Legatus a Bayazete, qui similiter inducias prorogari petierat, cui tanto libentius eas in triennium concessit, quanto magis ægre ferebat, Joannem Saganensem Ducem, a pactis, quæ olim secum de jure successionis in filium transferendo, pepigerat, resiliisse. a) Hac Ducis inconstantia, cum Mathias videret, filium suum hæreditate, quæ pactis nuptialibus recens initis comprehensa erat, contra datam fidem, excludi, graviter offensus, bellum ei indixit, eaque fortuna per Legatos suos gessit, ut illum, occupata Glogovia, in Poloniam fugere coegerit.

1489.

Suspicio erat, Ducem ab Wladislao Bohemiæ Rege clam copiis adjutum, atque hinc inter hunc, & Mathiam simultatem fuisse ortam, tametsi verius illud sit, Wladislaum, Saganensem Duce, provincia, & dignitate exuto, veritum fuisse, ne, si insignis hæc Silesiæ por-

a) Gerard. de Roo. l. 10. Linck l. cit. Tom. II. ad hunc an. Lunig Reichsarchiv, Tom. II. pag. 583.

portio Mathiæ filio, jure hæreditario obtingeret, sensim, contra pacta utrinque inita, 1489.

a) a regno Bohemiæ avellatur, qua de causa etiam fœdus cum patre Casimiro iniit, quo communem sibi operam laturos spondent, si quid hostilitatis Mathias in alterutrum moliretur. b) Res tamen inter pacta solum constitit, & Mathiæ, præter opinionem, negotium cum Cæsare subnatum est. Venerat is, Maximiliano in libertatem asserto, Lincium, indeque Legatos ad regem misit, qui ei certum auri pondus pollicerentur, si Austriam sibi cederet. Non abnuit, jussitque Joannem Varadiensem Episcopum ad Cæsarem proficisci, qui, ea conditione se se Austria decessurum, eidem referret, si ob sumtus bello Austriaco hactenus impensos, septingenta florenorum millia numeraverit. Id nimium Cæsari visum, ejusdem Maximilianus, quem Mathias variis donis coluerat, opinionis quidem fuit, tenacitatem tamen patris sibi non probari satis aperte ostendebat, quo factum, ut simultate inter utrumque orta, Maximilianum alloquio prohibuerit, nec quidquam cum Episcopo deinceps agere permetteret. Abrupta igitur tractatione Viennam rediit, & Mathias, Stephano Zapolya confstituto interea Austriæ Præfecto, Budam, ul-

H h 3

timum

a) Hæc pacta vid. ad an. 1478. Nr. 11.

b) Dogiel Tom. I. pag. 23. seq.

1489. 

---

timum visurus, secundo Danubio, devectus est, quem paulo post Otto Comes Palatinus cum Legatis Cæsareis consequutus, rursus de pace cum eo coepit agere. Accepti sunt liberaliter, & muneribus quoque exculti, de pace tamen nihil transigi potuit, quod ipse Rex, cum Cæsare, & Maximiliano, se de hac velle agere diceret, ut primum Viennam redierit, a)

1490. 

---

XV. Hanc quidem, ex febre paulum recreatus, sequente anno revisit, sed non tam de pace acturus, quam ut fortunæ filii sui ante obitum prospiceret, nec enim diu se superstitem futurum, ex morbi, graviore identidem sensu redeuntis crebritate, observavit. Indicto proin Wratislaviam conventu, Silesiam filio asserere cogitabat, cum ut nuptias illius cum Blanca Mediolanensi, b) celebriores, tum ut ei viam ad regnum Hungariæ proniorem redderet. Et jam Varadiensis Episcopus Wratislaviam præire iussus, & Urbanus Episcopus Agriensis, regni Quæstor, cum pecuniis, ut filio profusa liberalitate animos concilaret, Viennam accersitus erat, cum repente, divinis officiis die palmarum assisens, hemiplectico fulmine ictus, biduumque inter acerbissimos dolores colluctatus, anno

---

a) Bonfinius Dec. 4. l. 8. Fugger l. 5. c. 38. Müller l. cit. c. 43. §. 4. 7. pag. 177. Gerard, de Roo l. 10.

b) Bonfinius Dec. 4. l. 8. Roo l. 10. Fugger l. 5. c. 38.

anno ætatis septimo, & quadagesimo exspiravit. a)

1490.

In die obitus, b) & mortis causa, scriptores dissentiunt, sunt, qui sicut veneno imbutas, a Beatrice regi porrectas, sed nullo documento, vel autoritate nixi affirmant: alii Stephanum Zapolya in suspicionem vocant, quasi thesauro regio, XL. aureorum millibus æstimato inhiarit, c) eique mortem occulta machinatione consciverit. Cui suspicioni si quid veri subesset, oportuit hominem omnium mortalium fuisse ingratisimum, qui a Mathia ex obscu-

H h 4

ro

a) Diem mortis regina, apud Kaprinai hist. diplom. Pag. I. pag. 11. ad 6. Apr. desigit.

b) Sambucus in append. ad Ranzani indices, pag. 685.

c) Thurnschvart in Ms. memoriis sui temporis. Wie auch Graf Stephan, des Janos (Zapolya) Waida Vatter, so König in Ungarn worden, als le Schloßer, so König Mattjas, eingezogen, und dem Stephan zu treuen Händen gelassen hat, auf die lezt für sich selbst behalten, nicht ohne Verdächtus, wie schriften ausgangen, daß der Stephan zu Wien, den König Mattjas sollt haben umgebracht, von wegen viel bey ihm zusehnden — doch hat gemelter Stephan all des Königs Mattjas Silber Geschiet, gulden gebieth, und anderes zu wegen gebracht, wie man bey seinem Sohn, den Janos, offentlich gesehen hat, mit dem Haben u.

1490.

ro loco, a) ad summum fastigium evectus, &, ut Ducis Tessinenſis filiæ matrimonio jungeretur, effecerat, pro tot beneficiis malam gratiam reddiderit. b) Funus ſecundo Danubio Budam devectum, indeque Albam ductum, ceteris regum tumulis additum eſt. Deſuncto Ranzanus, Lucerinus Epiſcopus, Ferdinandi Siciliæ regis Legatus luculenta oratione parentavit.

Fuit Mathias, exterorum etiam opinione, maximus regum, & belliducum, ſui temporis habitus, armorum, & rei litterariæ amans. Hanc ingenti animo complexus, deſinationem rege dignam conceperat, niſi aliquid Platonicum prætuliffet. Edificia enim prope Budam inſanis ſubſtructionibus moliri cogitabat, in quibus, quadraginta millia diſcentium, procul ab aliorum conſortio, armisque interdictis, ſimul cum Doctoribus commode degere, & ſcientiis operam dare poſſ.

a) Id. ibid. Emrich Deák hat ſeinen Bruder Stephan an König Matjas Hof geholfen, iſt zuvor zu Gran auf den Schloß ein Trabanten Hauptman geweſt, und Vorſteher. Seynd Windiſcher Art, und aus den Dorf Zapolya genannt, Bürtig, iſt ſo viel, hinter dem Feld, oder innhalb des Feld, in Boſna an Erabaten.

b) Id. ibid. der Ilvan iſt hernach Großgroß worden, hat eine von Teſchen zum Weib gehabt, hab ich auch kennt, und auf Trenchin geſehen.

possent. Et jam iusta operis fundamenta eduxerat, cum ob ingruentia paulo post bella, in arctius spacium molitionem contrahens, studium universale, ad normam Academiae Bononiensis, in arce Budensi instituit, accersitis ex Italia, & Germania doctissimis viris, in quos, non habita ratione conditionis, stipendia largissime erogabat, neve adjumenta ad scientias deessent, bibliothecam, Latinis, Græcisque, variarum disciplinarum libris, conducta apud exteros scribarum opera, copiose refertam, omnibus patere voluit. a) Ac his quidem adminiculis studii Budensis, & Bibliothecæ regiae fama brevi per Europam inclaruerat, & magnum Regi nomen conciliavit, fructus tamen in universam Nationem, spe minor dimanavit, communi plerumque errore, cum a summis inchoatur, neglectis iis, quæ ad illa viam sternere solent.

Armorum tamen potior illi cura fuit. In his vitam fere totam traduxit, bellorum causas, ex immodico gloriæ studio, magis quærens, quam aliunde oblatis, ad emolumentum Regni usus, quo factum, ut minorem operam conservandis suis ditionibus, quam conqui- rendis alienis, impenderet. Si Cæsare ho-  
ne.

---

a) Casp. Heltay chron. Hung. Claudiopoli, 1570. edit. pag. 177. Kaprinai l. cit. pag. 315. Fran. Xist. Schier, de ortu cet. biblioth. Buden. Conf. Pray. P. IV. pag. 118.

1490. nestis conditionibus pacato, & corona Regni recuperata, non se rebus Bohemicis, Pontificum rogatu, immiscuisset, poterant provinciae a regno avulsae, repressis Turcis, facile recuperari, & Hungaria forte ad eum, in quo sub Ludovico erat, statum reponi. Sed cum vim omnem in armis poneret, Nationem, ad hæc alioqui pronam, ab artibus, mercimonio, ceterisque institutis politicis, quæ rem publicam præ armis florentem solent reddere, exemplo suo abstraxit.

Erat quidem in palatiis, ædibus publicis, & voluptuariis, cum ad magnificentiam, tum ad decorem struendis, profusus, accitis ex Italia, & aliunde ingenti sumtu, artificibus, verum hi artem cum pecunia, rursus domum referebant, nullo relicto ex popularibus tyronum seminario, ex quo artes ad posteros propagarentur. a) Iustitiæ cultorem, hodie dum vulgus nostrum in eo amissum memorat, cui nihil frequentius in ore est, quam eo sublato hanc exulare. Hinc tot, & tam crebræ  
ab

---

a) Ranzanus Indic. 1. Tom. I. Scriptor. Hung. pag. 329. *Opifices, hoc est, eos, qui dant operam mechanicis artibus, si & multitudinem incolarum, & regionis consideres amplitudinem, paucos inveneris — Ceterum, qui — aut mercatura, aut artium usu vivunt, eorum plerique Germani sunt, non Ungari generis homines,*



ab eo perlatæ leges. Ut munificus in alios erat, ita promissi sæpe immemor: itæ præcipitis, & in mandando superbe imperitans, a) qua de causa, semel, iterumque amittendi regni periculum adiit. Pompæ, cum opus erat, summus ostentator, verum aliquando ita in hac immodicus, ut nomen suum apud externos obæratum reliquerit. b) Sub vi-

1490.

a) Id ipse adeo Rex in instructione legationis ad Ducem Calabriae, fratrem Beatricis Reginae, an. 1489. factus est. *Nemo enim, inquit, Hungaros, & eorum animos magis unquam novit, quam nos, qui eos tot annis sub freno tenuimus. Occasio autem missæ legationis erat, quod Beatrix ab obitu mariti, regnare optaret, ut eadem Instructio habet. Optat quippe ipsa domina Regina per nos effici, ut post nostrum obitum, si scilicet prius, quam ipsam, obire nos contingat, nobis in regimen, & regno succedat, imperiique nostri habenas moderetur, quod nos, etiamsi omni studio conaremur efficere, tamen nequimus, — quodque a nobis non petit tantum, sed continuis suspiriis, & jurgiis, & lacrimis exigere conatur &c.*

b) Litt. Augustini Barbadico Ducis Venetor. ad Stephanum de Bathor Vajvod. Transilv. *Non debet latere magnificentiam vestram, quantum quondam serenissimus Mathias Rex, debebat prudenti civi nostro, Petro Zano, pro gemmis,*  
jo.

**1490.** vitæ finem, cum intelligeret, filium sibi vix  
 successurum, huic magis, quam regno, stude-  
 re visus, cum, quæ regni sumtibus extra  
 Hungariam occupaverat, bonam eorum par-  
 tem, eidem donata relinqueret. a)

WLA-

*jocalibus & aliis mris ab ipso Petro, qui ad-  
 huc satisfactionem suam non potuit consequi,  
 non sine ingenti damno suo. Quapropter &c.  
 Datum in nostro Ducali palatio, die 12. No-  
 vemberis. Indictione XI. 1492. ex autogr.*

a) Id mox patebit ex conditionibus, quas regni  
 ordines cum Jean, Corvino pacti sunt.

## W L A D I S L A U S II.

*Ab anno 1490. — 1516.*

**I** Defuncto iustis pro more solutis, cum 1490.  
hæres legitimus non superesset, Regina vul-  
gatis XVII. Aprilis per regnum litteris, co-  
mitia pro eligendo rege indixit. Candidati,  
qui per oratores suos regnum ambiebant, plu-  
res fuere. Maximilianus pactis, quæ Ma-  
thias, & regni Ordines, de successione olim  
rata habuissent, a) nitebatur: Wladislaus  
Bohemus, & hujus frater Albertus, præter  
sanguinis, quem ab Alberto, & Sigismundo  
regibus traherent, prærogativam, felicitatem  
etiam, si hæc regna, ut olim, Hungariæ junge-  
rentur, proponebant: Joannes Corvinus meri-  
tis sui patris, & ingenti thesauro, ad tuendum  
regnum, idoneo, se sustentabat. In hoc compe-  
titorum concursu, deliberatio anceps, & diutur-  
na fuit. Plerique, quod rem vix sine armis abi-  
turam crederent, non tam regni, quam suo,  
commodo ducti, in eam, a qua periculum sibi  
imminere verebantur, partem inclinabant.  
Itaque divilis votis, pars Maximilianum, qui  
Moraviæ vicini erant, Wladislaum, qui Po-  
lo-

---

a) Recole, quæ ad an. 1463. N. 4. dicta sunt.  
Item litt. Maximiliani ad Hungaros, Lincio d.  
1. Maji, 1490.

1490.

loniæ, Albertum, optarunt, Corvinum vero, qui a Mathia beneficiis affecti erant, designarunt. Beatrix, cui a viri obitu cura regni a Proceribus credita erat, spe conjugii, primum Maximiliano favebat, eumque admonuit, ut in Hungariam properaret, sed, ubi se in litteris ab eo redditis, matrem compellari legisset, senium sibi objici, ægre ferens, vota in Wladislaum, quod cœlebs adhuc esset, facileque amoribus irretiri posset, traduxit, &, ut erat mira animorum captatrix, multos primi ordinis Magnates in suam partem pellexit.

Corvinus, qui arcem regiam infederat, ut reginæ molitiones comperit, Petrum Colocensem Archiepiscopum, ea invita, e custodia dimisit, & hujus fratris, Matthæi *Ersek* opera usus, corona, & thesauro regni potitus, in Sclavoniam abire parabat. a) Perculit ea secessio, regni Ordines, &, ne bello intestino ansa daretur, Stephano Bathorio, & Kinyfio mandatum, ut recedentem consequerentur.

---

a) Litt. reginæ, Dominiq. prox. ante fest. B. Magdalenæ 1490. *Quoniam cum (Matthæum Ersek) una cum ceteris regni æmulis, & conjuratis, coronam sacram, & thesaurum regni, contra omnium aliorum fidelium Prælatorum, & Baronum, & nostræ majestatis consensum asportando, — in manifestam infidelitatem incurrisse manifestum est &c.*

querentur, & nolentem reverti, hostilem in morem habeant. Quarto a Buda lapide, defixis castris morantem, tentato primum frustra amico colloquio, vim adhibent, & facile profligant. Thesaurus quidem regni eo prælio recuperatus est, sed coronam, ut Corvinus pugnae exitum prævidit, cum paucis periculo mature se subducens, Quinque Ecclesias secum abstulit. Id omnibus rationes magnopere conturbaverat, frustranea enim erat, sine corona, de eligendo rege consultatio, ac iisdem, quibus Mathia electo, difficultatibus obnoxia. Quare, pactis ut cum illo ageretur, constitutum. Delecti sunt igitur, qui cum eo transigerent, Hippolytus Estensis, Archiepiscopus Strigoniensis, cum septem Episcopis, & Stephanus de Bathor cum Stephano Zapolya, aliisque regni Baronibus, quorum auctoritate, spes erat, ut pacis consilia admitteret. Conditiones, juvenis ambitioni accommodatae, & hujus tenoris erant. a)

1490.

Si communibus Ordinum suffragiis, Hungariae Rex non eligeretur, promissus ei est titu-

---

a) Ex autogr. *Dat. in præfata nostra congregatione Budensi, in octava Sacratissimi corporis Christi 1490. Has condiciones etiam Wladislaus ratas habuit. Dat. in castris exercitus nostri, prope villam Farkashyda, Sabbath, prox. ante fest. S. Petri ad vincula, 1490.*

1490. titulus regis Bosniæ, quo illum Rex electus, Prælati, & Barones regni, alique deinceps compellabunt, dabuntque operam, ut quarto post die, quam futurus Rex coronatus fuerit, ipse etiam corona regni Bosniæ incingatur: præter hunc titulum, etiam Ducatus, Sclavoniæ, Oppaviæ, & Liptoviæ, tum Banatus Dalmatiæ, & Croatiæ, cum solitis eorum proventibus, retinebit, salvis tamen incolarum immunitatibus, &, ut regi fidelitatem promittat. In Sclavonia, possessiones, si ultra quinquaginta colonos non numerent, potestatem habebit, cui volet, donandi, ea tamen conditione, ut Rex futurus ratas habeat: castra, quæ titulo pignoris tenet, hoc diluto, suis dominis reddet; quæ autem jure hæreditario in Transilvania, in Comitatu Zagoriæ, in Hungaria Ginsium, & Neosolium cum fodinis, in Austria *Reczium*, *Wolffersdorfium*, in Moravia *Hunnobrodum*, in Sclavonia *Kemlecum*, a patre donata possidet, perpetuo jure ad ejus hæredes pertinebunt, quibus si caruerit, ad coronam regni devolventur: reliqua vero, quæ sive in Hungaria, a) sive in Austria, Stiria, Carniolia, Carinthia, & Silesia, demto Oppaviæ Ducatu, ac Lusatia, beneficio patris, possidet, regno, cujus impen-

---

a) Pactionum tabulæ, supra quadraginta castra numerant, quæ Corvinus in Hungaria, Croatia, & Sclavonia possederit.

impendiis occupata erant, bona fide restituet, 1490.  
 Bibliothecam, pro decore, & utilitate regni  
 a patre conditam, non patietur distrahi, in-  
 tegrum tamen ei erit, consciis Prælatiſ, &  
 Baronibus, libros ex ea in ſuum uſum delige-  
 re. Atque hæc, ſi ipſe electus fuerit, ſe, lit-  
 teris editis, ſervaturum pollicebitur; ſin alter  
 præ illo, Rex fuerit renunciatus, is, ut idem  
 præſſet, regni Ordines curabunt,

II. His conditionibus, Sigismundi Quin-  
 que-Eccleſienſis Episcopi, hortatu perſuaſus,  
 aquievit, Budamque redux coronam regni  
 Ordinibus conſignavit. Nihil itaque jam  
 erat, quod electionem morari poſſet. Itum  
 eſt in ſuffragia, & Urbano Agrienſi Epi-  
 ſcopo præeunte, communibus votis Wla-  
 diſlaus, Rex renunciatus eſt, miſſique con-  
 feſſim Legati, qui eum ad capeſſendum re-  
 gnum invitarent. Admonitu tamen prioris  
 temporis, quo Mathias multa præter Major-  
 um inſtituta, ſuo arbitrato decreverat, actum  
 eſt de conditionibus, quibus regnum electo  
 deferendum eſſet. a)

Earum ſententia hæc fere fuit: Immuni-  
 tates, & conſuetudines regnicolarum illiba-  
 tas ſervabit, & quæ Mathias adverſum has  
 ſtatuerat, antiquabit, præſertim florenum  
 auri, ſæpius ab illo, contra quam promiſe-  
 rat,

---

a) Exſtant in Cod. jur. patr. Tom. I. pag. 255.

1490.

rat, imperatum, non exiget, & ordinariis regni proventibus contentus erit. Bona sive a decessore, sive ab aliis vi occupata sint, ut secundum juris formam dominis suis restituantur, curabit, nec sinet, ut corona unquam efferatur e regno, sed Wissegradi, prisco more, conservatoribus custodienda tradatur. Promittet quoque, Moraviam, Silesiam, Lusatiam, & adnexas sex civitates, non ante a regno abstrahendas, quam precium in Conventu Olomucensi, ex pacto statutum, a) fuerit redhibitum, idque in domo thesauri regii, publicis necessitatibus servandum, reponet. Similiter, quæ Mathias in Austria, Stiria, Carniola, & Carinthia, armis asseruerat, inconsultis Prælatiis, & Baronibus non restituet, si autem, numerata ab Imperatore, vel rege Romanorum, pecunia, restituerit, hanc itidem ad publicas regni necessitates servabit. Quia vero duorum regnorum cura nunc illi incumbat, Bohemix autem nihil ab hoste periculi sit, in Hungaria potiore temporis partem exiget, & in hac Hungarorum, non exterorum consiliis utetur, nec dignitates, & officia aliis, quam Hungaris, conferet: severe etiam vetabit, ne a judiciis, *Octavalia* nostri vocant, ii, quorum arbitrio causæ ventilantur, sine gravi, & legitimo impedimento, absint, neminemque judicum coget, ut

---

a) Conf, quæ ad an. 1479. memorata sunt.



ut favore cujusquam ductus, sententiam ferat, minime autem omnium, suggestione, aut querelis aliorum, se adduci patietur, ut quemquam, cujuscunque sit conditionis, præter juris consuetudinem, in rebus, & persona, impediat, vel lædat, aut occasionem nocendi de industria aucupetur; de moneta nihil sine regni Ordinibus constituet, atque hæc omnia ante coronationem rata habebit. 1490.

Sunt in his conditionibus non paucae, quæ vitia Mathiæ, in regimine commissa, satis perspicue declarant, quibus etsi quidem, illo vivo, regni Ordines sæpe cautum voluerint, nunquam tamen, partim potentia armorum illius territi, partim, quod animis fere semper discordes essent, mederi poterant, quo factum, ut cum futuro rege, majori licentia sibi agendum putarent, elique id, quod sciam, primum omnium ante coronationem, inter Regem, & Ordines, conventionis apud nos vestigium, qua auctoritati Regiæ limites a Magnatibus, qui fere omnia ad suum, non item commune regni bonum, revocabant, præscripti sunt. a) Atque hinc maiorum, quibus Hungaria deinde involuta erat, origo. Cum enim adstricta potestate Regis, huic se pene pares ferrent, contemni sensim reliqua Nobilitas, & hæc vicissim illis primum quidem obniti, postea largitionibus

I i 2

po-

a) Istvanfy hist. I, 1. ad initium,

1490. potentiorum in partes distrahi, & factionibus inter se dissidere, regnumque inter has, extero hosti præda fieri cœpit.

III. Wladislaus, postquam ex Legatis, se regem electum esse comperit, iter in Hungariam decem equitum, & quinque peditum millia ducens, acceleravit. Regnum ingressus, Prælati, & Barones magno numero, ad *Farkashidam*, quasi luporum pontem dicas, occurrunt, salutatoque conditiones, quibus eidem regnum delatum vellent, offerunt, quas ille, quid enim adipiscendi regni causa non faceret, III. Calendis Augusti ratas habuit, simulque conventionem, quam regnum cum Joanne Corvino inierat, eodem die confirmavit. Inde Budam deducto, apparatus ad inaugurationem facti, quos nova molitio Corvini, qui cum Agriensi, Varadiensi, Quinque-Ecclesiensi, & Jaurinensi, episcopis, tum Stephano Bathorio, Bartholomæo Auranzæ Priore, & Thoma de Raska, in societatem coaluerat, fere intercepti, verum cognito, hanc ad mutuum duntaxat contra privatos inimicos auxilium pertinere, a) metus evanuit. Tanto major regi a fratre Alberto incussus est, qui, quamquam sciret, misso ex Hungaria ad Casimirum Legato, de concordia inter se, & fratrem agi, tamen armatus, re-

---

a) Litt. convention. munitæ 7. sigill. Dat. Budæ in festo assumption. B. M. Virg. 1490.

regnum ingressus, Septembri mense jam castra ad *Zerenchum* defixerat, a) qua hostis propinquitate, regni Ordines veriti, ne vixdum sospita dissensio recrudescat, indicta Albam profectione, Regem XVIII. Septembris, solito ritu inaugurarunt. b)

1490.

Interea res Austriæ penitus collapsæ sunt. Maximilianus, deductis ex Suevia copiis, quibus Albertus Bavarus suas adjunxerat, occupatis per iter plerisque castris, quæ Hungari tenebant, Viennæ appropinquabat. Stephanus Zapolya, relicto urbi præsidio, & convasato Mathiæ thesauro, in Hungariam abiit, cujus recessus, fugæ similis, animos civibus addidit, ut, redactis in arcem Hungaris, Maximilianum læti acciperent, qui tentatis aliquot assultibus, præsidarios ad deditionem compulit, brevique post subacto Leita-ponto, Hungariæ imminebat. Wladislaus, ne sibi cum duobus hostibus res esset, Legatos ad eum miserat, qui de illata sibi injuria qucererentur, & litem de successione, delectis utrinque arbitris, committi peterent. Verum is injuriæ crimen facile ab se repulit, & in Hungaros conjecit, qui pacta successionis, a

I i 3

Ma.

a) Litt. Alberti ad Bartphens. Dat. in campo ante possession. *Zerench*, fer. 5. prox. post fest. B. Egidii. 1490.

b) Litt. Wladislai, Dat. Albæregali fer. 5. prox. post fest. exalt. S. crucis eod. an.

Mathia, & regni Ordinibus, publica stipulatione inita, Wladislao electo, irritassent, nec illud locum habere posse, quod ad hæc firmanda, se coactos esse dicerent, alioquin nullum fœdus, quantumvis fide publica sancitum, inter gentes futurum, quod hac ratione, impune violari non possit. Dimissis cum hoc responso Legatis, sub initium Octobris, plurimum Magnatum, a) quibus Wladislai electio non probabatur, hortatu, Hungariam ingressus, occupatis Kismartonio, Sopronio, & Günsio, partem copiarum Zagrabiam, quæ sponte se dederat, misit, ipse Albam cum reliquo exercitu profectus, urbem XVI. Novembris b) assultu cepit, & militi diripiendam dedit.

Veszprimium quoque a loci Episcopo, spe obtinendi Viennensis episcopatus, Maximiliano traditum, qui, sumto abhinc titulo Regis Hungariæ, & imposito, quantum satis esset, Albæ præsidio, Budam versus movit, cum milites coorta seditione, ob Albensem prædam inter pedites, & equites non rite distributam, tum stipendia nondum soluta, defer-

---

a) Horum nomina vid. apud Pray P. IV. pag. 237.

b) Manus cœva ad d. 16. Nov. in Breviar. Strigon. hæc notavit: *in festo S. Othmari civitas Albaregalis fuit despoliata per Maximilianum regem Romanor.*

fertis signis, in Germaniam rediere. Itaque a proposito desistere coactus est, alioquin Budam facile occupaturus, quod Wladislaus, vim præcipuam fratri Alberto opponens, præsidio fere vacuum reliquerit. Præmiserat is jam Octobri mense, magno numero copias, quæ Polonos ulterius progredi vellent, quas ipse brevi consequutus, ut sanguini parceret, evocato ad colloquium fratre, Glogoviensem Ducatum ei se cessurum promisit, si bello abstineret. Hoc dono pacatus, Hungaria excessit, tametsi concordiam non diuturnam fore, plerique existimarent, ut ex eventu patuit. a)

IV. Ipsa enim sequentis anni hyeme, rursus Hungariam ingressus, Cassoviam obsedit, sed pugna cum Stephano Zapolya congressus, semel, iterumque inferior, Legatis, a patre interea missis, obsequutus, pacem cum fratre, his conditionibus iniit: Wladislaus, legitimus Hungariæ rex haberetur, hic vicissim fratri Alberto, præter Glogoviensem Ducatum, etiam Saganensem jure hæreditario cederet, similiter post obitum Conradi Ducis Albi, quæ hujus sunt, obtinebit, interea au-

I i 4 tem

a) Bonfinius Dec. 4. l. 10, Sambucus in append. ad Ranzani indic. Ludovicus Tubero l. 3. Cuspinianus de Cæsarib. in Maximiliano l. Roo l. 10. Linck. l. cit. ad an. 1490. Litt. regis dat. Budæ in fest. B. Galli.

~~1491:~~ 1491: tem quotannis proventus ex ejus dominis reddi solitos, numerato ære pensabit: pro Oppaviæ Ducatu, quoniam jure hæreditario Joannis Corvini esset, si alio non posset commutari, tria quovis anno florenorum millia a Rege percipiet; qui Tostensem quoque Ducatum eidem adjunget, salvis ubique incolarum immunitatibus, & prærogativis, atque hæc omnia juri fraterni sint, eousque, donec regnum Poloniæ obtinuerit, tum vero ad Hungariæ reges devolvantur, si contra eveniret, & hæredes relinqueret, ad hos æquo jure, ea tamen conditione, pertinebunt, ut regibus Hungariæ, clientelares sint, interea autem, dum possessionem Ducatus Glogoviensis adeat, Eperiessum, & Cibinium in Hungaria, pignoris loco tenebit; amnestia denique non ad eos solum, qui partes Alberti fuissent sequuti, sed illos etiam, quos Matthias olim exulare jussisset, pertineat. a)

Pace his conditionibus cum Fratre stabilita, Albam, aliaque loca a Maximiliano occupata, prius recuperare constituit, quam eidem auxilia in Comitibus Norimbergæ decer-

---

a) Litt. regis dat. Agria, Sabbath. prox. post octav. epiphan. item ex Mochy fer. 3. prox. ante fest. Vincentii M. rursus Cassovia fer. 6. prox. post Dominic. Reminiscere. 1491. Sommersberg diplom. Boh. Siles. Tom. I. apud Pray P. IV. pag. 219.

ternentur. Stephanus de Bathor, cui eam 1491.  
 curam Rex mandarat, urbem V. Junii emi-  
 nus obsedit, quam ipse cum XL. fere milli-  
 bus non longe post sequutus, undique cin-  
 gens, diu, noctuque eminus, verberari jussit.  
 Germani, cum viderent, moenibus labefa-  
 ctis, locum defendi jam non posse, impetra-  
 tis quinque dierum induciis, XIX. Septem-  
 bris hac conditione dimissi sunt: ut spolia  
 templis erepta restituant, quibus redditis,  
 facultas iis, cum omnibus suis impedimen-  
 tis, abeundi dabitur, triginta plaustris, ad  
 vehendas sarcinas, attributis, & manu mili-  
 tari, quæ illos, ne per iter colonorum injuriis  
 pateant, ad Austriæ limites tuto deducet.  
 Alba dedita, eadem celeritate Veszprimium,  
 & castrum ferreum recepta sunt, nec minus  
 feliciter Corvinus, profligato Székelyio, qui  
 Maximiliani partes amplexus erat, rem ad  
 Zagrabiam gessit, Turcæ etiam ad Hunum  
 amnem a Croatis magna clade affecti, & ca-  
 stra aliquot Austriæ, Danubio adflita, in pot-  
 estatem redacta sunt. a)

### Res

- 
- c) Bonfin. Dec. 5. l. 2. Illyanfy l. 1. ad hunc  
 an. Tubero l. 5. Litt. regis in vigil. fest.  
 visitationis B. V. item in fest. Margaritæ V. &  
 M. Dat. in castris exercit. nostri sub obsidione  
 civitatis Albæ regalis 1491. Manus cœva Bre-  
 viar. Strigoniens. In festo S. Bonifacii mense  
 Ju.

1491. Res secunda hactenus fortuna ab Hungaris gestæ, Cæsarem, & Maximilianum, ad ineundam cum rege pacem permoverunt, præsertim, quod auxilia ab Imperialibus promissa, nimis lente, nec rite sibi administrari viderent. Nec Wladislaus, quod iniquies Alberti fratris ingenium novos in superiore Hungaria motus concitare videretur, a) ab ea abhorrebat. Constitutis igitur Posonii utrinque arbitris, pax his conditionibus, VII. Novembris coaluit. Wladislaus, semoto omni litigio, verus, & indubitatus Rex Hungariæ maneat; hæc ab ejus obitu, solum ad masculos hæredes devolvatur: concordia inter Principes, regnaque illorum, & incollas perpetua sit, mutuoque se adversus hostes

---

*Junio Stephanus de Bathor obsedit civitatem Albam regalem contra Alemannos. Litt. regis Palotha in vigil. B. Laurentii M. Ceterum, in Austria quoque, certa castra ad portum Danubii expugnari fecimus, propter quæ omnia jam etiam serenissimi DD. Romanor. Imp. & Rex, nobiscum de pace, & concordia agere coeperunt, & his diebus Oratores, & Consiliarii utriusque partis convenire debebunt.*

a) Litt. regis Buda in festo B. Andreæ Apost. Sed hic (Albertus) nescimus, quo suscepto consilio — novas guerras, & flandras, in hoc regno temere exsuscitavit, &c.



res juvent: prædæ, spolia, vastationes, & 1491.  
 damna a Mathiæ temporibus illata, pro abolit-  
 tis utrinque habeantur. Wladislaus, castra,  
 civitates, aliaque loca, quæ Mathias in Au-  
 stria, Stiria, Carniolia, & Carinthia occupa-  
 verat, relictis ubique tormentis, bellicoque  
 apparatu, Cæsari restituet, facietque, ne  
 Corvinus in his reddendis morosum, & diffi-  
 cilem se præbeat; Maximilianus vicissim, quæ  
 in Hungaria, Croatia, & Sclavonia armis  
 subegit, bona fide cedit, sumtum tamen bel-  
 li, Rex Hungariæ intra biennium, centum  
 millibus florenorum auri pensabit, condona-  
 bit etiam illa centum millia, quæ Cæsar Ma-  
 thiæ regi debebat, litterasque, quibus fidem  
 suam obstrinxerat, eidem reddet, si inveniri  
 possint, sin contra, aliis litteris immunem ab  
 hoc onere declarabit: præterea, omnibus,  
 qui Maximiliani partes hactenus sequuti sunt,  
 erratorum veniam faciet, neutri tamen post-  
 hac fas sit, rebelles, & alterutri Principi in-  
 fideles, in suas ditiones recipere, protegere,  
 aut re, consiliove iis opitulari, quin adver-  
 sum tales sibi vicissim auxilium præstabunt,  
 captivos denique utraque pars liberos di-  
 mittet. a)

sed,

---

a) Auctar. diplomatar. ad hist. Ursini Velii pag.  
 238. — 266. & ex hoc apud Pray, Par. IV.  
 pag. 231. — 247.

**1491.** Sed nullum pacificationis caput, majore studio, & pluribus cautelis declaratum erat, quam jus successionis in Hungaria, de quo ita utrinque conventum, ut Wladislaus non solum vetera pacta de successione, inter Cæsarem, & Mathiam inita, confirmet, sed, indictis etiam anno futuro ad IV. Nonas Februarii, a) Comitibus, quibus Maximiliani oratores quoque intersint, ab regni Ordinibus, pro se, & suis hæredibus, edito sacramento, & litteris exaratis, hunc in modum corroborari faciat: si Wladislaum sine legitimis liberis masculis decedere contingat, aut liberos quidem relinqueret, hi autem sine legitimo hærede morerentur, Maximilianum, vel, hoc mortuo, aliquem ex filiis, aut ab his linea recta propagatum, pro vero, & legitimo rege Hungariæ, agnoscant, eique, ubi regnum capessiverit, tamquam do-

---

a) Litt. regis ad Cassovien. Buda in fest. B. Andreæ Apost. *Quibus autem legibus, & conditionibus pacem ipsam pepigimus, necessarium putavimus, — etiam fidelitatibus vestris, plane omnia communicare, ob quam quidem rem — ad festum Purificationis B. Mariæ V. proxime venturum, duximus generalem quamdam Dietam universis regnicolis indicendam &c.* Pacis hujus quidem mentio fit in Decret. Comitior. an. 1492. conditiones tamen nullibi memorantur.

domino suo, consueta obsequia, & fidelitatem præsent. Quia vero aliqui, præsertim, quorum id interest, ab his comitiis abesse possent, Rex alium eodem anno conventum diæ Pentecostes celebret, in quo, qui prius aberant, idem jure jurando, & scripto ab se concinnato, ratum habebunt, nemoque deinceps ad Prælaturas, & primas regni dignitates admittatur, nisi hæc pacta se servaturum promittat; custodes quoque coronæ, quoties officium adibunt, juramento pollicebuntur, se coronam regni, Wladislao, ea, qua memoratum est, ratione, defuncto, nulli alteri, quam Maximiliano, aut hujus, qui superstitēs erunt, posteris consignaturos esse. Si vero hæres ab Wladislao relictus minorēnnis fuerit, tutores eadem se servaturos, fidem hujus nomine, facient, qui, ubi legitimam ætatem attigerit, idem præstabit, qui modus ab hærede ad hæredem constanter deinceps servandus erit. Atque hæc Posonii primum per pacis arbitros, VII. Novembris constituta, dein a potioribus, non tamen omnibus, regni Prælatīs, Baronibus, & Proceribus, appensione Sigillorum Budæ XXIX. roborata, & a rege VI. Decembris firmata sunt, Maximilianus vero, cujus res inprimis agebatur, jam octiduo ante Oeniponti rata habuit. a)

a) Auctar. diplom. ckt. Conf. Pray Par. IV. pag. 247. seq. Müller, 1. cit. 6. Vorstellung, 6. 49. §. 5. pag. 195.

1492.

V. Supererat Cæsar, qui, ut fere in rebus suis lentus erat, sequente primum anno, cum Lincii ageret, pridie Nonas Januarii, suo etiam nomine, pacta stabilivit. Non eum tamen, qui sperabatur, exitum pacificatio habuit in Comitibus, quæ ad diem II. Februarii indicta erant. Ut enim capita illius legi coepta sunt, multi palam obfrepere, servitutem hanc, non pacem quiritari, & prope erat, ut violentas manus Legatis injicerent. Itaque cessatum, nihilque aliud ex ea in Comitiorum Acta, quam pacem cum Cæsare, & Romanorum rege, confectam fuisse, relatum est. Cetera, quæ in iis acta sunt, partim ad ea, quæ Rex in aditu regni *Farkashidæ* se servaturum receperat, partim quæ a decessoribus in bonum rei publicæ jam sancita erant, firmanda pertinebant. Notata est præterea Mathiæ, bona aliis præter juris ordinem adimendi facilitas, quæ ut indicio est, quam arbitrarie imperitarit, ita quoque, ut licentiæ huic deinceps modus poneretur, statutum, ut quæcunque sive ab illo, sive Regina, aliisque, vi occupata erant, iis restituantur, quorum antea fuisse, iudices compererint. Illud autem, ut reor, præter Majorum instituta factum, quod regis potestas donandi ad centum colonos solum, quos suo arbitratu aliis conferre posset, adstricta, si vero hunc numerum excederent, consilio Præ-  
lato.

latorum, & Baronum opus ei fuerit. a) Hac-  
tenus enim Andreas II. solum exteris nullas  
possessiones se collaturum promiserat, b)  
idem ab Alberto factum, qui præterea, ju-  
ra regalia, & coronæ, nec cum, nec sine a-  
liorum consilio, se pignori daturum, vel in  
perpetuum venditione alienaturum, pollici-  
tus erat; c) ipse Wladislaus quoque, dum ei  
conditiones offerrentur in regni aditu, non  
aliis, quam Hungaris de regno bene meritis,  
se bona donaturum, nulla isthuc, adstrictæ ad  
certum numerum in donando regiæ potesta-  
tis, facta mentione, sponndit. d) Credibi-  
le est, regni Ordines fuisse veritos, ne  
ob profusam decessorum regum liberalita-  
tem, & nimium Mathiæ, quo in filium  
suum ferebatur, studium, proventus regii ita  
sensim attenuentur, ut nec majestatem suam  
pro dignitate regia tueri, nec potestatem in  
rei publicæ commodum, exerere posset.

Agebatur Comitiorum tempore, privatim  
etiam de matrimonio inter viduam Reginam,  
&

a) Decret. an. 1492. art. 9.

b) Decret. an. 1222. art. 26.

c) Decret. an. 1439. art. 16.

d) Inter condiciones 13. Cod. patr. Tom. I. pag.  
257. Nisi forte, dum Albæ coronatus erat, id  
promississet, cum diserte isthuc addatur, *prout  
continetur in litteris juramentalibus suæ Ma-  
jestatis.*

**1492.** & Regem ineundo, quod illa, corrogato Opti-  
 matum patrocínio, vehementer urgebat. Ve-  
 rum Wladislaus præterquam quod suoapte ab  
 hoc abhorreret, illud etiam ægre ferebat,  
 quod virosa mulier, apud Pontificem; quasi  
 spe facta matrimonii, rem cum ea habuisset,  
 nomini suo maculam aspergere, ausa esset.  
 Itaque accepto ab iisdem, quorum patrocínio  
 hactenus nitebatur, consilio, in Italiam re-  
 versa est. Vixdum a molestiis illius se expe-  
 dierat, cum mors patris Casimiri, VII. Idus  
 Junias defuncti, novas ei curas confecit, ve-  
 rito, ne forte fratres regni causa inter se dis-  
 fidere inciperent. Quare misso in Poloniam  
 Legato, Jus suum in fratrem Albertum trans-  
 tulit; cum ut ea, quæ nuperna pacificatione  
 eidem in Silesia cedere coactus erat, juri pri-  
 stino assereret, tum, ut contra refractoriorum  
 conatus, sibi illum conciliaret. Exstabant  
 enim jam tum quædam domi indicia, ex qui-  
 bus se non eo, quo oportebat, loco apud eos,  
 qui dignitate, & opum affluentia ceteris præ-  
 stabant, haberi intelligebat. a)

Redierat sub idem tempus, quem anno  
 priore Constantinopolim miserat, Emericus  
 Czoborius, qui inducias quidem ea conditio-  
 ne, ut neutris in hosticum vi, dolove ingredi,  
 nec

---

a) Litt. Pontif. ad regem, apud Pray, P. IV.  
 pag. 249. regis ad eund. ibid. pag. 253. Som-  
 mersberg Mantissa. diplom. pag. 84.

nec castrum, urbemque occupare fas sit, pro-  
rogatas affirmabat, parum tamen barbari in- 1492.  
genio fidendum esse, qui ad Sophiam eos ap-  
paratus faciat, ut incertum sit, in quam par-  
tem belli molem transferre cogitet, videri  
tamen Hungariam ab eo designari. Idem Pe-  
trus Colocenſis Archi-episcopus Regi signi-  
ficaverat, certis nunciis Belgrado ad se per-  
latum esse, Cæsarem Turcarum ad *Plodynum*,  
præter ingentem peditum, equitumque nume-  
rum, viginti Timariotarum millia, in suo co-  
mitatu habere, pluresque ex Asia illum sub-  
sequi iussos esse. Nihil proinde dubitatum est,  
quin, induciarum simulatione, bellum paret,  
præsertim, quod Szabácsum, nocturno assul-  
tu frustra ab hoste tentatum fuisse, recens  
significatum esset. Belgrado igitur inprimis,  
& Jayczæ, ac Severino provisum, Temes-  
varino item addita nova opera, & præsidium,  
quantum ad vim arcendam satis esset, impo-  
situm. a)

Verum Bajazetes, solitus alibi minari, &  
vires alio convertere, hoc apparatu Transil- 1493.  
vaniam in annum sequentem designaverat.  
Hanc illius jussu Jacupes, Bosniæ Præfectus,  
cum Alibego, ipsa hyeme transmissis Danu-  
bio, sed inauspicata fortuna, ingressus, cum  
se spoliis agendis occupat, a Bartholomæo  
Drag-

a) Litt. Colocenſ. Archiep. ad Regem apud Pray  
l. cit. pag. 250 & 252.

**1493.** Drágfio, provinciæ Vajvoda, circumventus, amisit quindecim suorum millibus, castris, ac impedimentis exutus, cum paucis in adversam fluminis ripam evasit. Relatam ex hoste victoriam Wladislaus, datis Romam litteris, oratori suo, Nitriensi episcopo, significavit, quas dum hic Pontifici, & Cardinalibus, in Beatricis causa occupatis, legisset, Pontifex felicem successum Regi gratulatus, eum simul a sponfione matrimonii, quam Beatrix prætexebat, liberum pronunciavit, vetuitque huic, ne ullam deinceps illius mentionem faceret. Simili sententia initam olim sponfionem inter Blancam Mediolanensem, & Joannem Corvinum, irritam declaravit, sponsa, quæ non nisi Regi nuptura erat, non invita. *a)*

Dum hæc Romæ aguntur, rege, quod ab importuna muliere tandem liberatus esset, ni-re læto, Turcæ, cladem nuper in Transilvania acceptam ulturi, Croatiam, & Carnioliam pervagati, sæde omnia populabantur, quos dum nostri hominum, rerumque præda onustos, reditu intercludere vellent, dissentientibus inter se ducibus, cum hoste congressi, desideratis quinque millibus, signa, & castra amisere. *b)* Jacturam hanc Rex eo gravius  
tu-

---

*a)* Raynaldus ad. an. 1493.

*b)* Leunclavius hist. Musulman. ad an. 1494.

ob diversam hegyræ rationem.



tulit, quo magis metuebat, ne, quod Ducum  
 dissidio peccatum fuit, suæ, qua se alias jam  
 a suis notari audierat, desidiæ tribuatur. Ac-  
 cessit, Cæsare XIX. Augusti defuncto, altera  
 cura, ne Maximilianus proposito suo inhærens,  
 pacta successionis in proxime futuro conven-  
 tu ab regni Ordinibus, ut Posonii conventum  
 erat, firmari postulare, quod quam arduum  
 esset, ex nuperna Ordinum repugnantia præ-  
 videbat, quia tamen fidem suam liberare vel-  
 let, rem in aliud tempus, dum animi ipsa  
 mora subsidant, differri optabat. Viennam  
 igitur officii causa, Urbanum Agriensem Epi-  
 scopum, & Nicolaum Banfium misit, qui Cæ-  
 saris funeri interessent, &, si usus ferret, quæ  
 Maximiliani mens esset, periclitentur. Sed  
 cum reversi, illum in proposito perflare, re-  
 ferrent, ingenti solitudine regem implevere,  
 cum facile conjicere potuerit, quem exitum  
 res in Comitibus, mense Septembri celebra-  
 dis, habitura esset. Et re ipsa, vix sub ipsum  
 conventus initium, de pactis cum Maximilia-  
 no initis, Ordinum consensu firmandis, sen-  
 tentiæ rogatæ erant, cum res jam prope tu-  
 multum fuit, palamque ignavia regis sugil-  
 lata, &, Ordinum jussu per Zapolyam Pala-  
 tinum, eidem oggesta est, cui Rex commo-  
 tum animum colligens, respondit; culpam  
 non tam in se, quam regni Procures, qui con-  
 temta dignitate regia, suo arbitratu omnia  
 agerent, malisque artibus regnum, quod mu-

1493.

1493. **tu**is cædibus, fortunarumque direptionibus satis jam labefactatum sit, conjiciendam esse, se, amotis ex Hungaria Polonis, & Germanis, & facta cum utrisque pace, compressis præterea domi seditiosis, regno optime consultum voluisse, per illos proin stare, ut fructus pacis, cui sub Mathia similem non habuissent, in regnum redundet; a) magnos quidem in regni aditu proventus sibi fuisse promissos, nunquam tamen integre redditos, & quos ipse hactenus in utrumque bellum impendisset, a Bohemis subministratos esse. b)

His altercationibus, nulla fere re, quæ ad firmanda pacta attinebat, solumque *Kishorvatho*, ob infidelitatis crimen bonis omnibus exuto; perfecta, conventus solutus est. c) Fuere tamen, quamquam pauci, qui pacta successionis suo assensu firmarint, sed potior  
No-

---

a) Litt. regis ad Borsfodien. d. 2. Pentecost. 1492. *Peperimus denique tantam vobis pacem, & tranquillitatem, ut similem vos habuisse, nemo ex vobis est, qui recordetur.*

b) Auctar. diplomat. l. cit. pag. 323. Somersberg l. cit. ad hunc an. Litt. Colocenſ. Archiep. apud Pray l. cit. pag. 252. — 258. Raynald. ad h. a. Peuterus in Maximiliano & Philip. l. 5. c. 2. Bonfin. Dec. 5. l. 3. Istvanſi l. 1. in fin. & l. 2. init. Roo l. 10. & 11. Tubero l. 4. §. 14. Cromerus l. 30.

c) Decret. regis apud Pray l. cit. pag. 258.

Nobilium pars, a Palatino in ejus partes 1493.  
 pелlecta, adversa erat, & ut Maximiliano  
 successionis spem omnem præcideret, coro-  
 nam, sine qua regnum legitime adire non  
 posset, mutatis, injussu regis, illius custodi-  
 bus, curæ Palatini, & ne in hunc solum  
 invidia recideret, Episcopi quoque Agriensis,  
 Thomæ Bakoczii, commiserat, qui constitu-  
 tos ab se arcis Wissegradiensis Præfectos,  
 juramento adstrinxerant, ne coronam loco  
 moveri sinant, neve illam, Palatino, & Epi-  
 scopo inconsultis, ulli petenti, ne regi qui-  
 dem, aut Prælatis, regnique Baronibus  
 consignent, officio, si custodibus visam fue-  
 rit, decedant, locumque dent iis, quos illi  
 substituerint. Custodes ipsos, si majore, quam  
 in arce sint, militum numero venirent, ca-  
 strum nunquam ingredi patientur, nisi forte  
 id ab hoste obsideretur, tum vero totidem ad-  
 mittent, quot in castro morantur, memine-  
 rintque, se, non majori fide Episcopo, quam  
 Palatino, & Joanni hujus filio, obstringi. a)  
 Cur hic Joannes Zapolya, Palatini filius,  
 qui per ætatem nullo adhuc in re publica  
 munere inclaruerat, partem in corona cu-  
 stodienda habuerit, non satis liquet, nisi for-  
 te Palatinus hac ratione ei viam ad regnum  
 sensim parare voluerit, quod ei vix e cunis  
 K k 3      \*      egres-

---

a) De Rewa comment. de corona Tom. II. scri-  
 ptor. rer. Hung. pag. 458.

1493.

egresso, jam mortuo Mathia, destinasse ferebatur. a) Certe, qui hujus thesaurum olim suum fecerat, & nunc, non modo jus regium, custodes enim coronæ constituere, semper regum erat, violente usurpavit, sed spreto etiam severissimo regis mandato *Zomborinam* Corvini castrum, in suam potestatem redexit, & affinitate cum Laurentio Duce de Ujlak, regis adversario, contracta, vires, consilia, opesque conjunxit, non inani conjecturæ locum præbet, eum filio suo, ut ex eventu patuit, jam a teneris animum ad regiam dignitatem aspirandi, ingenerasse. b) Sed de hoc alias uberior memorandi locus erit.

1494.

VI. Wladislaus videns, magnam suorum partem a nuperna cum Maximiliano transactione vehementer abhorrere, quin se despica-

---

a) Herberstein comment. rer. Moscov. pag. 148. *Memini enim me audivisse a Joan. Laszky, qui Casimiri reg. Pol. secretarius, ac postea Archiep. Gnesnen. fuit, hunc Stephanum (Zapolya,) cum, Mathia rege mortuo, — de creando novo ageretur; filium suum Joannem, adhuc infantem complexum, dixisse, si tantulus esses, fili, modo corporis paulo majore ostenso, nunc Rex Hung. esses, idque idem Archiep. eeu bene ominatum — non desistit jactitare, cum inter nos de pace inter principem meum (Ferdinandum) & Joannem concilianda, ageretur.*

b) Istvanfi 1. 2.

spicatu etiam haberi, ut presidium sibi contra horum molitiones pararet, cum fratre Alberto Leuchoviam, Poloniæ finibus propinquam urbem, condixit. Convenere eo etiam Sigismundus, & Fridericus, Alberti fratres, regioque more accepti sunt. Palatinus Zapolya, quod regem ob vi occupatam Corvini arcem, sibi iratum vereretur, non prius, quam impetrata impune redeundi venia, adfuit, neque tamen, dum illi inter se agerent, in consiliorum partem admissus est, quod ei suspicionem moverat, quasi Rex *Kiliam*, & *Bielogradum*, quæ juris Hungarici in Moldavia erant, Polonis cedere velit; quod ut facile a multis creditum est, ita novam occasionem eorum animos a rege alienandi præbuit, licet reges id solum in eo conventu inter se transegerint, ut sibi contra intestinos hostes, & refractarios, mutuo auxilio essent. Rex salutatis postremum fratribus, *Cassoviam*, & hinc in *Transsilvaniam* profectus, pacata provincia, & imperata incolis pecunia, *Temesvarinum* veniens, bellum in *Laurentium Ducem*, qui regem bovis nomine compellare per contumeliam solebat, decrevit, cura gerendi illius *Dragfo* credita, qui transmissis *Danubio*, *Uilakum*; præcipuam Ducis arcem, expugnavit, & cum hac multis ab ejus societate abstraxit. Hac jactura Dux territus, Palatini opem implorabat, qui cum personam magis imperantis, quam de-

**1494.** precatoris præferret, causamque ad se pertinere, Regi nunciaisset, hic graviter offensus, capto Uilako, oppidum S. Demetrii, reliquasque Ducis arces in Sirmio occupari iussit, eademque celeritate Kishorvatus, quadri-duo omnibus arcibus exutus, mox tamen, postquam se de damnis satisfacturum, & in Regis fide mansurum receperat, interventu Maximiliani Cæsaris in gratiam receptus est. a)

**1495.** Non eadem benevolentia in Ducem usus est, cujus arces Caposvarum, Rahociam, & Németsjvarinum, sequente anno, eidem adimmi mandavit, qui, cum se omnibus bonis privatum videret, clementiam regis tandem implorare coactus est, a quo erratorum quidem veniam facile impetravit, de restitutione bonorum autem in Comitibus proxime futuris, quod Legatus a Bajazete adesset, cum quo de prorogandis induciis tractandum erat, agi voluit. Legato, post impetratas trium annorum inducias, dimisso, initium Comitibus datum. In his, quæ triennio abhinc in regni conventu, ob temporis brevitatem, affecta erant relicta, nunc secundis curis cognita, auctariis locupletata, &, quæ dubiis locum præbere poterant, illustrata sunt. De proventibus regis, magnopere jam attenuatis, il-

a) Miechovius l. 4. c. 74. Cromerus l. 30. Tuberö l. cit. l. 5. §. 10.

illud constitutum, ut, qui illis præficiuntur, Regi quotannis, reddituum, & erogationum rationes reddant. Comitiorum quoque ratio, ne tempus inani garritu, & confabulatione teratur, coganturque mediocris census Nobiles, sumtibus exhausti, ante finem eorum discedere, paulo alia a priore instituta est. Ad hæc, non jam delecto numero, sed omnes Prælati, Barones, & Nobiles, uno prius mense, a Rege evocandi erant, qui interea, donec præstitutum tempus adesset, convocatis Prælati, & Baronibus, qui ei a consiliis esse solent, necessitates suas, regnique, procul semotis privatorum causis, proponet, qui has deinde ad regni Ordines, dum collecti fuerint, referant, ut cum moderamine, &, quæ viros, quibus Patria cordi est, decet, gravitate, deliberent, quodque ad publicum emolumentum pertinere videbunt, constituent. Si in opinionum conflictu non omnibus conveniret, Magister Janitorum, suffragia virorum rogabit, secundum quæ, sanior pars sententiam feret, ut, hac ratione, Comititia citius solvi, & negotia tempori, necessitatique rei publicæ cum fructu accommodari possint. a)

Saluberimum Institutum, sed postea, dum factionibus in dies magis invalescentibus, res strepitu magis, ac vociferatione, quam consi-

---

a) Decret. an. 1495. Tom. I. Cod. jur. patr. pag. 283.

1495. filiis, ageretur, magno semper regni damno neglectum, ut ex eventu patebit.

De bonis Laurentio Duci restituendis, nihil in Comitiorum actis consignatum reperio, Rex tamen precibus multorum flexus, & quod reus se eorum consilio, qui ex turbata re publica, lucri compendium solent facere, seductum ingenue fateretur, privatim ita cum eo transegit, ut possessionem quidem bonorum, ei adire liceat, sed si sine liberis decederet, ad Fiscum devolvantur, Præfectis arcium juramento adstrictis, ut has, illo defuncto, sine mora regi consignent Sub conventus finem, Bartholomæus *Berizlous*, Auranae Prior, ob adulteratam monetam, & vim honestissimis matronis, ac virginibus illatam, consiliaque cum Turcis communicata, variorumque, rapinarum, & perfidiæ criminum reus, in carcerem conjectus est. a)

1496. Cum sine Comitiorum quies quoque domi restituta videbatur, cum Joannes Corvinus,

a) Bonfin. Dec. 5. l. 5. Istvanfi l. 3. hic hominem scelestum culeo insutum, & Danubio mersum perhibet. Legitur tamen Decreto an. 1505. de non eligendo Rege extero, subscriptus, & Julius II. an. 1507. d. 20. Mart. scribens *Judicibus regni Protonotariis nuncupatis*, ut captivum, datis fidejussoribus, dimittant. Conf. Pray Dissertat. de Prioratu Auranae, Vien, 1773. pag. 57. seq.



mus, jacturam arcium, quas a patre aquiliv-  
 vat, ægre ferens, conducto in Polonia mili-  
 te, accitisque ad signa, qui utriusque regni  
 limites infederant, latronibus, ac facinorosis  
 hominibus, superiorem Hungariam, ipsa hye-  
 me, actis prædis, sed non impune, infesta-  
 bat. a) Palatinus enim periculo mature oc-  
 currens, eam hominum colluviem prælio fra-  
 ctam, regno facile exegit, &, quod victoriæ  
 anteferendum est, Corvinum Regi opportune  
 conciliavit, qui per id tempus, quod Baza-  
 zetem ingentes iterum apparatus facere, ru-  
 mor vulgaret, neè induciarum tempore ei  
 satis fidendum esset, vires omnes collectas  
 habere cupiebat. Cum autem de sumtibus ad  
 bellum, si ingrueret, necessariis consultatio  
 institueretur, & ærarii rationes fuissent subdu-  
 ctæ, compertum est, Sigismundum Quinque-  
 Ec-

1496.

- a) Litt. regis ad Bartphens. dat. Posonii fer. 2.  
 post fest. B. Dorotheæ ad an. 1496. *Cum his  
 diebus accepissemus Illustrẽm Joan. Corvinum  
 — gentes in regno Pol. ad stipendia convoca-  
 re, atque omnes latrones, & alios flagitiosos  
 homines — confluere, eo consilio, ut ad hoc  
 regnum nostrum hostiliter venirent &c.* item  
 litt. Steph. Zapolyæ ad eosd. ex Rosenberg,  
 fer. 5. ante Dominic. Oculi, 1496. *Sciatis,  
 quod inimici hujus regni, qui — damna, &  
 spolia inferebant, — habito cum eis campestri  
 conflictu, prostrati, & expulsi sunt.*

**1496.** Ecclesiensem Episcopum, id non ea, qua par erat, cura, & diligentia administrasse. Habita igitur quæstione, repetundarum damnatus, & custodiæ traditus est, nec ante dimissus, quam quadringenta florenorum millia numerasset. *b)*

**1497.** Dissipato, qui diditus erat, belli Turcici rumore, Wladislaus magna curarum parte se liberatum videns, Bohemiam, quam a suo in Hungariam ingressu non adierat, magno Procerum, sibi familiarium, comitatu stipatus, revisit, Pragamque veniens, res vicariorum, quos per sui absentiam constituerat, delidia collapsas, in integrum restituit, inde in Silesiam profecto, ab Ordinibus provinciae, & Moraviae, juramentum fidelitatis præstitum est, sed, cum dubitaretur, utrum Hungariae, an Bohemiae Regis, nomine dictum fuerit. multis rursus occasio, Regi obloquendi, non tam data, quam studiose quæsitæ fuit. Commorantem apud Silesios, clades fratri Alberto a Moldavis illata, in Hungariam re-

vo-

*b)* Bonfin. Dec. 5. l. 5. sed male ad an. 1495. Cod. enim Ms. de proventibus regis, qui in Biblioth. Cæs. Vien. exstat inter hist. Prof. Lat. Nro. 487. hæc ad d. 29. Dec. an. 1495. discrete notat. *Eodem d. de commissione D. Thesaurarii*, (erat is Episc. Quinque-Eccles.) *manibus M. Pauli Sartoris D. Thesaurarii — dati sunt fl. 17.*

vocavit, cumque per iter intellexisset, Turcas Tartaris conjunctos, Moldavorum exemplo incitatos, vassata Polonia, fere centum Christianorum millia in captivitatem abduxisse, veritus, ne fratris causa, sibi etiam a Turcis molestia conficeretur, ut primum Budam redierat, Legatum ad Bajazetem misit. Mandatorum hæc summa erat, quæ Legati curæ, & fidei credidit. a)

1497-i

Ante omnia, ut regis dignitatis semper memor, cum ei aditus ad Bajazetem patuerit, primum de violatis per Alibegi filium induciis, qui nuper mercatores Belgradenses necari jusserit, & castrum *Comothin* in Bosnia vi occuparit, libere, graviterque queratur; hæc se hactenus amicitie causa dissimulasse, licet Christiani Principes operam dederint, ut vires suas iis contra Turcas conjungat, potiore sibi tamen fuisse induciarum fidem, quibus regno, & ditionibus eidem adnexis, consultum voluerit. Præterea, non ignorare Bajazetem, Poloniam jure primogenituræ, ad se magis, quam fratrem Albertum, cui eam volens cesserit, pertinere, proinde damna hujus sua itidem esse, cupereque, ut a vassanda Polonia deinceps suos abstineat, ceteroquin facile se effecturum, ut cum ipse,

tum

---

a) Miechow l. 4. c. 75. Cromerus l. 30. Instructio Legati apud Pray, P. IV. pag. 274. sed non rite ad an. 1496. locata.

1497. tum ceteri Principes Christiani, salva induciarum fide, fratri auxilio sint futuri: qui si nuper in Moldaviam hostiliter ingressus est, eam injuriam non tam Bajazeti, quam regi Hungariæ illatam esse, ad quam Moldavia vetusto jure, & trium fere seculorum usu pertineret. a) Quibus ordine expositis, petet deinde, quæ induciarum tempore a Turcis occupata erant, Hungaris restitui, captivos quoque, quos ex Carinthia, aliisque ditionibus regis Romanorum abduxissent, quod has per regis provincias contra pacis conventionem invalissent, in libertatem vindicari, nec Oratores Hungaros, quos Constantinopolim deinceps mitti contigerit, captivorum more, ut ante, haberi. Sub hæc, captata opportunitate, rursus induciarum, & quæ his debetur, fidei, mentionem, tamquam aliud agens, injiciet, agetque diligenter, ut his non solum Polonia, & Lithuania; sed Cæsaris quoque ditiones comprehendantur, si in postremo hoc concedendo obstinatum videret, id certe operam dabit, ne ditiones illius, per regis terras posthac infestentur; denique illud præprimis efficere conabitur, ut Polonia, & Lithuania iisdem, quibus Hungaria, induciis frui possit, nec finet illis tributum imponi, alioquin regem  
ita

---

a) Recole, quæ Tom. I. ad an. 1227. sub Andrea II. de jure in Moldaviam dicta sunt.

ita obfirmatum declarabit, ut extrema malit experiri, quam indécore pati, ut fratris sui, aliorumque Christianorum Principum ditio- nes, cum quibus illi fœderum conjunctio est, per induciarum simulationem, periculo ob- jectantur.

Hæc Legationis ad Bajazetem, nullo ta- men fructu susceptæ, capita erant. Tartari enim cum Turcis rursus sequentis anni hye- me Poloniam, prædas acturi, sed non ea, qua prius, fortuna ingressi sunt, quod pleri- que eorum, aeris inclementia, annonæ, & pa- buli defectu interierint, pauci, qui in Molda- viam, evaserant, cum Polonos habitu men- tirentur, a Valachis trucidati sunt. Ferunt, quadraginta millia absumta fuisse. a) Tan- tam jacturam, cum vix credibile videretur, Bajazetem impune laturum, Wladislaus in omnem belli eventum necessarios apparatus occupare volens, Comitibus ad XXIV. Apri- lis Budam indixit. In his certus copiarum numerus, quæ *Banderii* b) nomine solent ve- nire, constitutus. Erat autem horum ratio tam sacræ, quam profanæ reipublicæ viris hæc definita: ut Archiepiscopus Strigoniensis, & Agriensis Episcopus, duo, quodvis qua- dringentos equites complexum, ceteri unum, aut

a) Sarviczius in append. ad Dlugossum Tom. II. col. 1189.

b) Conf. Notit. prævi. §. 23.

1498. aut hujus dimidium, vel pauciores equites, pro reddituum suorum ratione, in bellum educant. Rex mille equites sub signis habebit, totidem Delpota Serviæ, Vajvoda autem Transilvanus, Banus item Croatiae, Siculor., & Temesiensis, Comites octingentos, reliquis Optimatibus, secundum majorem, minoremve colonorum copiam, militia imperata. Illud nove additum: ut, quoniam deinceps tam Prælati, quam Barones, alique, qui jure *Banderii* stringuntur, stipendiarios ex suis colonis alere debeant, hi, si regni necessitas poscat, etiam ultra hujus limites, cum regis stipendiariis, militiam profiteantur. Constitutum præterea, ne limitibus regni tuendis præfecti, si arces desidia sua amitterent, impunes sint. Cura hæc Palatino, & Judici Curiae mandata, qui omni anno semel, iterumque alternis quosdam ex suis familiaribus mittent, qui, quo in statu arces, an præsidariis, annona, reliquoque apparatu necessario provisæ sint, explorabunt, sed inficiis Præfectis, ne ullus corruptioni locus datur, &, si hos mala fide egisse compererint, capite, & bonis mulcentur. a) Hæc bello, si quod a Bajazete ingrueret, arcendo comparata. Nec Poloni, suo periculo docti, segniores, missa Legatione ad Friburgensem conventum, auxilia ab Imperialibus contra Tur-

---

a) Cod. jur. patr. Tom. I. pag. 292.

Turcas sollicitabant. Promissa quidem erant, 1498.  
mandatumque Archiepiscopo Magdeburgensi,  
Saxoniae, & Pomeraniae Ducibus, ut Poloni-  
nis, ingruente a Turcis periculo, adessent,  
sed dum hi moras nectunt, nec appareret,  
tempori affuturos, Albertus interventu Wla-  
dislai, foedus cum Moldavo contra Bajaze-  
tem pepigit, quod sequente anno rursus Cra-  
coviæ, XIV. Aprilis, his conditionibus in-  
stauratum est: si Hungariae & Poloniae reges 1499.  
bellum commune Turcis moverent, Vajvo-  
da quoque socium se eis adjunget; si reges  
ipsi, & non Legati illorum, copiis praefue-  
rint, ipse etiam suas in hostem ducet,  
& nequaquam Legato suo ducendas com-  
mittet: quod si contingeret, illum pro-  
vincia sua ab hoste exigi, & is seu in Hunga-  
riam, seu Poloniam, securitatis causa vellet  
concedere, tum ei, uxori, prolibus, &  
quos secum habuerit, Proceribus, tutum,  
& dignitati conveniens hospitium, reges pra-  
bebunt, illumque contra Turcarum infestatio-  
nes tuebuntur. a) Confecto foedere, reli-  
quum anni tempus, comparandis ad bellum  
rebus necessariis datum, in cuius exitu Ste-  
phanus Zapolya Palatinus, extremum diem  
clau-

a) Freherus Tom. II. script. Germ. pag. 235.  
apud Pray l. cit. 289. Raynald. ad an. 1498.  
Dogiel, Tom. I. pag 603. Sommersberg Mantiss.  
diplom. pag. 84. L 1

1499.

clausit, a Mathia rege, qui ad compriment-  
dam Magnatum arrogantiam, crebro eque-  
stris ordinis viros illis præferre solebat, e te-  
nui fortuna ad supremum honoris, ut memo-  
rari, fastigium, & opulentiam evector. Re-  
liquit ex Hedvige, Ducis Tefsinensis filia, li-  
beros, Joannem, Georgium, & Barbaram,  
quæ postea Sigismundo Poloniæ Regi nupta,  
magnum pondus intestinæ factioni adjecit, ut  
frater illius, Joannes Zapolya, ad Hungariæ so-  
lium eluctaretur.

1500.

VII. Ceterum, Bajazetis apparatus, quo-  
rum causa Hungariæ, & Poloniæ reges cum  
Moldavo societatem armorum inierant, alio,  
quam ad Hungariam, vel Poloniam, specta-  
bant. Cum enim bellum in continenti gessu-  
rus videretur, improvise classem Aegeo, Jo-  
nioque mari immisit, & Methone, Corona,  
Dyrrachio, omnique fere Peloponeso in pot-  
estatem redacta, Italiæ incubiturus metue-  
batur. Tam celeres hostis progressiones, Pon-  
tificem permoverant, ut cum Ludovico Gal-  
liæ, & Ferdinando Hispaniæ regibus, Vene-  
tis item, ac Rhodiis, & quæ adhuc a jugo  
Turcico immunes erant, archipelagi insulis,  
commune scædus contra Turcas iniret, ad  
quod Wladislaus quoque, oblatis Sacerdoti-  
orum per Hungariam decimis, vocatus erat.  
Hærebat primum, licet sumtus in bellum  
clam, ne iudicium ad Turcas perveniret, regiis  
urbibus imperarit, mox tamen, hortatu Rhe-  
gi-



gini Cardinalis, qui quadraginta aureorum 1501.  
millia quotannis Regi pendenda, nomine Pontificis, pollicitus erat, ipse quoque foederi accessit, missoque ad Venetos, & in Galliam, Petancio Segnienti Cancellario, de belli rationibus cum Rege, & Venetis consultabat, quas a reditu suo, in hunc modum constitutas fuisse, retulit: ut Wladislaus, dum Galli, Hispani, Veneti, & Rhodii, mare infestum servahunt, terrestri itinere, cum Hungaris, & quas Pontifex missurus esset, cruce signatorum copiis, hostem aggrederetur. Petancio præterea Rex in mandatis dederat, ut de affinitate inter se, & Regem Galliae concilianda ageret. Ludovicus facile assensus est, & Annam de Candale, vetusta Navarræ regum stirpe ortam, Regi destinavit, a) qui, ut primum id ex Petancio intellexit, confestim Oratores, qui pacta dotalitia constituerent, sponsamque in Hungariam deducerent, in

L l 2

Gal-

a) Cujus familiæ fuerit, scriptores dissentiunt, ex regia ortam esse, Wladislaus ad Cæsarem an. 1502. fer. 4. prox. post fest. Pentecost. scribens, affirmat. *Audivisse jam, & intellexisse M. V. minime ambigimus, nos cum Christianiss. Francorum Rege certam affinitatem inuisse, — nobisque sereniss. Virginem, & Dominam Annam de Candale, ex regia vetusta stirpe, & familia originem trahentem, in conjugem, Deo aspirante, conjunxisse &c.*

1501. Galliam misit. Hos nuptiarum apparatus mors Alberti fratris tantisper interrupit, Polonis partim in Wladislaum, partim, præterito Alexandro, in Sigismundum natu minorem inclinantibus, potior tamen, consentiente Wladislao, eorum pars fuit, qui jure genituræ Alexandrum Sigismundo præferendum judicabant. a)

1502.

Pacato familiæ regiæ dissidio, temere collecta Turcarum manus, Jaiczæ imminabat, actisque spoliis, Savum parabat transmittere, cum Joannes Corvinus cum suis accelerans, prædæ intentos magna clade affecit, simulque Bulgariam ingressus, Vidino, Cladova, & Nicopoli, igne corruptis, vastataque ea, quam Turcæ infederant, Servizæ parte, ingentem prædam, & captivos ducens, Belgradum rediit. Turcæ venundati, reliquis ea Temesiensis provinciæ plaga, quam hostes crebris incursionibus vastam reddiderant, ad colendum data. Verum hi postea, ut est nationis illius genius, agriculturæ mercatum prætulere, suntque hodiedum fere soli in Hungaria, qui se huic, magna fortunarum suarum accessione, dedunt, aliis emolumenta sua aut ignorantibus, aut fastidiose spernentibus. b)

In-

a) Raynaldus ad an. 1500. & 1501. Cromerus l. 30. Sommersberg. scriptor. rer. Siles. pag. 373.

b) Istivansi l. 4.

Interea, cum Rex certior ab Oratoribus, in Galliam missis, redditus esset, sponsam, rebus ex sententia confectis, in Hungariam proxime adducendam esse, datis ad Cæsarem litteris, ut, si illam per ditiones Austriacas venire contingeret, ei tutus, liberque com-  
 meatus daretur, orabat, a) verum illa per Allobroges iter capeffens, ad Venetos dela-  
 ta, & regio more ab his accepta, Budam veniens, inde Albam ducta, ritu sollenni X. Augusti coronata, & regi ex more Ecclesiæ conjuncta fuit. Nuptiæ, quas; prisca consue-  
 tudine, universi per regnum donis cohonestare solebant, regio splendore, non ea tamen, qua Mathiæ, pompa, & prodigalitate cele-  
 bratæ sunt. b)

Ll 3

Ma.

a) Litt. cit. an. 1502. ad Cæs. *Si forte eidem se-  
 renissimæ — per terras, & dominia M. V.  
 venire, & proficisci contingeret, velit ipsa M.  
 V. pro eadem, proque universa comitiva, &  
 familia sua, oratoribusque nostris, secum exi-  
 stentibus, plenum, & sufficientem, saluum &  
 securum conductum — dare, & concedere.*

b) Pray, Hierarch. Hung. P. I. pag. 289 Litt.  
 regis ad Bartphen. fer. 4. prox. post fest. B.  
 Lucæ Evang. 1502. *Non fugit vos, ex veteri  
 hujus regni consuetudine id esse, ut ad cele-  
 brationem nuptiarum, universi regnicolæ, ali-  
 quo subsidio ipsis regibus subvenire soleant, &c.*

Quid

1503. **Matrimonium** satis auspicato initum fuisse, sequens annus declaravit, cum ei conjux XXIII. Junii cognominem filiam enixa est, quæ ut patrem lætitia affecerat, ita factioni illorum, qui parti regiæ clam infensi erant, & miras, si Rex improlis decederet, spes fovebant, minus grata fuit. a) Sub hæc mors Alexandri Pontificis, commune fœdus contra Turcas inter Principes Christianos nuper percussum, dissolvit. Veneti, Corona, & Methone amissis, veriti, ne deteriora pati cogerentur, primi inducias cum Turcis iniere, duis quidem conditionibus, sed temporis necessitati accommodatis, præter enim nuper amissa, etiam Neritus insula, ut liberam navigationem per Pontum retinerent, hosti dedenda fuit. Honestiori ratione Wladislaus cum iis transegit, ad quem cum Bajazetes, ob discordiam inter filios exortam, oratores, induciarum causa, misisset, has in septennium, generatim pro se, & universis Principibus Christianis, tum, ut speciatim Hungaria, Bohemia, cum Moravia & Silesia iis comprehendantur, prorogavit, idque postea, quam  
li.

---

Quid Siculi in Transilvania, tempore nuptiarum regibus offerre consueverint, vide Notit. prævi. §. 24. Conf. etiam Pray Dissert. VI. in annal. veter. pag. 124. 125.

a) Dubravius, qui Regi a secretis erat, hist. Boh. l. 32.

litem cum fratre suo Poloniæ Rege, Moldaviæ causa, composuisset, ad Galliæ Regem, & Chientes, foederis socios, perscripsit. a) 1503.

Disidio autem, quod Regi, Moldaviæ causa, cum fratre erat, Stephanus provinciæ Vajvoda occasionem præbuit, qui terram *Scypinensem* cum arce *Choczym*, quas Elias Vajvoda olim Moldaviæ, Polonis cesserat, b) iis rursus eripuit. Violentum facinus Rex Poloniæ, qui jus suum lædi existimabat, graviter tulit, jamque armis etiam ulcisci parabat, cum Wladislaus jure suo in clientem usus, Stephano Telegdio, Francisco Balassa, & Emerico Czoborio, ad fratrem, & Vajvodam missis, disidium ita temperavit, ut, quæ frater sibi erepta, & Vajvoda sui juris esse, contendebant, tamdiu neutrius, & in potestate Regis essent, donec, cognita uberius causa, lis secundum æquitatem dirimi possit. c)

L 1 4

In

- 
- a) Sabellicus Eneade XI. l. 2. Litt. regis dat. Bud. 20. Aug. item 26. Dec. apud Pray, P. IV. pag. 305.
- b) Nempe an. 1447. ut habet Dogiel diplom. Pol. Tom. I. pag. 601. ubi præterea *Czeninum*, & *Chmielovia*, censentur.
- c) Litt. regis ad fratrem Alexandrum Pol. Regem, & suos Legatos, dat. Bud. in fest. S. Galli, 1503. apud Pray, Dissert. VII. in annal. vet. pag. 148. & seq.

1504.

Induciis cum Bajazete confectis, & lite inter fratrem, & Vajvodam composita, conventus ad VIII. Calendas Maji, universis indictus est. Causa illius convocandi eadem, quæ prius, erat, ut, quæ in prioribus Comitiiis imperfecta erant relicta, rursus cognoscerentur, a) cognitaque, vim legis a Regia auctoritate obtinerent. Tria præcipue sunt, quæ ad pernosendum temporis illius habitum, inprimis pertinere videntur. Primum attinet ad subsidia, quæ Regi ad levandas necessitates publicas offerri alias solebant. Cum plures Comitatus fuerint, qui suoapte, & extra generalem regni conventum, subsidia, & contributionem, tametsi hæc ob contrarias deliberantium sententias in Comitiiis nondum decreta essent, domum tamen reversi, dum his opus esse putabant, Regi offerre consueverint, invidiæ primum apud reliquos Comitatus, quasi boni publici ceteris minus studiosi essent, tum simultati etiam occasionem dedere, ut sæpe parum abfuerit, quin in apertas seditiones prorumperent. Quare, ut his malis deinceps modus ponatur, statutum est, ut, si tam grave regno periculum immineret, ut huic aliter, nisi convocato generali conventu, non posset consuli, tum primum communi Prælatorum, Baronum, & Nobilium consensu, sub-

a) Eadem causa redditur, Decret. an. 1495. præfat. §. 3. & an. 1498. §. 6. rursus an. 1500. §. 4.

subsidia Regi decernantur, qui secus facerent, 1504.  
 non solum perjuri, & amisso honore, a reli-  
 quo Nobilium cœtu exclusi habeantur, sed in  
 futuris quoque Comitibus, nisi legitimo testi-  
 monio, innocentes comperti fuerint, diminu-  
 tionem rerum, & bonorum subirent. a)

Alterum ad militiam: de hac sexennio  
 ante, sanctio in hunc modum condita erat;  
 ut universim, Prælatorum, Baronum, aliorum-  
 que regnicolarum stipendiarii, si regni ne-  
 cessitas posceret, regiis stipendiariis conjuncti,  
 militiam etiam extra limites regni profitean-  
 tur, nunc contra, si bellum regno ingrueret,  
 & Rex illud cum suis stipendiariis tueri non  
 posset, tum Archi-Episcopi, Episcopi, aliique  
 Ecclesiastici, qui, secundum rationes proven-  
 tum, stipendiarios alunt, vel decimas per-  
 ciipiunt, Regi cum suis auxilio adsint, si ne-  
 que hi junctim, hosti propulsando pares fue-  
 rint, tum primum Barones, ceterique regni-  
 colæ, ad signa concurrant. b) Belli igitur onus,  
 quod alias omnibus, qui beneficio regum bo-  
 na obtinuerant, commune fuit, nunc Regi,  
 & Ordini Ecclesiastico ferendum erat.

Tertium denique ad Silesiam, Moraviam,  
 & Lusatiam pertinebat, de quibus Ordines,  
 utrum ab his juramentum fidelitatis, Hunga-  
 riæ, an Bohemiæ, Regis nomine, acceperit,  
 cer-

---

a) Decret. hujus an. artic. 1. §. 1. — 7.

b) Decret. an. 1489. art. 17.

certiores fieri cupiebant, neque enim sine ma-  
 1504. gno regni damno fieri posse, ut tam insignes  
 provinciæ, non depenso secundum pacta con-  
 venta, precio a) ab Hungaria avellantur. b)  
 Quo animo id rex acceperit, certioresne, an  
 contra, Ordines, exaratis, ut petebatur, litte-  
 ris, reddiderit, non habeo, quod in utramvis  
 partem affirmare possim, illud constat, solu-  
 to conventu, Sigismundum fratrem, collato  
 eidem Glogoviensi Ducatu, universæ Silesiæ  
 præfectum a Rege fuisse. c)

VIII. Cum id multis suspicionem ingesse-  
 1505. rit, quasi Rex Ordinum precibus parum de-  
 ferre vellet, simultas utrinque sensim orta, oc-  
 casionem præbuit, ut sequente anno, frequen-  
 tiores regni Conventus haberentur. Primum  
 quidem Pessini ad diem XXII. Februarii, d)  
 serius postea in Sclavonia, sub quod tempus  
 Joannes Corvinus obiit, e) cujus bona secun-  
 dum

a) Recole, quæ sub Mathia ad an. 1479. &  
 sub Wladislao ad an. 1490. memorata sunt.

b) Decr. hujus an. art. 20. & 21.

c) Sommersberg, script. rerum Siles. pag. 381.

d) Litt. regis an. 1505. quod nobis in præsentl  
 congregatione generali — pro festo cathedræ  
 B. Petri Apost. in civitate nostra Pestien. de  
 nostro regio edicto celebrata &c.

e) Litt. ejusd. fer. 4. prox. fest. B. Ambrosii;  
 ad Bernard. de Thurocz: his diebus cum Il-



dum pacta, quæ Rex in aditu regni firmaverat, in Fiscum, magno ærarii regis commodo, redacta sunt. Ejus vidua Frangepanici generis, ætate, & fortunæ bonis florens, Georgio Brandenburgico, regis ex sorore nepoti, postea matrimonio juncta fuit, qui, ut erat luxui supra modum deditus, opulentissimam conjugis hæreditatem, duobus ex ea relictis liberis, decoxit. a)

Alia rursus Comititia ad III. Calendas Octobris, eam præcipue ob causam, indicta erant, ut, quod tot Comititiis celebratis, hactenus impetrari non poterat, quies regno tandem restituatur. b) Plerique enim antea cum armis comparere soliti ad conventus, libertatem suffragantium interturbare consueverant, ut nihil facile, quod spem stabilis,

&

---

*lustr. condam Joannes Corvinus Dux, & Banus noster ab hac luce decessisset &c.*

- a) Cum hoc, documenta litteraria familiarum Hunyadianæ, Garayanæ, Zrinianæ, & Frangepaniæ ad archivum Anspachinum venire, sub Josepho II. Imp. primum restituta.
- b) Hanc causam ipse Rex fer. 4. prox. post. fest. B. Jacobi Apost. ad Bartphens. perscripsit: *quo jam tandem tot, & tam frequentibus Congregationibus, — finis, aut saltem aliqua suspensio, & vacantia dari possit, & regnum hoc, consequenterque vos omnes in bona pace reponi possitis &c.*

1505.

& solidæ tranquillitatis præberet, decerni posset, eoque præterea jam simultates, inter Ecclesiasticos, qui sibi solis belli onus cum rege ferendum, haud satis æquum putabant, & reliquos regni Ordines excreverant, ut hi illis decimas negare, &, quæ ad Ecclesias pertinebant, rapere, nihil pensi haberent. a) His igitur malis ut consuleretur, Rex, qui sæpe, & alieno tempore, nimium connivendo, auctoritatem suam fere prodegerat, Comitia Pestinum indixit.

Promiserat Rex Pontifici, se in his operam daturum, ut dos, quam Mathias, nuptiarum causa, Beatrici constituerat, eidem restitueretur, nihil tamen promovere poterat, a) quod, qui ad conventum publicæ tranquillitatis cau-

---

a) Litt. Pontif. 23. Aug. ad regem: *percepimus, quod — Procures, Barones, Nobiles, ac deum omnis fere multitudo laicorum istius regni Hung. decimas Ecclesiasticis non reddendo, rapiendoque, quæ ad Ecclesias pertinent, & Clerum ipsum apertis jam minis persequendo, omni conatu diminutionem, imo verius oppressionem Ecclesiastici status in eodem regno tuo magis in dies moliuntur &c.*

b) Ejusd. ad eund. 22. Aug. *respondit majestas tua causam hanc restitutionis non tam ad se, quam Procures, & Optimates pertinere, curaturum tamen, ut his eorum in futura Dieta proponeretur, &c.*

causa convenere, facta secessione, spreta pa-  
 ctorum, quæ primum inter Fridericum Cæ- 1505.  
 sare, & Mathiam, postea inter Maximilia-  
 num, & Wladislaum coaluerant, fide, de-  
 cretum conderent, se, si Rex sine hærede  
 mare obiret, nullum exteræ nationis, sed  
 Hungarum regem electuros esse, addita atroci  
 comminatione, ut, si qui adversus hanc con-  
 stitutionem aliquid moliri auderent, perpe-  
 tuæ servituti addicerentur. a) Id, velut po-  
 mum Eridis inter Proceres, tam sacri, quam  
 profani Ordinis jactum, perpetuis deinde  
 factionibus regnum involvit. Fuere tamen  
 ex his ipsis decreti conditoribus, qui cum vi-  
 derent, plures ex Hungaris futuros, qui se  
 regio solio dignos existimare possent, itaque  
 parum hac constitutione quieti publicæ in  
 posterum consuli, seorsim, auctore Cardinale  
 Thoma Bakaczio, Strigonienſi Archiepisco-  
 po, societatem inierant, ad quam præter  
 Palatinum Emericum de Perén, ipse etiam  
 Joannes Zapo'ya, & Dux Laurentius de Uj-  
 lak, ut invidiam, uterque enim se præ ce-  
 teris,

---

a) Decret. exstat apud Pray Par. IV. pag. 313.  
 Præcipua causa inde petebatur, quod regnum  
 sub exteris regibus semper periculo expositum  
 fuerit & provinciæ regno conjunctæ, eorum  
 socordia sensim amissæ essent. Si quis gesta re-  
 gum I. II. & III. Periodi inter se contulerit, faci-  
 le causas regni a prillino splendore defluentis,  
 & diminuti, deteget.

1505. 

---

teris, eligendum sperare poterat, a se averterent, aliique accedere, dataque, & accepta mutuo stipulatione, se non modo vicissim contra quemvis adversarium defensuros, sed fidem regi, & reginæ intemeratam servaturos, & quæ in utriusque commodum, utilitatem, honoremque facere videbuntur, procuraturos, quin voluntati, & desiderio eorum semper, & ubique, salvis regni immunitatibus, morem gesturos, ac ceteros regnicolas in hanc sententiam pertracturos, polliciti sunt. a)

1506. 

---

Quæ causa hujus subitanei recessus a reliquis fuerit, incertum est, videtur tamen, si Istvánio, ut eventu postea firmatum est, fidem habemus, omnis molitio Joannem Zapolya, ut ei aditus ad regnum sensim paretur, spectasse, b) quin ea quoque consilia fuisse agitata, ut Anna regis filia, nondum trimula, Zapolyæ desponderetur, memoriæ est proditum. c) Wladislaus, etsi hæc solita indolentia ferre videretur, Reginæ tamen, quæ digniores filiae nuptias optabat, hortatu, ut has molitiones contrario studio elideret, incitatus, cum Maximiliano per nuncios egit, ut Anna Ferdinando, ejus nepoti, aut hac decedente, altera filia nascitura, desponderetur, si  
autem

---

a) Dat. Budæ die Dominico prox. post fest. B. Dionysii ep. & M. 1505. Sigillis 8. munitum.

b) Istváni l. 4.

c) Gerard. de Roo l. 12.

autem Regina, quæ uterum ferebat, filium pareret, huic Maria Ferdinandi soror in manus conveniret, Maximilianus autem, si regem præmori contingat, filiæ, & alterius, quam conjux editura esset, prolis, curam, & tutelam susciperet. Pacta conventionis a Maximiliano Neostadii, XX. Martii, & septimo post die, ac sequenti Budæ a Rege, & Regina, rata habita sunt. a) Ut clam plerisque hæc acta sunt, ita Maximiliano quoque nihil prius de decreto, quo a successione excluderetur, constitit, quam id ei, apud Tyrolenses commoranti, Rex significasset. b) Quo comperto, redditum ex Tyroli maturavit, graviterque per litteras, de injuria sibi, suisque posteris illata, questus, c) militiam interim, do-

a) Auctar. diplom. ad hist. Ursini Velii, pag. 324. ex Tab. Aug. Viennen.

b) Id patet ex responso Cæs. ad Regem: *nos proxima scripta serenitatis vestræ, factum, seu negotium debiti, quo nobis corona regni Hung. ratione tractatus Pofonii conclusi obligatur, tangentia intelleximus, &c. Dat. Wyszberg, 1. d. Maji, 1506.*

c) Ejusd. litt. ad eund. *intelligat serenitas vestra, nos — eandem avizasse de injuria nobis per aliquot ex regno Hung. capita seditionis, contra nos, & successores nostros, in proximo conventu, seu Rakos, illata, quam absque remedio pra-*

1506. donec adesset, finibus Hungariæ admoveri jussit, quæ cum injussu Præfectorum prædas ageret, nec ab Ecclesiis violandis sibi temperaret, Rex autem hæc impune fieri pateretur, Optimates hac desidia offensi, Albam, ut ingruenti periculo mature occurrerent, coivere, regemque, ut Maximilianum per Hungariam, Bohemiam, Moraviam, hostem rei publicæ declararet, coegerunt. a)

Qua denunciatione. nec suos penitus pacasse videbatur, nec Cæsarem, qui jam ad castrum ferreum armatus confiterat, ab ulteriori progressione, licet ei copias opposuerit, retenturus erat, nisi Regina ipsis calendis Junii, filium Ludovicum enixa, spem conciliationis præbuisset. Vicina partui, ne de suppositio foetu, id enim in vulgus sparsum erat, suspicio oriretur, aliquem ex Optimatibus, Zapolyam fuisse ferunt, adesse voluit, sed nimia hæc, & pudori noxia sollicitudo, matri aliquamdiu post, quam partu levata fuisset, mor-

---

*præterire nullatenus possumus, &c. dat. in oppido nostro Leuben, d. 5. Maji 1506.*

a) *Ejusd. ad eund. cum videamus, eos coegisse serenitatem vestram, ut per publica edicta sua nos in regnis Hung. & Boh. & in provincia Moraviæ. hostem suum promulgari fecerit, &c. Dat. in oppido nostro ferreæ civitatis d. 11. Jun. 1506.*

mortem conscivit. a) Infanti Medicorum ope  
 cutis inducta est, & Rex amissæ conjugis, & 1506.  
 immaturi fœtus causa, gemino dolore oppres-  
 sus, negotium de pace cum Maximiliano tra-  
 ctandi, regni Ordinibus commisit. Delecti  
 igitur sunt, cum regis, tum regni nomine,  
 Oratores, b) iis mandatis instructi, ut, quid-  
 quid transacturi essent, Rex, regnumque  
 ratum haberent. Maximilianus, qui ob na-  
 tum recens Hungariæ hæredem, nihil causæ  
 habuit, cur jus suum in regnum porro perse-  
 quatur, & æqua postulantibus negaret, his con-  
 ditionibus amicitiam cum Rege instauravit:  
 uterque militem a limitibus confestim deduc-  
 cat, injuriæ illatæ universim oblitterentur, nec,  
 qui Cæsari adhæssissent, præsertim vero Jo-  
 annes de Frangepanibus, Joannes item de  
 Corbavia, & Joannes de Kanyfa, ex urbibus  
 autem, Posonium & Sopronium, id eis frau-  
 di vertatur, damnove sit; quæ nunc ob tem-  
 poris brevitatem expediri satis non possunt,  
 de iis post Cæsaris Roma reditum, arbitri  
 utrin-

---

a) Joan. Michael Brutus hist. Ms. rer. Hung.  
 apud Pray, l. cit. pag. 322.

b) Erant hi Greg. de Frangepanibus, Colocen.  
 Archiep. Georg. Szakmary Episc. Quinque-  
 Eccles. & Hung. Cancellar. Petrus C. de S.  
 Georg. Vajvoda Transilv. & Moyfes Buzlay,  
 Magister Curiae regiæ.

**1507.** utrinque constituendi, deliberabunt, jura denique Domus Austriacæ in Hungariam, si nulus hæres legitimo thoro editus superfuerit, salva, integraque maneant, nec censeantur hac pacificatione antiquata esse. Conditiones Maximilianus, & Oratores Viennæ XIX. Julii, rex vero Budæ, V. Augusti, subscripsere. *a)* Hac ratione constitutioni de non eligendo Rege extero, præcipui illius conditores, regni totius nomine, derogarunt.

IX. Non minimam partem in conficiendo fœdere, Cuspinianus Maximiliani Consiliarius, & Joannes, olim episcopus Varadiensis, nunc institutum divi Francisci amplexus, quem Cuspiniano Buda Viennam redituro socium Rex adjunxerat, habuere. Depulso hac parte belli metu, Rex nihilominus, ob amissam conjugem luctu tabescebat, curamque rei publicæ negligentius, quam par erat, gerere videbatur. Id in causa fuit, cur in conventu XXIV. Aprilis habito, ei, præter solitos Consiliarios, etiam Assessores adderentur, quibus insciis, si quid statueret, faceretque, irritum esset. *b)* Vetus quoque, & a Mathiæ tempore-

---

*a)* Auctar. diplom. ad hist. Velii, pag. 266. — 275. apud Pray P. IV. pag. 320. — 325.

*b)* Decr. art. 5. Regisne, an privata auctoritate conventus hic fuerit habitus, non est satis compertum. Deest epim, quæ in aliis Decretis



ribus, de restitutione bonorum, quæ vi ablata essent, sæpe repetita, & nunc iterum suscitata querela, tandem in legem relata est, cautumque, ut qui iudicum sententia convictus, nollet bonis decedere, is ad ea possessori legitimo reddenda armis compellatur, si vero aliqui temerario ausu huic auxilio venirent, illorum bona armorum supremi Præfecti, erant hi, Palatinus, & Joannes Zapolya, occupent, sibi que, ob impensum laborem, in perpetuum vendicent. a)

Hæc inter Legati a Sigismundo, qui fratri Alexandro ante biennium successerat, ex Polonia Budam, conciliandi fœderis causa, venerunt. Fluxa Vajvodæ Moldavi fides Sigismundum non minus, quam Wladislaum, sollicitos habuit, ne si is aperte ad Turcas deficeret, Hungariæ, & Poloniæ periculum ac-

M m 2

cer.

---

regiis accurate servata est, præfatio, in qua plerumque causæ redduntur, cur regi ordines convocati fuerint, deest etiam magistratuum subscriptio, quæ in aliis Decretis constanter usurpatur, nec videtur credibile, regem fuisse passurum, ut potestas sua in modum fere pupil-  
lorum confringatur. Hæc intra conjecturam.

- a) Cur Zapolya, Palatino, qui vetere instituto supremus armorum Præfectus est, consors, nulla adhuc re militiæ patrata, additus sit, nemo prodidit. Forte causa ex rebus deinde dicendis patebit.

cerfatur. E re igitur utriusque vifum , ut  
 1507. Vajvodam quoque in foederis partem vocarent. Prius tamen, quo is animo effet, explorandum uterque cenfuerunt, monitusque eft Vajvoda Transilvaniae, ageret per nuncios cum Moldavo, ut is quoque Legatum fuum Budam mittat, cum quo de ineundis conditionibus transigi poffit. a) Morem geflit, &, ut primum Legatus aderat, foedus in haec pacta coaluit: inter utrumque regem, & regna, perpetua fit amicitia, & armorum contra quemvis hoftem focietas; fi bellum Turcis obmovendum effet, id petitis a Pontifice, & ceteris Principibus Chriftianorum auxiliis, communi confilio, & viribus generatur: de Moldavia, quae crebro difidiis inter Hungaros, & Polonos occasionem dederat, ita conventum: ut, quamdiu ex utroque rege filii fuperfites fuerint, Moldavia ad Hungariam pertineat, interea autem utrique rationem inibunt, ne, nullo utrinque relicto haerede, Hungari, provinciae illius caufa, cum Polonis bello implicentur. Moldavus, fi Turcae aut Tartari, alterutrius regnum invaderent, auxilio erit, reges viciffim illum contra illos tuebuntur, quibus Moldavia exactis, Poloni militem domum deducunt: er-  
 ptæ

---

a) Litt. regis ad Petrum C. de Bozyn, Judicem Curiae, & Vajvodam Transilv. Buda, fer. 3. prox. ante Cosmae & Damiani, 1507.

ptæ hosti ditiones, illius erunt, cujus antea \_\_\_\_\_  
 fuere, quæ denuo occupari contigerit, ex 1507.  
 æquo dividuntur. Si Bajazetes, vel Chanus  
 Tartarorum, copias in alterutrum regem  
 ducerent, ipsi etiam per se, non per Lega-  
 tos suos, bello intererunt; neuter in alterius  
 præjudicium, fœdus cum aliis sanciet, de  
 controversis denique utriusque ditionum fini-  
 bus, Commissarii cognoscent. a)

Rediit interea a Maximiliano Joannes,  
 Episcopus olim Varadiensis, quem Cuspiniano,  
 Viennam redituro, socium a rege additum  
 memoravi, qui rebus ex sententia confectis,  
 pacta nuptialia anno priore inita, gemini con-  
 nubii sponsione firmata, retulit; quorum alte-  
 rum inter Annam regis filiam, & Carolum,  
 vel Ferdinandum, Philippi Hispaniarum re-  
 gis filios; alterum inter Ludovicum, & Ca-  
 tharinam, Philippi posthumam, vel, si hæc  
 præmoreretur, inter Mariam, natu majorem,  
 Caroli, & Ferdinandi sorores, coalesceret:  
 is, qui Annam duxerit, in Austria, Tyroli,  
 ceterisque Principatibus Maximiliano succe-  
 det: de dote, quæ regiis prolibus digna sit,  
 ubi iustam ætatem attigerint, utrinque statue-  
 tur, dabiturque opera, ut Ferdinandus, Ar-  
 ragonum, & utriusque Siciliae Rex, nepotum  
 Maximiliani avus maternus, consensum præ-  
 beat, qui si invitus esset, vel prius obiret,

M m 3

Ipon-

---

a) Sommersberg, l. cit. Mantifs. diplomat. pag. 85.

sponsio nihilominus de futuro matrimonio ,  
rata, firmaque maneret. a)

1508. Hæc clam plerisque , & paucis solum ,  
qui regi , & tranquillitati rei publicæ stude-  
bant, in consilium adhibitis, agebantur, cum  
ut tam potente, & in plures Europæ Prin-  
cipes diffusa parentela, regno consultum es-  
set, tum ut regis filio tuta, & pacata succe-  
ssio redderetur. Recens enim adhuc erat me-  
moriam, quibus calamitatibus, Ladislao post-  
humo, & Mathia defunctis, partim intestina  
factione, partim vicinorum Principum ambi-  
tione, regnum jactatum fuerit, quibus vix  
aliter consuli posse, quibus regni felicitas cor-  
di erat, existimabant, quam si vivo patre fi-  
lius, regni totius consensu coronaretur. Ho-  
rum consiliis & suo etiam in filium amoris,  
Rex obsequutus, conventum pro XXIV. Apr.  
Albam indixit, ut Ludovicum Ordinibus co-  
ronandum proponeret. Consentientes omnes  
habuit, modo Rex publicis litteris, nomine  
infantis polliceretur, regni immunitates ab  
eo salvas, integrasque servatum iri, nec pri-  
us illi regia autoritas concessa censeatur, quam  
idem, ubi adoleverit, se servaturum, fidem  
fecerit. Illud præterea flagitatum, ne a suo  
obitu filium, Maximiliani, alteriusve exter-  
ni

---

a) Auctar. dipl. ad hist. Velii, pag. 277. Dat.  
Bud. d. vener. 12. mensis Nov. apud Pray,  
l. cit. pag. 329.

ni Principis, sed Prælatorum, ac Baronum regni, curæ, & tutelæ committat; quibus ubi 1508.  
 se flaturum promiserat, a) profectio Albam  
 suscepta, & inauguratio, incredibili patris  
 lætitia, pridie Nonas Junii peracta est. Bu-  
 dam redux, separatam liberis aulam consti-  
 tuit, cui gubernandæ jam ante annum Joan-  
 nem *Pethö de Gerse* præfecerat, b) in litteris  
 vero instituendos primum Stephano *Istvanfio*,  
 tum Hieronymo *Balbo* tradidit, c)

M m 4

Bo.

a) Ex autogr. dat. Bud. quinto decimo die Dic-  
 tæ, seu generalis congregationis prænotatæ,  
 1508.

b) Litt. regis, dat. Budæ fer. 4. prox. post fest.  
 B. Matthæi Ap. & Evang. 1507. quibus eidem  
 arma gentilitia auxit, ubi hæc: *ad cujus qui-  
 dem aurati solii nostri latera, duo infantes  
 regii, liberi videlicet nostri suavissimi stare  
 conspiciuntur, a latere quidem dextro in-  
 elytus Dux Ludovicus, filius noster charis-  
 simus, sceptrum similiter dextra regale tenens,  
 capillulis albis, & nunc primum pullulantibus  
 coronam, & diadema capiti impositum, altera  
 corona similiter imminente desuper: a latere  
 sinistro stat illustris Anna, reginula, filia no-  
 stra jucundissima, unica duntaxat corona ca-  
 pite redimito &c.*

c) Istvanfi hist. 1. 4. & litt. Ludovici regis ad  
 Cæs. f. an. verisimiliter tamen 1516. inter ope-  
 ra

1508. Bohemi, qui coronationi intererant, hac peracta, regem magnopere orabant, ut regni quoque illius causa, Pragam vellet concedere, quod quamquam ille libenter se facturum diceret, ob negotia tamen cum Bajazete nondum expedita, differendum erat. Miserat jam priore anno, post confectum cum fratre, & Moldavo fœdus, Matthæum Horváth Jurisficus, qui cum Bajazete ageret, ut induciis, quas secum pepigisset, etiam fratrem Sgismundum Poloniæ Regem, comprehensum esse velit, quod ille, bellorum jam pertæsus, Wladislai gratia libenter præstitit, nihilque, induciarum tempore, se in Poloniam moliturum promisit. a)

Hac

---

ra Hieron. Balbi, Vien. anno 1791. edita, Vol. 1. pag. 3. *Justissimis ex causis ven. Hieron. Balbum, Præposit. Poseniensem, ac Secretarium nostrum, carissimum — habemus, tum ob fidissima — obsequia, quæ per tot annorum lapsus, clariss. mem. genitori nostro præstitit, & in dies nobis exactius, officiosiusque præstare non cessat, tum quod nos ipsos etiam, carissimamque sororem nostram primis litterarum elementis erudit, per integrumque biennium solertissimi Præceptoris munus explevit, &c. commendat illum pro Præpositura Viennensi.*

a) Litt. Bajazetis an. 1508. ex Turcico versæ: prædictam pacem, vel treugam, amicitiam, frater-

ni.

Hac cura solutus, iter in Bohemiam parabat, cum illum Ludovicus Helianus, Regis Galliae Legatus, qui tempore coronationis Ludovici infantis, luculentam ad Ordines, temporique accommodatam orationem habuerat, acceptis a rege suo mandatis, ut Regem in partem foederis Cameraeensis pertraheret, aliquamdiu retinuit. Foedus id, auctore Caesare, contra Venetos, qui Tergestum, & Gurcensem Comitatum, occupaverant, constatum fuit. Socii erant, Julius II. Pontifex, qui aliquot urbes ex statu Ecclesiastico per Venetos decerptas querebatur, Ludovicus Galliae, & Ferdinandus Siciliae, Reges, ille in Ducatum Mediolanensem, hic in Brundisium, & Hydruntum, celebres portus regni Neapolitani, jus praetexebant, accessere etiam foederi Alfonso Dux Ferrariensis, & Franciscus Gonzaga Mantuanus. Parum tamen id ad coercendos Venetos facere videbatur, nisi in Hungaria quoque eis hostem pararent. Id nunc Helianus apud Wladislaum agebat. Haesit primum, tum quod foedere illis junctus esset, tum quod hujus causa, certam pecuniae summam, quo hamo etiam Mathias olim captus

---

*nitatem, & confederationem, pro voluntate serenissimi domini regis Hung. praesentibus litteris nostris, cum praenominato serenissimo domino Sigismundo, Poloniae Rege, & cum suis dominiis, confirmamus, & corroboramus &c.*

ptus erat, quotannis perciperet, a) post tamen, quam ei non dubia spes recuperandæ Dalmatiæ facta est, ipse quoque fœderatis se adjunxit, b) iterque in Bohemiam circa finem anni ingressus, Tirnaviam pervenit. c)

1509. X. Inde, ipsis calendis Januarii, litteras in Hungariam scripsit, quibus causas, cur cum prolibus, & Consiliariis suis ad limites regni concesserit, & ob gravia negotia in Bohemiam profecturus esset, significavit. d) Mox Bru-

a) Litt. regis anno 1502. ad Episcop. Zagrabien. ejusque Capitulum, quibus de 2000. flor. quos mutuo ab illis acceperat, cavet, *verbo, fideque regiis, de pecuniis, a serenissima Republica Veneta, vigore confœderationis ad fest. S. Michaelis, deponendis.*

b) Raynaldus ad hunc annum. Tubero l. 9. §. 4. Andr. Mocenicus de bello Cameracensi, l. 2. pag. 37. in Thesaur. antiquit. Italiæ, Grævio-Burmaniano, Tom. V. P. II.

c) Litt. Palatini ad Georg. de Kanyfa Dalm. Croat. & Sclavon. Banum: *scripsit Sua Majestas de Nagyszombat, quod in futuro festo Purificationis B. V. M. Pragæ constitui, & ibi filium suum, D. Ludovicum Regem, cum corona regni Boh. coronari facere vellet. Dat. in castro nostro Walpo, fest. S. Thomæ Apost. 1508.*

d) Balbinus epit. rer. Boh. l. 5. c. 11. Lit. regis dat. in Tirnavia in die circumcisionis Domini.

1509.



Brunam, & hinc Pragam profectus, filium 1509.  
 XI. Martii, Friderico Brandenburgico infantem tenente, coronari fecit. Ferunt sub ipsa inauguratione fletum edidisse, quod, ut ea ætas erat, a plerisque mali ominis instar acceptum fuit. Hic commorantem Pontifex, & Cæsar, identidem concitabant, ut, quoniam socium se fœderi junxisset, bellum Venetis inferre, ne cunctaretur, confœderatos interea rem alia parte pro virili gesturos esse. Scripsit propterea ad Georgium de Kanyfa. & Joannem Ernst, Dalmatiæ, & Croatiæ Banos, viderent, quo loco res Venetæ in Dalmatia essent, rationemque secum inirent, qua, si bellum gerendum sit, recuperari possit, se idcirco Emericum Czobor mittere, qui mentem suam eis apertius esset declaraturus. Dubium non est, nunquam alias tam opportunam recuperandæ Dalmatiæ occasionem Hungariæ oblatam fuisse, si Regi optime animato, & volenti Mathiæ errorem corrigere, vel optimates, quibus cura faciendi apparatus mandata erat, operam suam diligentius locassent, vel Pontifex, & Cæsar, præcipui auctores fœderis,

---

1509. Ejusd. dat. Pragæ, fer. 4. prox. ante fest. S. Margaritæ V & M. eod. anno apud Pray. P. IV. pag. 336. Ejusd. dat. in civitate Broda Hungaricali, in die conceptionis V. M. 1510. Pessina l. 7. c. 6. Goldastus de regno Boh. Tom. II. in additament. N. 72. pag. 319.

1509.

ris, de classe, sine qua frustra omnis de recuperanda Dalmatia, cogitatio erat, mari Adriatico immittenda, solliciti fuissent, vel denique ipsi confœderati constantiori fide Cæsari adhæssissent, sed postquam Pontifex clam cum Venetis de pace cœpit agere, & Rex Galliæ, Brescia, Bergamo, Crema, aliisque urbibus occupatis, præcipuam militiæ partem, domum deduxit, nihil mirum est, si non is, quem spe plerique præceperant,

1510.

hoc anno, nec sequente, quo Cæsar conventum Augustam indixerat, fructus ex Cameracensi fœdere consequutus sit. Miserat quidem Rex suos quoque oratores ad Conventum Augustanum, ipseque alium, spe subsidii in bellum Venetum obtinendi, Cutæ habuit, sed cum ob Picardorum dissidia nihil impetrari posset, condito testamento, quo Annam filiam, si Ludovicus improlis decederet, hæredem regnorum scripserat, Cremsum discessit, indeque ineunte post anno Wratislaviam

1511.

divertens, cum inter Hungaros, & Bohemos disceptatio de jure in Silesiam, & Moraviam suscitata fuisset, hac, ne utrinque offenderet, in aliud tempus dilata, in Hungariam, post duorum fere annorum absentiam, reversus est. Hanc utcunque pacatam, sed Moldaviam rursus periculo objectam reperit. Selinus Bajazetis filius, Castra in Taurica Chersoneso occupata, Kiliæ, & Bielogrado, quod situ, ad illam retinendam, opportunæ essent, mi-

na-

nari ferebatur, ancipitique motu regem dubium reddidit, hasne, an Poloniam petitus esset, donec ab oratore regis Poloniæ edoctus esset, Kiliam re ipsa designari. Itaque confectum Vajvodam Transilvaniæ, & Comitem Temesiensem stationes suas iussit repetere, datisque ad vicinos Comitatus literis mandavit, ut, qua possent celeritate, copias ex legum præscripto colligant, Varadinumque deducant, laborantibus Moldavis, si res posceret, auxilio futuras. Serum tamen id jam erat, utrumque enim castrum Selimus opinione citius interceptit, armisque in patrem versis, regem metu liberavit. a)

1511.

Dissipato belli Turcici metu, res domi, clam primum, post aperte agitata est, quæ Joannis Zapolyæ ambitionem mirum in modum auxerat. Hedvigis mater illius, jam dudum cum Sigismundo Poloniæ rege, de filia Barbara ei collocanda agebat, ipse etiam Wladislaus his nuptiis ineundis favere videbatur, etsi, ut quisque animatus erat, non defuerint, qui parum rege dignas, & fatales olim

1512.

a) Litt. regis, Bud. fer. 3. prox. post fest. B. Urbani Papæ. 1511. apud Pray, Dissert. VII. in annal. vet. pag. 150. Henelius annal. Siles. ad an. 1511. Sommersberg, script. rer. Siles. pag. 385. Jodoc. Decius rer. Polon. Tom. II. pag. 313. Leunclavius hist. Musulman. l. 16. & in Pandectis, c. 228.

1512. olim regno futuras existimarent, alii contra velut fulcrum, quo Hungaria periculo ingruente, tuto niti possit, extollerent. Quidvis hujus rei fuerit, matrimonium eo anno coa-  
luit, licet tædas nuptiales Tartari, & Turcæ suis procursionibus fere interturbarent, sed utrique dissimili eventu fortunam experti: illi a Polonis pene ad internecionem cæsi, hi contra *Zrebernicum* ignavia Præfecti, & vicina castra occuparunt, ac vastitatem ad Spalatum protulere. Wladislaus, quantum in subitaneo periculo poterat, militem Savo vicinum colligi, & hostem fluminis transitu arceri iussit, &, cum minime dubitaret, Selimum, patre per veneficium sublato, arma in Hungariam conversurum, Thomam Bakacium, Strigoniensem Archi-Episcopum, Romam pro implorandis a Julio II. subsidiis misit, quæ quidem ab illo, ut erat in bellum Turcicum optime animatus, facile impetrari poterant, nisi XI. Februarii sequente anno exstinctus, Leoni X. locum fecisset, ab hoc autem, etsi Rex crebras ad illum, & Strigoniensem Archi-Episcopum, eandem ob causam litteras dederit, exigua tamen subsidiorum spes affulgebat, quod ipse, in Pontificatus aditu, aliquot ex Cardinalium collegio adversarios nactus esset, tametsi polliceretur, se cum Cæsare, Hispaniarum, & Angliæ regibus acturum, ut, pace inter Principes redintegrata, vires communiter in Turcas conver-
- tant,

tant, nec Strigoniensem Archi-Episcopum penitus vacuum a se dimittendum esse. Sed cum hæc incerta essent, & ex eventu solum, penderent, animum ad inducias cum Selimo ineundas adjecit. Missus est primum Felix Petancius, qui mentem illius exploraret, tum qui certiora referret, Joannes Zsoltay, ac denique Czoborius, sæpe alias legationibus jam perfunctus, qui, cum ex dissidio inter fratres orto, spem induciarum non inanem esse nunciasset, hanc Zapolya, sive de his tractari ignoraret, sive immodico gloriæ studio duceretur, fere interceptit, dum injussu regis, cum XIX. millibus transmissis Danubio, ad Zezinum, erat id Turcicæ ditionis, castra metaretur, qua irruptione Selimus graviter quidem offensus est, sed quod sibi cum fratre Achmete de Imperio contendendum esset, non invitus, triennales inducias concessit. a)

X. Interea Strigoniensis Archi-Episcopus Roma reversus, nihil subsidiorum, præter facultatem promulgandi per regnum cruciatam

a) Jodoc. Decius l. cit. ad hunc an. Litt. regis, Bud. in fest. B. Clementis Pap. & M. 1513. Ejusd. apud Pray Par. IV. pag. 348. & Pontif. ad regem, ibid. pag. 349. Orat. Bernardini Zane, Archiep. Spalaten. in act. Concil. Lateran. apud Binium Tom. IV. Par. II. pag. 7. Istvanfi. l. 5. Kerchetics hist. Eccl. Zagrabien. pag. 211. Leunclavius hist. Musulman. l. 16.

1514. tam expeditionem, retulit. Re in consulta-  
 tionem, præfente rege, adducta, variis sen-  
 tentiis, an, recens initis cum Selimo induciis,  
 e re publica esset, expeditionem promulgare,  
 disceptatum fuit. Erant, qui barbaris fidem,  
 quam ipsi crebro violassent, non servandam  
 putabant, utendum esse tempore, quo Selim-  
 us, traductis in Asiam copiis, ditiones Eu-  
 ropæas milite fere vacuas reliquisset; contra  
 alii, datam semel fidem etiam barbaris servan-  
 dam, nec hostem potentiorum temere, & cum  
 regni periculo irritandum esse, ac proinde ex-  
 peditionem promulgare, nunc quidem super-  
 vacaneum videri, existimabant. Disceptan-  
 tibus intercessit Stephanus Telegdus, qui,  
 quod ærario regio præfectus esset, & proven-  
 tum rationes haberet in numerato, eosque  
 gerendo bello non sufficere videret, promul-  
 gationem bullæ cruciatæ magnopere disua-  
 sit. Nec enim alios ad signa conventuros,  
 quam perditorum hominum, qui, cum sua  
 decoxerint, rapto solent vivere, tumultua-  
 riam colluviem, horum exemplo agricolas  
 spe prædarum incitatos, neglecto rure, ad  
 castra convolatuos magno numero, quos si  
 domini ad exercendas operas verberibus, &  
 carcerum ærurnis coegerint, facile futurum,  
 ut jugi alioquin impatientes, in hos arma  
 convertant. Hæc ille; vicere tamen alii, &  
 bulla promulgata, quæstio de duce, qui cru-  
 ciatæ militiæ præesset, orta est. Forte fortu-  
 na

na Georgius Dosa ex Siculis Transilvanis ortus, qui nuper, singulari certamine, Alim Epirotam ad Belgradum vicerat, Budam, fortitudinis suæ præmium postulaturus venit, hic idoneus, qui ceteris præficeretur, visus est, dataque ei facultas, ut, qui armis apti reperirentur, hos militiæ cruciatæ auctoraret. Didita fama, facile quadraginta hominum milia, inter quos & sacerdotes præcoci religionis studio abrepti fuere, in Pestano agro, alibique, ductoribus arbitrio suo delectis, a) confluxerant, brevique hæc concursatio, per Comitatus, velut contagio quædam propagata, plerisque suspicionem ingessit, ne non vulgus, aliud, quam præferret, forte moliretur. Frustra archiepiscopus, diditis per provincias litteris, immodicum fervorem temperare, frustra domini suos minis, & vi adhibita domum compellere, satagebant, tanto magis numerus augeri, & arma, quæ barbaris opponenda erant, in dominos conversa, quod Regi solum, non item dominis, se subjectos esse, sparsis in vulgum litteris, jactarent. b)

Ita-

a) Præcipui ex his, post Dosam, fuere, Franc. Bagos, Thom. Kecskés de Alsalo, Laur. Méfáros de Megyezö, quorum litt. exstant, in quibus se *Principes*, & *campi ductores* cruciferor. scribunt.

b) Id vel ex titulo, quo Dosa usus est, patet: *Georgius Zékely, strenuus miles, benedictæ gentis Cruciferor. Princeps & supremus Capi-*

1514.

Itaque laxato licentiæ fræno, Nobiles, quos nancisci poterant, ultra quadringentos ferunt fuisse, immaniter cæsi, violatæ matronæ, stupratæ virgines, templa profanata, incendiis grassatum, & quæcunque furor inconditæ multitudini suggerere poterat, scelera patrata. Serum erat, post præcipitatum deliberationem, consilium. Multi auxilium a Maximiliano Cæsare, alii e Polonia advocandum, censebant; primus omnium Joannes Bornemisza, Ludovici pueri Præfectus, ostendit, domi esse, unde malo, si animi consentientes sint, mature consuli possit. Arrepta Legione Prætoriana, cui se Paulus Tomoreus quoque junxerat, in rebelles invectus, brevi Pestanum agrum hac peste purgavit, cujus exemplo Nobiles per provincias coorti, unitis viribus seditiosos persequuti, magnam colonorum partem, præcipiti nimium fervore, cum sine his egena Nobilitas sit, neci dederunt. Septuaginta millia periisse, proditum est. Sed ut memorabile, ita barbarum severitatis exemplum, Zapolya edidit, qui victo ad Temesiam, captoque Dofa, hujus primipilos longa inedia macerari, illum autem lento igne ustulari, ejusque carnibus famelicos vesci coegit. a)

Com-

*tancus, Regis Hung. tantummodo subditus, & non dominorum, cet. dat. in Czegléd. 1514.*

a) Litt. regis, & Archiep. Strigon. dat. Strigoniæ. d. 15. Maji. 1514. Steph. Taurinus Canon. Albeds. in Trans-



Compressa rusticorum seditione, iisque, 1514.  
 qui supererant, dilapsis, aut domum compul-  
 sis, ut omnis invidia in Strigoniensem Archi-  
 Episcopum, expeditionis cruciatæ autorem re-  
 cidit, ita Zapolyæ ingens gloria parta est,  
 Stephano *Verböcio*, & Michaelæ *Zobio*, faci-  
 nora illius bello rusticano patrata, passim,  
 in circulis præsertim Nobilium, quos occultis  
 largitionibus in suas partes pertraxerat, pa-  
 lam efferentibus, &, ut in hujus laudes diser-  
 ti erant, ita regem, quasi nullo mali publici  
 sensu tangeretur, domique, dum regno extre-  
 ma perniciēs imminebat, deses hæssisset, apud  
 vulgum criminari, vituperiisque insectari so-  
 lebant. Strigonienfis Archi-Episcopus, & Jo-  
 annes Bornemisza, aliique ex regni Baroni-  
 bus Consiliarii, qui ex his initiis metuebant,  
 ne Zapolya populi favorem, in perniciem re-  
 giæ domus convertat, eo magis regem, hu-  
 jusque partes defendendas susceperant, quo  
 majora incrementa factionem oppositam ca-  
 pere intelligebant, tametsi vitari non potue-  
 rit, quin Rex vitæ discrimen adiret. Cum  
 enim tempus Comitiorum, quæ in diem XVIII.  
 Octobris indixerat, jam adesset, multique ex  
 variis regni partibus confluxissent, facinorosi  
 homines, qui fuerint, detegi non potuit, dum

N n 2

Rex

---

Transilv. in Stauromachia passim. Istvanfi. l. 5.  
 Jovius hist. sui temp. l. 13. Tubero, l. 10. §. 3.—6.  
 Cuspinianus in Diario de congressu Maximiliani  
 Cæs. & trium regum, §. 2.

1514. Rex sacris interest, in regium cubiculum, rati illum adesse, duas glandes majores, disploserant. Atrox facinus ut diditum est, continuo in eos, qui Zapolyæ favebant, suspicio a plerisque conjecta est. Strigoniensis Archiepiscopus, & Bornemisza, supervacaneum esse rati, tempus suspicionibus terere, autores regi erant, ut, nisi Zapolyam sibi parem fieri vellet, ex auctoribus factionis, nec enim jam latebant, supplicium sumeret, ita futurum, ut ceteri, qui insolentiores spiritus gererent, horum exemplo territi, ad officium redeant, aut, si id pro miti suo ingenio averfaretur, certe id ante omnia ageret, ut, quod cœperat, affinitatis vinculum cum Maximiliano, firmatis prolium connubiis, ad finem perducatur, præsertim, quod Maria Ludovici sponsa, nuper admodum ex Belgio Viennam venisset, hac una re sibi inprimis, tum prolibus, ac regno etiam optime consulturum. Hoc præ illo maluit, Cuspiniani, qui rursus Cæsaris nomine aderat, & cum iis, qui Regis auctoritatem tuebantur, crebro consilia agibat, hortatu persuasus. a)

Suppressa igitur in vitæ suæ insidiatores quæstione, initium Comitibus datum, quibus ut præcipuam occasionem rusticorum seditio præbuerat, ita fere pleraque in his ad illos in ordinem redigendos, damnorum, quæ Nobis-

a) Istvanfi I. 5. Cuspinianus in Diar. cit. in Freheri script. rer. Germ. Tom. II. pag. 594.

bilibus intulerant, compensationem, & pœnas infligendas constituta sunt. Ut patrati sceleris memoria ad posteros transiret, sublata illis deinceps libera migrandi facultas, & servitus perpetui ruflicatus constituta, auctus etiam centum denariis census annuus, item, ut nonam rerum partem dominis suis posthac præstent, interclusus etiam ad Prælaturas Ecclesiasticas aditus, si qui tamen ad eas aliquando eluctarentur, his decimæ alias præberi solitæ, omnino negentur. Proventuum regionum, qui fere omnes in pignore, vel aliis locati erant, hæc ratio est instituta: *Tricesimæ* cum *vigesimis*, Cameræ item salium, fodinæ auri, argentique, ac liberæ civitates regiæ jubentur restitui, hac tamen conditione, ut mediam proventuum partem Rex quotannis percipiat, alteram vero, qui hos fundos in pignore, vel locatos haberent. Hoc uno, si rite, & ab omnibus servatum fuisset, ærario regio, itaque & publicæ necessitati consuli poterat, verum constat, hæc fere omnia etiam tum, cum Ludovicus regnum adiit, in ære alieno fuisse. Joanni Zapolyæ ob compressam seditionem *Tricesimæ* regales, & urbes liberæ, quas in pignore habebat, tamquam navatæ operæ præmium, etiam deinceps permittæ, dum redimantur, ad hæc autem ex omnibus tam regis, quam reginæ, Prælatorum item, & Baronum, ac Nobilium, & ipsius etiam Zapolyæ

1514. **lyæ bonis, viginti denarii ad conservandam militiam, decreti, ex quibus si eam summam collegerit, quam pro pignore exhibuerat, regi Tricesimas, & liberas civitates restituet, nec integrum deinceps regi sit, quæcumque necessitas id suadere videretur, proventus suos, quin rem prius cum Consiliariis suis conferat, aliis scœnori locare, & si qui essent, qui nihilominus regios proventus sibi a rege locari impetrassent, non modo summam, scœnerationis causa exhibitam, amittant, sed tantundem præterea mulctæ instar dependere cogantur, ne quis autem errorem possit prætexere, bona omnia, quæ ad regiam coronam, tam in Hungaria, quam Transsilvania pertinent, in legem nominatim referre, visum fuit. a)**

**XI. Conventu soluto, Cuspinianus mandata, quæ habebat, regi apertius indicavit, Cæsarem nimirum libenter visurum, si cum prolibus suis, & fratre Sigismundo, rege Poloniæ, in loco utrisque opportuno conveniret, illum etiam adfuturum, qui ea, quæ matrimonii utrinque ineundi causa, nondum satis expedita videbantur, ad optatum finem perducere cupiat. Re cum *Sydloviczio*, Poloniæ Legato, & consiliariis regis collata, *Ladislaus Sternbergius* in Poloniam missus, ut, quæ Cæsaris esset destinatio, Sigismundo referret, qui cum se adfuturum nunciasset, Cuspinia-**

a) Decret. exstat in Cod. jur. patr. T. I. p. 325.

Spinianus ad Cæsarem reversus est, & Wladislaus, rebus omnibus ad iter comparatis, 1515.  
 Posonium, in hanc enim urbem conductum erat, XVIII. & Sigismundus XXVII. Martii, splendido uterque, & frequenti comitatu stipati, venerunt, Matthæus Gurcensis Cardinalis, cui Cæsar plenam potestatem fecit, cum regibus transigendi, serius adfuit. Mensis Aprilis, & præcipua pars Maji, in consultationibus, & conditionum deliberatione abiit, donec XX. ejusdem mensis, in certa capita, consentiente utroque rege, coaluissent.

Hæc istiusmodi fuere: Anna Wladislai filia, alterutri nepotum Maximiliani, Carolo, vel Ferdinando, intra anni spacium desponsabitur, si hoc elapso impedimentum aliquod intervenerit, Cæsari in manus conveniet, licet hic jam quinquagesimum sextum, & illa duodecimum ætatis annum ageret: dum annus hic decurret, Cæsar cum Wladislao, tempus ineundi re ipsa matrimonii designabunt, sponsa vero interea Mariæ, Cæsaris nepti, Ludovico destinata, ad nubilem ætatem contubernalis erit, atque hæc omnia si ad præfinitum tempus non fuerint completa, Cæsar pollicebitur, se intra biennium trecenta aureorum millia sponsæ soluturum, ac securitatis causa, thesaurum familiæ Austriacæ, qui millionem auri æquet, Ordinibus Austriæ depositurum, non ante reddendum, quam trecenta aureorum millia rite persoluta fuerint.

**1515.** Dotis autem nomine ducenta aureorum millia sponsæ quidem obvenient, sed non prius exhibenda, quam Ludovicus Mariæ re ipsa matrimonio junctus fuerit, tum vero dos dotem mutuo compensabit: nuptiarum tamen causa cuivis sponsæ, viginti vel viginti quinque millia aureorum, constitutis utrobique certis proventibus, quovis anno pendentur, quarum una si prius, quam nuptiæ coalescant, obiret, alteri nihilominus, quæ jam matrimonio juncta erit, ducenta aureorum millia, dotis nomine, persolventur, quæ, si maritus ejus improlis decederet, eidem salva, & integra manebunt, ut pari, si volet, cum dignitate nubere possit. Hæc Wladislaus suo, & prolium suarum, Gurcensis autem Maximiliani nomine, rata habuere, & Sigismundus pro utroque fide jussit.

His constitutis, & confecto rite documento, partiumque subscriptionibus firmato, Gurcensis ad Cæsarem rediit, qui non sine utriusque regis tædio, primum X. Julii Viennam reversus est, cujus salutandi causa reges, quisque suæ Nationis Oratores, Viennam milit, compertoque, ubi, & quo modo cum Cæsare conveniendum esset, Wladislaus Leitæpontum, Sigismundus vero Heinburgum, concessere, & XVI. Jul. Maximiliano ad Trautmansdorfium, in planicie, æquo inter memoratas urbes spacio, disita, obviam profecti sunt. Peractis salutationis mutuæ officiis,

cils, post moram aliquot dierum, Viennam 1515.  
 itum. Ingressus dignus erat Cæsare, & regi-  
 bus: primi dies inter hilaria exacti, & pactis  
 nuptialibus secunda cura cognoscendis dati,  
 ac unanimi paciscentium consensu roborati,  
 mox XXII. ejusdem mensis die, ad Divi Ste-  
 phani matrimonia anulorum mutatione con-  
 firmata, sextoque post die, per Cuspinianum,  
 Latino, & Germanico sermone promulgata  
 sunt. Cæsar ut vinculum affinitatis firmitus red-  
 deret, Ludovicum, patris, patruique consen-  
 su, suum in Imperio Vicarium declaravit,  
 facturumque, ut Rex Romanorum, post su-  
 um obitum, ab Imperii Electoribus renun-  
 cietur, vetera item mutæ successione in Hun-  
 garia, Bohemia, & Austria quondam inita  
 pacta, denuo instaurata, & Annæ, hujusque  
 futuro conjugii, fors hæreditaria in Hungaria,  
 & Austria, solito Domui Austriacæ successio-  
 nis ordine servato, confirmata. a)

Dum :

---

a) Auctar. diplomat. ad hist. Ursini Velii, pag.  
 282. — 300. & apud Pray, P. IV. pag. 366.  
 381. Cuspiniani Diar. & Bartolini Hedæpori-  
 con apud Freher. T. cit. pag. 587. 672. Fug-  
 ger annal. Ferdinand. l. 6. c. 17. Jovius sui  
 temp. hist. l. 16. de Roo l. cit. l. 12. Sambuci  
 append. ad Bonfinium pag. 539. — 542. Htvan-  
 fi l. 6. Tubero l. cit. l. 10. §. 6. Jod. Decius  
 l. cit. in Sigismundo. Raynaldus ad annum

1515. **Dum** hæc Viennæ agebantur, Palatinus, & Zapolya res novas in Hungaria moliebantur. Ille hujus, ut creditum est, subornatione, vel quod id e re publica esse putaret, postquam, quid Viennæ factum esset, comperit, pactis, Posonii per plateas vectus, palam, contentaque voce intercessit. Ea res, ne aliquando nepotibus suis fraudi esset, Maximiliano non exiguas primum curas conscivit, post, habita cum Wladislao deliberatione, hominem muneribus, & largitione tentandum censuere. Rex arcem Sarosiensem, & Cæsar, titulum, honoremque Principis Romani Imperii ei collaturos promissere. Captus hoc illicio, pactis, privato suo, non item Palatini, nomine, se subscripturum receperat. Verum, si pacta æquitati erant consentanea, nec alieno juri præjudicabant, inanis, & supervacanea erat vulgata Posonii intercessio, sin contra, nec suo quidem nomine, ulla præmiorum spe adduci debebat, ut se pactis subscripturum promitteret, quando æquitatis leges Palatinum non minus, quam privatum, obligant, ne, quod sibi injustum videtur, ratum habeat. Atque hæc quidem a Palatino  
ge-

---

1515.. Du Mont corps diplom. Tom. IV. P. I.  
Nro. 99. Lunig Cod. dipl. Germ. Tom. I.  
Nro. 89.



gesta fuisse, memoriæ est proditum. a) Za-  
polya autem, qui spes suas, quas de Anna 1515.  
obtinenda hactenus aluisse videbatur, congres-  
su Viennensi penitus sibi succidi videns, in-  
certum, mœrore animi actus, an congres-  
sum interturbare vellet, collecto decem mil-  
lium exercitu, Danubium transmisit, & arcem  
*Sarnonem*, Belgrado, & Szemendria æquo spa-  
cio dissitam, Rege infcio, & durantibus in-  
duciis, obsedit. Verum pro laude, quam spe  
præceperat, cladem retulit, ex qua ipse sa-  
cius, castrisque, & impedimentis exutus, cum  
paucis ægre evasit, insigni, quam sibi bello  
rusticano peperisse visus est, gloriæ detrimen-  
to; licet amici illius, jacturam apud vulgum  
elevare niterentur. b)

Prius, quam reges Vienna discederent,  
magnopere optabant, ut Cæsar commune se-  
cum fœdus contra Turcas iniret, sed cum il-  
le, nondum confecto cum Venetis bello, id  
rebus suis nunc quidem minime profuturum  
ostenderet, Wladislaus daturum se per Lega-  
tos suos operam pollicitus est, ut Veneti non so-  
lum ei concilientur, sed in partem quoque com-  
mu-

---

a) Istvanfi l. 6. sed id non recte, quod Palati-  
num Regi præmortuum putet, qui anno 1518.  
adhuc superstes erat. Vid. Pray. Dissert. de Prio-  
ratu Auranæ, pag. 73.

b) Istvanfi, & Bartolinus l. cit. Joan. Dantiscus  
in poemat. Sigismundo Regi dicato.

1515. munis fœderis libenter veniant. Hac spe facta, Cæsar, discessuros reges, Neostadium comitatus est; ubi Rex, illo, & fratre postremum salutatis, filiamque, quasi futuri præfagus, inter lacrimas complexus, Sopronium, indeque Budam rediit. Hic ei oratores a Selimo cum litteris missi, qui inducias prorogari peterent, præstolabantur. Nam cum is militiam fere omnem in Syriam, & Aegyptum traduxisset, magnopere illius intererat, ut induciarum tempus, quod prope finem jam erat, prorogetur. Rursus igitur consultatio habita, & in sententiis variatum, essentne concedendæ, an negandæ, præsertim, quod Pontifex superiore anno spem subsidiorum fecisset, quo inconsulto nihil tentandum, & oratores interim speciosa protelatione detinendos, plerique existimabant. Missus igitur Legatus in urbem fuit, qui de promissis subsidiis certiora referret. a)

1516. XII. Pontifex; qui jam alias mentem suam satis aperte, quid de hoc induciarum genere sentiret, prodiderat, Florentia XXVII. Januarii, rescripsit, non placere sibi cum hoste, qui ex commodo suo datam fidem servare, violareque soleat, inducias conciliari, exploratum quidem sibi esse, quam parum præsidii ad resistendum hosti, & defendenda regna propria, domi repositum Regi esset, cura

a) Leunclavius hist. Musul. l. 17.

raturum se tamen, ut datis ad Principes Christianos litteris, brevi tantum pecuniæ conflectatur, ut non modo vis propulsari, sed inferri etiam possit. In eamdem sententiam XIV. Februarii, ad Petrum Berizlo, Episcopum Veszprimiensem, Dalmatiæ, & Croatiae Banum, scripsit, eique indicavit, Franciscum Regem Galliae omnia libenter facturum, quæ ad salutem Hungariæ facere videbuntur, se autem commeatum interea urbi Sibenico iussisse imponi, quo, ut necessitas postulaverit, libere uteretur. a) Sed dum Pontifex, Hungariæ causa, regum, & Principum Christianorum opem sollicitat, Rex podagricis doloribus, quo morbo sæpe alias laborabat, pene oppress.

- 
- a) Raynaldus ad hunc annum. Bembus, epistolar. l. 11. epist. 25. & 27. ad regem hæc inter alia: *quoniam exploratum nobis est, sine nostro, ceterorumque Christianorum regum, & virorum Principum auxilio, non posse te a Turcarum impetu regna tua tueri, atque defendere, externis præsertim, internisque bellis defessu jam prope, & debilitata, dedi regibus singulis, & Principibus litteras, quibus petii diligentissime ab iis, ut te pecunia, una nobiscum juverent. — Quare bono animo es. Confide enim tantum tibi pecuniæ in tempore communiter subministratum iri, ut nihil tibi verendum sit, ne repellere hostem possis, tuosque fines facile tueri.*

1516.

pressus, cum se, accedente mox febre, gravius habere, sensit, accersitis utriusque regni Primatibus, fratrem Sigismundum filio tutorem constituit, curæque Pontificis commendavit, nec multo post, die XIII. Martii, anno ætatis LXI. decessit. a)

Naturam nactus est ad mansuetudinem suapte proclivem, quæ in Principe, nisi cum res, & tempus poscit, rigore temperetur, facile in ignaviam abit. Mathiæ, decessori suo, dissimillimus: ille, ut erat armis deditus, feritate, hic vero pacis studia complexus, benignitate, regebant, sed, cum neuter modum teneret, ille Nobilium prærogativas, ubi poterat, accidit, hic contra, non modo has in integrum restituit, sed auxit etiam, b) quibus cum

---

a) Ludovicus in epist., ad patrum, apud Bel. Notit. Hung. Tom. III. pag. 242. diserte III. Id. Mart. obiisse scribit, eundem diem tabula ærea Bibl. Cæs. apud Pray P. IV. pag. 390. Sed annus ætatis videtur erroneus esse, cum Decius, natum esse, anno 1456. d. 1. Mart. scribat. Error quoque Iſvanſio obrepſit. qui regem 8. Mart. defunctum scribit.

b) Litt. regis an. 1495. d. 2. festi Pentec. *quin potius, ut ipsi memores estis, — nec pristinas solum, & disiectas, atque immutatas libertates vestras, restituiamus, & roboravimus, verum etiam plures insuper alias addidimus, & ad-*

cum non nulli immodice uterentur, regia auctoritas sensim vilipendi, & , quo quis potentior fuit, eo minus dicto audiens esse, b) & , se inferiores vel opprimere, vel largitionibus in suas partes allicere, factionibus omnia permisceri, & suum quisque potius, quam regni, commodum præ oculis habere. Quo factum, ut militaris disciplina sensim labasceret, & plerique ocium sectarentur, nisi cum fortunarum compendia erant facienda, ut adeo ne a regiis quidem proventibus abstinerent, essetque ærarium regni, ministrorum peculatu, ita exinanitum, ut pecunia, cum hac opus erat, vel precario a Pontificibus petenda, vel sumenda mutuo, vel denique e Bohemia, aliisque provinciis accersenda fuerit, & Rex ipse, dum alii luxu, & deliciis diffleebant, ob penuriam domesticam, privatorum conviva esse cogeretur. Ita opulentum alias regnum, sed partim regis conniventia, partim Magnatum fastu, & avaritia, male comparatum, filio Ludovico, nondum exacta pueritia, reliquit.

## LU-

---

*adjecimus, quas neque quisquam regum Hung. unquam contulit ante nos, neque deinceps vix ullus fortassis est tantum collaturus.*

- a) Litt. ejusd. an. 1506. fer. 4. prox. post fest. visitat. B. M. V. Scimus autem, quod isti tenuiores, & inferiores Nobiles non sunt culpabiles, quia certum est, quod ipsi de bonis suis pecunias exercitiales solverint &c.



jungi ægre ferebat. Consilii hujus ei autor *Bornemifza* fuit, qui Zapolyæ ambitionem jam tempore rustici belli cognitam, Wladislao suspectam reddiderat. Itaque dilatis in aliud tempus Comitibus, coactoque frequenti Magnatum senatu, unanimi consensu, Georgius Marchio Brandenburgicus, & Joannes *Bornemifza* constituti, qui Cæsaris, & Sigismundi nomine, tutorum partes agerent, ne autem, cum dispares moribus essent, Marchio teneram pupilli ætatem ad luxum, & mollitiem deflecteret, cura Cardinali Archiepiscopo Strigonienfi data est. Id multi, qui se hoc Triumviratu exclusos dolebant, adversus conventionem anni 1508. qua cautum erat, ne pupillus tutelæ exterorum crederetur, fieri, palam vociferari, & insectari etiam cœpere, Bohemi contra ratum habebant, &, ut Rex Pragæ Comitibus in annum sequentem iudiceret, orabant, quibus cum ob Turcarum molitiones interesse non posset, ipsi his semel, iterumque coactis, Nuncios ad Cæsarem, & Sigismundum misere, qui communi nomine Ludovicum, ejusque regna, si quid periculi Hungariæ immineret, eorum curæ commendarent. a) Et erat id, quam

1515.

1517.

a) Raynald. ad an. 1516. & 17. Bohusl. Balbinus hist. Boh. Dec. 1. L. 8. & Epitom. l. 5. c. 11. Istvanfi l. 6. Fugger l. 7.

1517. quam putabatur, vicinius ob *Jayczæ*, rebus pene omnibus ad defensionem destitutæ, discrimen, quam Turcæ arcta obsidione premebant. Cum regi sumtus necessarii ad succurrendum obsessis non suppeterent, &, qui iis abundabant, tenaciores essent, quam ut commune periculum, etiam suum arbitrarentur, imperato regiis urbibus extra ordinem tributo, &, quæ supererant, castris item regiis pignori datis, ægre duodecim aureorum nummum millia conflare potuit, quæ tamen vix suffectura erant, nisi *Jayczæ* virtute Nicolai *Zrinii*, & Francisci *Berizloi* servata, & hosti negotium cum Persis obortum fuisset. a)

1518. II. Periculum obsessæ *Jayczæ* Pontifici oc-  
casio fuit, ut convocatis Regum Legatis in-  
ducias

a) Kerchelics hist. Zagrab. Eccl. pag. 212. Litt. reg. ad Barthphen cives, Buda in festo division. Apostolor. *sed quoniam nobis ad id magna vis pecuniarum existit necessaria, proventus vero nostros regales pro nunc nullos habemus &c.* Litt. Capit. Ecclesiæ S. Petri de Possega an. 1522. testantur castra regia hoc tempore fuisse oppignorata 12000 fl. auri. Tuberо comment. sui temp. L. 11. §. 4. invehitur in avaritiam plerorumque Magnatum, quasi metus fuerit, ne, si Rex militia, & ære abundaverit, his ad tyrannidem sensim abutatur. Leunclav. hist. Mutulman. l. 17. ad an. Hegyræ 923.



ducias quinquennales, inter dissidentes 1518.  
**Principes conciliaret, & erectis ad averten-**  
 dum commune periculum animis, ad suppe-  
 tias Hungariæ ferendas, plerosque non diffi-  
 culter adduceret. Certiorem de hoc propo-  
 sito regem datis ad eum VII. Januarii litteris  
 fecerat, monuitque, ut ipse, quo propinquior  
 hosti erat, eo magis etiam ad ceterorum  
 commune hoc studium operam suam confer-  
 ret. Obsecutus Pontifici, semel, iterumque  
 conventum regni mense Januario, & Februa-  
 rio celebravit, a) sed cum plerique magno  
 armatorum numero comparerent, nihilque  
 propterea liberis suffragiis posset decerni,  
 rursus conventus ad XXIV. Aprilis indictus  
 est, & omnes, imprimis Zapolya, commo-  
 nefacti, ut conveniente quidem numero, sed  
 non cum exercitu, Comitibus adessent. b) Per-  
 culit

O o 2

culit

- a) Rembus epistolar. l. 16. Litt. regis ad Zapo-  
 lyam Bud. Dominica Lætare. *Quamquam duas  
 hoc anno conventiones habuerimus in eum finem,  
 — ut in illis de avertendis hujusmodi pericu-  
 lis consuleretur, undecunque tamen contigit,  
 nostra hæc tam bona voluntas, ut notum est  
 omnibus, perducere ad effectum non potuit.*
- b) Ibid. ad eund. *Quare fidelitatem vestram hor-  
 tamur — sub poena decreti, — quatenus —  
 ad prædictum festum B. Georgii M. huc Bu-  
 dam — non cum exercitu, sed convenienti nu-  
 mero, animo ad bonum rei publicæ propenso,  
 Et bene disposito venire debeatis.*

1518. culit Zapolyam tacita hæc reprehensio, & re-  
cum Palatino Perenio communicata, ventu-  
rum se quidem Budam, sed non ante, quam  
Rex *Bornemiszam* inde exigeret. a) Nec hic,  
quid ille per hoc cuperet, ignarus, pro tu-  
toris officio rem omnem ad Cæsarem Oeni-  
pontum perscripsit, qui, misso Budam *Her-  
bersteinio*, regi significavit, quatuor peditum  
millia, & quingentos equites, ad limites Au-  
striæ, præsto ei futura, si Zapolya cum suis  
aliquid contra regem moliretur. b). *Herber-  
steinii* improvise adventu, quem a Cæsare  
missum esse, in vulgus studiose editum erat,  
Comitia satis pacate inchoata, sine fructu ta-  
men soluta, & rursus pro XXV. Julii *Tol-  
nam* concita sunt. In his pars regia, ut vide-  
batur, Zapolyanæ prævaluit, quæ cum in  
medium proposuisset, militiam magnopere a  
pristina disciplina defluxisse, & legum san-  
ctimoniam universe videri fere conculcatam,  
plerisque etiam, quorum tamen esset, patriæ  
con-

- 
- a) Litt. Zapolyæ ad Steph. Bathor, C. Temesien.  
ex Tokai fer. 5. major. hebdomadæ. *Daretur  
locus nostris verbis, ut dixeramus, ut scilicet  
interim, quoadusque ipse Bornemisza castrum  
Budense possidebit, in eam non intrabimus &c.*
- b) Senkenberg Coll. document. Par. IV. sect. 2. n. 3.  
Vide etiam Hieron. Balbi opera Tom. IV. Epist.  
9. & reliquas, ab Josepho de Retzer S. R. I.  
Equite, & Nob. Prov. Austr. edit. Vien. 1791.

consulere, commodo suo intentis, & ad commune malum obtorpescentibus, hostium progressiones ita in dies augeri, ut in Bosnia præter *Jayczam*, & *Banyalucam*, nihil super sit, his autem amissis facile hosti aditum in Sclavoniam, ex hac in Hungariam, utraque patere, statuit majore suffragiorum numero, ut Prælati, Barones regni, Comitatus, & qui ex legum præscripto militiam profiteri debent, copias suas in promptu semper habeant, ne, si hostis jam jugulo imminet, tunc primum eas, fero nimis, & sine fructu, sub signa cogi oporteat, ad hæc, ne stipendia, necessarius militiæ nervus, deessent, subsidium quinquaginta nummorum omnibus imperatum, cautumque, ne quid ex hoc Quæstores, ut hactenus, intervertant. a) De proventibus regis, quod fere omnes in pignore essent, decretum, ut in futuro Conventu *Bachiam* pro XXIX. Septembris indicto, transigatur.

Hæc quidem constituta fuere, verum, ubi ad conductum diem, & locum, minori, quam ante, numero convenere, nihil fere ipso ope-

O o 3 re

---

a) Decr. anni 1518. Triste est ingressum illius, qui, ut plura, in Corpore jur. patr. deest, legere: *Quoniam*, ita habet, *omne regnum duobus instrumentis regitur, & conservatur, scilicet, armis, & legibus, quorum in hoc regno nostro Hungariæ, hoc tempore neutrum habetur, &c.*

1518.

re præstitum fuisse, graviter questi sunt, quibus rei publicæ salus cordi erat. a) Itaque priora secundis curis cognita, & stabilita: delecti Quæstores duo, qui juramento adstricti, subsidia pecuniaria prioribus Comitibus decreta, colligant, proventus regii, qui, in pignore erant, & plerique in ære Zapolyano erant, jubentur restitui, quibus liberandis si ærarium non esset sufficiens, tam Ecclesiastici, animarum curæ destinati, majoris tamen census, quam ceteri, de suo suppleant, iis denique, qui contempto regis mandato, Comitibus non interfuissent, mulcta, Magnatibus octingenti, Nobilibus vero quadringenti floreni, inter egentiores Nobiles distribuendi, dictata. Atque hæc quidem satis concorditer, at ubi rursus mentio de Tutoribus inciderat, multi in eam sententiam inclinabant, ut iis aliquot præterea collegæ, ex Prælatorum, Magnatum, & Nobilium ordine adjungerentur. Vicit opposita factio, & Zapolya ex Magnatibus, ex Nobilibus autem Michael de Zob, delecti sunt, qui

---

a) Art. 1. ibid. *Quamquam haecenus quoque multa, & multoties, bona, utiliaque statuta, salutem & quietum statum totius regni, & imprimis quidem incrementum regiminis Majestatis Regiæ concernentia, ordinata fuerant, quia tamen observatio, & executio earum constitutionum subsequuta nunquam fuit, ideo in irritum omnia transferunt &c.*

quī Regi assisterent, curam haberent illius educandi, potestatem distribuendi regni officia, penes quos denique rerum summa universe esset, qua re non modo regiæ dignitati derogatum, sed tutorum, quos Cæsar, & Rex Poloniæ constituerant, fides in dubium vocata, & quo omnia spectabant, Zapoljana factio magnopere aucta fuit. De Jaycza quoque actum, ut annona, milite, & necessario ad defensionem apparatu, provideretur, Berizloo Veszprimiensi Episcopo Croatiae Bano, mandatum, ut horum curam haberet. Neque is hanc provinciam detrectavit, sed cum videret, nec annonam, nec militem pro ea copia, & numero, ut imperatum erat, adesse, quoniam hæc omnia per hosticum Jayczæ importanda erant, non aliter se id facturum significavit, nisi Rex, si quid adversum eveniret, sibi id minime fraudi dandum, polliceretur. a) Hic Comitiorum exitus erat, a principio suo magnopere dissidens, & olim extremum fere exitium regno allaturus. Depressa enim Regis, & Tutorum auctoritate, sensim privatæ potentiorum societates exortæ, quæ, ut diversis studiis, & fine, inter se differebant, ita mutuo clandestinis machinationibus se exagitabant, quarum illa, quàm

O o 4

Za-

---

a) Litt. regis Bud. in festo S. Joan. Evangel.

Zapolya jam ante cum pluribus inierat, a), nunc aliorum etiam accessione celebrior, & periculosior fuit.

1519. III. Non poterant id tutores regis, præsertim *Bornemiszam*, qui Zapolyam acriter observabat, diutius latere, qui propterea etiam Regi autor fuit, ut inducias iis conditionibus, quas Barnabas *Belaius*, ab Wladislao Legatus Constantinopolim missus, inde nuper perscripserat, cum *Selimo* iniret, ita futurum, ut parta foris quiete, rebus domesticis, quæ non satis tutæ viderentur, magis possit consulere. Deliberanti in utram partem se daret, nuncium allatum est, Maximilianum Cæsarem *Velfii*, XII. Januarii obiisse. Non ignorabat, illum, dum viveret, magno studio conatum fuisse, ut alteruter nepotum, Carolus, vel Ferdinandus, sibi in Imperio succedat. Itaque, cum ipse Elector esset Bohemiæ, & ad eam destinationem multum conferre posset, Ladislaum *Sternbergium* suo nomine oratorem, qui suffragium pro Carolo ferret, ad Imperii Comitia misit. Adjunxerat huic eadem de causa Georgium Marchionem Branden-

---

a) Zapolyæ ad Steph. Báthory supra cit. *Reliquum autem est, quod multæ nos tentationes ab eo tempore, quo ab invicem sejuncti sumus, circumvenerunt, tamen nos, auxiliante Deo, sequimur nostram sectam, & D. quoque vestra Magnifica sit firma in fide.*

denburgicum, & primi Ordinis Hungariæ Barones, qui inter reliqua, de sororis suæ nuptiis cum Carolo, si adesset, transigerent, & si abesset, in Hispaniam profiscerentur. Ac horum quidem studio ceteris conjuncto, Carolus, præ Francisco Galliarum Rege, electus, nuptiarum autem transactio in aliud tempus dilata est. a)

1519.

Interea Selimi Legatus, *Kamal* nomine, Budam venerat, ut de induciarum conditionibus, secundum exemplar a *Belaio* missum, cum ipso Rege transigeret, nec is, *Bornemiza* autore, qui alumno suo, ut tunc res domi erant, vehementer metuebat, se difficilem præbuit. Hæc earum capita fuere: induciæ a calendis Aprilis triennium durent, interea neuter principum alterius ditionibus damnum inferre audeat, in ditionibus autem regis, præter Hungariam, Dalmatiam, & Croatiam, Bo-

- 
- a) Litt. regis ad Georgium Marchionem Brandenb. Bud. f. d. *Postquam itaque hæc ipsa Catholica M. electio pro animi nostri sententia, non sine auctoritate, & favore nostro, per vestrum præcipue & aliorum Oratorum nostrorum studium, ut ipsimet Commissarii Catholicæ M. testantur, feliciter peracta jam sit, reliquum est, ut negotium sororis nostræ charissimæ vobis optime notum, cum ipso Carolo, jam Rom. Rege — transigendum curetur, de qua re habetis a nobis omnimodam informationem. &c.*

1519.

Bohemia quoque cum Moravia, Lusatia, & Silesia utraque, quidquid item in Bosnia, Servia, & Bulgaria superesset, quamquam id permodicum, & laciniae solum essent, comprehendendi censeantur. Liberum praeterea sit, Christianis Principibus, Pontifici, Carolo, & fratri Ferdinando, Duci Burgundiae, & Regi Neapolitano intra anni spacium foederis socios esse, idque litteris publicis testatum facere, sin abnuerent, nullam in eo partem habeant: mercatoribus ultro citroque commendi secunda facultas sit. De Ragusio, Moldaviae, & Valachiae Vayvodis ita conventum, ut, quod hactenus regibus Hungariae, & serius Turcis etiam solvissent, deinceps etiam quotannis pendant, nihilque praeterea novi oneris eis imponatur. Conditiones Rex Budae XXVIII. Martii, & *Selimus* Adrianopoli XXX. Maji, juramento firmatas signarunt. a)

Fuere, quod rebus domi in ambiguo constitutis mirum videri debet, qui inducias deproperatas fuisse quererentur, indeque occasionem fumerent, non tam Regem, quam Tutores, qui earum auctores fuissent, lugillandi, in quos paulum post, dum in Comitibus magna contentione ageretur, quis defuncto

Pa-

---

a) Utrumque induciarum exemplum exstat in Tabular. Vaticano, ex quo haec compendio retuli.



Palatino *Perénio*, a) subrogandus esset, acerbius invecti fuere. Magna Nobilium pars Transilvaniæ vicinior, Zapolyam designabat, Rex contra cum Tutoribus, & regni Baronibus, quibus arrogantia illius jam molesta erat, & potentiores Nobiles fere plerique Stephanum de *Báthor*, qui quidem opulentia illo inferior erat, sed sanguinis vetustate præstabat, Palatinum elegere. b) Inde implacabiles inter utrumque inimicitiae ortæ, quæ Regem cum regno postea in summum discrimen adduxere. Constituto Palatino, eadem, quæ prius, decreta, & firmata sunt, interdictum quoque privatas societates inire, quibus confederati suum magis, quam commune regni, bonum & utilitatem præ oculis haberent, &, quæ hactenus coaluissent, dissolvi iussæ sunt; præterea, ut multa pecuniaria ab iis, qui Conventui Bacsiensi non intererant, exigatur, imperatum.

#### IV.

- a) Dorothea de Kanyfa, in litt. 7. Martii 1519. ad Gregor. Horváth, Castellatum suum in Onod datis, se *relictam* Emerici Palatini diserte affirmat.
- b) Istváni hist. I. 6, id ad annum 1517. non recte occupat. Superfunt enim litt. Emerici Perénii anno 1518. Dominica *Lætare*, quibus testatur, sibi a Castellano suo in Onod pecuniam rite administratam fuisse,

1520. IV. Sed cum hæc negligentius, quam par erat, exhiberetur, nec copię militares essent justo numero completæ, iterum conventus in-  
eunte Februario habitus, a) iterumque gravissima data mandata, ut ad delignatum tempus miles, & huic alendo necessaria stipendia adessent. Cupiebat enim Rex prius, quam ad Bohemos, qui illum crebris nunciis invitabant, b) proficisceretur, hæc omnia opere ipso præstita videre, ne tot Comitibus nihil pro salute regni actum videretur. Parantem se itineri cædes Berizloi Veszprimiensis Episcopi, Croatiae Bani, retinuit, qui, dum Turcas in Croatiam irrumpentes reprimere conatur, in insidias præcipitatus, occubuit. c) Itaque,  
cum

a) Litt. Assessor. regis ad Comitatu. Veszprimien. fer. 5. post Mathiæ 1520. *Etiā in hac novissima Dieta pro festo B. Dorotheæ V. & M. celebrata, unanimiter decretum est, ut ipsæ gentes — præterea ordinatum est, quod in quolibet Comitatu super hujusmodi pecuniis ratio justa & recta erigatur.*

b) Litt. reg. ad Bartphenfes fer. 6. prox. ante Trinitatis. *Intellexisse jam potuistis, quali apparatu nobis ad præsentem profectionem nostram versus Posonium, & deinde ad regnum Boh. quo jam sæpius vocati sumus, existat &c.*

c) Ibid. *Quod a vobis quoque necessarium subsidium repetamus, & præsertim hoc tempore, quolo.*

cum parum in fide Turcarum durantibus etiam induciis reponendum esset, dilata in Bohemiam profectio, quæ ad defensionem Croatiae pertinebant, occupare conatus est. Curas auxit mors *Selimi*, quæ in diem a) XXI. Septembris inciderat, ejusque successoris *Solimani* armorum, & belli appetens indoles, domi vero, si periculum ingrueret, nihil fere eorum, quæ tot Comitibus statuta erant, comparatum, ut adeo corrogare auxilia ab exteris necesse esset. Missi ad Cæsarem, & Ferdinandum propterea Legati, Romæ autem Stephano *Broderico*, Oratori regis cura data, ut de subsidiis diligenter cum Pontifice agat, & ne pondus deesset, missus est in urbem *Werböczius*, qui, in quo statu res Hungariæ sit, coram uberius explanaret, re autem vera, quoniam apud factionem *Zapolyanam* præcipuus consiliorum auctor habebatur, ut speciosa legatione aliquamdiu a regno abesset, ne illa majora, illo præsentem, incrementa sumeret. Hæc inter *Berghamus* a So-

---

*loco Bani nostri Croatiae, qui nuper ibidem in conflictu cum Turcis habito occubuit &c. Putida fabula est, nec tempori consentiens, quam de cæde hujus Bani, Turnschvamius Mss. suis memoriis inferuit, quamque hic referre nihil attinet.*

a) Leunclav. hist. Musulmanicæ pag. 753. habet 7. mensis *Scheval*, quæ hoc anno, fuit 21. Sept.

**1520.** *Solimano* missus explorator magis, quam mortis paternæ nuncius, adfuit, ut, quæ regis mens esset de prorogandis induciis, resciret. Responso ambigua fuere, quod per idem tempus per *Ambrosium Sarkanium*, & *Hieronymum Balbum*, *Posoniensem* Præpositum, de concludendis inter *Mariam* cum *Ludovico*, & hujus sororem *Annam* cum *Ferdinando* nuptiis, & decernenda utrique dote, *Oeniponti* tractaretur. a)

**1521.** Quæ postquam mutuo paciscentium consensu constituta fuisset, & *Carolus Cæsar*, condita, quæ deinceps familiæ propria esset, sanctione pragmatica, fratri *Ferdinando Austriam*, *Styriam*, *Tyrolim*, *Carnioliam*, & *Carinthiam*, velut partem hæreditatis celsisset, *Anna Ferdinando XXVI. Maji*, *Maria* autem serius postea *Ludovico*, collocata fuit. *Turcicus Legatus* interim, dum hæc aguntur, responsa, & missionem frustra sollicitabat, & *Zapolya*, qui regis sororem olim prensaverat, æger animo, factioni suæ plures socios adlegere conabatur. Accessit non multo post aliud, mentem depascens malum, invidia, quod *Stephanus Bathorius Sophiam*, Ducum *Mazoviæ* sororem, *Ludovico* conciliante, matrimonio

---

a) Auctar. diplom. Kollarii ad Hist. Velii, & apud Pray annal. Par. V. pag. 38.

monio sibi junxisset , a) ut, quemadmodum 1521.  
 dignitate hactenus superior erat Joanne Za-  
 polya , affinitate etiam sanguinis , quo ille  
 Ducis Tetsinenfis sorore editus , se jactabat ,  
 par haberetur. Novum hinc æmulationis ,  
 & odiorum semen utrinque jactum.

Solimanus , qui Legatum suum tam diu  
 Budæ teneri , indigne ferebat , in Serviam  
 movens, *Rumeliæ* Præfecto mandaverat, ut *Sza-*  
*bacsum* tentaret, quod ut primo impetu captum  
 est, ipse copias Belgrado admovit. Quo com-  
 perto Ludovicus , incertum, quo suafore,  
*Berghamum* trucidari jussit, quasi cæde unius  
 contra jus gentium patrata, locus ab omni-  
 bus ad defensionem imparatus, servari potu-  
 erit. Conclamatum quidem ad arma est, mi-  
 litia undique concita , & castra ad *Tolnam*  
 posita, scriptum ad externos Principes pro au-  
 xilio , Palatinus cum parte copiarum præ-  
 missus, ut hostem Savi transitu arceret, sed  
 cum ei omnia lente administrantur , & ex  
 agresti plebe collectus tumultuarie miles , di-  
 sciplinæ impatiens diffluit, frustra que ad *Tol-*  
*nam* confidetur , Belgradum, *Hedervarii*, qui  
 arcis præfectura, etsi sæpe jussus, decedere  
 nolle-

---

a) Cuspinianus in Cæs. sub Maximiliano ; & Strei-  
 nius annal. Austriæ ad h. an. Contractus ma-  
 trimonii an. 1520. Varsaviæ 17. Sept. initus ,  
 & an. 1521. die post Magdalenaë ratihabitus  
 a Bathorio.

1521. nolebat, pervicacia, & Michaelis *More*, quem sibi Legatum, invito rege, substituit, proditione, IV. Nonas Septembris, Solimano deditum est, a) quo occupato, caelisque contra datam fidem praesidiariis, ille Constantinopolim, & Rex Budam reversi sunt. b) Nolim, quod aliqui existimabant, affirmare, Turcas ab ipsis Hungaris ad obmovendum bellum fuisse incitatos, nec enim hac perfidia *Solimano* opus erat, qui probe cognitum habebat, quæ discordia Nationem scinderet, quæ esset ærarii inopia, & quantopere Rex ob ætatem despiciatui haberetur. Illud extra dubitationem est, culpam omnem amissi Belgradi in *Morei* proditionem, & *Hedervarii* contumaciam fuisse conjectam, quos Rex pro-

---

a) Istvanfi hist. l. 7. diem 29. Aug. statuit, quo Belgradum occupatum sit, contra autem annal. Turcici apud Leunclavium l. 18. diem 2. Septembris, sive 27. mensis *Ramazan*, qui hoc an. fuit 2. Septembr. Consentiant litt. regis ex castris ad Tolnam in festo Ægidii, seu 1. Sept. scriptæ.

b) Surius in suis Comment. ad h. an. & Tubero Comment. sui temporis toto l. 11. Litt. reg. ad Papam Buda 29. Jun. & ad Portugal. regem: *rogamus M. V. ut fratrem, & affinem carissimum, velit & ipsa in Turcas quam maximum potest auxilium rebus nostris pene extremis afferre. Sic ad alios Principes.*

propterea, postquam in Conventu Albenſi  
juramentum, quod pater illum, ſi legitimam  
ætatem attigerit, præſtiturum pollicitus erat,  
Ordinibus dixiſſet, a) & regina fuiſſet coro-  
nata, infidelitatis nota perſtrinxit. b) Subſi-  
dium quoque LXXV. denariorum in bellum  
Turcicum, *Werböczio* conſignandum, viri-  
tim decretum, quod & lente exhibitum eſt,  
c) nec quadraginta quinque mille, ſeptingen-  
tos, & quadraginta ſeptem florenos exceſſit,  
d) exiguo in tanta, communique neceſſitate,  
emolumento

V. Rebus domi aliquantum, ut videba-  
tur, jam pacatis, iter Bohemicum ingreſſus,  
vix *Brodam* attigerat, cum Turcæ anni prio-  
ris fortuna allecti, pars *Orſovam*, metu de-  
ſertam, occupavit, pars, Sclavonia percur-  
ſata,

a) Litt. regis: *Datum in civitate noſtra Alba re-  
gali, ſer. 4. poſt feſtum conception. Virginis  
glorioſæ, 2. ſcilicet die præſtiti a nobis jura-  
menti. 1521.*

b) Acta Proceſſ. Hedervariani.

c) Litt. reg. ad Palatin. ex Broda Alemanica,  
d. 17. Mart. *Illud autem nobis plurimum mo-  
leſtum eſt, quod ſubſidium tarde exigitur, nam  
ex ea tardatione periculum regno noſtro pote-  
rit evenire.*

d) Regiſtrum pecuniar. h. an.

1522.

fata, Quinque Ecclesias obsederat. a) Palatinus, ut hostis progressionem moraretur, Zapolyam in Transilvaniam, Banos ad suam quemque stationem, abire iussit, ipse Zevrinum, Temesvarinum, & Titulium, militiæ supplementa, & annonam misit, præ ceteris vero, ut Jayczam, Banyalucam, & Orbosvaram, hostibus vicinas, Præfecti diligenter custodirent, mandavit, Scardonæ a Turcis circumfessæ, b) quod longe disita esset, sero consulere poterat, domi quoque, ne factiones alerentur, privatas societates, pro ratione sui officii dissipavit, quæ Ludovicus, qui interea cum regina Pragam pervenerat, rata habuit, utque deinceps eadem diligentia, & fide, res curaret, hortatus est, præsertim autem, ut subsidio pecuniario, quod Ordines promiserant, mature, riteque exhibendo invigilet, negligentes, aut refractarios, tanta bonorum parte mulctet, quanta dimidio annui proventus responderet. c) Addidit, a Bohemis

---

a) Litt. reg. ad Palatin. fer. 2. post Oculi. *Id autem vehementer dolemus, quod Turci castrum Orsova expugnarunt, & Pech obsederunt.*

b) Litt. Marci Iussich ad reg. Scardona sabb. ante Judica.

c) Regis ad Palatin. Broda 17. Mart. *Quod autem conventiculum illam dissolvendam curaveritis cum D. Vayvoda (Zapolya) grato animo*



mis, & Moravis, ex Silesia item & Lusatia, proxime auxilia Hungaris adfutura, misisse se ad Conventum Imperialem Norimbergam eadem de causa Oratores, Cæsarem, & Principes ea fuisse benevolentia, ut stipendia pro Romano itinere ei designata, a) in bellum Turcicum libenter impensuri sint, modo ipse ageret, ut, quæ aliquoties jam in Comitibus statuta erant, præstentur, ne, si auxilia exterorum adfuerint, & promissa non servari intelligant, nobis ipsis volentes defuisse arguamur. Palatinus sine mora regis voluntatem per Comitatus vulgaverat, egitque, ut copias, & promissum pecuniæ subsidium quisque in numero habeat; ob dissensiones tamen, quæ Rege absente majora incrementa sumserant, parum, aut fere nihil, contempta Palatini, & Re-

P p 2

gis

---

*a vobis accepimus, nam certe ejusmodi conventicula nunquam aliquid boni attulerunt,*

- a) Ejusd, ad Comit. Saxonen. Praga 23. Apr, Cæsar Carolus, frater & sororius noster — illud auxilium certum, & non contemnendum, quod Principes I. R. Majestati suæ Cæs. pro accipienda corona Imperiali, & pro recuperandis juribus suis in Italia obtulerant, consideratis regnorum nostrorum periculis, annuit, & promisit, ut in nostrum subsidium converteretur.

1522. 

---

gis auctoritate, prælitum est. a) Quare non pauci Prælati, & Barones, qui regni calamitatem miserabantur, inter se fœdus inivere, quo regnum, & regis dignitatem se omnibus viribus tuituros promiserant. b)

Eadem Principum Imperii, Hungariæ causa, sollicitudo erat. Responsa, quæ Orationibus Hungaris dederant, hæc fuere: se gravibus eorum rationibus permotos, copias auxiliares missuros, ob pericula tamen, quæ ipsi Germaniæ nunc imminet, tot mitti non posse, quot alias in Conventu Wormatiensi decretæ erant, interim quater mille pedites, in sex menses, esse destinatos, qui XXV. Maji an-

---

a) Litt. Palatini ad Comit. Sarosien. Bud. 14. Maji.

b) Conventio Prælator. & Baronum fer. 6. prox. ante diem B. Augustini Budæ, in quâ hæc leguntur: *quod nos considerantes varias dissensiones, injuriarum illationes, item damna illata, & inferenda, diversosque actus potentiarios, præsertim propter absentiam regiæ M. in dies emergere, neque ab iis desisti, sed potius crescere quotidie, ad talem inter nos unionem devenimus. Imprimis, quod sereniss. Principi, Domino Ludovico, fideliter, & sincere, ut aliqui tenemur, serviamus, ejusque statum, dignitatem, & auctoritatem in quibuslibet rebus curare, seu promovere, totis viribus, omnique conatu debeamus &c.*

anno sequente ad defendenda Croatiae praesidia adfuturi sint, modo Hungari necessarium apparatus administrarent, stipendia a Germanis praebitum iri, quibus ipsi annonam sibi iusto, & parabili precio comparare possint: cupere se etiam, ut duo primi Ordinis Hungari, qui rationem cum Turcis belli gerendi cognitam habent, Praefecto Germanorum adjungantur, &, ubi praestitutum sex mensium tempus fuerit elapsum, auxiliariis liber, securusque redditus praestetur. a)

1522.

Cum his responsis Oratores dimissi, anno sequente Budam redierunt, quos haud multo post, Rex cum conjuge e Bohemia consequutus, ut expectationi Principum responderet, Comitibus in XXIV. Aprilis indixit. Haec, periculi vicinitas, nam Turcae interim *Ostroviczam*, castrum *Zagoriae* post *Clissam* munitissimum interceperant, b) frequentiora, quam alias, reddidit, animosque ad tempus

1523.

Pp3

con-

a) *Acta Norimbergae die 22. Dec. anno Dom.*

1522. Subscripti sunt: Ferdinandus Archid, Austr. Caesaris in Imperio Locumtenens, Albertus Cardin. Mogunt. Ludovicus Dux Bavar. Ladislaus de Macedonia el. Episcop. Sirmien. Petrus Korlatkewy de Buchan. Mag. cur. reg. Steph. de Werbewcz in Judiciis Locumten. regiae M. Sigism. Pogán de Cheh.

b) Litt. reg. ad Brodericum, suum Romae oratorem Bud. f. d.

1523.

conjunxisse videbatur. Res militiæ imprimis curæ erat; decem *Sessiones*, ita fundos nostri Jureconsulti vocant, sine personarum discrimine, unum equitem, clypeo, hasta, vel arcu & pharetris instructum sistent, in iis præsertim Comitatibus, qui plana occupant, qui montana, peditem: Nobiles unius *Sessionis* viritum equites, vel pedites aderunt, si periculum fuerit, nec licebit eis curru proficisci; in quovis Comitatu Rex Præfectum militarem constituet, qui copias, cum mandatum fuerit, regiis conjunctas ducet, si qui mandato regis reluctarentur, eos hostium loco habebunt; expeditione promulgata nemo abesse auit, si abfuerit, bona amittat: infirmi & senes sibi alios subrogabunt. Quoniam autem confinis præcipue metuendum erat, statutum, ut duo Præfecti sint in quovis præsidio, quibus pœna capitis, & bonorum amissio decreta, si simul abessent, nec unus deinceps duobus præsit, ne, si unum defendere opus sit, alterum amittatur; his tuendis Rex militiam vexillo suo adscriptam, in limitibus collocabit.

a) Hæc fere sunt, quæ his Comitibus decreta fuere, b) sed, ubi tempus, quo auxiliares copiar

---

a) Decretum hujus an. in Corp. jur. patt.

b) De subsidio pecuniæ nulla in eo fit mentio, quod tamen Rex sibi exhibitum esse in litt. fer. 2. post fest. S. Annæ testatur his verbis: *ad cujus*

piæ e Germania adfuturæ erant, jam prope esset, nihil de tormentis, pulvere nitrato, reliquoque ad defendenda præsidia necessario apparatu, quod tamen Imperiales flagitabant, adhuc comparatum. Atque his quidem, si unquam alias, certe anno sequente opus erat, dum *Solimanus* confecta cum Persis pace, ingentes rursus apparatus faceret, & Croatiam designare videretur. Erat regni hujus, tot hostium incursionibus frequentati, conditio sane misera, & nunc ob annonæ, quondam ab Hadriano Papa submissæ, sed per Præfectos *Segnienses* interversæ, penuriam, summo periculo exposita, cujus defectu arx *Ostrovicza* Turcis dedita, & nisi Clemens Pontifex recens commeatum opportune misisset, etiam *Clissa* peritura erat. Magno tamen nostro commodo accidit, quod *Archmethus*, qui expugnata nuper *Rhodo* inclaruerat, arrepta in Aegypto tyrannide, ultiores *Solimani* progressionem interceperit, præbueritque Regi

1524.

P p 4

spa-

---

*jus (hostis) conatum repellendum, viribus nostris propriis diffisi, cum ad externorum etiam auxilium petendum nos confugere oportuerit, nullus est subditorum nostrorum ordo, qui non aliquid subsidii nobis in defensionem communis nostræ Patriæ dederit. Adeo manca hujus ætatis Comitiorum decreta habemus.*

spacium respirandi. a) Fecit, etsi ea ætate  
 1524. esset, quæ laborum, & curarum impatiens  
 esse solet, omnia, seu suo, seu *Bornemisza*  
 consilio, quæ ad servandum regnum pertine-  
 re videbantur. Indictus rursus Conventus est,  
 b) iterumque tempus magis altercatione, quam  
 opportunis necessitati consiliis, infusum. In  
 pecuniæ nervo maxime adhæsum; qui, etsi  
 quidem subsidium priore anno decretum, tan-  
 dem fuisset exhibitum, & Pontifex præterea  
 non exiguam æris summam Nuncio suo, Ba-  
 roni Antonio de *Burgio*, crediderit, ut, si  
 Hungaros viderit, serio curam salutis suæ, &  
 regni habere, hanc in eum finem impendat,  
 vix tamen in tam varias belli necessitates  
 suffecturus erat. c) Itaque infectum argen-  
 tum,

---

a) Litt. Pontif. ad Joan. Bornemisza, & Capi-  
 taneos Segniens. d. 20. Febr. Regis ad Brode-  
 ricum Romam; Buda, 8. Mart.

b) De hujus anni conventu dubium exortum, dis-  
 solvit Nuncius Apostol. Baro Burgio in litt.  
 sequ. an. ad Sadoletum Pontif. secretar. scri-  
 ptis, in quibus hæc: *dixerunt (suetiosi) velle*  
*se interrogare, — quæ causa fuerit, quod de-*  
*creta anno præterito edita, non fuerint ob-*  
*servata.*

c) Litt. Ant. Burgio ad Sadoletum, Buda 6. Dec.  
*Quod attinet ad erogandam pecuniam, sua san-*  
*ctitas novit, me semper ejus fuisse opinionis —*

ut

tum, & vetus moneta, undique regis nomine conquiri iussa, domus monetaria præter ordinem *Eszekini* ad feriundam ex his pecuniam instituta, a) nec, si hæc non sufficerent, quo defectus argenti suppleretur, æs cyprium neglectum. 1524.

Actum etiam, suasu præcipue Pontificis, ut Hannibal Cyprius, erat is inter regis familiares, pacis, bellicque studiis apprime excultus, ad *Solimanum* Legatus mitteretur, ut, sin minus consilia pacis admitteret; qui apud Turcas fierent apparatus, quoque illi spectarent, diligenter rimaretur, & Hungaria tempore interim ad necessarios etiam faciendos apparatus, uti posset. b) His curis regem domi

---

*ut omni opera hos (Optimates intelligit) inducerem ad honestam aliquam deliberationem, offerens eis auxilium D. nostri, &, quia id hactenus efficere non potui, totam pecuniam detinui, — & toti regno cum publice in congregatione, tum privatim in consilio, cunctisque Nobilibus palam feci, sanctitatem suam non deesse defensionis Hungariæ, — ut nemo in Hungaria sit, qui mentem suæ S. non sciat, non laudet &c.*

a) Regis litt. patentes ad comitatus. Bud. 27. Octobr.

b) Ejusd. ad Brodericum Romam: Si SS. domino nostro videatur, nobis profecto non displicet,

1524.

domi occupatum, mirum est, etiam Daniæ regis patrociniū, in consortio aliorum, suscepisse. Ejectum, religionisne novatæ; an alia causa? incertum, anno priore a suis regno, cum conjuge Pontifex, Cæsar, Rex Angliæ, ceterique Principes, ne inaudita multis seculis seditio ad alias Nationes, & in exemplum transiret, communiter tuendum suscepierant. Convēntum propterea *Hamburgum* indixere, quo Ludovicus suū quoque Legatū eandem ob causam miserat, additis ad reliquos Oratores litteris, quibus, nullam sibi meliorem rationem ad restituendum regem videri, significat, quam si operam dederint, ut civitatæ multitudinis animos mitioribus consiliis ad mansuetudinem, & obsequium sensim flecterent, hanc viam se arbitrari esse commodissimam ad æstum temperandum, qua si nihil effici posset, se cum Cæsare, & patruo suo, rege Poloniæ, aliisque Principibus, communem causam facturum, nec admissurum, ut Princeps, dignitate, & regno inique spo-

---

*cet, ut Hannibal Cyprius legationem suam exequatur, proderit enim fortasse nunc, vel imposterum, si ille Princeps de nostra voluntate fuerit factus certior. Poterit insuper ad nos ex illis partibus explorata reportare, quod magno usui nobis, ac toti Christianitati est futurum &c. Bud. 8. Mart. Intermittā tamen fuit Legatio.*



spoliatus, calamitosam exilii conditionem diutius perferre cogatur. a) Hæc ille, ex animo suo alios metiens, consilia suggererat, quæ quidem, si confestim in principio adhibentur, aliquando prodesse, sin autem sero, quod ipsa mora jam nullus auctoritati locus sit, plerumque obesse solent, quemadmodum ipse non multo post fere expertus erat. 1524.

VI. Interea Turcæ, quos nihil fere eorum, quæ in Hungaria agebantur, latebat, expugnato Zevrino, ingentem classem in Danubio, & Savo parabant. b) Minime dubium erat, quin, ut Rex ad Pontificem perscripserat, apparatus hi ad subjugandam penitus Hungariam pertinerent. In Bulgaria nihil jam juris Hungarici superfuit, in Bosnia & Servia quædam solum, eæque hostibus circumseptæ restabant lacinix, Croatia tot incursionibus propemodum exhausta, Valachia, & Moldavia maximam partem jam sub- 1525.

a) Ejusd. ad Convent. Hamburgen. Bud. 1. Maji.

b) Litt. Ant. Burgio ad Sadoletum Bud. 6. Dec.

1524. *Moldavus miserat huc nuncium ad regem, & significat, quemadmodum in Danubio in confinio Moldaviæ Turcos, nescio quas triremes construi faciat, & ab Archiep. Colocen. sua M. intellexit, quod in Savo — Balibegus multorum hominum opera naves militi transferendo idoneas apparari faciat, & quod undique audiat apparatus contra Hungariam.*

1525. subacta erat, ut adeo nihil hosti jam obstaret, quo minus in ipsa regni viscera grassetur. Huc quinquennio conatus illius pertinebant, dum vicinas regno provincias, quæ hactenus tutamentum Hungariæ erant, sensim carperet. Hæc palam fiebant, quibus tamen somnolentè obviam itum fuit. Nunc quoque ad tantos aqua, terraque hostis apparatus, domini omnia fere imparata. Nec ex Germania, etsi promissum fuerit, magna auxilii spes affulgebat, quod Cæsar cum Gallorum rege, bello implicitus esset, & Principes Imperii ob novum doctrinæ genus, a *Luthero* monacho recens invectum, inter se dissiderent, & rustici in Germania tumultuarentur, Poloni autem ægre se ipsos defenderent. Soli igitur Hungariæ cum hoste formidando luctandum erat, nec, conjuncto cum Bohemis, a) Moravis, aliisque regis ditionibus, studio, ei impar erat futura, si animi diuturnis factionibus scissi, in tam vicino, & communi omnibus periculo, conciliari potuissent. Tentatum id sæpe est per Comitia, nihil tamen

---

a) Id. ad eund. Bud. 26. Apr. 1525. *Existimo significandum suæ sanctitati, quod e Bohemia haberi possent a 25. ad 30. millia peditum optimorum, ac florentissimorum, — & si ad eum finem exercitus esset conscribendus, id mihi convenientissimum videretur, — quia gens illa est admodum bellicosa &c.*

men profectum, magno eorum dolore, qui 1525.  
 futuros eventus prospiciebant, & horrebant. Rursum igitur ad Comitiam, velut ultimam salutis anchoram, perfugium factum, quorum acta fide eorum, qui illis intererant, & magnam in eis partem habuere, a) quoad fieri potest, paucis complectar, ne, quantum posterius a Majorum gravitate in consiliis, & communi in bonum publicum studio, quæ Comitiorum anima esse debent, sensim deflexerint, ignoremus.

Indicta fuere ad XXIV. Aprilis. Confluxerat in campum Pessienti urbi adsitum, *Rados* ei nomen, frequentissima Nobilitas, sed præter morem armata, quod non optimi exitus præsagium erat. Primus congressus, quod nuncius a *Solimano* per idem tempus advenit, utcunque pacatus abiit, hoc autem digresso, cum X. Maji, erat is dies Mercurii, ad Divi Petri Ecclesiam in urbe, antesignano *Werbócizio*, convenissent, unanimi consensu decreverant, se, si Rex arma poni juberet, nihilo.

---

a) Fuere autem hi: *Ant. Baro de Burgio* ad aulam regis Nuncius Apostolicus, cujus ephemerides Comitiorum, item epistolæ annor. 1524. 25. & 26. ad Sadoletum Pontif. secretarium in Ms. exstant, inter Vaticana Tom. XXV. Alter *Michael Csáfszár*, qui inter regem, & conventiculum Hatvaniense, internuncium egit, cujus *Diarium* itidem in Ms. exstat.

1525. Iosecius hæc servaturos esse, in novam monetam perinde, ut in Emericum *Szerencsenium* a) non ita pridem Christianum ex Judæo factum, & monetariæ rei præfectum, invec- ti; nec Palatino parsum, in quem culpam amis- si nuper Belgradi conjecerant. Hæc prælu- dium quoddam futurorum erant. Rex, mis- so ad eos Nitriensi Episcopo, causam adven- tus petiit, monuitque, ab armis abstinere, his contra hostem uterentur, nunc consiliis ad communem regni salutem opus esse; respon- sum est, de his, & si quid præterea Rex pro- ponendum haberet, die Veneris actum iri, sibi autem in animo esse, arma conservare. Sequenti die Budam ad Divi Joannis eadem frequentia profecti, eadem regerebant, posce- bantque, ut integrum sit colonis, ad quem volent, dominum migrare, auctores, qui cau- sa fuissent, cur anni prioris statuta non ser- ventur, ad necem deposcebant, Germanos quoque, nisi ab aulæ ministerio removeren- tur, se trucidaturos, comminati sunt. Die Veneris in Strigoniensem Archi-Episcopum ira conversa; b) eum regni depilatorem esse,

in-

---

a) Istvanfi ad annum 1521, illum, voce ex Hun- garico in Latinum traducta, *Fortunatum* ap- pellat, & post Joan. Bornemizsam æratio præ- fuisse scripsit.

b) Diar. Ant. Burgio; *in questo giorno mi scrissi Strigonienſe una poſiſa che dicea „Hæc Dieſe ha-*

indignum videri, ut futoris filius tanto Sacer-  
 dotio fruatur, cupere se, ut Rex, uno e Pro- 1525.  
 ceribus comite, ad Nobiles venire ne grave-  
 tur. Abnuït, & primum, qui eos ad concor-  
 diam hortaretur, Nuncium Apostolicum, mox  
 Episcopum cum uno ex Baronum Ordine, mi-  
 sit, qui subsidia in bellum Turcicum peterent.  
 Dilatum responsum est, & LX. oratores de-  
 lecti, qui a Rege postularent, primum, ut  
 Germanis, aula exesse iussis, Hungaros sub-  
 stitueret; id enim fecisse Ferdinandum Ar-  
 chiducem Austriæ, qui, ducta regis sorore,  
 Hungaros, suffectis Germanis, amoverit: al-  
 terum, ut Cæsaris, & Venetorum, Oratores,  
 quorum ille se rebus Hungaricis, non rogatus,  
 ingereret, hic vero exploratoris potius, quam  
 Oratoris, personam ageret, confestim domum  
 remittantur, tertium, Consiliarios, etsi Comi-  
 tiorum suffragio constituti prius fuissent, ut  
 mutet, quartum denique, ut *Szerencsenium*,  
 cujus fortunas paulum ante diripuerant, ro-  
 go addicat. Ad respondendum induciæ qua-  
 tuor dierum datæ, nec se passuros, ut, quod  
 in vulgus sparsum erat, Buda, & Pestinum  
 milite armaretur, alioquin, concitis e vicinia  
 rusticis, se utramque urbem commeatu inter-  
 clusuros significabant.

Rex

---

habet satis turbulenta principia, nescio, quis  
 erit finis.

1525. Rex, ut vidit, rem huc rediisse, respon-  
sa studiose differebat, ratus, quindecim die-  
rum tempus, Comitibus præstitutum, prius ela-  
bendum, quam ad ea reddenda cogeretur.  
Nec illi, quid hæc procrastinatio sibi vellet,  
ignorabant. Rursus igitur, CXX. oratores mis-  
si, qui idem peterent: de *Szerencsénio* quæsti-  
onem habendam, Rex promiserat, Oratores  
autem, & Germanos, quin Principes eorum  
graviter offendantur, nunc dimitti non posse,  
respondit, facturum tamen se, ne deinceps  
justam propterea conquerendi causam habe-  
ant. Cum his responsis ad suos regressi, non  
perinde ab omnibus accepti sunt, additæ eti-  
am minæ, &, nisi Rex ad Conventum veni-  
ret, se, ne regnum pereat, seorsim constitutio-  
nes ad id servandum edituros. Sub hæc il-  
lud perincommode evenit, quod Orator re-  
gis Poloniæ se rebus ingesserit, &, ut lis de  
bonis Laurentii Ducis ab *Ujlak* ad finem per-  
ducatur, a Rege peteret. Facile intelligi pot-  
erat, a Zapolya subornatum fuisse. Nam is  
bona Ducis ab intestato mortui, quæ ad Fi-  
scum regium redierant, ad se pertinere con-  
tendebat, quod Dux ea sibi ante mortem da-  
re pollicitus fuisset. a) Rejecta est petitio,  
quod

---

a) Diar. Mich. *Császá. Wayvodà* (Zapolya) cum  
*Laurentio Duce jam mortuo sic pactum fecisse*  
*dicit Majestas sua, ad hæredem regium descen-*

quod Orator nequaquam ex mente Principis, a quo missus erat, loquutus fuisse videretur. 1525.  
 Diffolata hac machina, iterum CXX. Oratores postulatum ad regem missi, ut ad Nobilium congregationem veniret. Venit sequenti die, erat XVIII. Maji. Hic petitiones suas in plura capita dispendere cœperant, inter quæ illud quoque, ut moneta, cupream indicabant, aboleretur, & Transilvanis immunitates confirmarentur, magis de hac, quam Hungaria solliciti, hoc est, in partem Zapolyæ potius, quam regis proclives, ceterum passuros se, ut postulata quatuor capitibus, quæ jam prius proposuerant, absolvantur; de Consiliariis hanc Regi gratiam se facere, ut de iis, quemadmodum promississet, constitueret. Rex spacium diei ad respondendum petiit; occlamatum est, & intermixto fremitu, postulatum, ut sine mora responderet. Satellites, ut viderant, tam parum dignitati regiæ deferri, pauca pro tempore loquentem, paulatim e medio subductum

---

*dere, & justo dicit, nullum enim denarium propter jam dictum bonum Laurentii Ducis, Wayvodam solvisse sua Majestas dicit, — præterea varias fodinas, quas hucusque Wayvoda minus recte tenuit, Sua M. certe justissime reoptat, cum & antiquum Decretum talia omnia ad aulam regiam descendere dicat. &c.*

1525. ductum, navique impositum, Budam reducere. Abhinc æfluare animi, nihil fieri certo consilio, &, ut evenire solet, cum impetus rationem prævertit, secessione facta, alium Conventum, ad diem XXIV. Junii *Hatvaninum* indixere, viris, qui non essent adfuturi, pœnam capitis, & bonorum amissionem, eorum vero uxoribus, filiis, & filiabus perpetuam ignobilitatem comminati. Hæc a X. Maji, ad vicesimam secundam acta fuere.

VII. Dilapsa Nobilitate, arduum erat in re ancipiti consilium, quod pars Prælatorum a Magnatibus, & hi a Nobilitate dissentirent, nec hæc inter se penitus consentiens esset. Fuere, qui Zapolyæ potentiam veriti, eum officio *Vayvodatus Transilvaniæ* privatum cupiebant, ille contra Palatinum gradu movere, eique *Werböczium* substituere, cujus opera facilius dominatum arripere possit. Hinc uterque contrariis studiis agi, parare largitionibus clientes, prensare Nobiles, & in consortium Prælatos, & Magnates concire. Nec Strigoniensis, cui cum Agriensi Episcopo simultas intercesserat, cûlpa vacasse credebatur, quem dissoluti cum tanto tumultu conventus auctorem plerique habebant, & contumelias prius in illum jactatas, solum simulatas fuisse. Rex inops consilii, jam hanc, jam illam partem amplecti visus est, nec palatinales satis expeditas rationes habebant, donec paucorum, qui regis, regnique sortem

mise-



miserati, & neutri factionum addicti erant, suafu, literas V. Junii per provincias vulgas-  
 fet, quibus præceperat, ne Conventui *Hatvaninum* indicto interessent, aliumque in XXIX. Septembris, auctoritate regia præstituit. a)

Serum id jam erat. Convenere ad condictum diem, & locum, ac postulata tanto æcrius instaurabant, quanto ægrius se antea pollicitationibus circumduci patiebantur, regemque, ut ad Conventum venire vellet, rogabant. Ivit, licet multis, qui ejus saluti metuebant, invitis: euntem comitati sunt, Nuncius Apostolicus, regis Consilarii, & Principum Oratores, quos prius regno ejectos cupiebant. Acceptus est pro regia dignitate, & in patentem campum, more amphitheatri, lignis circumseptum, inductus, supremo loco cum Consiliariis confedit, extra septum, ne quid obturbari posset, septem millia Nobilium equum excubabant, cetera vulgus erat. Tum *Verbocius* manu silentium poscens, orationem patria lingua non

Q q 2 in-

---

a) Nam nos, inquiebat, illuc non ibimus — neque dominos illuc ire patiemur; solus autem ordo vester, aliis Ordinibus absentibus, concludere aliquid perfecte non posset. — Nos enim, qui sumus Rex, & Princeps vester, auctoritate nostra regia decernimus, illos omnes, qui ad præscriptam Dictam non venerint, salvo eorum honore domi munere posse.

1525. indifertam habuit. Orsus est a malis, quibus Hungaria aliquot jam annis premeretur, horumque causas longo ordine retexens, quantumque Nobilitas, ut his consuleret, hactenus fuisset sollicita, explicans, sensim eo delapsus est, ut, collaudato rege, invidiam omnem in ejus Consiliarios conjiceret, qui studio corradendi divitias, curam rei publicæ in postremis habuerint, unde factum, ut ærarium regium sensim evacuaretur, nec aliam his medelam esse, quam ut Rex se respiceret, & Consiliariis loco motis, alios subroget, quibus & bene consulendi facultas, & ea Patriæ charitas sit, qua sola ducti curam omnem neglecto privato commodo, rei publicæ impenderent, quod si fieret, polliceri se, neminem Nobilium esse, qui non paratus sit pro rege, & regno vitam, & fortunas profunderet. Hæc cum solidas duas horas perorasset, ad circumstantes conversus, quæsiuit, an, quæ oratione complexus fuisset, vera, firmaque haberent? vera, firmaque haberi affirmabant, sed qui se a *Verböcizio* notari senserant, pauca pro se loquuti sunt, inter quos Strigonienſis etiam Archi-Episcopus erat, non iis tamen, quibus ante, conviciis petitus, Palatinus contra illiberaliter habitus, qui indignum esse ajebat, ut, quos Rex delegisset, Nobilium judicio priventur officiis, se, si jure standum fuerit, facturum, ut umbræ, quas aliqui illis objicerent, facile dissipentur, plura parantem loqui convicia,

&

& fremitus exceperant. Rex, ut indecoro litigio finem faceret, confessum dissolvit, & Palatinus ob concitatum in se multitudinem, ægre celeri equo Budam eluctatus est. 1525.

VIII. Postridie, duo ad Conventum missi, qui regis nomine nunciarent, iniquum videri, ut, quos ipse publicis regni officiis præfecisset, non auditi, iis priventur, sinerent illos secundum leges patrias jure experiri, & innocentiam suam testatam facere, quod non eodem ab omnibus animo acceptum erat. Fuere, & hi numero trecenti erant, qui regem æquam rem petere, eique morem gerendum, aiebant, alii contra vociferatione adversum nitebantur, & ne tergiversationi locus esse posset, *Werböczium* palatii Comitem creant, mittunt ad regem nuncios, qui orent, ut electionem ratam habere vellet. Is, ut tempori serviret, quid enim, quando huc res jam venerat, aliud faceret? Agriensem, & Veszprimiensem, Episcopos, Joannem item *Dragfi*, & Ladislaum *Kanisay*, ad eos ablegat, qui Palatini electionem sibi probari significarent, a) illi confestim *Werböczium*

Q 93

hu-

---

a) Confirmatam illi fuisse dignitatem, testes sunt regis litteræ, quas sabbat. prox. post festum B. Michael. ita inscripsit: *RR. in Christo Patri D. Ladislao Archiep. Eccles. Strigonien. nec non spectabili, & Magnificis, Stephano de Wer-*

1525.

humo sublatum, prisco more, Palatinum salutant, & conniventia regis abusi, Agriensem renunciant Cancellarium, Judici Curiae regiae *Dragsum*, & *Kanifajum* regni *Thefaurario* substituunt. Dissimulandum id quoque regi fuit, & sequenti die in medium Nobilium se inferens, eorum, quae statuissent, sibi capita praelegi iussit. *Werböczius* nihil moratus, contenta, ut ab omnibus audiri posset, voce, in hanc sententiam ex scripto recitavit: Rex Consiliariis, quibus hucusque usus est, alios substituat; his octo adiungantur ex Nobilium ordine, quorum in ferendo suffragio aequalis sit cum Magnatibus auctoritas: in quovis Comitatu deligatur vir bellipertus, qui copiis praesit, equitibus ad mensuram stipendium addatur florenus auri, duae monetae cupreae unam argenteam deinceps aequent: fodinas, & rem monetariam *Szerencsentius*, quem prius rogo addixerant, pro *Fuggeris* administret: *Segniam*, quod commodum portum habeat, Rex a *Frangepanum* familia recipiat, & designatis alibi fundis compenset, denique, quo omnia a principio spectare videbantur, ut bona Laurentii Ducis de *Ujlak*, resecta penitus lite, *Zapolyae* confirmet.

---

*Werbewecz, praedicti nostri regni Hung. Palatino — Joanni Draghffi Jud. curiae nostrae &c. Hodie tituli Magnificus, & Spectabilis praeposito ordine usurpantur.*

met. a) Hæc, ut *Verböczius* finiit, Rex, 1525.  
 quod sibi nullum deliberandi tempus esset  
 datum, rata habuit, questus tamen est, jus  
 suum regium, quod Nobilitas hactenus sum-  
 ma fide intemeratum servare consueisset, gra-  
 viter læsum fuisse. Visus plerisque est, de-  
 fervescente sensim animo, jure queri, &, si  
 quæ statuenda superesse viderentur, ejus arbi-  
 trio permisere, adjecto in quamvis domum  
 unius floreni auctario, cujus quarta pars, re-  
 ginæ dono obveniret. Re huc adducta, so-  
 liciti, ne ob secessionem, apud regem Polo-  
 niæ invidia laborarent, Paulum de *Arthandy*,  
 & Michelem *Kenderefsy* de *Gyal*, utrumque  
 Zapolyæ familiarem, ad Sigismundum mise-  
 rant, qui actorum causas redderent, &, quam  
 possent, speciose extenuarent. b)

Nobilibus *Hatvanino* digressis, consulta-  
 tum est, quæ ratio ineunda videretur, ut jus  
 regium tantopere læsum reparari, &, quæ ei  
 extorta erant, commode irritari possent. Nec  
 enim jam obscurum erat, Zapolyam, velut  
 in machina latentem, rerum *Hatvanini* trans-  
 actarum motorem fuisse. Ab ejus nutu tunc

Q q 4

pen-

---

a) Hæc magnopere variant a statutis an. 1524.  
 quæ in Cod. jur. patr. exstant.

b) Informatio data Egregiis Paulo de *Arthandy*,  
 & Michaeli *Kenderefsy* de *Gyal*, ad serenissi-  
 mum D. Sigismundum Pol. Regem deputatis an.  
 1525.

**1525.** pendebat Nobilitas, postulata, illo moderante, jam aucta, jam arctius contracta, quædam etiam, ut Germani ab aula removendi, ad speciem tantum proposita fuere, cum enim id in Conventu maxime ageretur, clam admoneri reginam fecit, metum poneret, Germanos mansuros; nunc vero Palatinum, opus manuum suarum, in aula consiliorum moderatorem, novos Consiliarios suæ parti addictos, & armorum Præfectos largitionibus sibi devinctos, in quamcunque vellet partem flectere, pronos ad imperata habebat. Accessit illud quoque, quod recens accessione bonorum Laurentii Ducis, quæ amplissima fuerunt, rege ipso, cujus proventus partim in pignore, partim a Magnatibus direpti erant, a) si non ditior, certe paulum inferior redditus esset, qua

---

a) Diar. Mich. *Csdzdr.* Item fidelitas Baronum, quorum bona, si sine hærede morerentur, ad aulam regiam, & hæredem Regem descenderent, ex quibus servitoribus solvere, vel eos nobilitare Sua Majestas posset, sic agunt, cum mortem eorum appropinquare sperant, duo & duo bona eorum colligunt hoc modo; ut, si quis eorum sine hærede, vel fratre paupere existente, bona quem concernerent, moreretur, ex tunc bonum hujus in alterum descenderet, & e converso. Per talem astutiam talium plus quam 50000. Jobagionum ab aula regia alienarunt.

qua ratione cum sumtus, militiam, Consilia aulica, & magnam Nobilium partem in potestate haberet, nihil pronius erat, quam ut ad regiam dignitatem, cujus indicia jam ante non obscura dederat, sensim eluctaretur, ut adeo rumor etiam in vulgus passim manarit, Rege perempto, reginam eidem collocandam esse. a) Hæc ut aliquot Magnates Patriæ studiosi, & Regina inprimis, Rege perspicacior, quo tandem evasura essent, facile intelligebant, ita non habebant modum in promptu, quo adversum niterentur: vim adhibere, nondum sedato penitus animorum æstu, inconsultum videbatur; illud proinde illis e re visum, ut Nobilitatem a Zapolya abstraherent, quod quidem, nisi *Verböczio* in suas partes pelleto, vix sperari potuit; cujus perficiendi rationem dum inter se exigunt, ipse paulo post occasionem imprudens præbuit. Post adeptam enim Palatini dignitatem, ut hanc sibi stabiliret, inita cum Strigoniensi Archi-Episcopo, aliisque societate, totum se homo novus, contempta Nobilitate, Magnatibus applicuit, istisque magis, quam Regi, cœpit obsequi, nec eorum, quæ in Conventiculo Hatvanensi, se auctore, constituta erant, etsi crebro a Nobilitate mo-

ne-

---

a) Epist. Baron. *Burgio* anno 1525. d. 11. Jul. *Dicono, che mandaranno il Re via a regnare in l' altro mondo, farian lo Vayvoda Re, & li daran per moglie la Regina.*

neretur, quidquam opere ipso præstitit. a) Hoc  
 1525. illicio captus, inter Sacrum, & Saxum hærebat. Nobiles enim, cum se viderent per dolum ab eo circumduci, averfari primum hominem, dein fenfim in regis partem transire cœperant, & Zapolyæ auctoritas imminui. Regina huc rem adductam videns, paulatim quoque effecerat, ut ex Baronibus, & Nobilibus non temnenda societas, sigillis etiam firmata, cui *Kalandos* nomen inditum, b) contra

a) *Diar. Mich. Császár. Commiserat Conventus Palatino, quatenus omnia ista illegitima (quorum Consilarii regis arguebantur) ad certum finem ordinaret, & si propter aliquid id facere non posset, per Comitatus scriberet, & viritim in auxilium suum confurgerent. Nec scripsit, nec aliquam curam de ordinandis habuit.*

b) De hac societate Franc. de Batthyán ad Thom. Nádasdi anno 1559. d. 2. Nov. ita scripsit: *Ubi autem Magnificentia V. certior fieri cupit, an illa antiqua confœderatio, quæ Kalandos dicta fuit, cum consensu, & scitu sereniss. regis Ludovici facta sit, possum M. V. significare, eam cum scitu, & annuentia ejusd. sereniss. regis esse initam, & quidem contra Joannem regem, qui tunc erat Vayvoda Transilvaniæ, & Budæ est conclusa, atque sigillata multorum Nobilium, & Dominorum consensu, — & prout erat, non erat regi pernicio-*  
*sa;*



tra Zapolyam coalesceret, tempori tamen, ut animi magis conspirarent, aliquid tribuendum putabat.

IX. Nec id diu abfuit, dum ineunte anno 1526.  
Turca, Paulo ei postea nomen, non postremi ordinis, Budam transfugit, & Solimani consilia de invadenda Hungaria prodidit; destinasse illum per Transilvaniam primum, collectis in Moldavia, & Valachia LX. millibus pedum, & equitum, irrumpere, Budamque, regni caput, obsidere, se ipsum deliberationi huic adfuisse, deinde Rascianum esse advocatum, qui iter illud, quod Danubius semel, iterumque, & Tibiscus etiam non sine molestia transmittendi essent, disuasit, rectaque, Savo ac Dravo transmissis, commodius Budam perveniri posse, affirmavit, atque id Solimano fuisse probatum, & expeditionem anno elapso ipsis Calendis Decembris per omnes provincias esse vulgatam. Hæc Turca in Consilio retulit. a) Suspecta primum fuit hominis fides, dubitatumque, an non in transfuga exploratorem dissimulet, sed, ubi a Nuncio Apostolico variis quæstionibus exagitatus erat,

com-

---

*sa; ubi autem deventum est ad faciendas expensas, & sumtus, certo quilibet se subtraxit, — pauci perseverarunt. &c.*

a) Cognomine *Bakics* & a baptismo *Paulus*, in Nobilium ordinem a rege cooptatus, qui bello postea sub Ferdinando inclaruit.

1526.

compertus fuit idem esse, qui crebro alias ex Turcia Regi vera nunciare solebat. Bellum igitur parari certum erat, quod Zapolya quoque ex Transilvania significavit, & ex copia navium, quas *Beglerbegum* ad Belgradum congregare, nunciatum fuit, magis in dies firmabatur. De induciis, quibus fortasse exitium differri poterat, ne cogitandum quidem fuit, de quibus cum Legatus Poloniæ Ibrahim Bassæ mentionem iniecisset, responsum accepit, quod bellum præ illis indicare videbatur. In tam præsentis instantis belli periculo Rex nuncios in Bohemiam ad celebranda Comitia, & oratorem ad Poloniam pro suppetiis misit, a Pontifice etiam subsidia implorabat. Poloni quidem ob recens conciliatas cum Turcis inducias, metuebant hostem in se irritare, Pontifex vero, qui Hungariæ funus indictum videbat, quinquaginta aureorum millia Regi subsidio misit, & præterea Galliæ Regem, ut periclitanti regno tempestive velit succurrere, obtestatus est. a) Regina tempus opportunum adesse rata, conjugem monuit, ne ab exteris solum opem corroget, verum domi quoque, coacto Nobilium conventu, necessarios appa-

ra-

---

a) Litt. Pontif. ad reg. Gall. Roma 23. Apr. *Itaque & alias sæpe submissis subsidiis, nunc quoque ad 50000. Ducatorum in Hungariam destinare copimus, ex qua pecunia manus aliqua virorum fortium parari possit.*

ratus satagat antevertere. Rursus igitur Ordines pro XXIV. Aprilis moniti sunt, ut adessent. 1526.

Primi omnium, ducenti Nobiles ex societate *Kalandos* ad *Kecskemetinum* collecti, cum ingenti rusticorum caterva aderant, qui, etsi quidem regi contra *Zapolyam* faverent, minus tamen æquanimiter, *Paulo Arthandio* interprete ferebant, quod *Stephanum Brodericum*, Roma reducem, nulla dignitate Ecclesiastica conspicuum, regni Cancellarium præteritis aliis constituisset, petebantque alium ei subrogari. Id ex subornatione quorundam ex Prælatiis, qui hanc provinciam ambiebant, factum non vana suspicio fuit. Res tamen, declarato illo per regem Sirmienti Episcopo, mox composita est, actumque, ut reliquæ etiam Nobilitati liberum esset, nomen suum in hac societate profiteri 7. *Werböczius* ex his initiis malum finem præfagiens, etsi sæpe alias ad aulam accersitus venire renuerit, die XXVIII. Aprilis tamen sponte regem, & reginam adiit, & se Palatini officio abdicavit. Remissus, & responsum domi iussus est præstolari, idem *Bathorio*, qui causam suam iudicio decerni petierat, mandatum. Quod cum Rex missis ad Nobiles duobus internunciis significari curasset, monuissetque, quam parum regis dignitatis anno præterito memores fuerint, veniam erratorum se omnibus vel ea de causa facere, indicari iussit, quod sciret, culpam unius solum, qui eos seduxerat, fuisse, modo,

1526. do, positis armis, conatum omnem ad Patriam, cui summum periculum inisset, servandam unanimiter conferrent. Quibus auditis, confestim arma posuere, Rex collaudatus, *Bathorius* dignitati restitutus, & *Werböczius* tamquam Nobilium seductor diris devotus, & conviciis proscissus est, quod ut ille comperit, & a Bathorii familiaribus se ad necem designari intellexit, concubia nocte in Transilvaniam fuga se subduxit. Actum postea de confiniis defendendis, &, ut Episcopi, Abbates, & universi Ecclesiastici in dignitate constituti ad bellum se accingant, qui renuerent, beneficiis priventur, *Werböczio*, cujus domus ægre a direptione servari potuit, triduum datum, ut se iudicio sistat, ni faceret, pro rebelli habeatur, &, ne posthac Palatinus absque gravi causa loco moveatur, decretum. His constitutis centum ex Nobilibus delecti, qui Magnatibus conjuncti, de iis, quæ temporis opportuna viderentur, consultarent, & ad regem referrent. Hæc ad ultimam Aprilis diem acta.

Calendis Maji Rex, & regina, accersitis ad se Prælati, in memoriam revocabant, quam multis beneficiis a patre suo, & a se etiam affecti fuissent, æquum proinde videri, ut vicissim gratum animum factis testentur, non se quidem de eorum fide, qua illos in regem ferti oporteat, dubitare, visurum tamen, quid in proximo Comitiorum confes-

su

fu præſtaturi ſint, neque, addebat, id de ni-  
 hilo a ſe memorari. Poſtremis verbis, cum 1526.  
 ſe tacite notari ſenſiſſent, actis pro benevo-  
 lentia gratiis, ſe ad omnia, quæ ex uſu rei  
 publicæ eſſent, promptos eſſe, poenaque di-  
 gnos videri, qui aliter agerent: ad quæ re-  
 gina, ſibi morem eſſe, reſoluit, animos ex  
 factis, non verbis, metiri. Aderat & nunci-  
 us Apoſtolicus, qui Episcopos, nam & hi in-  
 ter ſe diſſidebant, nomine Pontificis ad con-  
 cordiam ahortatus eſt. Poſiridie legum ſan-  
 ctiones regi exhibitæ ſunt, inter quas cum  
 regina & illam legiſſet, qua decernitur, ut  
 Rex, & Proceres, fide dignos viros deligant,  
 qui viderent, utrum proventus regii integra  
 fide adminiſtrentur: arrepto calamo lituram  
 illi induxit, adjecitque; *unus Rex, unus Prin-*  
*ceps*: quæ verba Nobilitas graviter tulit, nec  
 ſatis conſulte a regina factum, quod facile  
 ſuſpicionem de ſe concitare potuerit, quaſi  
 ipſa ex his lucri compendium quæreret; ſua-  
 ſit idcirco regi, & reginæ Nuncius Apoſto-  
 licus, ut opportuna temporis moderatione ute-  
 rentur, alioquin videri, utrumque plus li-  
 gnorum igni injicere, quam ut ei poſtea ex-  
 ſtinguendo pares ſint. Perlectis ad calcem  
 ſanctionibus, Rex cum conſiliariis in Comi-  
 tium ſe intulit, & omnibus, quæ Ordines  
 ſtatuerant, confirmatis, *Werböczium* cum  
 Michaele *Zobio*, velut everſores regis digni-  
 tatis, & publicæ tranquillitatis turbatores,  
regni

**1526.** regni hostes declaravit, bonis utriusque, salvo uxorum jure, in Fiscum redactis, quam sententiam Ordines suo etiam judicio, ratam gratamque habuere. a) Reliqui dies a quinta Maji ad octavam componendis dissidiis, quæ Prælatos cum Magnatibus, & utrosque cum Nobilibus hactenus commiserant, absumti. Usus item monetæ cupreæ, quæ in Conventu prioris anni decreta, & hoc in eunte, eam recipere nolentibus poena amissionis bonorum, rerumque omnium dictata fuit, b) confirmatus. Aliquid etiam moræ ab iis, qui in societatem *Kalandos* coaluerant, & se *confratrum* nomine appellabant, injectum, inter quos, & Proceres, quod Rex illis favere præ his videretur, simultas exorta,

---

a) Documentum vide apud Pray annal. Par. V. pag. 86. sed annus 1525. erroneus est, & 1526. rescribendus.

b) Litt. regis ad civit. Bartpham, Bud. 22. Jan. *Intelleimus esse plurimos, — qui contempta publica ordinatione, quam de usu, & æstimatione novæ monetæ — una cum dominis Prælatis, Baronibus, ceterisque regnicolis nostris fecimus — easdem novas monetas contemnerent. — Est igitur voluntas nostra, — ut secundum ordinationem factam, duæ novæ monetæ pro una antiqua dentur, — sub poena confiscationis bonorum omnium, ac rerum &c.*

ta, a) quæ animos Procerum sensim a rege ita alienos reddidit, ut is, utri parti se ad-  
jungeret, primum hæreret, mox crescente paulatim disceptationis fervore, cum sibi utrinque, si quid periculi regno ingrueret, mutuas objectiones regerent, inops consilii, & fluctuans pêne ab omnibus deferretur. b)

1526.

## X.

a) Litt. Ant. Burgio Bud. mense Majo: *Proceres discordant a confratribus, & alienati sunt a Rege, Rex autem, postquam tantum favorem exhibuit confratribus, nunc ejus pœnitentia dueitur, & nescit, quid sit facto opus, an forte debeat illis adhærere, an reverti ad partem Procerum &c.*

b) Hæc ex Diario Baron. de Burgio, Item ejusd. epistola ad Sadoletum Bud. d. 24. Maji. & de interna, quæ circa tempus S. Georgii fuit, regni constitutione, in qua, ubi agitur, ut Rex sua auctoritate utatur, hæc occurrunt: *Rex respondit, quod bono animo hanc ipsorum voluntatem suscipiat, promptusque sit agere, quod posset, sed ad defensionem regni, & auctoritatis regiæ, opus est pecuniis, Majestatem autem Suam non habere tantus, quantæ ad id sufficerent, & si sibi reditus ostendissent, ostendisse eos multo majores, quam re ipsa sint. — Majestatem suam facturum, quod posset, sed ad impossibile obligari nolle, & ita protestata est*

R r

cti-

**X.** Hic Comitiorum exitus, & noyum dis-  
 1526. sidii alimentum erat, importuno prorsus tem-  
 pore, cum vix soluto conventu nunciatum es-  
 set, Turcarum antesignanos duces cum parte  
 copiarum, ad Belgradum consistere, *Solima-*  
*num* consequi cum robore exercitus, *Savum*, &  
*Danubium* sierni pontibus, & *Hungariam* de-  
 signari. Missa quidem confestim mandata ad  
 Præfectos arcium, quæ Savo vicinæ erant,  
 ut hostem transitu arcerent, sed hi ob rerum  
 omnium, quæ ad defensionem spectant, penu-  
 riam, missionem petiere, nemoque erat, qui  
 subrogari cuperet, aut, qui oblatam provin-  
 ciam vellet adire, ipse Colocenſis Archi-Epi-  
 ſco-

---

*etiam coram nobis, quod si aliquid regno eve-*  
*niret, id Suæ M. imputari non posset. Et ita*  
*comædia finita est, cum protestationibus vasa-*  
*lorum contra Regem, & Regis contra vassallos.*  
*— Dicunt, exeat Rex in campum, & Rex*  
*non habet culceos, ne dicam apparatus ad*  
*exeundum in campum. Illos fecerunt, ut, ubi*  
*casus venerit, culpam omnis mali in regem*  
*conjicere possint. Nos Oratores interposuimus*  
*nos, & aliquantum sermonem habuimus, & ipsis*  
*relictis discessimus. Nunc omnes, vel major*  
*pars Procerum determinarunt a Curia regia*  
*discedere, & relinquere regem in majori con-*  
*fusione. Tristis profecto regni ad interitum*  
*properantis facies.*



scopus, cui in ea ditione armorum præfectura erat credita, hac se abdicare parabat. De-  
 erat, qui illi substitueretur, invitati sunt, Chri-  
 stophorus *Frangepanius*, bello Veneto clarus,  
 & Nicolaus a *Salmis*; uterque splendidum  
 onus detrectavit, quod nec miles, nec comme-  
 atus, nec pecunia in promptu essent; regis con-  
 siliarii, plerique rei militaris expertes, tem-  
 pus deliberando terere, nihil decernere, &  
 si quid decreissent, nemo repertus, qui exse-  
 queretur, ipse Rex, magnitudine præsentis  
 periculi attonitus, obtorpuit. Turcæ inter-  
 ea, trajecto Savo, castrum S. *Demetrii* ob-  
 sedere. Nuncius Apostolicus cum Colocenfi  
 Archi-Episcopo, hoc tempus occupans, auctor  
 nostris fuit, ut, quando Savum custodire neg-  
 lexissent, saltem Petrivaradinum, id enim  
 hostem morari poterat, militem, annonam, &  
 reliquum belli apparatus, mature mittant,  
 & Danubium classe infestant, ita futurum,  
 ut, cum hostis istuc adhærere cogetur, domi  
 omnia ad resistendum parari, & auxilia ab  
 exteris adesse possint. Verum, & naves de-  
 erant, & classiarii ob negata stipendia diffu-  
 gerant, nulla etiam tormenta, nisi privatorum  
 in promptu, & hæc longinquius primum ad-  
 vehenda. Aucta est cum metu, animorum  
 perturbatio, post occupatum castrum Deme-  
 trii, tum vero cruentus gladius per regnum  
 circumlatus, quo omnes armorum capaces ad  
 bellum conciri mos fuit; Rex vasa argentea

1526.

1526. Judæis pignori locare coactus, supellex Ecclesiæ corrafa ad cudendam pecuniam, cui feriundæ vix tempus suppetebat, missi ad Ferdinandum Archiducem Austriæ, Carolum Cæsarem, Regem Galliæ, a) & reliquos Principes.

a) Plenæ commiserationis sunt litteræ, quas ad eum dederat. *Certissima*, scribit, *fama est, Turcorum tyrannum numerosissimo exercitu, ingeniisque (tormentis) bellicis, ac commeatu instructissimo — ita paratum, ac animatum venire, ut nobiscum non de unius, vel alterius arcis finitimæ expugnatione, sed de totius regni nostri possessione sit certaturus. Imbecillitatem vero rerum nostrarum serenitas vestra tum alias sæpe intellexisse potuit, tum ex his litteris nostris intelligot. Sumus omnino impares tanti hostis conatibus, in causa est diutini belli impensa. Omnes enim regni nostri proventus, in tuendis arcibus, Turcis oppositis, consumti sunt, privatas subditorum opes, atque animos eadem calamitas afflixit; hostis autem conditio, quantum roboris, & incrementi, per hos annos acceperit, serenitati V. notissimum est. Quo igitur in tanto discrimine me vertam, aut cujus auxilium implorem, & Rex, & Christianus, nisi ad reges Christianos, præter Deum, habeo neminem. Quare S. V. oramus, atque obsecramus, velit communibus periculis consulere, & nobis — id subsidii quod*

cipes nuncii cum litteris, auxilium rogaturi, Comitatibus imperatum, ut copias proximis Comitibus decretas, summa celeritate cogant, Palatinus, & Colocensis Archi-Episcopus, ex vicinis provinciis militem iussi colligere, & Eszekinum proficisci, sed cum Nobiles, nisi Rex adesset, signa illorum sequi renuerent, Palatinus rusticam solum turbam ducens, Quinque-Ecclesiis primum hæreret, post, cum nemo vellet imperata facere, ad regem reverti coactus est. Erexit non nihil animos Colocensis sedulitas, qui cum mille peditibus, quingentis equitibus, & paucis, quos nancisci poterat, naviculariis, quocunque periculum vocaret, se paratum esse nunciaverat, plus animi, quam virium habens. Nuncius quoque Apostolicus, qui jam antea Hannibalem Carthaginensem in Moraviam miserat, ut ære Pontificis militem pugnae pedestri assuefactum, conscriberet, hominem tanto magis accelerare iussit, quanto propius periculum jam instabat. a)

Rr 3

Sub

---

*quod plurimum poterit, & quam celerrime mittere. Nos id, quod poterimus, libenter præstabimus, ibimus obviam hosti cruentissimo, atque appetemus mortem, si opus fuerit, pro Christo, & miserrimis Christianis &c.*

a) Litt. regis ad omnes Prælatos, Magnates, Abates, & Capitula. 23. Jun. & Baron. Burgio

1526.

Sub hæc hostis, cum nemo esset, qui resistere, Petrivâradinum obsederat, & XV. Julii semel, iterumque assultu in seram noctem producto tentavit, sed accepta mille *Janiczorum* clade rejectus, & pari jactura a vado Danubii repulsus est, quod *Colocensis*, quadraginta naviculis, nostri *Nazadas* vocant, ope mille equitum, cum tribus rusticorum millibus aliquamdiu tuebatur, cum vero hostis vires in dies magis accrescerent, Bachiâ se recepit, ut se Regi facilius conjungeret. Turcæ occupato vado, & *Futakino* exulto, jam utramque Danubii ripam tenebant, in quamcunque vellent partem libere, & impune divagaturi. Id nostris tandem veterum excusit. Rex XX. Julii postremum reginæ colloquutus, Buda excessit, comitatu adversus tam potentem hostem exiguo; præter bis mille enim & quingentos pedites, ducentos solum loricatedos, & mille levis armaturæ equites ducebat; duobus infra Budam milliaribus stationem designans, cum ut reliquis tempus conveniendi daret, tum ut missis per Comitatus nunciis oscitantes accelerare juberet; Zapolayæ mandatum, ut trajecto Danubio, cum Transilvanis, & Siculis, a tergo hostem lacerando moraretur, donec plures ad signa con-

---

19. & 30. ejusd. Brodericus in Descript. cladis Mochacsianæ. Vide etiam annal. P. V. pag. 97. — 103.

confluerent. Primi omnium adfuere quater mille pedites ære pontificio in Moravia, & Bohemia conscripti, hos Poloni mille, & quingenti mox consequuti sunt, tum Episcopi plures, quam e Magnatum numero, cum suis copiis, paulumque post Georgius, Zapolyæ frater, mille, ducentos pedites, & trecentos equites adduxerat, Palatinus paucos primum assecclas habuit, major postea confluentium sensim numerus fuit. Petrivaradino interim a Turcis expugnato, id unum supererat, ut *Dravum* in potestate haberemus, id Palatino commissum, & aliquot Optimates cum Nobilibus adjuncti, Zapolya monitus, ut, neglecto priore mandato, quo hostem a tergo laceßere jubebatur, cum suis, & quoscunque per iter offenderet, ad castra regia *Tolnam* properet, verum ille retentis apud se, qui ad regem proficiscebantur, & contraria mandata prætexens, jam tum suspicionem de se plerisque ingesserat, quasi clam cum hoste sentiret, a) Optimates autem cum Nobilibus, pri-

1526.

Rr 4

vi-

- 
- a) Litt. Bar. Burgio. *Sive Vayvoda* (Zapolya) cum Turco intelligentiam habeat, five non, Rex, nisi fugam arripiat, male incidet in manus populorum suorum &c. Communem hanc opinionem tunc fuisse, Istvanus l. 8. utcunque indicat, & luculentius ex litt. Ferdinandi anno 1527. fer. 2. prox. post OO. SS. editis patet ubi

1526.

vilegio suo, & more, sub regio solum vexillo militandi, se tuebantur, & cum Palatino proficisci detrectabant. Ita Dravi defensio, qua hostis detineri poterat, temere neglecta fuit. Colocensis, qui cum suis proximus hosti, excubabat, cognita hac desidia, infelicem exitum prælagiens, autor regi erat, ut misso ad *Solimanum* oratore, de concilianda pace, oblato etiam, si aliter impetrari non posset, tributo quotannis pendendo, ageret. Nec Proceres, qui cum Rege erant, ab hac alieni fuere, sed Nobilitatem veriti, invidiam ex turpi pace orituram, connivendo malebant in Regem, quam se, derivari. Jam Turcæ classem ad *Erdödium*, non longe a Danubii, & Dravi confluyente applicuerant, *Ejzekinum* a nostris desertum fuit, & Zapolya, etli prope quadraginta millia sub signis censeret, infra *Szegedinum* moras trahebat. Rex tandem suorum importunitate victus, XLV. Augusti ex S.

---

ubi hæc de Zapolya: *ex eo, quòd idem immemor fidei, & fidelitatis suæ, quam serenissimo eondam domino Ludovico regi fratri, & sororio Regiæ Majestatis, domino suo naturali debebat, ad tuendum, defendendum, ac protegendum caput, & personam ipsius regis, sæpius tam per litteras, quam nuncios vocatus, nequaquam venisse, sed potius post miserandum casum, coronam regni Hung. — pro se usurpasse, vendicasse ac occupasse dignoscitur &c.*

5. *Georgio non longe a Tolna movens, ca-*  
*sira ad Mohácsium defixit. a)* 1526.

XI. Hic anceps iterum de constituendo  
 duce, qui a rege copiis supremo imperio  
 præesset, orta consultatio. Lectus est Paulus  
 Tomory, Archiepiscopus Colocensis, invitus  
 licet, & reluctant; additus ei collega est Ge-  
 orgius Scepusiensis, frater Zapolyæ. Uterque  
 antrorsum magis movere iussi, castra seorsim  
 opportuno loco metati sunt; regia non longe  
 aberant. Franciscus Batthyanius Croatiae Ba-  
 nus, propediem cum suis adfuturus speraba-  
 tur, Zapolya, & Christophorus Frangepa-  
 nius, nunciabant, ne Rex pugnae copiam  
 prius faciat, quam ipsi cum suppetiis adessent,  
 idem regni Cancellarius Brodericus suadebat,  
 e re publica videri, ut copiae in tutiorem in-  
 terea locum, aut, si necessitas postulet, re-  
 tro penitus ducantur, alioquin præstare, ut  
 ali-

---

a) Brodericus l. c. & in epist. ad reginam. *Mi-  
 raretur M. V. consilia nostrorum, si interesset,  
 qui fere omnes volare se posse credunt sine alis,  
 & me, quia cautius loquor, & tam M. regiae,  
 quam ipsis consulo, cavendum, desperatum, ti-  
 midumque appellant. Utinam mea desperatio  
 esset sine causa, non mihi certe timeo, sed regi,  
 & regno, & maxime regi, cui non video, quod  
 adhuc aliqua immincant a suis pericula. Ne-  
 que possum mihi persuadere, nostros ea, quæ  
 faciunt, regem his periculis obiciendo, jactare  
 consulto in regis perniciem, sed, quod ita eum  
 progredi, & hæc, quæ agit, agere melius  
 existiment, &c.*

1526.

aliqua regni pars hosti vastanda destituatur, quam totus exercitus cum rege pereat, quod collatis cum hoste viribus, supra ducenta enim millia esse ferebantur, fere necessarium erat. Fuisset consilio huic fortasse locus, si Zapolya aut citius hæc nunciasset, aut inutiles moras ad *Szegedinum* non traxisset, at nunc, postquam *Solimanus* superato Dravo, duobus solum milliaribus a nostris abesset, & Nobiles, qui in primis castris erant, pugnam importune poscerent, serum id erat, mutanda consilii ratio fuit, castra regia aliis conjuncta, & omnia ad prælium comparata, rege, dum apposita capiti galea solito magis obpallesceret, quasi casum suum præsentiente. Ad manus XXIX. Augusti ventum, victoria primum a nostris stetit, post, ubi incauto fervore ultra, quam par erat, in hostem penetrant, & sesqui hora certamen fortiter sustinent, numero circumfusi, in fugam aguntur. Cæsi magnam partem Episcopi, Barones regni, & flos Nobilitatis, pauci cum Palatino evaserant, captivi contra datam fidem trucidati, & castra direpta. Rex, ubi aciem inclinare vidit, receptum Quinqueecclesias parabat, sed, dum per paludem in adversam ripam eluctari nititur, resupino equo in coenum prolapsus, armorumque pondere oppressus, intestini disidii victima occubuit. a) So-

a) Brodericus l. c. Vide etiam Pray annal. Par. V. pag. 117. & sequ.



Solimanus, cognita nostrorum fuga, dolum subesse ratus, indulta suis quiete, aliquamdiu ad Mohacium hæsit, convulsis postea signis, fugientium vestigiis insistens, Budam, quin uspiam mora illi injecta fuisset, venit, qua occupata, dimissis in varias partes copiis, vastitatem usque Jaurinum circumtulit. Nuspiam hosti, quam ad *Marothum*, quo ingens hominum copia securitatis causa confugerat, restitum, quibus ad extremum superatis, cæsisque actum erat de Hungaria, nisi Solimanus, accepto de turbis, in Asia minore exortis, nuncio, redire coactus fuisset. Id Hungariam servavit. Strato igitur ad Pestinum ponte, abductisque secum Apollinis, & Herculis, quas Mathias Corvinus ex ære, miri operis conflari jusserat, statuis, & regia Bibliotheca, quod in barbaro mirum videri debet, magno litterarum damno expilata, quidquid inter Danubium, & Tibiscum porrigitur, igne, & ferro fœde populatus, ducenta hominum millia in captivitatem abduxit.

Regina accepto cladis nuncio, vix tantum spaci, ut Pontificem de casu mariti edoceret, nacta, Posonium cum Nuncio Apostolico, paucisque Proceribus, trepide se contulit, a) & missis quaquaversum per provincias

li-

---

a) Litt. reginæ ad Pontif. *Datum Budæ, immediate post conflictum.*

1526.

litteris, omnes, ut in fide constantes essent, cohortata est, spemque fecit, auxilii a fratribus suis, Cæsare, & Ferdinando adfuturi, quo hostes externi, & intestini, si quid contra jus, & libertatem regni molirentur, reprimi, & in officio contineri possint. a) Zapolya interrim, qui ad id tempus cum iusto, & instructo exercitu, b) Szegedini morabatur, ut exitum pugnae, hostemque Buda recedere comperit, non modo in palantem, & spoliis onustum, ut fieri poterat, invectus non est, sed metum simulans, Tokainum, erat id juris illius oppidum, in montana se recepit, quo dum magna Nobilium pars, securitatis causa confluxisset, statuit Verböczio auctore, qui abhinc, quam Buda fugere coactus erat, lateri illius constanter adhæsit, consilia sua de regno sibi af-

a) Litt. reginae Poson. f.d. *Nam certi sitis, quod nos una cum dominis fratribus, & Consiliariis, ac majori parte regni hujus, jus, & libertatem vestram, — & unumquemque vestrum in libertatem vestram vindicabimus, habebitisque auxilio Dei, qui vos, & libertatem vestram — defendat, protegat, & tueatur. &c.*

b) Litt. Ablegator. Comit. Heves, Gömör, Borsod, Thorna, & Abaujvar, ex Miskolc 13. Sept. *Nos cum omnibus vicinis dominis, & fratribus nostris, quanto magno poterimus apparatu castra metabimur, usque ad adventum D. Vayvodæ, qui per litteras suas, & nuncios, certa fide nobis promittit, quam citissime potest, se ad nos cum numerofo, & instructissimo exercitu venturum.*

asserendo, diu ante jam agitata, ad exitum perducere. Initium a largitionibus factum. 1526.

Et erat, unde has sumeret. Nam præter fodinas auri, & argenti, proventus etiam regiones fere plerosque, quos in pignore prius habebat, nunc suos fecit, patrem suum Stephanum imitatus, qui arces fidei suæ a Mathia Corvino creditas, ab hujus obitu, una cum argentea regis suppellectili, in suos usus convertit. a) Hinc illæ divitiæ, quibus spem regni aliquando obtinendi, jam a patre ad hanc concitatus, b) tacite alebat.

Ut autem suspicionem ambitus ab se amoliretur, monuit Reginam, ut convocatis Ordinibus quamprimum orbitati regni consultum vellet. An, ut suspicio erat, & cujus rumor jam in conventiculo Hatvanensi diditus fuit, hac ratione animum reginæ sibi conciliare voluerit, sensimque ejus nuptias ambire.

ut

---

a) Thurnschwam in memoriis suis MS. Wie auch Grof Stephan, des Janos (Zapolya) Waida Watter, so König in Ungarn worden, alle Schlösser, so König Mattjas, eingezothen, und dem Stephan zu treuen Händen gelassen hat, auf die lezt für sich selbst behalten, auch hat gemelter Stephan all des Königs Mattjas Silber Geschier, gulden gebieth, und anderes zu wegen gebracht, wie man bey seinem Sohn, den Janos, so nach dem Ludovico eingedrungenen König gewest, offentlich gesehen hat, mit dem Raben.

b) Vide testimonia de hoc annal. Hung. P. V. pag. 119.

ut facilius ad regiam dignitatem eluctari possit, non habeo, quod pro comperto affirmem. Illud certum, reginam longe alienam fuisse ab hoc proposito, licet consilium illius sequuta, cum Palatino, cujus id ex lege erat, regni Ordines Comaromium pro XXV. Novembris convocarit, & Zapolyam in Transilvaniam, ut idem cum provincialibus faceret, proficisci iusserit. a) Facile intelligebat, si mandatis morem gereret, rationes sibi magnopere conturbari, futurumque, ut Ferdinandus, cui Regina studebat, & in quem potior Optimatum pars, sororis defuncti Regis titulo, quam in matrimonio habuit, aperte propendebat, spem regni sibi penitus succidat. Quare, ut Reginae, horumque consilia anteverteret, ipse arrogato sibi contra fas iure Palatini, Comitibus Albam regiam in V. Novembris indixit, abfuturis gravissimas penas comminatus. Qua una re suspicionem, quæ dubiis hactenus indiciis nitebatur, quasi Regem Ludovicum de industria in nuperno prælio destituerit, ut regno potiri posset, de se jam in Conventiculo Hatvanensi conceptam, opere ipso confirmasse, plerisque visus est.

## XII.

a) Litt. reginae ad Zapolyam. *Quare hortamur fidelitatem vestram, & rogamus, ut statim acceptis præsentibus hominem suum sine mora ulla in Transilvaniam expedire, & conventum illis indicere velit, ne in adventum oratoris nostri sint in mora. Aliud fidelitas vestra ne fecerit.*

XII. Itaque regnum, quasi ad cladem recens acceptam, aliquid deesset, bifariam scissum est; pars Reginam, pars Zapolyam sequebatur, illa æquitati, hæc factioni innixa, cujus molitiones ut Regina mature retunderet, missis iterum ad Comitatus litteris, omnes ad constantiam, &, ne se a Zapolya, spe libertatis in fraudem induci sinerent, exhortata est, a) regnique Magnates, quos ab eventu pendere videbat, conciliare sibi studuit. Fuere inter hos post Palatinum, præcipui a clade superstites, Comites de S. Georgio, & Chri-

1526.

- a) Litt. reginæ Poson. f. d. Indixeramus unacum D. Palatino, secundum Decretum, & libertatem hujus regni, generalem Dietam profecto Catharinæ V. & M. in Komaron celebrandam, ut in ea ipsa Dieta de salute rei publicæ, de defensione regni, de libertate vestra, & totius Nobilitatis conservanda, communibus votis, pari consilio ageretur, tractaretur, & concluderetur. Ipse autem Vayvoda Transilvanus, paucis quibusdam dominis, nonnullaque Nobilitatis parte, sibi muneribus, & promissis conciliata, contra Decretum regni, contra libertatem Nobilitatis, aliam Dietam sub gravissimis pœnis ad festum B. Emerici Ducis, ad Albam regalem promulgari fecit, eo animo, ut in Alba regali se in regem, non secundum libertatem regni, sed ex paucorum, quos sibi adscivit, voto, & electione creari, & corona regia, quam jam pridem in potestate habet, coronari faciat. &c.

1526.

Christophorus Frangepanius, qui quamcunque in partem se dedissent, auctoritate sua magnum ubique pondus addituri erant. Hunc, ut cum Croatiae, Sclavoniae oratoribus ad fratrem Ferdinandum destinatis, *Haimburgum*, duobus stadiis Posonio dissitum, veniret, invitaverat. a) Adfuit, & primum in partes Ferdinandi utcunque videbatur inclinare, post vero, incertum qua de causa, ad Zapolyam transiit, magnoque ei ad consequendum regnum adjumento fuit. Rem hucusque adductam Zapolya tanto magis urgere coepit, quanto verisimilius cupiditati suae a comitiis Bohemicis in 24. Oct. promulgatis, remoram positum iri videbat. Nec enim dubium erat, quin Ferdinandus, etsi Albertum Bavaram æmulum haberet, se-

---

a) Litt. ejusd. ad Frangepanium. *Quare hortamur, eidemque committimus, ut posthabitis aliis suis omnibus, & negotiis, ad M. nostram, una cum suis Collegis sine mora venire velit & debeat, ita, ut die Dominico proximo sequenti, vel secunda ejus diei in Haymburga constitui possit. Aliud ne feceritis. Dat. Poson. 1526.* Dies abest, sed cum fratrem suum archiducem solum vocet, videtur ante 24. Octob. ante, quam Rex Boh. esset electus, scripta fuisse. Ad Comites vero S. Georgii eadem de causa Posonio scripserant Oratores Ferdinandi, *Christophorus* Episc. Labacensis, administ. Seccovien. Barones, *Wilhelm. de Zolking*, & *Joan. de Lamberg*, *Georg. de Herberstein* Eq. *Erasm. de Dornberg*, & *Steph. de Pemflingen*.

secundum vetera pacta, inter Bohemos, & Austriacos inita, Rex eligendus, & regni illius vires in se, quo minus regno potiatur, conversurus esset. Itaque clam apud Bohemos agebat, a) ne Ferdinandum eligerent, tum, ubi dies conventui præstitutus adventabat, Budam primum, mox Albam profectus, ante Comitibus quam initium esset factum, corpus defuncti regis, quod regina vidua Czetricii regis Cubicularii opera, Albam perferri curaverat, ne tristis recordatio innocentis regis, consultantium animos immutaret, qua subito fieri poterat pompa, tumultu condijussit.

Finita humatione actum est, de rege eligendo. Interfuit Comitibus etiam orator Polonus, suavitque, ut ex natione sua, quem solio dignum arbitrarentur, regem optent, id adeo regem suum cupere, qui, quantum in se erat, vix admissurus esset, ut exterius præ Hungaro eligatur. b) Utrum ex mandato re-

S s 2

gis,

a) Litt. anonymi, qui Comitibus interfuit. *Credimus Joannem regem habere intelligentiam & cum Principibus Boh. & Moravie. Divisi enim sunt, & magna pars adhæsit Pernstienfzki.*

b) Id. ibid. *Venerat orator regis Poloniae, qui — etiam Nobilitati insinuaverat, ut Hungarum, & non alienigenam regem crearent, qui, quantum in se esset, regem exterum non admitteret.*

1526.

gis, quem ceteroquin Domui Austriacæ ad-  
dictum esse constabat, an ab aliis subornatus,  
id ageret, etiam serius postea dubitatum fuit.  
Venerant quoque sub idem fere tempus ora-  
tores a Ferdinando Archiduce Austriæ, qui  
Principis sui jus in Hungariam ex pactis in-  
ter Fridericum III. Imperatorem, & regem  
Mathiam Corvinum, olim initis, & ab Ordini-  
bus regni roboratis, tum per Maximilia-  
num, & Wladislaum regem nova conventio-  
ne firmatis, propugnabant. His nihil prius  
respondum, quam Zapolya, præsentibus pau-  
corum Comitatum nunciis a) electus, & XI.  
Novembris coronatus fuisset. b) Tum face-  
sere jussi cum mandatis, nunciarent Ferdi-  
nando, ne Comitata indlcere, pedemve re-  
gno inferre ausit, si faceret, hostem declara-  
tum, & cum dedecore proturbatum iri. c)  
Fortassis, si oratores jus Ferdinandi, qui  
originem a feminea Arpadi linea duxerat,  
in medium promere, tuerique novissent, fa-  
cilis Status & Ordines a Zapolya abstractos  
in

- 
- a) Id. D. Vayvoda secundis diebus Martini  
coronatus est in regem magno omnium con-  
sensu, qui affuerant, fuerunt autem de vici-  
nis Albæ Comitatus, ut sunt Simeghien.  
Szaladien. & castri ferrei, non tamen multi.  
b) Litt. Joan. Doczy Thesaurarii ad Cassovien.  
D. Vayvoda sabbatho in profesto S. Marti-  
ni Episc. declaratus, ipso autem die Mar-  
tini coronatus in regem.  
c) Idem anonym.



in suas partes adducturi erant. Utcunque autem id sit, Zapolya illis digressis, scripserat ad regem Poloniæ, hunc enim ante alios ad novam dignitatem sustentandam, sibi necessarium esse existimabat, se diu, multumque reluctantem, communi omnium voto, jugum imperii suscipere coactum fuisse. a) Regina interim, & qui cum ea erant, erant autem præcipui ex regni Prælati, & Baronibus, b) ut primum Zapolyam pro Conventu Albam regiam accelerare intellexit, ipsa quoque Comitatus, quæ prius Comaromium indixerat, Posonium traduxit, ubi Ferdinandus, a Bohemis jam in regem cooptatus, Rex etiam Hungariæ, licet absens, unanimi consensu salutat<sup>us</sup> est. c)

S s 3

Huc

a) Ex *Minuta*, ut dicitur, epistolæ ad regem missæ, cui hæc addita sunt: *Majestas V. poterit demere, quæ superflua sunt, vel addere, si quid desiderari possit.* Et mox: *Calcedonensis servitor.* Videtur Ordinis Ecclesiastici, & Episc. titularis fuisse.

b) Anonym. cit. *Regina est adhuc Posonii cum iisdem dominis, qui prius cum ipsa fuerunt, sunt autem Palatinus, Franciscus Batthyany Christophorus Comes (Frangepan) Comites de S. Georgio, Episcopus Veszprimiensis Cancellarius, D. Thurzo & plerique alii, quorum consilium, & desiderium est, quod Ferdinandus, Rex Hungariæ creetur.*

c) Sommersberg Tom. II. rer. Siles. pag. 394. Goldast. Tom. III. Consist. Imper. pag. 494. Bal.

1526. Huc tandem factio, clandestinis tot annorum molitionibus sustentata, evasit, ut Hungaria, quæ intestinis motibus quassata, jam diu simulacrum potius regis, quam regem habebat, duos repente acciperet, a) qui nascendi conditione, juris prærogativa, & viribus dispares erant. Ferdinandus vetusta Majorum, inter quos sex Imperatores, prosapia clarus, Zapolya equestri quidem genere, sed tenui domo, editus: b) ille, præterquam quod ei

---

Balbin. Epit. rer. Boh. c. 12. Widemann in Actis Conventus Olomucen.

- a) Cod. jur. patr. Zapolyam e regum numero excludit, cujus auctoritatem si & ego sequar, peto, ne id mihi vitio detur. Nec enim hæc duo; *regem*, & publicum *regni hostem*, qualis Zapolya per status regni declaratus erat, satis scio conjungere. Certe diploma Ferdinandi anno 1527. die 30. Nov. Strigonii editum, ita diserte de Zapolya: *unde etiam per nos, ac dominos Barones, totumque regnum nota infidelitatis perpetuæ ac criminis læsæ majestatis, in proxima Congregatione generali, pro felici coronatione nostra, Albæ celebrata, publice est condemnatus: de quo tamen altum silentium in Decreto Comitiorum dicti anni.*
- b) Thurnschvami Memoriæ Mss. Ehe ich auf die materia kom, seynd zwey Brüder gewesen der ältere Emrich Deák, und Stephan, der Emerich Deák ist bey Matyas Zeiten in der Ungarischen Freystadt Szakmar - Bánya genannt, Kammergraf gewesen, wie die Tafel in der Kirchen alda anzeigt

ei pacta conventa, & jus uxorium exemplo 1546.  
 Sigismundi, & Alberti, favebant, coactis secundum instituta regni Comitiis, a majori eorum, quibus suffragii jus erat, parte electus, hic contra nec legitimis Comitiis, nec libera suffragatione, & paucorum Nobilium, quos largitionibus, & promissis, sibi adjunxerat, factione, creatus, solaque anni 1505. per secessionem, invitoque Wladislao, de non eligendo rege extero, facta constitutione nixus, cui tamen Maximilianus Imperator confestim intercessit & publicis litteris jus suum ex pactis acquisitum, nova conventionione, & nuptiali, cum alterutro nepotum, scedere stabilivit. a)

Nec defuere, qui, si etiam par utri-  
 que æmulo jus in regnum fuisset, aut sola electione res fuisset agenda, consultius nostros fuisse facturos existimabant, si Ferdinandum, præ Zapolya, Regem concordii voluntate renuncialsent, quem jam Bohemia, cum adnexa  
 Mora-

---

anzeigt — derselbe Emerich Deák hat seinen Bruder Istvan an König Matjas Hof geholfen, ist zuvor zu Gran auf den Schloß ein Erabanten Hauptman gewesen, und Vorsteher. Seynd Windischer Art, und aus den Dorf Zapol genannt, bürgerlich, ist so viel, hinter dem Feld, oder innerhalb des Feld, in Bosna an Erabaten.

a) Vide, quæ de hac constitutione ad an. 1505. & de nuptiali scedere, ad an. 1515. dicta sunt.

1520.

Moravia, Silesia, & Lusatia utraque elegerat, fratremque habebat Cæsarem, cujus auxilio, & ditionum suarum, quæ Hungariam ducto initio a Polonia limitibus usque ad maris Adriatici sinum Flanaticum ambiunt, ope subnixus, regnum adversus hostes, præ illo tueri potuerit. Etsi enim Zapolyæ opes privatæ non deessent, exhaustio tamen per peculatum ærario publico, & ad privatos derivato, minime videbantur suffecturæ, ut Hungariam diu defendere, aut decerptas ab hac provincias recuperare posset, quæ jam sub Mathia Corvino, dum res satis integræ erant, sæpe Pontificum opem, & deinceps auxilium etiam ex Germania, ad se sustentandam, implorare cogebatur, quod nunc tanto minus sperari poterat, quanto magis ipsi Principes Imperii ob novitiam religionem, quæ in Hungariam quoque dissidii tempore clam irreperat, inter se non consentiebant, indeque Turcis data opportunitas, ut præcipuam Hungariæ partem sub jugum mitterent, quæ eandem fortasse, quam nunc Bosnia, Servia, & Bulgaria, cum Moldavia, & Valachia ferre cogitur, sortem subitura erat, nisi ex Domo Austriaca reges fuisset nacta, quorum auspicio & Turcas regno exactos, & limites illius ad eum, qui olim erat, statum reductos videmus.





142 29

